

舊業堂集總目

吳陵凌儒真卿甫著

甥 孫

袁林真卿甫選
凌似祖無念甫訂

卷一

詩五言律九十六首 七言律九十九首

卷二

詩七言律二百一首

卷三

詩七言律二百三十二首

國家圖書館 NATIONAL CENTRAL LIBRARY, TAIWAN, R.O.C.

卷四

詩七言律二百二十八首

卷五

詩七言律一百二十二首
五言排律四首

古詩十七首
絕句五十二首

卷六

文疏八首

卷七

文序二十二首
記八首

卷八

文書四十二首

卷九

文書五十三首

卷十

文表一首
祭文十四首
啓九首
雜文五首

舊業堂集總目終

舊業堂集

總目

一

卷之三

三



國家圖書館. NATIONAL CENTRAL LIBRARY. TAIWAN. R.O.C.

國史館藏

荅業堂集卷之一

吳陵凌儒真卿甫著

梁谿沈

沈淵淵

壻 袁世科應舉甫訂

詩

五言律九十六首

七言律九十九首

過西園

暫將塵事歇且結碧山緣寂寞開三徑逍遙續一篇
館松行處鶴河柳坐中蟬耳目都無擾清風夢葛天

對雨

鳴雨久不歇陰森起暮寒水深人到罕雲漁鳥飛難

劉承翰



百口城南麥寸心溪上竿衝泥未得往天外幾回看
冬曉往馮店卽爭口占二首

種樹東山去郊圻十里過馬前寒色薄原上曙烟多
海氣連孤嶼江聲隔兩河百年松栢下還似舊岩阿

其二

辛苦爲歸計勞生豈達觀隴頭千萬樹歲晚幾回看
荷插遊非漫懸棺臥亦安倚梧還自哂雪髮點霜寒
冬晚登園閣柬王德仲

緣嶺投輕策逍遙悅敞廬紫烟浮澗碧白月映沙虛
本習孤生懶翻成靜者居論文邁流俗開徑候應徐

西園閒眺

倚杖綠筠間孤雲看往還水邊行白鳥天末隱青山
萬籟境俱寂百年人自閒滄浪歌斷續遙在碧湖灣
新春大雪與錢文學輩論歲

聚玉更飛沙春城壓萬家從風還歷亂帶雨亦交加
簷溜不成凍園條漫作花占年共愁水何計是生涯
寒日晨起西園候戴維新

辯博楊雄老才微賦懶題雲來猶覩鳳日

白水雙溝合清霜萬瓦齊冒寒之子過攢火待風蹄
題竹夫人

湘江同世系說國並微名性直真難奪心虛妬不生
初盟提挈好中道棄捐情雲雨巫山夕襄王夢欲成
期戴維新儲幼度過西園

塢裏看花放紅梅間白梅春從林杪過人向寺前來
好句千年賞枯棋二月開江城滿晴色莫負一登臺
春分

仲月當三五芳春一半過獨憑詩報答都着酒消磨

已去時應少方來日不多况兼風與雨遊騎莫躊躇
傷逝

仙馭乘雲遠龍驂不可攀日臨丹旒白霜奪綵衣斑
獨立鶴無與孤飛鸞未還風簷雜清聽猶似解鳴環
飲張總戎宅遇雪

佳讌逢初雪懽聲一座生隨風纔集霰帶雨忽飛英
瑞應春前日光添几上清林珮散銀燭醉眼更分明
晨起拂衣

晚市行經宿纖塵尚戀衣忙來詩思廢老去故人稀

朝霧陰能散寒雲凍不飛白頭仍歲暮奔走寸心違
代海山作

縹緲神仙宅烟虹隔幾重風傳玄羽健露泫紫芝穠
玉鳥祥雲護丹砂候火封子明如可見長跪乞相從
挽鳳洲公

久辱心年好招尋不復來捐金佩高誼倚玉瀉餘哀
鳳去雛應長春歸花自開悲風生里巷共惜馬卿才
賀近翁七十壽

記得馳驅日相看兩白頭君懷誠可卷吾志復何求
道在天應護名高望自收一尊淮海上還作百年遊
原上卽事

睡起澹無營高原策杖行孤雲天際沒獨鳥水邊明
寒動春春急烟浮夕棹輕寂寥歸思逼明日上吳城
期戴奎老郊外尋春

芳郊探早春握手兩烏巾風月懷人舊鶯花覓句新
杖頭泥不滑壺裏味堪親豈待繁華滿香塵逐市輪
西園暮歸

青春一白袍湖海自稱豪杖步江沙軟棋彈山月高

迴塘新水漫漣柳早鶯嬌取樂人間世何須問二毛
春盡西園偶述

客到輒飛觴山厨鷄黍忙春留三日少人減百年狂
對竹裳衣薄穿花杖履香平生萬里興歲晚竟茫茫
春盡逢雨

孤山偶倦遊高枕小書樓雨落林花晚雷鳴隴麥秋
兩岐青藜合三徑碧泉流春去經年別持杯欲暫留
春晚周戶侯敬所攜酒過西園

赤電干城將移尊看小山花開三月好犬睡四郊闌
江海新青綬乾坤舊白綸撫時愁百結對爾暫開顏
暮春王磐石攜酒邀近翁過西園

池上春晴好華筵十日開波搖山色動風遞鳥聲來
擁蓋高齊柳臨觴近傍梅殘紅銀燭外點點落蒼苔
代柬友人

微雨春歸後門閒芳草深蒼茫看客眼沾濕惜花心
問酒餘三斗懷人隔一林何當張蓋過談笑豁幽襟
謝海防公祖賜書時築堤初成

細雨江天暮魚書下海陽露將雙手盥錦自一函光

舊詩堂集 卷之一 五
平地波濤息荒山粳稻香奠鰲功不小歌頌滿滄浪

寓南莊

避俗郊居過新秋爽氣多墟光澹孤里江色亘長河
慣學陶潛醉翻嫌甯戚歌百年天地內還守舊山阿

題潘司馬讀書臺

草玄楊子宅百尺見高臺水遶雙峰落花香萬卷開
燃藜齋下過吐鳳夢中來呵護精靈在文芒逼上台
寒夜對客四首

霜白映江城寒宵邀友生酒闌人未醉花落燭逾明

庭樹棲鳥影山更刻漏聲平生高興在歲晚復爲盟

其二

日醉楚雲東相看歲欲窮髮隨霜落白面對火然紅
器俗人難合文章力易工悠悠百年內爾我總成翁

其三

白雲從始願繚繞日荆扉閬境高人過空齋寒雀飛
明珠按劍衆流水識琴稀相逢但醉倒勿論里中非

其四

厭俗還談俗擔勞不覺勞舉杯忘揖讓讀句見蕭騷

爐火鳴泉細霜空叫鴈高澄江忽波湧愁緒亂吾曹

新秋郊居八首

閒愁不可遣秋已亦堪憐暑薄涼颼動陰輕澹日懸
吾生滄海上天於碧山前散帙尋奇字非關學草玄

其二

樂至還誰共愁來祇自知山光堪對酒秋色好題詩
短劍何須舞長竿每愛持空齋無事事眠食度清時

其三

蕭瑟氣悲哉羈心不自裁青梧寒色起白鴈早書來

固是悲秋客還非作賦才何人東海上搥筆日登高

其四

一榻故山阿蕭騷野意多涼颼度萑葦落日下松蘿
隔市無車轍臨溪有棹歌懷人望不至倚樹獨婆娑

其五

蕭索空山裏絲絲兩鬢斑地偏關不閉客少主長閒
短榻書誰把荒庭草自刪清秋池館淨無處不堪攀

其六

詎謂西風早輕衫作意涼白雲籠日薄清漏滴宵長

薜荔應無恙芙蓉還自芳故園秋水上一回首思茫茫
其七

艱虞氣故增高龐參憑陵暇日懷王粲清秋憶季鷹
禮寬從放浪志在任騫騰淮海論詩學浸淫到上乘

其八

不必悲搖落寒暄有代除人生元過鳥世態總前魚
月宇涵秋冷風窓動夜虛鷄鳴發深省從此願無餘
挽戴奎老四首

金氣悲搖落西風哭故人百年交有態一旦德無鄰

歐冶劍初黯陳蕃榻欲塵山中思石友何日不酸辛
其二

困羽風纔便微光日漸曦談經成白首辭祿遂初衣
夢去一生畢人還萬事非忘機心地月旦里評歸
其三

異物君應化浮生我固嘆鶯花長醉罷泉石舊盟寒
短杖行猶健扁舟興總闌茫茫山下路何處覓袁安
其四

垂老空山伴朝朝曳履來形骸兩俱放笑語百無猜

竹在鳳何處亭新花復開子期今不是流水罷琴臺
漫興因招丁前輩

憂來慘谷口老去厭塵氛濁酒酬清世閒書伴白雲
花香時自嗅鳥語日相聞更喜春風坐孤琴每候君

古雨

底事春愁苦重陰暗雨城蜀山無犬吠晉寶有魚行
入夜渾忘寐當春已罷耕海門遙可接吾欲到蓬瀛
雨後見餘花

積雨銷春盡殘花曲徑中泥深鳩杖懶囊膏蟻尊空
冶態辭芳歲深心托老翁百年風韻遠還放五湖東
花前晏坐

何處丹丘近端居澹寡營花香襲裾薄水色動簾明
地僻人稀到山深鳥不驚塵根銷却盡冉冉在蓬瀛
和黃員外過南莊之作

長日臥淮東津梁久不通愛山同謝朓埋谷似愚公
薄地生涯足浮生世事空等閒仙侶集恍惚醉瓊宮
其二

雲居碧海東城轉路方通綠水應無競青山亦自公

入多魚網重飲滿蟻樽空瀟洒林泉酌清虛似梵宮
劉子厚自莊來城

谷口帶經耕開水亦入城苦辛生事足澹泊道心驚
野老暫相語水禽時一鳴郊墟秋可攬買棹躡君行
約親朋看菊先小集

溪容似若耶秋色滿山家欲挈一壺酒來看三徑花
早芳殘日氣晚節待霜華自覺佳期緩先邀醉海涯
秋館中漫賦

蓬蒿日除檢點九冬書舊業已云暮浮生真覺虛
溪光逼亭淨秋色入林疎病起論交態依然只故廬
暮春獨坐

春歸應幾日花尚滿園紅有酒送芳景無言問化工
鑑空雲度水簾動燕驚風濃綠閒看柳低垂三徑中
挽顧夫人詩

曾作牛衣伴因分柱史封白頭垂壺範清晝罷鄰春
門外來雙鶴庭前見一龍烏棲明月冷啼向五更鍾
病愈謝宮克昌

世事看來破人情病裏真每勞青眼客頻顧白頭人

暮齒逢奇數餘生待好春夢回還自喜色色覺俱新

秋日作

長淮通邑里新水竹邊生烟護蘆花黯霜沾桐葉明
清時惜芳景爽氣薄高城蕭瑟瑟秋客還應病骨輕

秋園晨起

爲嫌人世酒因結水亭閒畚鍤侵晨起馳驅及暮還
夜涼含露白秋色點雲斑對酒負良景黃花空傍山

元日雪晴

靈雪霏元夜朝晴喜萬家猶然合臘氣未可作春花

昔思凌虹出織埃積素遮祥風占物候豐樂應年

爲奎老拂塵

開燕及江春山花照酒新幾年鳴鐸客此日掛冠人
津路寧妨老烟波不棄貧平生稱石友衰暮更相親
正月十四日晚登山

落日春園夕凭高獨倚欄歸雲橫嶺斷宿鳥擇枝安
徑轉梅花細山空月色寒城東盛燈火吾欲杖藜看
初春西園對客

流光難自擲日醉小園春歌舞堪留客鶯花不負人

有美堂集 卷之一
矜名才本拙娛老事方新白首滄江釣無心獵渭濱
暮春與儲幼度錢商卿諸君夜坐

寂寞傷春晚談交共短檠詼諧該至理疎放任真情
日入樓臺色風傳鼓角聲年華吾欲惜偶坐亦移更
初春盧海川移酒過西園時有歌者

微雪林塘霽尊移江上閒紅顏行綠酒白髮對青山
地煖春先到宵寒客未還寧知洛浦女宛出海陵間
九月晦日作

遊吳四時適最佳春與秋綠波青雀舫紅蓼白鷗洲
交道飄塵委年光逝水流鍾鳴金節換呼酒爲淹留
西園卽景

爲愛溪山靜朝朝來避喧對花人共笑倚樹鳥頻言
歲歛郭中稼時開湖上樽悠然身世棄此意與誰論
漫賦

湖海清時臥澹然塵想虛百年詩酒事十畝水雲居
身病交游寡心違筆札疎獨憑風與月日日伴吾廬
中秋山莊與袁壻對月

相對中秋月蒼茫一水中濕雲難度漢狂浪易生風

衣薄秋容淡。杯浮夜色空。乘龍佳客在聊爾。慰飄蓬。

晚別

竟日來山郭。秋高興轉深。江流喧暮鼓。霜葉落寒砧。
白首黃花約。孤舟萬里心。行行岐路別。燈火出前林。

雨中過園亭期章疊峰晚酌

朝雨暗滄溟。蕭蕭一水亭。花兼秋共淡。山對眼偏青。
短日催人苦。長風掠髮醒。陶然思共醉。倚杖待明經。

寄謝湯醫士

家住五湖東。名聞一郡中。破門人買藥。閉肆自談空。

杖拄蒼龍瘦。身騎白鹿雄。長桑兩手澤。應與傅霖同。
春旱祈雨

百卉成焦卷。桃花春雨稀。壘錢荷水淺。翻浪麥風微。
渡口絕遊舸。漁梁空釣磯。靈壇卽有薦。皜日自炎暉。

西園客話

微雨淨塵氛。春園正夕曛。地寬墟帶郭。天濶水連雲。
嶺上樹千點。沙邊鳥一羣。散襟聊對客。時事不堪聞。
訪負谷館中不遇

連床書不捲。叢菊傍簷阿。高士山中去。閒人花下過。

春業堂集 卷之一 三
酒狂緣病減詩債爲秋多何日爭雄地看君自倒戈
春殘期友人過西園

酌酒留春住江城春不留花飛三月暮人老百年愁
柳色碧於染池光翠欲流山前風物好倚杖候同遊
讀儲幼安農夫嘆

憶昔收江夏蓬門十丈高青藍呈絕色鴻鵠負奇毛
有夢吞丹篆無媒售寶刀新詩誦清夜星斗耀江臯
初春文臺席上觀妓

秉燭開宵燕高門具五辛半非燕市客總是霍家親
細舞翻紅袖清歌啓絳唇不須花共柳自有一般春
積陰損禾

水困望秋陽無端風雨狂濕流紅稻淚熱上白芒霜
野哭孤航滿人扶危岸忙備嘗秋作苦何敢怨蒼蒼
臨河懷鄭澄之

波蕩疑天動光搖似鏡湖浦帆看去沒汀鴈聽來無
晴日消三尺秋風瀉一壺蒹葭猶在眼隔水兩成孤
山居知王侍御枉顧

聞道黃華使猶尋白髮翁乘驄霜落後倚杖月明中

世事空流水人生信轉蓬
返朝應覲省龍劍過關東
倒湖塘

迸力扶危岸顛風東西來
浸淫防忽破填塞缺仍開
瀑布終難擬馮河不自裁
顛天聲四起入耳亦心摧
田上觀秧

辛苦事南畝窮日不知歸
水上春田足秧分早稻肥
墟烟生暮壠夕鳥下山扉
生事此中盡初心幸不違
臥病懷西園

耽玩忘寒燠况逢春色滋
夜來偶抱疾花發空滿枝
雲渡徑不掃香飛蝶獨知
艷陽三月候應是杖藜
新建書屋

窈窕事幽築依然面雪山
海桐霜後綠天竹雨中斑
路僻時尋徑雲深不閉關
冥搜六經裏底事出人寰
謝平湖枉顧

斗酒荷君攜慙勤醉欲迷
菜盤堆紫蟹江水煮黃鷄
落子風初動呼盧日已西
相看頭盡白此會未應稀
九月晦日草亭小酌

秋盡孤亭坐籬邊幾種新
花開邗水色酒對海陵人

惜景茲辰晚迎冬明日春論文入幽夜字字逼清真
且樂橋

北郭臨關處虹飛十丈餘避驄桓典里賣藥伯休居
境通難容市途平可渡車千年歌舞地愛有草玄廬
大寧橋

鎖鑰聲聞近通津第二橋坊臨官閣直路入泰山遙
闕闕門相倚秦淮水不朝當關誰爲訴烽警日來銷
天寧橋

百尺臨淮秀邗流自竹西水深龍臥穩松暝鶴飛低
梵宇隣鐘磬轅門接鼓鞶獨憐愚士女祈禱往來遑
稅務橋

歲課垂名舊中城路不賒總戎司馬第簪筆夕郎家
東海迎朝日西山送晚霞從來冠蓋里時過七香車
大和橋

鰲首見文昌橫波落影長草深沙徑沒苔暗石碑藏
題柱人頻過行春路半荒橋梁繫王政回首思茫茫
八字橋

孔道當南北橋回左右分地形橫似字梁勢擬如雲

舊業堂集 卷之一
隔市人烟靜連營鼓角聞觀風問民俗簫艾化蘭芬
登仙橋

名擅江城勝嵒嶸高插天仙人何處去遺跡尚依然
七日空齋響千年鶴未旋監司隣守禦時得察官賢

伏龍橋

苔深小徑封片石擬三容城郭曾仍舊干戈定幾逢
運移悲渡馬事往識潛龍此日荒祠外空餘叱犢蹤
客有攜酒過西園偶失陪奉謝

龍性本無繫那堪薄俗譏筵開鹿車走客到鷓冠歸
竹葉滿不飲桃花空自飛朋遊還一醉莫謂主人非

其二

尊酒赴佳期空園任所之青山一片削碧柳五枝垂
顏闔風難繼王猷興可知遙憐歸去晚花夢月明時
晚眺

湖水西來過月塘邗溝東接海門長晚風不斷孤雲
色芳樹猶含落日香老惜年光棲白谷病逢秋事臥
清漳蒹葭滿眼人伊邇咫尺相思各一方

懷西園

登高作賦媿非才
載筆還恩一覽臺
萬井風烟孤策
往五湖秋色片帆來
金城北峙秦關險
紫氣東昇閩苑開
欲付篇章歸未得
中城車馬正如雷

子厚劉丈應舉袁壻攜酒南莊有作

容易荒郊二妙過
慙勤提挈小山阿
衰顏對玉輝光
滿末路投膠意氣多
明滅江村看野火
縱橫烟浦聽漁歌
草堂別後成孤寂
獨有清風掃薜蘿

懷鄭澄之

露白楓黃紫艷新
懷人此日北山岑
那堪自隔吳天
一食欲相從
楚水深十里
蒹葭明月夢百年
尊酒
圍心茱萸佳節期
同賞高閣憑虛醉
裡吟

失迎上客

客到柴門總不聞
野夫袒跣坐花陰
謀身絕似稽康
懶避俗曾如顏闔
深冲舉鷄鷄元有類
苦吟蟋蟀亦何心
盧胡一笑楓林晚
墜葉紛紛下紫岑

南莊別澄之丈口占相期

野性逢秋發興新
川原到處費登臨
天高露氣棲林
重江湧潮聲落澗
深十畝自營終歲計
一枰相對百

年心夕陽渡口扁舟約來日重遊不待尋

對菊懷戴廣文

秋盡籬花喜未殘西亭帶雨倚欄杆採英細嚼黃金
嫩呼酒高擎白玉寒歲月有知烏几杖江山無恙竹
皮冠懷人此日東沙上心賞同誰醉裏看

送友人還姑蘇

歸心計日闔閭城送客江亭無限情把袂北門寒雨
濕挂帆南浦暮雲平香飄別酒梅千點書寄懷人鴈
一聲回首維揚幾程路可能雪夜興還生

雨中懷西園因留丁任甫數君小坐

雨送新雷過小湖遙憐新水長新蒲青山原上鮮於
染白鳥池邊喜自呼柳帶絲絲含濕重花光點點破
烟疎羈棲未得攜尊往入幕聊傾酒一壺

往返道側見桃花盛開漫賦

樹樹桃花出短墻誰家紅粉試春粧無媒對酒愁難
破未語尋詩思已狂艷質不隨人共老閒情如笑我
空忙籃輿路下重經過贏得東風滿面香

苦春雨上蕭柳堂使君

江城十日桃花雨樹杪淋漓似太多積水未消三尺
在沈陰又見數畝過青青麥隴雲翻濕白白桑田雪
湧波爲語漁陽張太守回天佇聽兩岐歌

喜晴期任甫郊行有作

積雨俄晴自喜人暄妍添得十分春樓開宿霧山全
見臺近初陽花倍新上下沙堤堪荷鋪淺深溪水好
垂綸安排杖履尋遊侶暫拂寰區半日塵

久雨約劉鳳阿李文光相過

雲暗吳城鎖積陰郊原空負踏青心江花含態愁將
老岸柳攢眉恨不禁何處晴光金可買誰家春色酒
堪尋孤山好客還應到新水成渠總未深

中春小構暫歇西園

忙裏閒園二月過春光拋擲疾如梭梅粧落盡紅應
少柳帶攢齊綠已多一顧主人翻作客半生愁思欲
成歌臨池自照盧胡態底事霜飛兩鬢皤

自知

牢落筠關枕寂寥當年意氣亦干霄赤心久許青天
監華髮紛從白日凋人世浮名悲過鳥林泉清聽雜

鳴蜩自知辨博楊雄老放浪時惟酒一瓢

苦雨

一雨不休愁欲癩把酒問天天茫然南畝罷歸逢梅
水北山躬耕荒林田樹杪重泉鳴未已樓頭凝雲飛
滿前傷春五斗且自遣何事百口空焦煎

春殘大雨中邀客

載酒留春春不留况逢淋雨過山頭飄零短架紅英
泣凌亂空階白浪浮水漫桑田愁罷犢陰凝茅屋怨
鳴鳩還憑遠眺舒長嘯醉倚吳陵第一樓

雨餘客散再疊前韻

更闌雨歇正堪留候火熒熒照水頭人影亂從芳徑
轉烟光遙接暗雲浮醉酣滑道猶騎馬老怯香泥欲
杖鳩爲惜餘春定來約一壺重瀉仲宣樓

暫晴復雨呈蕭太守

齋心良牧軫時憂百拜空壇禱未休天外眼開晴日
出風前眉縐濕雲浮提壺不喚三春醉布穀空催四
野愁閉閣琴堂思正苦管絃何處動吟謳

久約任甫鳳阿文光郊遊喜晴得踐

舊集堂集 卷之一
強半春過始一遊未緣塵事苦淹留無情風雨頻相
負有約江山漫自謀綠樹烟和啼好鳥滄波雲暖漾
輕舟高才喜對青霄客不惜芳尊日唱酬

兩兒邀客陪賞牡丹

最堪名占百花先垂老臨觴意惘然錦帳生春還歲
歲草堂開宴自年年雲林漫道同金谷塵世須知有
洞天笑飲綵衣今日酒秋風猶待桂香傳

晨起登樓見泰山之作

風烟不斷曉山青樹色嵐光入眼明湖接邗江春自
綠日沈滄海夜還生岖嶷百里懸孤嶂錯落千家抱
一城回首長安雲物外倚闌惆悵舊臣情

薄攜就飲鄭澄之暮歸道中卽事

軟紅塵外踏春歸布襪青鞋白袷衣日落江城山色
暝路迷花徑鳥稀聲旌旗掩映人馳道鐘鼓微茫客
扣扉分手河橋明日約更攜尊酒莫相違

飲王近翁園

畫檻雕欄錦帳陰獨藏春色十分深花開自慣迎人
面鳥下多應識客心白髮芳筵供燕喜朱簷高閣恣

登臨百年清世真希遇欲倒尊罍興不禁

立夏前一日惜春之作

馬首臨歧欲向東迢迢歸路隔千峰柳垂密翠來無
影花落疎紅去在蹤宜爾白雲堪獨臥知吾青鏡得
重逢相留且伴黃昏醉愁聽樓頭向曉鐘

邀奎泉漫賦

時兩兒與坐

支采何人似仲宣草堂深處得攀權輕烟不斷浮湘
竹香雨頻飛長砌蘭興盡春殘宵燭短寒生庭敵客
衣單重來敢惜床頭費白首相知一醉難

濟化邀賞牡丹奉呈鄙句

芳時招飲媿君先花思人情兩豁然絕色籠霞初照
眼孤根磐玉幾經年春留海上頻來客酒對青山最
好天滿耳管絃豪貴賞蕭騷曾有句堪傳

春歸

江亭尊酒送夫君百歲良緣手暫分短劍有懷邀落
日長繩無計挽歸雲花飛行色千山滿鳥嘯離情幾
樹聞此去歲闌應返旆好傳梅信慰慇懃

送近翁江魚和韻

倚閣烹鮮醉夕天長安回首望幽燕萬年寢廟開春
鷹千里帆檣送使船玉筋不緣天上舉雪鮮那得世
間傳野人一味賓筵獻看取高懷中聖賢

讀此庵詩用近翁韻

冀北淮南共一天塞鴻何事欲歸燕凭闌酒滿花飄
席倚棹江清月載船十里芙蓉留我採百年鸚鵡對
君傳北窓又好義皇夢步武高風有後賢

春盡同澄之維新飲懷慎內兄宅

看山每到白雲深花落春殘一醉心老去訂盟尋谷

口興來招隱憶山陰古槐覆院清留戶鳴鶴窺人響
過林愛客總戎全脫俗不妨袒跣縱狂吟

小園晚坐思有所往

滉漾湖光落照斜暝烟歸盡樹頭鴉綠堤日醉餘春
酒隔水風吹別院花碧柳濃遮雙鶴徑青山遙對一
人家採芝何處投吾杖滿路驚塵掠髮華

看營龍渠墓地

江臯談笑覓佳城回首那期判死生緩步尚留沙上
跡前知翻得路傍名玄堂水遶龍蟠穩華表風高鶴

夢清此日芳洲重指點淒其淚滿故人纓

同維新漫遊一首

惜春無計挽春歸日日看山歷翠微笑我登臨非謝
傳許君觴咏是玄暉花枝對酒香堪摘月色當筵淨
不飛往復流光應便轉何妨分手暫相違

春歸

江城何處問春歸浙瀝空庭花亂飛樹上提壺頻喚
酒風前飄絮故沾衣羈人旅館晨聽角愁婦粧樓暮
倚扉底事乾坤易銷歇欲從真叩玄機

春歸再和前韻

三月盤桓一旦歸冷風疎雨暮天飛攀留無計空投
轄悵望多情已拂衣別淚定應添海水離魂猶自繞
花屏箇中不向時人說造物生機是息機

苦晚雨登樓懷鄭澄之

玄雲飛雨下青冥帶濕蒼藤挂草亭玉液那堪供卒
歲丹砂未許返頽齡危樓落日沈滄海遠樹浮烟隔
翠屏此際懷人倍惆悵一杯成醉復成醒

偶留鄭澄之諸君對飲

有業堂集 卷之一
漫飲危樓對夕暉盤殮只有北山薇閒心尚欲論成
敗浮世無勞問是非獨眺目隨天共遠易銷年與日
俱飛草堂闕後堪留客尊酒時時願莫違

有感漫賦

塊然一室五湖東四海何心入夢重簪筆昔曾千袞
冕薛衣今已謝章縫長松偃蹇風前鶴短袖蜿蜒雨
後龍自識出門還有礙深山長倩白雲封

小築初成

誅茅漫構數椽新對鏡羞窺兩鬢銀十日棖題長帶
重看山杖履總生塵天高獨夢銅龍遠風暖雙飛海
燕頻從此身閒復何事渚花潭月伴垂綸

送黃儿山歸江西

春木凋榮秋草枯相逢何用詠薜蘿魯恭玉殿名俱
毀漢武金莖事已誣拂袖清風江上滿引杯長劒匣
中孤扁舟楚水安流去白鷺洲前酒易沽

聞撫院放水築堤

百里鴻流平地收勞心民牧尚深憂回天有力消三
尺濟世無能獻一籌燕雀穩棲應自喜魚龍高臥不

相謀懸知萬鼓鳴秋賽卒歲先銷十口愁

送張南淮教授東昌

桃花飛雨過東昌泗水分流別恨將十載一官空首
蒼萬年五教只綱常儀刑里閤推陳寔問辯門墻識
季長莫道此行瑣尚冷秋陽親覩 聖人鄉

偶作

白雲何事去青山旁午征車不自閒夕嶂獨浮蒼靄
合春城空抱碧湖灣江花照席時能醉霜桂依人
可攀從此冥心塵壚外一溪新水臥柴關

西園雨後閒步

忽漫桃花雨過林輕雷不斷小湖陰樹頭風動紅英
亂池面波翻翠帶沈殘日已銷山徑滑孤雲猶護鳥
巢深杖藜階下尋芳去一踏香泥一賞心

見新荷呈奎老

萬點新荷湛碧前漣漪池面見澄鮮雨餘瑟瑟珠仍
碎日上團團蓋欲圓摘去不成鋤下笠挑來難作杖
頭錢會須十丈邀君醉笑捲香風瀉玉泉

園中對牡丹戲呈內兄張懷慎

別館逢君三月中白頭應識主人翁
別嬌態猶粧舊日容頻倚畫欄看
國色漫開錦席醉春風倥偬未辦
邀懽費笑向元戎索小東

邀客看花

花前大雅總風騷容易招尋十二
豪文采欲成梁苑會幽棲不學鹿
門逃佳辰尊酒空雙眼浮世功名薄
一毛飲罷深林轉殘燭如雲飛蓋
德星高

西園對花

坐對粧容百媚生花王應得稱斯
名情深不語空飛蝶思懶無媒獨
聽鶯忙典敝裘克酒費坐邀嘉客
趁春明風流不愛高唐夢聊伴寒
松百歲盟

雨中邀客賞花

懽開綺席醉花王風雨多情爲洗
粧玉貌絕塵偏着色翠裾含潤更
生香陰沈總覺春光好沾濕翻令
客興狂滿繫青絲沽酒在早過山
麓動飛鷗

賀張此庵七十

錦筵春酒祝華封繞戶氛氲紫氣
重香譽滿城喧鼓吹醜顏初日照
芙蓉官清故匣空留劔興遠高齋
獨

種松攜手百年滄海願孤筇短棹歲相從

同戴儲諸君子看園中芍藥

竹裏看花是舊臣逢時日醉故園春蓬蒿自隱成孤
侶松桂相攀得數君老眼徧開青簡舊芳樽長照白
頭新風塵滿地鷗眠處烟水蒼茫自可親

懷城南小構

隔水誅茅古寺東旋移棲息爲明農一階天上簪纓
客百畝城南田舍翁插柳近門陶令似種瓜留圃邵
平同他年江海談吾者多在庵居社飲中

讀屈平九歌

齋心淨室讀湘君欲吊忠魂隔楚雲明月九淵沈素
彩幽蘭千古播清芬遲回白日空相照悵望青天杳
不聞去矣那須冠佩異短蓑堪伴海鷗羣

陪遠客看田

老向人間已澹營不將高臥閉春城片帆海上成孤
往百畝淮南畢此生蒼杖似龍行地穩白頭如雪照
江清買山客子皆年少底事來尋谷口耕

看田晚歸

晚棹歸來一葉輕望中繚繞是山城熒熒漁火浮川
動颯颯江風拍岸生野色烟光人自醉酒懷棋與客
俱清深山尚可羣麋鹿混俗何妨學偶耕

晚眺卽事

晴山晚眺鬱嵯峨歷歷雲中萬樹過繞徑落花飛不
散定巢新燕語偏多臺前春色翻紅藥湖上晴光漾
碧波世事糾紛憑一笑等閒天地柰予何

月夜懷礪尹吳筆山

帝里分符是勝遊行春應漾木蘭舟登臺沛上雄風
起拔劍芒中赤電浮桃李在門人自去雲霄有路
難留月明今夜清如洗遼渺相思倚庾樓

獨出南郊歸途作

寂寥江上暮春遊竟日緣堤看水流老去獨憑孤杖
健閒來不掛一絲愁驛樓天際遙如點山寺波間漾
若浮自笑五湖東下客年年散髮弄扁舟

代東邀奎臬懷宇二丈

興盡方書幾百篇平臺徙倚看青天空園戲蝶紛飛
雪淺水新荷翠疊錢滄海有人間盛世丹丘何處覓

真仙玉壺花下多春酒一醉還期聽解玄

題舊業堂

投珮歸來不記年草堂猶自檢殘編閒看白日西飛
景靜結青山老去緣問字錯疑楊子宅撫琴空對伯
牙絃午窓寂寂無人語一榻松風夢葛天

同鄭澄之戴維新諸君對芍藥

紅藥花前鄭子真閉門不識海陵春偶緣短札過山
麓遂得孤筇照水濱懸榻翻爲湖上客買舟親見越
中人紫芝歌罷乾坤老共臥商山作漢臣

小疏自陳護述

清世何嘗久濫竽一封天上乞歸歟羣龍騰躍清冥
遠徑鶴昂藏白露疎馳騫老羞千里足寂寥閒愛一
床書還將餘力耕南畝歲賦官家十石儲

賀王近翁七十詩

金扇卮浮綠葦長嵩高賦獻聚星堂通津尚注郎官
澤列郡猶傳太守芳玉杖翠襪便露寫錦筵紅燭引
天漿已裘繼世多龍種應有昂霄聳壑郎

園亭晚坐

舊業堂集 卷之一
爽入涼秋日日晴暮山孤迥小湖平一聲鷓鴣橫空
度幾點殘花傍水明鍊藥欲尋壺裏訣爲農恥受里
中名虛亭月上清吟起蕭瑟風來萬樹鳴

上許侍御史閱操

柳營晴日縱觀兵動地旄旗擁鳳城鹵海霜威新駐
節武林風采舊知名月明千里狐應伏雨過三山草
自生回望西臺蒼翠處白頭猶自壯心驚

夜坐偶述

萬劫勞生兩鬢絲閒心猶似少年時彈棋夜半頻開
卷縱酒人前漫賦詩齋下蓬蒿長不剪山中風月浩
無私疎狂何意名當世黃葉秋深祇自知

秋日南庄邀吳筆山諸學博

廣文高興寄晴郊盡日相羊倚畫橋笑對野花同澹
泊坐臨秋水自逍遙草堂月照初來客葦岸風迴欲
退潮烟散空江何所有浮沈幾點白鷗飄

其二

古槐疎柳匝芳郊別墅攀權水壓橋薦美尚嫌魚網
小選幽何惜馬蹄逢百年鹵海秋開宴十里晴江晚

聽潮入耳清言渾忘老寧知短髮逐風飄

秋日同幼名幼曦任甫分田晚歸

返棹迴流夕杳聲乘潮十里小舸輕鴈橫遠漢孤雲
沒星帶殘河一水明清世閒人安野隱浮生老計辦
春耕同心共結沙鷗伴百歲懸知不渝盟

重陽日辱海方呈公詩以答
後上作

危樓山立碧嵯峨廉鎮邀懽九日過低壓層霄高鳥
度周環萬井衆星羅青天有月人皆醉滄海無風水
不波徙倚欄干重回首從龍西北五雲多

季秋同丁任甫諸君南郊踏田

秋原萬木正蕭森墟里朝烟上遠村豐露似珠明草
際長河如練接江門飛騰雲路看千里寄傲霜林破
一尊溷俗漫營糊口計高風未許衆人論

再和張總戎被薦

提兵東海試師雄每見旌旄拂彩虹風靜馬閒無改
服草枯鷹疾有彎弓幕中幾卷留侯畫淮上千年召
虎功從此勲名霄漢遠尺書知不忘愚公

看墓直齋顧侍御

孤舟帶雨曉寒過十里悲風送挽歌落日西飛無反
照長河東逝少迴波虬盤短栢瓊枝小馬鬣新岡紫
氣多何事歸人重含恨乾坤終古亦消磨

同海防程公飲顧直齋宅因簡王近翁

慙慙再接使君懽柱史門庭十丈寬椿色儘留西日
照劍光空閉曉霜寒登筵作客愁聞笛覓句逢人笑
賣冠底事白頭相見少春風獨向醉中看

偶述

老去營營底事忙不將襦散恣清狂懶龍自合藏溟
海良馬猶知惜錦障霜白攢鱸開酒甕月明拋卷弄
琴牀閒來剩有山中樂肯向人間問短長

見梅花期儲幼安一醉

凍雨霏微黯未開折梅何處送春來香清不帶芝蘭
氣骨老猶堪鼎鼎才攬勝昔聞橫月觀凌虛今見繞
風臺相期一醉尊前興共撲瑤花入酒杯

月夜有懷筆山

傾蓋風期早已投芙蓉江上喜同遊窺雲君似瑤臺
鶴浮海吾猶雪浪鷗細苻芳春懷壁水美人良夜夢

青樓慙勤更有東籬約一醉黃花送好秋

賀劉子材六表

攜手師門昔記曾月明霜白對寒燈風塵浮世中相
悞烟水名山晚六登盎盎歲開金甕酒熒熒時照玉
壺冰心期欲上高筵頌小阮青霄第一層

贈筆山吳學博之任碭山

一點帆檣芒碭高洪流推曳近青霄鳴琴坐令清風
滿題筆閒將白晝銷江海壺觴催別棹門墻巾舄擁
征輶他年虎竹分良牧明月樓頭聽玉簫

過瀛溪翁近園時儲幼安讀書其中有感

慙慙尊酒故園情潦倒重來百感并簪弁已非當日
客松蘿還是舊山盟經傳十世青瑣在劍倚層霄紫
霧生花鳥春明觴咏處伊吾猶似管絃聲

西園接東村遠客

一枕松風夢未醒忽聞戶外履綦聲逢迎坐上迷鄉
井談笑山前道姓名投釣老尋烟水伴開尊閒遣歲
時情深心不欲逢人說只向春田問早耕

同戴維新過懷慎公宅

蒼蒼區中榛棘多高齋疏豁最宜過月明老樹雙棲
鳥風細危墻獨掛蘿萬里烟銷龍劍暗百年人合鳳
簫和知君跌宕能容我祖跣臨觴發浩歌

書近翁扇面二首

投珮曾懷採歲謀白雲黃綬臥滄洲名山靜闢千花
塢長日閒開萬卷樓僻性老安衡泌隱雄文高占石
渠留心期共買西湖棹歲歲垂竿碧水頭

其二

空園長與靜爲謀緬想清風勝十洲問字日過楊子
宅銷憂時眺仲宣樓閒來綵筆花邊立興到金樽月
下留不向塵寰縈萬劫時聽笙鶴北山頭

挽顧先生

百里棠陰長未齊閒庭芳草暗萋萋青天月犯星宵
隕玉樹風鳴鳥夜啼浪跡不留寤海北清魂應返大
江西攀號空谷臨流水一路哀聲咽鼓鼙

代王近翁輓

錦囊無驗術虛聞愛日空悲孝子心月照郡齋松影
寂雲留宮閣鶴聲沈棠華正倚溫風長椿色何孤苦

雨侵惆悵暮帆江上去思波猶自五湖深

又代林孝廉輓

月滿江天濁霧生
榮輝無復少微明
訟庭寂寂松風咽
官舍蕭蕭草露盈
機杼不鳴山犬吠
關城空守野狐營
誰更有迷途恨
長醉何人爲解醒

又代丁孝廉輓

桑梓長懸故國思
况逢游子哭親時
朱旛鹵海來何暮
白馬邗江去未遲
雨露萬家遺澤在
冰霜六月故人知
相看淚落西流水
遙過螺川驛下祠

又代翼兒作

轅下空懷剪拂心
長鳴誰是舊知音
擔囊有分庭猶遠
浴藻無情水自深
顧盼幾人稱白璧
飛騰何日識青衿
麻衣獨伴高堂去
哭向門墻幾度尋

挽余學博先生

青芹碧藻別成春
伯起芳聲滿士林
和氣堪憐玄圃玉
冷官能却益州金
魂歸千里越山遠
澤被三年楚水深
每哭浮生不下淚
爲君今日重沾襟

沈園與維新對局連勝因期鄭老爲次日之遊

風流未許學文儒一笑高陽舊酒徒落日迷花蓬髮
短清時談劍壯心孤興酣搖筆山應動戰勝驕人鳥
欲呼不醉空今負知己青絲十丈更提壺

舍間留澄之丈小坐用前韻

高冠山澤舊臞儒幾歲烟波作釣徒身寄白雲心未
悔名由滄海道何孤臨橋酒薄猶堪醉隔舍談高不
敢呼却笑風塵數椽在曾如攜手入懸壺

西園漫興

依舊龍泉紫電光風塵無事件滄浪釣磯平拂隋堤
柳吟几虛焚漢苑香落筆興酣三峽倒杖藜遊遍百
花忙行將故物還兒輩凌厲秋風動夜芒

中春西園邀翼齋十君子時風雨驟至

二月池塘楊柳新凭欄多少惜花人壺觴盡日不成
醉風雨滿山都是春清世共看攻射策滄波誰問老
垂綸繞梁喚得韓娥在宛轉燈前啟絳唇

夏日過翼齋鴻所書室三首 其一

丹穴竒毛長漸成齊飛行見廣陵城蜿蜒大海雙龍
卧躡蹠長途兩驥鳴劍到延津神自合花開京兆樹

還明彩衣堂上長春酒應許芳鄰日共傾

再賀翼齋書屋

選幽何惜買山錢寂寞揚雄自太玄春到不窺園上
草坐深猶覩杖頭烟龍泉日淬清霜色象管時操白
雪篇漫向高軒題短句要因名字識青蓮

飲翼齋館中

地主蕭騷客興豪恣談鋒起廣陵濤泉流海上銀鬕
蒲雲擁庭前玉樹高明月不期徘徊綺席涼風有意動
綈袍分宵戀別碧天爽紫氣如虹射寶刀

寺巷口晨起遠眺有感

烟雲南望兩山高海日東升宿霧消隱隱人過樂堡
僻迢迢樹接廟灣遙堂開別墅初移榻帆落孤洲數
問潮爲語風塵江上客鏡中華髮欲全凋

寄謝韓醫

折肱吾亦卧滄浪雲海從誰乞異方濟世寰中思療
鶴逢人江上識騎羊青衿半帶龍門氣金匱全流橘
井芳垂老倍深兒女感欲將功德訴蒼蒼

春雪夜與商卿翼齋對酒

有美堂集 卷之十一 二十九
滿地瑤華把酒看客來初試五辛盤光添山郭那知
夜氣借江春不畏寒策蹇真搜懷鄭繁閉門僵卧問
袁安園林百卉皆生色更是梅花相對歡

賀近翁得孫

天送蘭蓀待厚公掌文應與鄭玄同試奇聲徹重闈
外辯異香聞一里中槐飽露華垂穗綠桂迎秋氣發
花紅喜君七十逢重慶欲賦華嵩媿不工

壽劉樂翁八十

山城八十隱君子不杖翩然健似仙蚤歲禔身知愛

正晚年學佛喜論禪觴飛三月桃花雨標插高秋桂
子天欲祝長生無可贈郢中聊和紫芝篇

南莊雨霽懷竹岡黃民部

日長無柰鬱蒸何好雨南山幾陣過暑氣迴塘侵座
少涼颼當戶快人多平田色淨苗如洗匝樹聲喧鳥
似歌新水正添投釣處思君咫尺隔烟波

初春西園偶述

百花爲主鳥爲賓風日空園漸好新點點殘雲山麓
雪戎戎細草澗邊春自知玉粒難殮鳳誰道金鷄可

繫麟白幘短袍青竹杖太平江上一閒人





舊業堂集卷之二

吳陵凌儒真卿甫著

甥 袁懋貞居

孫 凌似祖無念甫訂

詩十言律二百一首

題湛碧亭

百尺長虹俯畫橋綠波偃臥兩龍高
虛亭湛湛涵孤影芳泚泚鑑一毛
月上似看秦嶺雪風來不作廣陵濤
凭闌盡日清如洗水氣翻憐濕短袍

丁孝廉張揮使枉顧西園



有美堂集 卷之二
花殘猶有客攜壺春去園林興不孤俠士文章堪倚
馬將軍膽氣欲吞胡夢中早授江郎筆囊裏多藏玄
女符爲笑少校心未老醉狂清夜舞昆吾

六春日與客小坐復有所期

香撲梅花春氣浮酒闌徐步碧池頭林端纖月參差
見江上輕雲次第收鸚鵡盃容人數醉鳳凰城許客
頻遊明朝更有芳郊約倚劔憑陵望海樓

翼兒生辰漫興

不作閒愁老却人危樓高臥楚江濱檢書悟盡平生

事縱酒銷殘百歲春早譽已從名字舊堅盟肯逐世
情新四方有志看弧矢遮莫書成上紫宸

贈宗國醫

滿耳人稱九折公一囊春散萬家同刀圭漫試神仙
術湯液平分造化功跨鹿山中形半古懸壺市上眼
全空良醫未學慙良相濟世無緣拜下風

秋夕對庭樹感懷擬奎老一醉不得

長風壓屑葉初黃白髮飄零早自霜天地愛人偏棄
老乾坤嫌我獨憐狂可知仙桂秋堪折謾道靈椿晚

更芳欲把一尊聊共醉竹林何處覓嵇康

短句戲呈奎老

避地黃村十里灣偶來城市不知還錦囊何用腹長
飽瓶粟未儲心自閒浮蟻百盃鸚鵡綠持螯兩袖鷓
鴒斑對君我亦風襟好中聖時時學景山

景山徐
遜字

新鴈

霜寒木落鴈初來橫影迢迢過玉臺幾陣長河江月
白數聲層漢楚雲哀機窓織婦絲千縷旅館羈人酒
一杯憐爾稻粱何處覓淮南滿地盡污萊

戲呈奎老不至

分攜重惜各蹉跎萬語叮嚀曉徑過短蓋虛疑來近
市小舟空令候長河誰家歌舞留人久何處烟花醉
客多騷屑滿山風月在可令芳景擲如梭

訪奎老姜堰道中卽事

扁舟東下路漫漫海色晴連雪後看千壑波涵春水
濶一村烟動午風寒懷人落日山陰往避地清時谷
口槃薄暮停橈還悵望白雲深鎖子陵灘

姜堰訪奎老途中先書促會

十里長河望不窮，蒼茫孤嶼海陵東。
瑤華兩岸春在野，白日半江寒映空。
頻轉輕橈隨過鳥，早傳短札在征鴻。
平臯曙色催來騎，莫畏清霜點鬢蓬。

海陵春榜才得報二首

聖代搜才羅網寬，龍從佳氣滿長安。
曲江宴喜從人醉，上苑花繁任馬看。
海上驚飈多落羽，淮南新水足垂竿。
誰能佩有龍泉在，拂拭還衝星斗寒。

其二

九萬扶搖雲路寬，搏風延頸望長安。
崢嶸事又三年過，冷落春將千里看。
題柱有人乘駟馬，掣鰲無處問漁竿。
翻飛回首青霄近，誰道清時盟竟寒。

上太父母劉公詩一首

百里分符出建章，車行雙鹿引循良。
漳河地勝來騏驥，滷海時和下鳳凰。
寂寂訟庭長日靜，陰陰臥閣好花香。
泰堂明月千年在，霧斂雲銷夜夜光。

辱龔公祖寵顧兼惠教條議諸篇奉呈二首

洪流海上歲妨農，保障長淮屬鉅公。
膏澤浸淫饒澍雨，炎蒸披拂待清風。
五湖春落高原白，千里秋登沃

野紅垂老自憐耕舜畝敢云諸葛臥隆中

其二

綠鬢清時漫許身白頭窮海作閒人每看雲鶴摩天
遠獨對江花照水新鼎業夔龍波自潤石交稽呂味
堪親忻逢廉鎮憂民瘼暇日單車訪舊臣

元君誦父母入 覲回出迎三首

陞領宸章出御河春風二月廣陵過懷人海上三刀
夢報政天邊五袴歌擁蓋川原生色相回車雷雨發
陽和欲知借冠人心喜彩仗街頭竹馬多

其二

片帆春曉落長河彩掛城頭五馬過委巷停梭織女
看中流鼓枻榜人歌山晴倍覺鶯花麗風暖壩聞鼓
角和環望東南三百郡懽迎似此恐無多

其三

翩翩征旆駐城河父老爭迎扶杖過旅爲擁途商罷
市花因含笑鳥能歌衙排曉日門庭肅家散春風里
間和從此泰堂明月滿清光分照伏龍多

暮春邀譚父母拂塵時小雨二首

朝天歸馬帶車塵披拂江城萬彙新樽俎小堂邀上
客鶯花長日醉芳春褰帷疎雨沾衣細入座清風吹
酒頰最是福星臨海嶠循良留得漢廷臣

其二

回棹好雨應時來會有蔬盤江上開吏道共推黃霸
政文名原擬賈生才寒沙照見吳陵月大國香分庾
嶺梅多暇寫題堪御馬不妨長醉習池回

小園邀魯老公祖頻辱佳什惠教倚韻奉謝

後 霜五夜點蒼苔山光故向芳筵落春色俄從寒
谷高菘苑何人稱倚馬連翩珠玉美題才

其二

半畝官無一點埃驚塵車馬擁門來掃闌空谷山前
霧踏破寒亭松下苔舞罷歌殘人未醉月明霜白客
初回清時老合淮南臥萬里雲霄看楚才

小園邀徐公祖更定始至

青幡黃蓋繞荆扉五馬行春寒谷暉日短已辨燒燭
待月明猶擬看山歸鑪頭竹葉聲浮動塢裏梅花香

暗飛莫道野人供具少盤殮還有渚魚肥

小園邀徐公祖諸公飲罷又赴他席

遠塵開徑隔長河詎意能來長者過山瘦不禁霜色
重庭虛遠受月明多追懽愛客勞車轍避俗盟心戀
薜蘿客散青天寒氣薄繞梁猶聽隔筵歌

今月西園邀九岳張春元二首

采石江頭挂席來開尊南斗對高才寒威犯席霜華
落春色窺人柳眼開攬勝特過棲鳳地探奇誤訪釣
魚臺上林回首花枝滿走馬先看庾嶺梅

其二

餘月邗溝夜泛槎文星先映草堂斜百年道義人千
里四海交游天一涯何事倚牛懷審戚且從提劍識
張華樞趨莫負門墻望欲把孤經問絳紗

三月牡丹亭邀王德仲諸君共賞

三月湖山春正賒臨池有客醉看花詞鋒崢嶸揮長
劍文綺聯翩振落霞閒借林塘窺物色老憑觴咏度
年華廣茂多少名園在似此風流得幾家

西園牡丹和王德仲韻

草堂遙落清淮水灌得名花壓衆芳舞態臨風嬌欲
語粧容迎日細生香物華三月私青帝春色千年傲
洛陽最是佳人愛才子懸知含笑向槐王

西莊落成九日對客三首

卜築平泉攬素秋賓筵初敞郡城頭月塘東注清流
合天日西飛紫氣浮鼓枻不妨漁浦遠捲簾自愛鹿
門幽勝遊此地成高會方外何須問十洲

其二

招尋鎮日共徘徊半畝官成數頃開山色空濛當檻
落水聲淡疊抱城來佩萸歲歲淮南酒吹帽人人鄴
下才高興憑陵殊未已環城步履晚登臺

其三

悠悠欲學子真耕避俗南山不用名歲熟社前秋賽
早月明江上暮潮平坐逢雅客頻呼酒臥近譙樓數
聽更邊鎮只今憂聖主誰人萬里作長城

冬日家兄席上口占陪飲

錦堂月白帶寒星銀燭金尊照畫屏笑指故山呼一
老喜逢良夜對羣英聲飛壺箭笙鏞歇香散梅花几

杖清雅興燈前還不盡一樽明日過西城

呈李應魁翰林姻丈

酒醒虛堂霜月明撫時忽動故園情碧湖芳草年年
綠絕壁孤雲日日生物色最憐天共久人心那得水
如平知君獨抱松筠性好結梅花百歲盟

園亭酒後夜坐寫懷

雙鶴依然共此亭夕陽雲路鳥冥冥月明竹塢千竿
碧霜白松林幾樹青身絆浮名人易老飲逢狂客酒
難醒閒心最好深山臥割席還期過管寧

樂軒奎泉懷竹偶集笑比四皓遂賦之

去秦攜手入山深歲月淹留老共侵含露紫芝聊可
採摩天黃鵠杳難尋偶同異代棲岩色不似當年避
世心更喜漢朝無缺事白雲華髮臥長林

首春盡小挈同澄之維新過沈園

共戴柴桑處士巾空園短杖踏青春呼鄰蒸酒真遊
客開閣看山卽主人細草浮烟空自碧長風吹鬢總
如銀懸知心賞重來日花鳥懽迎醉眼新

席間贈友人

窮交海上白頭新
老去春來相見頻
我向風塵成倦客
君於天地作閒人
烟波處處鷗堪狎
冰雪年年石不磷
壁立空山詞賦在
黃金誰贈馬卿貧

曉起期儲幼度

夢回蟲響送閒愁
蕭瑟西風欲滿樓
月色疎簾江郭曉
露華深院海門秋
孤吟漫向清霄動
萬事多因白髮休
最是琴尊堪歲曉
不妨終日碧池頭

秋日小園留幼度任甫諸丈

對局開尊坐傍山
蕭然物色異人間
清風幾樹蟬聲少
落葉一庭秋意閒
好客自宜過勝地
仙源疑不隔塵寰
相逢未遇林中伴
雲水重重只閉關

臨池對客

霜降楓林葉半蒼
芙蓉無數照池塘
飄飄亂點秋江色
澹泊孤含晚歲芳
題筆幾人凌泰岳
濯纓千載詠滄浪
相逢總是清狂客
醉倒尊前也不妨

秋晴期王明陽踐宿約

雲斂高空爽氣清
百年今日值秋晴
溪光倒映一天碧
山色遙看萬里明
江海波澄烽火靜
樓臺露冷月

華生開門正好延三益况復離花有舊盟

壽待封徐老夫人七十詩用近翁韻

百歲華筵海上開北堂香篆繞庭槐光浮白玉月當
席花散黃金秋在臺賓從四方龍鶴至神仙萬里躍
龍來臨山不斷長淮水添入年年壽酒杯

題仙子爲徐母祝壽

環珮長居十二樓飄然覓伴下瀛洲步虛忽到中丞
府按節剛逢少昊秋華髮玉容形酷似人間天上壽
相伴綠衣愛日懽親酒明月黃花共勸酬

代題仙子壽徐母

不騎鸞鶴獨乘風萬里飄然過海東解珮何曾逢鄭
甫生毛還自說秦宮因餐玉屑頭難白爲飲天漿面
易紅信是夙緣來傍母長留踪跡畫屏中

又代

爲趣壺天日月閒手持仙籙到人間緱山駕駐鶴先
往秦館簫終鳳未還珠絡繞身生紫氣丹砂入口換
朱顏高堂母氏堪爲侶應共長生第一班

代戴博士壽徐母

懷舊來登壽母堂當年顧盼借輝光一經自對秋花
老百癯猶沾春酒香舞袖影翻江月亂歌鐘聲徹海
天長仙媛定有延齡藥願向冰壺乞玉漿

正月二日雨中作

一雨爲佳再雨多可堪遊興暗消磨滿城着屐春何
在每日關門客未過塢裏疎梅含濕放簷前好鳥待
晴歌沈陰縱令新陽閉已有東風扇薜蘿

元日呈近老

幸際昇平六十春錦衣華髮舊朝臣五雲日下瞻天

山家人間獻歲新杖履自宜清世健鶯花不棄
其蔬盤開擬尋王粲歲歲靖江理釣綸

新歲初酌維新歸早漫述

小簇辛盤試早筵春風依舊故山前滿斟酒對猶寒
日半醉人歸未暮天家住寰中無事擾身耕海上有
詩傳追懽共取清時樂花鳥相隨到百年

却友人請

坂上兒童日暮時長鞭驅我欲何之不知轡上元龍
傲只說江東王椽癡老去何堪牛馬走饑來未敢稍

梁思從今願把柴扉閉高閣清風但詠詩

過溱潼觀鎮居蕭條感而賦此

躊躇湖上欲何之古鎮經過亦片時東觀逢迎無地主碧山名姓少人知寥寥墟里風烟斷寂寂陰廊壁蘚滋舊說溱潼最佳勝壯遊應恠我來遲

秋日懷西園因憶戴奎老

歸心終日鳳城頭蕭瑟山堂景色幽柳脆新霜千樹暝菊團香露一籬秋邑廬何事風烟隔野服偏憐鷓鴣遊遙憶玉人清興在夕陽回首蓼花洲

莊居期澄之鄭丈用前韻

搖落西風碧水頭菰蒲猶帶小塘幽閉門白日孤村晚倚杖高原萬里秋楚畹椒蘭還自佩吳門烟月復誰遊茂林多病箕山老早晚輕舟傍釣洲

久陰

欲從真宰訴秋陰九萬玄宮帝里深雨泣積禾疑吐玉水眠短穗訝埋金掃門黃葉封丹井隔浦蒼烟鎖碧岑宜有西風披宿霧早晴一慰老農心

重九荒莊對客

九日重逢洛水濱高原攜手共登臨囊萸舊俗新衣
佩落帽長風短髮侵千里夢回孤棹遠百年緣結一
枰深庭中有客清狂甚醉後懽歌起越吟

九日二子來莊飲西隣家漫致期待

老景留連北海濱片雲漁父日相親香生桂宇風飄
席影落柴門月近人楓葉亂翻金井冷蓼花閒映碧
溪新明年此日輕颺起遮莫雙鴻上九垓

守歲

殘歲人間幾刻留懸知春氣暗中浮吾生又是一年
過世事都從百役休閒酒品多元亮宅檢詩類滿仲
宣樓椒盤守歲還同俗繞膝兒孫戀白頭

迎春日一首

青郊擁仗入城闈萬戶千門綵燕新黃道已頒周曆
日銀幡還賜漢宮春留連歲酒招無客管領東風別
有人今夜陽和天上轉懸知雷雨四時均

新年二日作初三日立春

兩日晴光照海涯輕寒江郭見霜華和風已煽先春
酒臘氣猶含隔歲花海上舊人留我葦席前明月照

誰家行吟伴鶴山中去爭食爭飛在亂鴉

立春日招飲諸公

春色相將到草廬清尊帶雨興應餘
鶴鳴欲報青霄爽雲起爭開綺閣
疎門祚愁銷三臘後賓筵喜薦五
辛初獨憑文字留連飲不使年華半
日虛

送戴廣文赴選

折柳長亭春送君新鶯宛轉數聲聞
江頭人別期三月馬首天開見五雲
不憚風塵馳未路總緣世教屬斯文
稻梁應滿南飛願飲啄懸知憶舊羣

季春同恒山諸君登荒園小山

短榻孤亭江上山城隅西下隔塵寰
逡巡酒滿呼棋過窈窕峯高倚杖攀
三月春當今日好百年人得此身閒
招尋莫厭蔬盤數相對尊前鬢總斑

恒山有詩和登山再疊前韻謝之

乘春挈榼一看山爲愛香塵匝翠寰
海上浮雲門獨掩淮南叢桂手同攀
詩成健筆雷霆鬪身退清朝日月閒
莫遣韶華負尊酒東風回首落紅斑

壽香亭

誰家亭子壽香題古桂靈椿雲與齊身倚露臺千歲
久手攀天闕幾枝低真人鶴駐山應北仙子花開日
未西倘許門關時爲啓春風秋日酒長攜

睡起倚門述懷時里中錢亂甫定

啼鳥聲中春夢銷靜來翻覺向來勞枝頭紅杏花空
好江上青峰山自高九節暫拋王烈杖一揮漫試呂
虔刀柴門此日驚塵定獨立長風吹鬢毛

張將軍攜酒小園幼安諸友咸集

還將春興對花銷不惜移尊使者勞日暖柳塘風色
好夜深山閣月華高酒徒跌宕儒服義士憑陵鼓
市刀容易滿堂文武備筆毫合彩劒吹毛

迎春阻雪期奎老諸君

安排綵仗迎春至擁地無如積雪何士女不喧車馬
少樓臺空對管絃多人間樂事圓中缺天上陽春暗
裏過莫遣佳辰成寂寞草堂尊酒共高歌

立春日西園期奎老

東風爲報好春來小塢梅花一夜開綵帖萬家新日
月辛盤五菜舊亭臺漢宮天上幡齊剪楚俗寰中鼓

亂催對酒不辭呼博士一分岐路幾時回

奎老赴選有期期之一醉

攜手交遊四十年何堪垂老各風烟君將天上分符
往我自山中對酒眠千里好花迎疋馬滿園明月照
殘編相逢不盡尊前興別後相思空惘然

元夕後一日王父母二守攜酒過小園席間作
問柳尋花興不禁遙開錦席向荒林滿山燈火孤亭
迥玉夜笙歌別院深喜氣光添梅月色懽聲響應竹
風吟習池莫作山翁醉總是行春露冕心

贈余國醫

濟代公來江上頻鶯花相對白頭新九還已授千年
訣一裹猶生四海春青鹿擔囊長作客玉壺懸市幾
逢人柳條折代黃金贈莫向雲霄話隱淪

奉命南還小建書屋一首

暫緩王程理故園草堂移向梵宮前湖光暮帶秋山
雨柳色晴涵野墅烟藜火夜明高鳥下緇塵市遠綠
蘿妍盤桓何日來投老閒課兒孫三百篇

西園卽事

徒倚青山一草廬參差烟樹夕陽餘池通曲水秋容澹門對高原夜色虛習定有僧堪結社驚塵無客漫停車閒心日苦簪纓縛小坐孤亭賦燕居

聞唐龍渠移館泰山與小園逼近喜而賦此
森森樹木草亭孤地僻林深人到無流水抱城龍欲臥虛簷依樹鳥堪呼滄溟東下天連海翠巘西開日射湖聞道故人爲洞主好乘良夜一攜壺

小園移竹和龍渠

瀟湘帶雨手親栽滿目扶疎一徑開礙日琅玕霄漢上冒霜蒼翠歲寒來輕塵不染孤君節高詠還推七逸材待取長竿三百尺西湖同上釣魚臺

園屋初成勉毛翼二子

一枝低結故園新歲晚寧知卜築心十畝細耕春雨足百篇幽討夜燈深紫荆燁燁田真宅綠竹青青衛武林珍重過庭雙驥子好將短句日長吟

冬日卽事因呈戴奎老

海上星軺歲暮還馳驅暫歇草堂安山鐘晚渡孤城遠野樹烟籠十月寒性僻苦吟霜夜短身閒高酌海

舊業堂集 卷之二
天寬比隣况有江淹在瑤草春回擬共看

潘雨田郡守擢刑部郎却贈

蒼旻夜色動星芒五馬朝看紫綬光
官拜西曹唐律令政成東海漢循良
風烟江上連天靜花萼城南帶雨香
欲借寇恂無計挽心隨流水到錢塘

小園留酌潘郡守

天寧橋畔駐旌旄款飲山亭夜月高
臨戶清光侵綺席傍簷蒼翠上霜袍
扑車裝薄鳴孤鶴恂轍恩深臥二毛
披豁欲圖連日醉東風回首別江臯

南莊留戴博士沈上舍小坐時八月朔

野外乾坤屬我曹憑陵尊酒任麤豪
風迴露葉懸蒼髮秋帶溪光上白袍
八月鴈過秦塞早百年人醉楚天高
看山欲盡重遊興萬柳陰中小舫

仲秋爲澄之丈覓田不成回山莊小憩

看山元爲買山過一棹秋風鴨子河
潮長大江溝水足雲垂平野壠陰多
謀生計拙天何意出世緣慳我自歌
暫歇郊居談塞馬夕陽沽酒對松蘿

望江南

回首天南是太湖遠遊今夕客星孤
河流日挂帆來往山色晴看霧
有無白水垂竿生事在青霜飛劍歲
華徂秋風千里鱸魚美欲訪松江滯一隅

攜酒慰懷慎文

空園懷舊一攜壺爲問將軍愁
有無暑氣鬱蒸燎客髮夜涼淒切
剝人膚天高不聽孤臣哭日黯空
令萬口呼我醉未醒南浦去閉門
聊自著潛夫

沈園奉慰懷慎因開美酒相留

畫檻凭虛午閣涼淹留長日醉清
狂花開只有庭前紫楓落全無井
上黃臣節未明孤劍泣客懷猶壯
一瓶膏獨愁跨鶴東歸去門掩秋
風舊草堂

南莊辱戴儲二丈枉顧不獲款留

多病郊居學養生誰知病裡費逢
迎白雲不蔽青山色空谷猶聞好
鳥聲未擬掛冠吳市去漫勞買棹
剡溪行淹留野外無兼味一飯胡
麻對客情

維揚奚戶侯以新詩過褒倚韻奉答

偃仰危樓逼太虛白雲長自護山
居逢時不折梅花嗅得可還憑柿
葉書皎皎谷中逋客騎鱗鱗門外
故

人車廣陵曲是陽春調容易聯翩下斗墟

早晴憶城南別墅期鄭丈對局

郊墅新晴朝日曛綠陰門戶覆輕雲
清湘帶雨看移竹碧嶼臨風笑采芹
野色空濛三逕合潮聲駁沓一江分
同時戰勝西齋夜滿酌鸕鷀濫醉君

午節過荒園邀劉子瞻唐弘業諸丈

山青雲白海天高病後逢時興轉豪
斗酒悲歌酬楚節瓣香孤憤讀離騷
傍簷烏雀喧厨粟當路藤蘿罨野袍
此日池亭須釀酒滿山風月屬吾曹

小亭讀文選

疎箔沈沈晝不開徘徊仍待好風來
青峯天外孤雲往綠樹池邊一鳥迴
烟水有緣歸海曲塵寰無事臥江隈
閒評兩漢推高手多病相如是賦才

立春日遇雪

霏霏春雪帶春來淑氣凝寒曉不開
定有豐年霑潤澤可無新句答涓埃
影翻絲燕明簾幕花撲屠蘇入酒杯
笑披敝裘拈凍筆何如歌舞醉樓臺

夜夢丘月林掌科因呈何主簿

拾遺千里喜神交，嶽立孤標入夢勞。
話舊前朝同慷慨，論詩清夜獨風騷。
絢衣林下攻人短，白幘塵中引
已高語及掛冠，何掌簿清風端可激吾曹。

芝林卷

高臺百尺倚山巔，瑞草繽紛色色鮮。
靈物由來天上

種珍符，今向畫中傳。雲霞影動雙溪，
雲溪 茗溪外日月光

浮八座，山前况是先生多雅韻。偏教歌頌滿瑤編。

秋日同鄭澄之戴維新飲懷慎丈宅

碧空鮮綺暮霞紅，大火初流鹵海東。
半日笑談肝膽

盡百年提挈，卷舒同棊。殘客散青天，月酒罷人披白。
露風更喜中郎全不俗，每逢囊澁典雕弓。

小酌別西臺韓醫

微雨新涼送好秋，角巾相對似南州。
百年客到還成醉，小院風來不待謀。
轅下馬蹄三日絆，囊中藥裹幾家留。
知君懷舊重相訪，掃榻頻開萬卷樓。

竹翁席上陪西臺公一首

秋夕郎官錦帳開，長乘達自斗南來。
高談披拂風生席，晏坐徘徊月到臺。
壺引三巖翻玉井，鼎調六膳對

蓬萊瑤階露下星躔聚瑞彩分明接上台

雪後懷西園東近老之作

積素山城凍未消病思扶杖過虹橋乾坤又覺三年
老青漢空瞻萬里遙詩句無緣題小閣梅花有夢人
清宵平生對酒多朋侶此日何人慰寂寥

雪融晚霽

雪銷江郭淨塵氛溜瀉虛簷鎮日聞點地聲聲晴閣
雨揭天片片晚堂雲屏開不減青山色泉落應添碧
水文餘月却疑春今早滿城和氣覺氤氳

暮雪獨坐

飛瓊着樹漸成冰冷壓梅花興不勝奩裡子寒棋欲
凍甕頭香暖酒如澗攀叢招隱舟堪買策蹇尋詩橋
可登遊興邇來蕭索盡獨將華髮對疎燈

雪後擬過西園

三白先春報有年南山好辦早春田克厨定過柴桑
粟發甕應辭司業錢天霽樓臺浮爽氣風停市里斂
寒烟依然池上孤亭在東郭何妨敝履穿

雪中送王近翁郡伯皮酒

瓊花片片帶曦光
瑞氣氤氳五馬堂
頭上總輪階下
白腰間不讓鼎中黃
華筵正好先春賞
醑酒還堪對
客嘗釀法自知非
白墮聊從陶逕獻
槐王

歲殘兩夜同卷有感

擁衾猶自檢香寒
細雨青燈入夜闌
寶鼎風迴香篆
冷石池冰合
巖花乾
歲華儘許閒人度
世事寧容老
眼看一卷未終
渾欲睡
銅龍聲徹小欄杆

冬日與劉子瞻宮克昌對酌抵暮別歸

身世渾忘兩鬢凋
孤懷對客興偏饒
拂枰陣就風雲

合沓盞光浮日月
搖江郭歲殘人擾擾
草堂市遠逕
蕭蕭分攜獨恨嚴
城禁
斷簡疎燈照寂寥

拜曆分贈樂軒諸君

山中歲事欲成塵
玉曆重頒眼一新
殘臘總爲三日
客好春還送百年
人紫宸
共祝岡陵固黃道
行看雷
雨均兩冊
分君將令節
安時耕鑿作堯民

過江遠訪七月朔日返棹途中漫述

卜年遁跡蓬蒿地
一日尋師到潤州
瓜步過來還是
夏海陵歸去忽爲秋
梯航湖落空江滿
潮苦風生近

清收試問畏途名利客何如高臥碧山頭

東梅紹溪

寂寂唯海鏡詩名梅福幽樓古鳳城市上懸壺人不
識山中拾草藥遠成清風索句推先達白首論交托
後生以謂陽春愁寡和幾回巴曲引同聲

贈蔣少津

傲世真成海上豪聊將虹劍繫青袍身遊市里登陳
榻明掩蓬蒿讀楚騷把酒夜高天日月談詩風動廣
陵清忘年我欲投膠漆莫向沈淪棄二毛

聞眺

登第躡磴倚山樓四顧風烟萬里收楚嶺接天來蜀
道淮流歸海過邗溝松筠悅性開三徑泉石盟心臥
一丘回首鶯花江上滿買舟南北及春遊

探梅

徙倚瀾杆探早梅兔園欲占百花開含英不畏清霜
墜流影還期明月來帶雪遠尋三楚興繞臺高咏六
朝才時清何用臨風嗅笑對疎枝日百杯

謝客

老惜芳時興太豪圍棋博簋日分曹朝傳書札江城
通夜倒尊壘山月高照席不堪膏燭費燃爐真覺僕
夫勞慙慙暫謝頰來客握手春遊醉小舸

六月晦過漢陵辱禹翁留未竟席告別

烟花老去夢揚州乘興西來作勝遊風物自憐江上
渡人情共訝署中留新聲曲盡梨園妙旨酒香翻玉
笋流何事歸心催別棹半餘歌舞在粧樓

喜晴登西園樓

好雨高原卜歲收還思瓠子塞河流龍門故道無人
覓滄水玄符有夢求開霧萬家迎瑞日淒涼一夕報
新秋凭虛漫欲呼鄰父終古愁銷海上樓

立秋後一日南莊期澄之丈

閒愁日日似悲秋况復西風欲滿樓色澹槐宮知火
斂氣高桐井見金浮驚塵匝地迷青眼急節催人早
白頭薄酒尚堪荒歲醉故山良夜好相求

澄之丈過南莊晚別

爲憐秋已到柴關蕭瑟空江短棹還落日散金搖一
水暮雲橫紫疊千山縱觀天地恢幽興大笑人寰破

苦顏莫長西風催老髮疎簾好對奕棋聞

南莊晨起喜得翼兒書

野墅商風起細埃涼扉寂寂向田開
河通南浦江流至雲擁東山海日來
病客自尋湖上草懷人同眺月中臺
會問正切平安望京口書從一鴈回

山莊獨坐戲呈鄭丈

郭外青山對籬冠柴門終日坐臨湍
五湖雲水秋何處萬里風烟客自看
準擬竹邊閒蔣詡虛疑雪裏臥袁安
分甘舊誼吾曹在彈鋏馮驩好自寬

懷奎老

倚杖高原秋思深蒹葭隔水望伊人
丹楓露下數團冷白鴈霜前幾陣新
蕭瑟西風悲老大滄茫東海笑沈淪
佳期莫忘籬邊約九日香開甕面春

秋夕與張懷慎儲幼度諸君泛舟二首

一尊江上看芙蓉山水無心處處逢
東下滄溟經古渡南開青嶂見孤峰
物華總覺年華晚秋色翻疑春色濃
百口未須憂歲計清朝康濟有夔龍

其二

水花真愛木芙蓉四顧滄茫何處逢萬柳江頭迴短
棹片雲天際出奇峰疏盤不負秋光好斗酒應添詩
興濃暫爾林泉同笑傲風雷計日起蟠龍

遊懷宇內丈

木榻懸眠枕簟清夢回西日下蕪城鳥音匝樹涼颼
起水氣浮花晚霧生沽酒客嘗新市味搗衣人聽舊
砧聲相逢不盡尊前興折柬重邀阮步兵

挽奎老

江城何處復聞鶯垂老年年哭友生一病俄成長別

恨萬言難寫故交情春花秋月誰相對古道今人獨
自評籍有王猷舊高興山陰留得戴逵名

再挽

平生最惜浮生淚此日臨床洒淚看五十年來憂樂
共百千人裏始終難篝燈無復琴還鼓醉月何由杯
再乾即使扁舟興猶在山陰空自路漫漫

其二

童穉論交一片心不移今昔與浮沈謳吟每向幽懷
好契慕偏從古道深傲世尚過高士宅厚人長贈冷

官金小山秋色堪攀折招隱還誰到桂林

定約

倒屣猶能不杖扶草堂三日客來無愁心海上驚時
晚衰髻燈前吊影孤近郭假山堪徙倚小槽新酒足
招呼分飛共有離羣嘆五日過從醉百壺

邀錢商卿諸君觀菊有感

三徑秋芳手自栽黃花無數拂霜開風流欲盡籬邊
興文雅能招海上才身臥水雲塵事遠寒生樓閣月
明來那堪澤國年荒後書角城南夜夜哀

贈奎老廷試歸

裘馬風塵客帝京賦成三禮獻承明關西官注天曹
選冀北文高翰苑名興寄白雲歸暫隱愁窺青鏡事
長生人間正好山中伴况有當年百歲盟

過南莊

城南挂席出遊頻路熟無勞更問津平野荳苗青覆
隴淺沙鷗伴白憐人江光滉漾看山遠秋色蕭騷覓
句新獨性經過老堤樹短衫斜帽識吾真

送醫士黃中調還揚州

賣藥成都韓伯休，片帆東向海陵遊。行歌客裏彈長
欵，坐隱燈前戀敝裘。老去不妨時溷俗，倦來自愛日
尋幽。春明欲跨揚州鶴，攜爾還登江上樓。

挽雲樓長兄

攜手論心六十年，忽驚仙逝淚潛然。三都賦就推兄
蚤，千佛經成愧弟先。匣裏青萍猶照雪，階前綠竹已
籠烟。平生辛苦俱雲散，留得清風外史編。

喜天欲晴過西園

薄霧回風雨乍稀，花前不使賞心違。雲開海色三三

暈日放江光，到翠微。一旦春愁全爲減，百年生事半
成非。招尋早發床頭甕，拚取山亭爛醉歸。

孟冬朔日山亭對客

暫歇清霜露滿臺，晴和偏以小春回。短簷日向珠簾
入，虛閣風從別院來。白髮不知涼節改，黃花還傍故
人開。酒闌客散江城暮，畫角聲連去鴈哀。

酒後折花贈南淮諸君子

摘花聊慰惜花心，自剪江城一片春。臺下解粧香不
斷，風前臨別色逾新。攜歸欲比楊妃醉，折去元非韓

令嘆此日東風暫別手明年來伴白頭人

壽韓醫賦得庭下松

似蓋重重幾歲寒百年蒼翠帶霜看露垂秋葉鶴應
舞雨過春林龍奮蟠勁節祗堪尋衛友高風不欲拜
秦官還將花實醫人國種得陰功天並寬

謝戴醫賦得齋中竹

吹水干霄翠欲流蘇耽軒外萬筠稠拂窓日日清風
至繞檻枝枝紫氣浮春雨籜龍依砌長曉烟雛鳳隔
花遊保嬰名滿江南北不獨香泉潤一州

元宵飲雲樓壽酒賦堂中百老圖

氤氳紫氣繞筵長拜舞來登百老堂閱歲總逢周甲
子章身同着漢衣裳磻溪若箇歸西伯商嶺何人識
子房一幅長春仙液滿年年燈月醉霞觴

雨中留金鳳岐諸君小飲因憶西園

江春不爲愁人住山雨頻來沽酒家今日喜逢前日
客百年空負一年花洗粧卸盡風塵色酒淚沾殘粉
黛華好語東皇仍愛護餘芳亭畔碧雲遮

自賦

歸向滄洲二十年息機閒傍白鷗眠空濛山氣朝看
雨滴瀝溪聲夜聽泉對客題詩留草閣得錢沽酒醉
江天餐霞自試無靈骨聊作人間一謫仙

寒日客樵尊西園喜蘇後坡亦有

空園歲晚臥松筠錦席無端照眼新幾樹梅花春欲
破滿庭月色夜堪親燭經三換還留客酒過千巡不
醉人獨喜談諧方朔在短袍高帽髮如銀

題王氏避塵館二首

清時贏得此身閒塊石林松隔世寰不向三旌持七
節獨將五斗駐親顏紅塵不到日開卷瑤草相期春
入山轉眼麟麒紛遶膝還因婚嫁溷人間

其二

爲愛幽棲別館閒酒虛小洞亦蓬萊琴書帶有烟霞
色門徑封無市井埃明月半簾花影動清風一枕鳥
聲來盤桓客共平生好日看春筠長豹胎

初冬小園邀徐民上諸君夜坐

山夕蒼茫開草堂細穿叢竹引清狂漁梁水落釣絲
短菊院花殘秋色荒四海舊遊寒對酒一庭明月夜

飛霜攢眉且聽官常論千載蒲鞭名姓香

冬霽過新莊閒坐再東民上小飲

高原開霽見圖山晴日蒸雲萬片斑慷慨自忘今夕
老劬勸翻覺此身閒抱城一曲寒流遶巢樹雙飛暮
鳥還乘興復邀燈下客好將烟水欵柴關

荒園奉邀民上賦此代東

孺子才華海內聞慣遊川陸會平分詩神處處傾三
斗草聖時時染一裙傲世自能翻白眼致身故不羨
青雲相看意氣相逢晚羅逕孤琴日候君

新莊西下水勢如海時聞山東苦旱

黯黯羅浮生暮烟唐灣西下白波連雲雷不斷楚山
雨林壑仍飛滄海泉望歲只留雙眼在回天空有片
心懸何人爲導淮南水分灌齊州久旱田

日暮登山忽然雨至

湖外斜陽照石樓片雲俄起北山頭雷聲將雨橫城
過泉響浮花湧地流老樹深崖還避鶴空山暴雨亦
驚鷗聞心怕作高唐夢倚杖含愁直到秋

謝湯竹窓

舊業堂集 卷之二
懸壺市上寄仙踪歲度雲山幾百重藥就丹砂飛白
鶴杖扶蒼竹挾青龍春風駘蕩囊中滿造化生全指
下逢陰德似君何可報三槐庭畔露華穠

其二

上醫聲價楚江邊負笈懸壺到處仙金鼎歲燃丹候
火銀床時噴橘香泉補天赤日山前過醉月清風松
下眠癢鶴媿無珠可報投詩聊向海濱傳

和春日海防龔公與金生泛黃河之作

孝廉同載淮陰渡對酒如吟秋水篇萬里河流滄海
接片帆春曉碧空連楚材已見珠明夜越雋還看劍
倚天賓館不同門下客高譚應羨陸雲玄

山莊秋日晚坐懷奎老

雨勢西來看復微依然殘暑弄斜暉橋通遠市行人
渡山落明霞歸鳥飛江上歲華空自老里中時事漸
俱非此時對酒懷張翰蓴菜鱸魚秋正肥

冬日邀沈君仁劉子厚諸君

興到寒宵呼所親草堂懽笑氣如春山前霜月一庭
白燈下棋枰幾局新此日乾坤成小飲百年湖海作

閒人盈樽有酒時方晚莫厭西園折簡頻

送譚父母入覲

邗江東下海門深咫尺離亭萬里心自分寒叢依蔓
野每驚春色到幽林五雲曙闕看鳴玉一日彤庭捧
賜金台鼎位高應念舊佇看霖雨洒棠陰

晚秋同奎泉輩歸自南莊戲呈一首

照水蒼顏不自閒招尋郊外日看山清江頻落尊前
色紫蟹長留領上斑世有高材多跋扈坐無生客少
防雨蕭蕭兩岸風鳴葉秋在城南一里灣

誕日辱徐民上佳什倚韻奉和

欲向青蓮慕謫仙倦遊早已賦歸田形骸盡寄雲山
處甲子虛過犬馬年搔髮自慙江總黑擬經還草子
雲玄飛觴借得高吟寵美酒新豐醉十千

沈園望雨時鹽法公按臨

殘暑城頭一陣過微涼醒酒盼庭柯雲垂欲掛南山
脚雷動思翻北海波石燕不飛風亦定潭龍當臥雨
無多理寃誰訴霜臺各惆悵東齋對薜蘿

冬日懷西園兼邀民上

山下高齋倚暮天望中蒼翠鎖寒烟遶門淮泗流堪
濯入眼鶯花春可憐歲次欲移陽月令客遊將上廣
陵船攀催莫厭過從數別後相思空惘然

謝沈君仁感辰招飲

司馬風流舊海濱翩翩公子錦筵新慙慙古邁推先
達綺麗高文躡後塵銀燭夜燒花似畫金罇冬瀉酒
如春招攜雅託東隣好懽笑渾忘兩鬢銀

九日西園雨中陪客

爲酬佳節共登臺憂患經時強自裁風雨一天秋已

暮松筠三徑客還來虛亭短日流年過白髮黃花綠
酒開欲賦淮南眼前事含情無限小山哀

卜居

避地維揚擬卜居崇岡聊欲振輕裾夢思詎可傷吾
老詞藻猶堪賦子居何處蓬蒿淹仲蔚誰家門徑駐
應瓊年來已下元龍傲倒屣長迎過客車

賦吳陵

百里魚鹽號富饒賦多十郡貢天朝中通日市喧江
郭西下雲帆礙浦橋弦誦隔隣聞月夜飲歌到處醉

花朝杞人四顧傷今日底事繁華滿眼凋

春日張總戎紹容攜酒小園因呈樂老

枉從荒徑列華筵澹澹春雲半霽天麾下牙旗間日
月島中桴鼓絕風烟梅含笑臉迎山路柳破愁眉拂
澗泉莫道園亭成寂寞忘機翻得一頽然

贈別吳筆山擢碭山尹

桃李花開春滿城河梁分手重含情雲飛去節雙鳧
遠風送征帆一鷁輕每愛芙蓉臨水照獨憐騏驎
人鳴行行好放長途足萬里遙聞茂宰聲

送虞太府公入覲詩

明堂日上頒周典方岳雲來擁漢官萬國合符銅虎
重九天垂袞玉龍寒恩流海角春陽遍寵壓朝班
聖澤寬前席淮南問遺老莫云烟水一漁竿

冬宵對客論倭警因懷伊亭

不向霜前惜髮毛還從島外問弓刀客愁銷借青尊
倒世事談令明月高肅肅寒城嚴夜警悠悠滄海傲
吾曹亦懽欲盡蔬盤興絕調猶思白雪操

冬夜與伊亭小坐聞將跨鶴賦此止之

意氣何勞折柬呼清言分漏對冰壺壁間短缺應彈
未袖裏明珠好在無寒問梅花銷白墮夜挑燈蕊著
潛夫吳陵幾許堪乘興掛席寧須去五湖

題文樓館

寰中山館似蓬萊萬樹陰森紫霧開烏府近臨狐兔
伏龍江曲抱鳳凰迴雲光斐亶垂青壁海色蒼茫落
玉臺搖筆題詩在高閣何人知是謫仙來

寓秦園再賦

嘉樹龍菴倚杖過雨餘蒼翠滿庭柯龍蟠勁節霜松
古鳳舞長竿水竹多勝地主人方繾綣故山秋色已
踈跂新懽且盡相逢樂書罷棋殘對酒歌

首夏一日邀諸學博賞牡丹

花開還滿故園春莫道春歸不待人筵啓洛陽初召
客譜翻金谷總稱臣塵容見我一番老國色逢君百
歲新最是廣文風韻好笑將紅粉對青巾

邀樂軒懷竹萼樓諸文丈賞花

孤芳聊占鳳城春未必穠華勝里人文采分番招國
上風流接席醉波臣輕飈拂袖香逾酷淡日籠帷色

轉新雅會最憐簪弁少滿堂都着白綸巾

晚與近翁登山小坐

一尊長夏片峰巔晚徑蒼茫黛色連紫閣九重雲捧
日滄江千里水連天共憐散地堪投杖獨取清風不
賣琴歌罷凭欄發長嘯池光籠月樹籠烟

東莊

聞君構得雉城邊樓閣東西隔市廛百畝石田供上
賦數椽茅屋廠賓筵曙雲會送孤峰色春雨能飛百
道泉白日羲皇高枕夢一聞啼鳥更幽然

西園與澄之子瞻登山

日日看山看未休此生還作百年遊花香不斷四時
景水氣長涵六月秋酷愛烟波頻濯足共憐人世却
回頭慙慙莫負林中約酒在尊壘月在樓

西園晚候潘生不至戲柬一首

何事堪消此日間手持桃竹自登山清風不逐孤雲
往白鳥空隨落照還堅壁定非愁百戰扣門應是畏
重關蹉跎歲月吾將老君亦頭顱一半斑

九日同宮克昌諸君西園登山

江上清秋清可憐招呼客滿翠微巔筵開紫蟹全肥
日人醉黃花半放天高閣捲簾虛受月寒塘依樹靜
聽泉不差短髮悲搖落吹帽風流自百年

雨後邀金鳳岐諸君過北莊

塔杪雲開放午晴一篙新水漾舟輕山多好雨城頭
過世有幽人河上行鬱鬱傍堤高柳色冷冷歸壑細
泉聲興闌還剩瓶中酒却笑當筵無步兵

西園漫興

萬柳沿溪雲與齊行吟只在小湖西江花故向幽人
竿林鳥如聽好句啼巖谷夢回天地老風塵眼轉
途迷相憐獨有壺公杖冷暖悲懽日共攜

題雲樓

蓬島仙人十二樓數椽飛到鳳城頭元龍清世還高
臥司馬多才且倦遊曉日自憐開閣爽暮山不對捲
簾愁盤桓信是長生地紫氣紅光夜夜浮

秋晦日西園登覽

清霜脂柳老蒹葭獨對孤山一水斜短杖自能隨白
髮芳樽應不負黃花未須得失論時事且聽寒暄換

歲華覓句今宵秋興盡小春明日入詩家

午日邀諸親小集

楚節邀懽客滿堂菖蒲香泛紫霞光衣冠不借清時
俊車馬何勞巷忙欲吊忠魂問湘水且持高節臥
柴桑會前契合無他在話盡平生也不妨

夜坐

山亭送客夜歸人獨對江城月色新一徑風清涼不
扇滿天雲白細成鱗生逢堯舜愛何事道在詩書寄
此身歌罷更闌渾欲寐乳花猶煖建溪春

西園睡起邀鄭丈嘗鱒

緇塵遠避白頭翁日臥空園柳下風吟罷靜聽鶯窠
轉夢回高步石從龍山花故喜客長滿徑草何嫌路
不通三尺江鱒初入市嘗新還與故人同

芍藥開戲東丁任甫孝廉

好春歸去復尋芳紅藥翻階萬朵香清興不隨鶯共
老賞心還與蝶俱狂昇平海上人高臥韶酌花前客
自觴幾度投桃真不惜瓊瑤有意望君償

對屏花

誰云春去便飄零紅白花開香滿庭粉重蝶過飛不見
見砂明鶴睡夢長醒自憐林下初盟合未許人間俗
眼經把酒臨風何所語百年心事對山靈

新晴對花漫筆

雲收雨止見林光覓徑看花鐵杖忙一片沾泥姿乍
冷數墮藏葉魄猶香笑迎淡日懽容放舞向微風醉
態狂客至偶無沽酒費石鐺聊煮建芽嘗

葺理荒園成戲呈友人一首

暫拋閒心理釣綸樓臺池館一時新盤桓散地宜初
服收拾殘花待好春日月無私人自老琴書有伴
皆貧庭前歲任蓬蒿長車馬休驚戶外塵

西園月夜歸偶述

霜月娟娟萬里明片山孤迥對江城庭前緩步鶴先
舞樹下平吟鳥自驚梅氣傍簷春意滿水光墮地夜
寒輕晚歸不畏金吾禁市裏猶聞喚酒聲

西園邀客看花三首

不因風雨妬花頻日日花前作主人坐上山青雲自
白里中交舊誼猶新一尊落照留佳客百歲浮生醉

好春香夢半銷芳恨滿休將成敗問洪鈞

其二

一代鉛華曼絕塵年年勾引好詩新
凭欄獨愛風流客醉酒都沾宮貴春
午坐濕蒸狂欲叫晚粧香氣暗
相親桃源烟火臨淮近何用探奇遠問津

其三

海國春陰花事減小亭春色倍常年
枝繁已荷東君厚色重猶堪上客憐
自惜晨昏時倚杖不妨風雨日
開筵賞心久辦山前醉沽酒寧論十萬錢

題鶴亭卷

狂態于今尚故吾眼看軒冕似泥塗
短袍出入龍爲友瘦杖行吟鶴是徒
筆底花生詩立就墻頭客至酒
長呼鳳巢深處堪同老回首春風醉玉壺

代二杜作

絕島迢遙雲與居蓬萊日日望安期
清風只在瑤臺曲紫氣紛連鹵海湄
杖臥蒼龍空自拄庭閒白鹿竟
何之人間會有青禽至翠蓋翩翩慰所思

望霽因呈劉子瞻

欲晴不晴天弄陰城南江邊愁殺人黑風遶樹烟還
起白日吐山雲復屯何處可謀終歲計此時空老乞
閒身星源欲訪乘槎客一水茫茫詎有津

西園邀舒憲使錫崖席罷漫述

璧削芙蓉兩接天紫霞飛傍野人筵小盤聊薦初平
叱短箸先嘗羊續懸火借春風曛酒暖燭兼明月照
花鮮草堂一醉冰霜後依舊松筠鎖寺前

春杪過新塋

暮春乘興五湖東新水浮天漾碧空曉日衣沾垂柳

露晞烟帆飽落花風炊黍海邊窺玉女拋梭江上聽
黃公人生只合尊前醉萬事從來一夢中

西園邀王近翁黃竹翁呈此道意

寂寥誰與伴滄浪柳自蕭疎楓自黃高誼只應來竹
老多聞每欲對槐王川原莫笑輪蹄擁天地還容詩
酒狂玄髮論交今白首好因歲晚惜餘光

思樂軒丈

玉匣瑤琴香半薰高山流水忽思君

江上秋先

老薜荔園中日未曛白馬素車瞻范

才無命哭

劉蕡何時化作遼城鶴飛向臨淮使

月下寫懷

月明今夕草堂前隱約星河沒九天光遍高堂遙見
兔泣生疎柳寂無蟬懷人江上方千里作客山中已
十年鷓鴣不飛秋宇靜玉琴相對夜深眠

冬日西園邀屠別駕王郡守諸公

輕寒十月小筵開鸚鵡籬邊紫艷堆總是掛冠神武
客誰非題杜馬卿才良宵莫畏霜飛席濁酒還留月
上臺淮海清時吾輩老安車初服好頻來

雪中泛舟城南

探春一棹來南浦十里漫空雪正飛寒勒梅花遙對
酒風颺柳絮亂沾衣接天白浪江流急隔岸孤烟渚
樹微興似王猷還未盡漏聲遙促畫船歸

登望海樓

飛樓縹緲廣陵東海色蒼茫一望中左翼膠庠麟藪
滿西肩泰岳鳳城雄清淮水遶天連碧仙島雲來日
射紅燭取微名從所好憑虛時自

臨流有感

永嘆嘗聞棠棣詩白頭今日悔應遲

白騰踏論心

日風雨飄飄掉臂時何處腥羶朝

咄人水雪晚

難移無情門外東流水相對忘言祇自知

迎春日未能速客漫筆識感

綵仗權迎化國春招尋無客罷歸貧樓臺自擁千門
色市馬空驚九陌塵白簡夢迴霄漢遠青山吟老髮
乙新東風海上西園轉依舊鶯花送酒頻

舊業堂集卷之二終



舊業堂集卷之三

吳陵凌儒真卿甫著

同郡劉弘學醉伯

侄孫凌榮祖彥先甫訂

詩 七言律二百三十二首

咏八月九日夜月

碧天秋爽淨烟霏千里清光照鎖闈太液池邊蟾欲
滿廣寒宮裏兔應肥溶溶水鑑涼初起點點星球靜
不飛努力兒曹知戰勝晚潮看載一船歸

過山亭



三日臨淮偶未過辟疆春色欲如何寶珠亭下茶花
少綠萼山前梅子多海氣蒼茫孤島嶼林光掩映萬
松蘿悅心曼是虹飛處風靜池塘水不波

西園睡起獨坐呈劉子厚

長日亭亭欲午天閒雲片片小山前沙明鳥絮千迴
轉槐落蟲絲一丈懸滄海自應尋法侶丹丘何用訪
神仙半床袒跣松風臥才

同奎老諸君過南莊因遊寺中暮雨作

十里迢遙到化城謀生還欲學無生山前繫纜雲初

起樹裏尋僧鳥不驚一笛晚風偏脫俗半蓑春雨最
關情狂雷無賴催歸興頭上轟轟早有聲

午日友人邀飲

早擬江頭看泛舟病來高枕仲宣樓新懽忽在東鄰
召舊約空期上客遊九辯有人酬楚節獨慳何處吊
湘流庭陰覆坐堪沈飲欲折榴花作酒籌

冬夜西園酌子厚諸君

懶慢尚陽舊酒徒結交狂客日呼盧坐中清論酬今
古世上浮名任有無燭盡香殘人自醉霜飛木落歲

將徂相看又是梅花發莫令疎林月色孤

奉和元日後坡同紹容對雪試筆

瑤花侵座故沾衣不是漫空柳絮飛
欵索草堂新歲句直凌烏府霜威
何妨玉帳耽紅暈自愛青山擁翠微
老興蘇端真不淺洞庭春宴幾時歸

謝君實攜酒過西園

孤峰高與泰山齊石蹬盤迴十二梯
滄海暮雲人獨眺玉壺春酒客長攜
林鶯恰恰歌聲應湖草青青醉眼迷
繾綣百年佳讌日牡丹花放郡城西

西園邀林孝廉諸君賞花

庭下花開歲舉觴風流今日勝尋常
清尊猶帶山人氣紅袖爭爲國士粧
臨鑑波光搖劍珮隔籬松韻奏笙簧
曲江躍馬他年事踏遍春城十里香

苦雨

風雨蕭蕭正暮春積陰傷麥苦愁人
乾坤有恨懷千古歲月無情寄一身
鞭石回天推郡伯叫閨瞻日泣波臣
何時直指來題攢爲布甘霖七井新

初冬邀客東遊

日上樓船曉霧開淮流十里抱城廻月塘水落漁人
浦天目峰高鹿女臺荏苒年華將老去蕭條寒色送
愁來客懷雅在形骸外滿飲鸕鷀到百杯

其二

虛白堂前日未斜客來槐蔭滿庭遮好詩坐上應難
就薄酒橋邊儘可賒莫以閒心悲世事自將衰髮惜
年華抱琴獨恨南歸早日斷飛鴻天一涯

題鶴亭手卷和韻

蒼藤七尺日枝梧大隱何妨入市塗水月已從方外

侶鶯花還作酒中徒長貧司馬猶能賦高臥元龍不
受呼搔草春深應滿地相期寧用訪蓬壺

輓此菴先生詩

剛腸羞作兒女啼登堂懷德重含悽清風一往故山
北明月還懸舊徑西塵榻蕭蕭孤劍在曉鶯寂寂暮
蟬嘶不堪仲蔚盤桓地三尺蓬蒿舊路迷

醉後和蘇後坡韻

百甕先將五斗嘗老狂客過少年狂霜毛面帶臙脂
色星眼神搖琥珀光杖底挑錢桃竹健池邊割錦墨

香齋堂集 卷之三 四
花香看君遺落人間事洗我憂時一段腸

西園與王明陽丁任甫閒坐

花邊蛺蝶柳邊鶯海蛤江魚續舊盟坐對好山看不厭飲逢佳客醉難醒留人明月披雲出驅暑清風傍竹生共向浮生論得失一盃真勝百年名

夏日西園有友枉顧愧不及留

崇臺一曲抱晴川雨後看山色自鮮黃雀風高應扇暑紅榴花滿欲燃天客來問字翻書篋人去探囊覓酒錢曾似風流前輩好水晶盤具便開筵

十三日雪中留幼度諸君夜坐

節候年來不可知梅花開早雪花遲暗香臘月全浮樹積素春風半上枝雨濕不宜燈市日天寒正是酒家時殘更細酌留深坐笑對瑤華喜氣滋

首夏西園雨中感落花

風雨飄零四月花玉臺紅錦裂輕霞啄殘不待窺園鳥踏碎非關入室騶看去人情渾似妬覺來天道未應嗟辟疆春色爭流轉回首依然滿麗華

正月三日雨中作

春來底事雨連綿我欲乘槎上問天三日江城思見
日十年水國欲逢年青觴不廢佳辰酒寶篆長燒永
夜烟敢恨老夫扶杖滑喜流膏澤到龜田

侍御姜公閣操

霜飛白簡重臺端閱武江城春正闌細雨洗兵鯨海
靖晴風吹角柳營寒豺狼幾路迴驄馬鶴鶴孤山識
鐵冠聞說激揚先社鼠烟花市裏萬人歡

讀王弼州雜刻

一代鉛華滿耳香卷中佳句見清狂才高本欲凌鸚

鵝筆健猶堪咏鳳凰人世從來生睥睨山川隨處有
輝光吳中自古饒詞賦獨步應兼二陸長

立春後一日卽事

非關耽酒學迂辛雀喙寒梅落已頻春色隨看一刻
減世情爭得百年新無私花鳥閒成伴不妬詩書老
結隣衡泌優游身健在逢人且諱舊臺臣

正月三日晚登一覽臺

高閣凌空四望遙振衣獨上近青霄雲飛北闕風初
定日落西山雪未消明滅暮烟縈迥野縱橫寒鳥集

疎條懽當令節人人醉自笑梅花興也饒

正月三日西園大風

不待春來風已顛殘雲亂起小山前赤團日氣雲全
掃青薄林聲樹半眠柳眼喚殘渾欲醉梅粧噓遍更
成妍飄搖總是陽回候莫道封姨解妬年

西園晚步

冲融日脚四天開抱碧紅光一帶迴七尺短筇將我
去滿山明月爲誰來影搖雙樹寒棲鵲香拂重簷冷
嗅梅乘興憑高還遠眺海門東下是蓬萊

拜老母壽

白髮青毡拜舞低安親更作老萊啼香傳春甕邠人
蟻美薦朝厨茅氏雞未報寸心天罔極且呼百歲岳
爭齊團圞佳慶蘭蓀滿霄路還看次第躋

感懷

門揜寒流事總虛翟家冠蓋日全無驚心節序歸長
往刺眼交情付短吁恩斷驪珠淵客泣愛成燕石宋
人愚春風琴酒西湖曲避世稽康且自娛

過登仙橋晚題

仙真輕舉信耶非父老都傳此地飛青壁不留回日
路白雲猶似去時衣蜿蜒楚水龍長臥悵望縵山鶴
未歸題柱豈關懷駟馬少因搖筆駐斜暉

壽竹翁八十詩

却杖堂前八十翁鐵冠霜髮氣還雄彩衣進酒千年
綠銀燭開筵五夜紅舊德盡收天路裏閒心都歷歲
華中翟公門下人俱老半似當年半不同

鳳凰墩

威鳳曾棲江上州一堆空見古高丘碧梧樹老枝還
長玉液池平水自流繚繞經聲連峻閣滄茫海色接
危樓昌期五百當今日早晚重來此地遊

羅浮山在郡治之北相傳爲僞吳張士誠故壘
浮山滄海自蓬萊誰爲分移此一坏岸草有靈波不
沒渚花無恙鳥頻來空潭月出魚龍臥舊里鳳生虎
豹哀一葉年年秋水滄浪幾曲棹歌回

南莊擬邀諸公一春未暇書此道懷

別野江邊春滿林馳驅市上廢招尋烟含綠樹空啼
鳥日照青囊獨抱琴浪擲真成三月夢佳遊虛負百

舊業堂集 卷之三十一
年心馬蹄踏碎紅塵隔佇目芳叢一院深

對月懷友

袒跣空庭看月明四山無復片雲生
乾坤萬里中天色湖海千年此夜情
日落不逢騏驎哭人和猶覩鳳凰鳴
南樓正有庾公興誰與登臨對一枰

西園登臺東眺

長松高閣倚青霄彷彿蓬萊弄玉簫
紫氣東昇滄海日白波西落廣陵潮
樓臺照耀金銀湧島嶼參差烟霧饒
老惜人間骨難換漫從雲水自逍遙

過西園有感

嬾慢真非狎世人東風自領故園春
青山樓閣湖邊好綠水池塘雪後新
鳥下獨憐窺几杖雲來未許染衣巾
知音寥落孤琴廢只傍漁舸理釣綸

暮春感懷

幾陣輕雷散積陰著頭雨點不成霖
烟開柳色濃于染風送花香爽欲侵
天地忽收江海濕樓臺旋動古今吟
行看落日澄湖色好憫傷春一段心

誕日召客

日暖風晴簇小筵南山遙對草堂前
杯拈鸚鵡傳仙液香熱麒麟裊
瑞烟倚席籬花寒馥馥捲簾霜月淨
娟娟百年上客清時宴強飲鑪頭一醉眠

冬至後閑述

山廓冬晴寒氣輕初陽動處覺春生
花枝冉冉紅窺塢梅蕊星星玉綴屏
時序等閒青眼轉乾坤容易白頭成
塵緣謝却同心在日日空林聽鳥聲

花燭詩贈顧小侯所建

良緣天合事非常花似佳人玉似郎
月照寢樓春入

夢雲開粧閣曉焚香禰衡只解題鸚鵡
司馬猶能奏鳳凰衛霍勛名誇閭閻早投
雙燕慰高堂

十月朔日西園賦

起看曙色思徬徨庭院紛紛落木黃
蓄酒床頭辨留客移花齋內避沾霜
寒塘不作芙蓉夢殘草還尋薜荔香
短景又將催歲盡鼎中何藥駐年芳

春日同澄之維新飲懷慎內兄宅

看山每到白雲深花落春殘一醉心
老去訂盟尋谷口興來招隱憶山陰
古槐覆院清留戶鳴鶴窺人響

過林愛客總戎全脫俗不妨袒跣縱狂吟

王文泉學博有贈席上倚韻奉酬

霜氈泚泚散春溫鳴鐸聲高動遠村大雅文章全入
殼京只徒令半盈門獨憐冷澹山中味共沐昇平天
上恩一醉習池僂笑語澄波明月兩無痕

西園代柬奎老用李于鱗韻

幾日炎蒸不見君清風芳沼惜離羣吟邊杖履空蒼
蘚望處樓臺漫白雲浮世人情疑寡介小湖秋色欲
平分銷憂多暇期王粲短劄重煩使者聞

荒園邀竹翁小坐

垂柳池邊白鳥過清風亭下送雲和奕殘倚仗閒聽
鶴酒半凭闌笑卷荷塵事漸於浮世遠賞心偏向故
人多月明歸路芙蓉滿何處滄浪發棹歌

仲秋作柬幼安

浮生無計挽回波蕭瑟池塘八月過白鴈海天飛到
少清砧江郭聽來多露華空自滋蒲柳風色偏能老
芰荷苒苒秋光看又半一尊山閣慰蹉跎

沈園晚坐

虛亭聳並太山椒司馬當年興亦饒面闢層巒孤削
壁手栽嘉樹上千霄鳳毛日絢庭前色蘭氣時廻海
上德霄霽月明風竹響依稀猶似玉人簫

丁春西園爲奎老拂塵

無奈鄉心戀舊何琴書歸向小山阿浮榮自信簪纓
薄春色應知杖履多白髮青天呼月飲滄江短棹扣
舷歌風塵洗後過從數日日初衣掛薜蘿

候幼度圍碁抵暮不至

酒冷香銷白晝閒碁枰寂寂對愁顏美人何處尋芳
草春色無端負好山新水一泓遲日落孤雲幾片暮
禽還空園叢桂堪招隱攜手東風莫厭攀

和詠瘦馬

騰駿曾說五花驄此日觀奇骨擁峰風警有懷垂涕
淚月明無力顧形蹤錦障水滿從誰渡苜蓿花開空
自濃老去壯心渾不死草長猶待好春逢

看新笋

亭畔山南竹幾竿森森叢發小龍蟠籜含勁節梢方
破籬護虚心插自安鳳下層霄新旭曉鶴眠深塢早

霜寒將君十尺爲扶老歲歲樓臺月裏看

晨起微雨

江上纔看一日晴陰雲又覆海陵城青春都自枕中
過白髮紛從鏡裏生杖履尋幽空訂約鶯花沾濕重
含情何人爲向東皇道粧束遊車上巳行

秋莊睡後偶述

新涼高枕白雲團燕雀無聲午夢安雨過石潭龍正
臥風迴天漢鶴初盤檣帆日帶楓江色劍匣秋侵玉
露寒未試黃金頭已白閒心猶把道書看

賀游父母公得薦一首

投閒長想白雲峰借寇還應叩九重清比胡威行處
見寬如黃霸曠時逢當官自笑鷹鷂志媚俗羞爲桃
李容更喜風流巡省暇習池騎馬日過從

謝譚侯見吾禱雨有應二首

延頸南圖江上天密雲將雨鳳城前千頭並洒花間
濕百道分飛樹杪泉榆莢一春愁寂寂梅林幾路喜
翩翩知君不學樂巴術借得商霖潤九川

其二

有善堂集 卷之二
等閒枯壤荷君休汪濊堪銷萬戶愁改火一朝纔報
夏分秧四月已占秋山前蟄戶殷雷奮郭裏高齋新
水流造物何功歸牧伯待晴雙鹿夾轅遊

荒吟

千里緘書問故人雙魚何事滯江濱歲華別後全非
舊交態看來半是新丹鼎藥成應耐老青毡道在莫
嫌貧門墻不獨侯芭在句裏閒情可重陳

西園眺望有感柬幼安

世事難論借酒酣醉來扶策看晴嵐春花雲路羞尋
徑秋草霜林喜結庵泗水入邗流海曲吳山開楚對
江南朝紳滿眼風塵色靜裡玄言好恣談

冬宵對客論倭警因懷伊亭

不向窓前惜髮毛還從島外問弓刀客愁銷借清尊
倒世事談令明月高蕭蕭寒城嚴夜警悠悠滄海傲
吾曹交懽欲盡蔬盤興絕調猶思白雪操

冬雨後過山亭柬伊亭一首

北風吹雨曉來殘新霽孤山倚杖看冷石一團雲尚
濕懸崖十仞屐初乾潭源水濶臥龍穩木落林疎棲

舊詩集 卷之三
鳥寒悵望江天城闕盡閉門何處覓袁安

春社登臺候鄭丈不至

望入無城十萬家歌筵處處醉烟花林光墮地春將
老海色涵山日正華却立懸崖蒼磴穩俯臨長檻碧
天斜鹿門不見龐公杖雲脚空飛玉碾茶

題望海樓三首

百尺樓高睥睨前吳陵形勝似當年東溟下見滄波
盡北斗遙瞻紫極懸江上圖山青不斷門前邗水碧
相連拱文地接雲霄近應有神龍奮九天

其二

嶽然崇構傍層臺雄鎮東南王氣開泰岳一峰當檻
落河流千里抱城來倚天寒色看歐劔盤地高標識
楚竹最是登臨宜作賦操觚終乏馬卿才

其三

海色蒼茫見十洲乾坤此地一登樓邗溝水落清流
合天日峯來紫氣浮寺逼何妨龍虎會臺高應得鳳
凰遊憑闌不獨覘形勝溶漾澄江好狎鷗

題壽圖

東帛升堂拜母時翩翩仙子下瑤池分甘自笑桃三
顆獻頌遙將酒一卮翔並青鸞雲路遠舞同丹鶴歲
華遲不須結伴雙成去好共慈闈日茹芝

鳳洲公極厄予一病不能吊再詩挽之

輿襯香歸我病時死生岐路不勝悲王程已戒燕山
道使節空傳遼水期三徑竹留人獨坐五樓書滿俗
相疑庭前蕙草依然長不向春風應向誰

其二

對酒探玄亦有年禪機曾許法門先無生淨界那期
早脫障紅塵肯受憐知我獨超淪落外論心不復笑
談前含悽尚有人寰累辭去應歸幾洞天

其三

交游風誼自齟年論長惟爭一日先抱璞共君同不
售埋珠單我獨堪憐高談雄辨清風裏綠酒紅燈白
髮前幾度登堂渾寂寞傷心放淚夕陽天

二月九日趨真定校士行次涿州

旌旄高捲塞雲開颼颼春風涿鹿來八郡英雄爭入
穀百年陶冶媿非才孤城日落星輶疾古驛更寒畫

角哀回首長安剛百里幾番歸夢到西臺

次真定喜接涵野公因報以同臺總督之薦

庭院森沈戶自開好風爲送月明來擁衾忽訝淮南
叟傾蓋偏逢洛下才枯筆句成山鬼泣扣弦聲動野
猿哀知君素有封侯志况復威名重栢臺

恭遇

聖駕親詣山陵喜是日午晴時寓定州

閱卷

羽騎森森擁六軍金輿丹旆度山陰昇平兩歲園陵
夢悵望三春雨露心龍去猶看雲氣濕鳳來偏得日

華臨遙瞻馳道塵消處危蹕無因思轉深

三月定州公署偶述

古塔齊雲對栢臺巍然平入望中來鐸聲遠近門關
蕭蕭影高低烟霧開階下草青春有色天邊鴈杳信
難裁茂陵多病無人問擁膝長吟祇自哀

和韻

百里烟雲臥海涯日憑詩酒度年華輪蹄市上原非
侶風月山前別是家躡履多緣明世喜扣門還爲旅
人嗟揮毫我欲成佳句自媿江淹筆有花

和雙泉諸君題徐氏樓子菊

老圃秋光久破籬風前奇萼見應稀傳來天上疑無
種開向人間信有機一斗肯容彭澤醉五車定解碧
山圍願題錦字次青女莫散銀花滿露幃

重修望梅樓成和袁壻應舉韻四首

畫檻木欄百尺雄龍從平地接高空霞蒸西嶽暮山
紫霧捲東溟曉日紅春雨流膏牽水荇秋風翻錦墜
江楓天開形勝興豪傑煉石何禪造化功

其二

千霄樓接楚天雄一望滄溟萬里空蜃市籠烟迷島
黑龍宮含日漾波紅依依蔭合門前柳瑟瑟聲搖江
上楓覽勝憑高思無限開先還說大夫功

其三

傍郭當門小洞開拱文佳麗卽蓬萊青雲已見應期
起明月還看乘輿來採藥千年曾泛海觀濤八月正
登臺廣川舊有玄虛賦高咏真稱玉壻才

其四

危堞層軒一代開鼎新今復闢蒿萊鵬搏遠向滄溟

去鳳至逢從丹穴來白璧故宜稱趙寶黃金何用築
燕臺懸知玉氣東南合名世紛紛起雋才

冬夜席上聽妓歌二首

閒情偶憶音風流喚得新聲滿宅樓禮法暫寬吾放
達錦華聊借客綢繆花濃屏內芙蓉掩酒盡罇前鸚
鵡愁自愛清歌堪悅耳不妨多費錦纏頭

其二

不將清賞醉秦娥聲色其如絕代何勝錦桃花含日
少轉枝黃鳥弄春多何辭歌闕銷銀燭自許詩成驕

綺羅坐客慙慙他日約角巾攜手小山過

喜再舉子

蓬弧又見葦門懸何幸添丁在暮年敢道雙珠生老
蚌定知羣玉種藍田凋零第宅中霄起冷落弓裘繼
世傳從此閒愁消百種日開尊酒醉江天

壽竹翁黃長兄六十詩五首

六十初逢嶽降辰鶯花正滿郡城春四朝天上歸來
客萬卷牀頭老去人霄路尚看黃鵠舉烟波且對白
鷗親石交投分江顏日再拜尊前髮總銀

其二

錦席乘春闋苑開賦題鸚鵡客還來江藩風節千年
色海國文章一代才起草鍾山郎署在投簪南斗使
車回吳陵萬樹紅香滿飄落君家壽酒盃

其三

南柱南山入望高地靈天象對人豪一城喜氣來珠
履二月晴光照錦袍漉酒柴桑多種秫謫星金馬幾
偷桃百年攜手風流遠渤海何人獨我曹

其四

蘭珮霞裾雪鬢香里中初杖漢廷郎江花早映雙鳧
色海岱今垂列宿光雲護石潭龍暫臥日臨丹閣鳳
高翔醞醑共醉笙歌歇雅調平吟春晝長

其五

弱冠科名早美君馮唐老去播清芬八千洞裏椿爲
壽六一人間鶴不羣修竹蟠龍生短竹白雲垂練接
青雲滿提花下年年醉蘭氣薰人日夕聞

贈崇川范君

楚璞還須待價沽遠遊聊欲識川途名山到處尋詩

好老眼經時得士無扣缶聲非鳴玉似蠛蠓形豈大
鵬如衰遲笑我甘頭白擊劔燈前看爾呼

小園卽事兼送范君

楓落江城霜葉稀暮烟墟里楚雲低黃花對酒孤亭
上白鶴依人古寺西月照松林山犬吠風鳴葦岸水
禽啼倦遊淮海東歸客歲晚依依惜解攜

賀丁若岡七十

舞衣初試小春天紫氣東來接壽筵綠酒臨風金管
錯黃花零露翠裾鮮曙樓靜聽雞鳴早雲路遙看鶚

薦尤最是六街奔走日烏紗白髮看神仙

西園蓋茅屋成

銅柱曾期漢界標閒園今葺數椽茅匝溪燈火連花
徑擁樹雲烟護鳥巢寺近霜風朝聽梵山深寒雨夜
鳴鏡一經窓下兒能讀舊業何妨老去拋

謝文泉王學博穀日招飲

廣文張館簇春筵駘蕩春風薄海天香繞畫屏烟裊
裊暖烘苔迳草芊芊梨園盡日高談歇栢葉分宵雅
令傳歸路一川明月滿清光還似對君前

自述

偃蹇迷途二十年江湖有分得歸田囊空十口身爲
累性懶平生衆所捐放浪形骸天地小棲遲畎畝姓
名全還將餘歲酬徵尚高閉柴門學草玄

宿鎮江城隍廟晨起

一宿公宮境外幽虛堂午夜月光浮山鐘杳藹碧雲
際漏鼓喧闐紫殿頭曉色總憑林鳥報江聲長傍旅
人愁六街依舊乘驄地回首風塵二十秋

對山

隔江千里見圖山愛此幽人不閉關倚杖雲來蒼靄
接開軒日上翠屏環巖深洞好盧敖臥壁峭巔宜謝
眺攀安得壺公來縮地依然移注月塘灣

贈韓醫國西臺

懸壺市上貯瓊漿南斗波流七井香百卷葛洪方獨
異一針郭玉技偏長參花作蜜爭相啖松葉成醪許
共嘗飲贈宋清空券在慇懃聊爾句爲將

近莊邀西臺諸君小飲用前韻

城南乳酒玉爲漿愛客沽來滿甕香紫蕨獨燒桑火

短白魚雙掛網絲長生涯百畝閒精討世味千般老
備嘗此日放歌須一醉片帆分手又相將

病目懷幼安

鬢毛零落眼模糊山色遙看似有無花塢幾宵春夢
杳命宮三日酒星孤却憐塵世埋荆壁翻恠波光照
鏡湖青白看人懷阮籍一尊還向竹林沽

歲晚雨中辱道尊招飲

古寺溪邊列管絃使君高會雨連天冰霜並帶隨車
澤江海全銷遠戍烟覓草蕙生山北郭看花梅在水

南出梨園一曲歸來後尚憶鑪頭酒似泉

喜春晴

朝曦帶雪映吳城望裏搖光素彩生九陌香輪迎細
草孤山藜杖問新鶯芳含白玉梅花冷色弄黃金柳
黛輕莫恨惱人風雨惡年年春日半陰晴

早春懷澄之丈

山亭寂寂曉陰陰咫尺懷人萬里心風雨正堪禁客
過壺觴不向酒徒尋鶯啼谷口琴書靜雲擁柴桑里
巷深若道郊晴方策杖春光拋擲幾千金

春陰懷南莊

早擬春遊過月塘風雲繚繞積陰長錦囊不貯江山
秀白髮空生湘海狂草色芳郊千頃綠梨花別墅幾
枝香晴川蕩漾何時好一片輕帆帶夕陽

暮春雨中西園對酒

杖履新亭日日過遣愁時借莫愁歌春歸不厭壺觴
滿花落偏逢風雨多江上歲華空老大山中生事易
蹉跎一犁早辦城南畢對客依然醉綠蘿

獨出南郊歸途作

寂寥江上暮春遊竟日緣堤看水流老去獨憑孤杖
健閒來不挂一絲愁驛樓天際遙如點山寺波間漾
若浮爲笑五湖塵外客年年散髮弄扁舟

和王元美紅梅吐萼之作

幽姿同冒歲寒霜爲染東風獨擅場瑤島月明流絳
綵玉臺春色醉紅粧客遊吳下驚心早詩過淮南引
興狂欲寄相思無別曲山陽笛裏舊西羌

其二

芳容耀日性含霜品列寒花第幾場梁苑霏霏仍瘦

影蜀江拖錦獨濃粧香生夢裏春先醉點入吟邊句
更狂我欲臨風橫短笛隔江何處聽吹羌

其三

洗盡玄冬五夜霜冶容淨入少年場橫搖醉態非關
酒細點脂痕不用粧海上干將人已老江南鸚鵡客
猶狂難將嘯咏酬清世雄畧還看早破羗

小園期龔公祖枉集

辟疆三畝枕巖阿齒檻遙分泗水多地接霜林朝梵
響山遠墟里暮烟和城頭明月臨丹竈池上清風掃

綠維小隊何時來小徑一尊聊和白雲歌

謝龔公祖惠教新刻

漫將巴曲引瑤篇白雪繽紛落九天江上芙蓉渾不
染匣中琬琰最堪憐兩淮經畧三山動七澤文章一
代傳我亦苦吟慙調短臨風空對伯牙絃

夢中得句枕上續成口號

太液池邊金粟黃年年片斧伐吳剛一枝含氣生瓊
宇三種題名上玉堂遙趁天風飛旖旎飽經秋露發
芬芳夢中句雲梯爭躡人多少折得歸來是二郎

雨中過北門友人奎老不至賦此柬之

帶雨尋盟興亦豪衝泥不惜短筇勞棋枰星布臨溪
靜酒旆風搖隔岸高浮世逢人成白眼締交當席問
綈袍醉來笑拂髀間佩猶自霜飛一寶刀

壽潘內丈六十詩

博帶褒衣雅稱身太平江海一閒人不將名字聞清
世獨向鶯花占好春傲俗寰中青眼轉論交門下白
頭新登筵笑問如相許嬌客年年作上賓

顛風中懷澄之維新二丈

底事封姨怒未休號呼日夜萬楊頭擁門落葉寒
色護野陰雲亂不收暑去空持文質扇憂來好上仲
宣樓白頭聚會何妨數轉眼黃花又送秋

曉望

海日初升宿霧開樓臺隱約見蓬萊雲蒸五色山前
出樹破千林水上來點地露多棲勁草到門風自掃
陳芟曉涼正好閒人臥近水塲邊杖幾回

杪秋十四夜喜月皎甚因懷筆山吳學博

碧天如洗淨纖塵出海冰輪自古今蟾滿欲圓瞻兔

盡簾疎無得到床深盈盈墮地寒浮水歷歷棲鳥影
在林此際相思隔談笑清光猶喜照君心

奎老授職初歸過飲荒園時值午日天且雨

天上歸來捧檄新翩翩丰采照江濱山靈欲向衣冠
笑沙鳥還容几杖親風雨佳辰邀楚客乾坤終古吊
湘臣悲懽併屬浮生事一醉何愁兩鬢銀

夏雨王盤石諸公携酒小園時有別約

積雨當筵苦濕蒸清風驅暑過山亭晴光照客憂成
喜爽氣宜人醉欲醒壠竹含烟長裊裊石池分水細
泠泠壺觴不盡邀遊興更看羅浮一頃青

雨中歸自新莊因懷樂老

烟郭沈陰黯未開滿天愁色北門來管寧海上身空
老庾信江南賦可哀日晚人稀江市路山間鳥下石
池臺乘風谷口揚帆便知愛幽眠喚不回

錢儲兩生枉顧南莊

城南烟水似滄浪細雨回風度月塘有客高懷來笑
語無人閒處問行藏井梧覆院垂陰靜河柳沿堤落
影長照地不勞雙白馬角巾丘壑倍輝光

再疊前韻期其再過

輕橈乘興泛滄浪未晚歸帆下柳塘東海雲行龍乍
起南山霧繞豹深藏郊原自愛秧將徧風雨徧令酒
不長舉網白魚新水滿好攜明月醉池光

五月久雨俄見新月時禾苗滄沒過半

江郭連陰日日愁晚看新月碧湖頭疎星暫伴輪全
仄溼霧旋遮影半流縱減炎蒸終苦水未逢搖落已
悲秋塵凡安得神仙術絕粒餐霞臥一丘

西園睡起偶述

疎簾高枕草堂西午夢初醒亂鳥啼院靜風迴知
遠樹高雲接覺天低雙松歷歲蒼虬古萬竹干霄紫
鳳齊蹊外桃花潭水滿世人應恠武陵迷

夏雨移秧

雷雨聲聲伏枕鳴一犁晨督故山耕短秧新水分田
早乳鴨迴波逗浦輕海上清時謀歲事人間白眼看
勲名秋登酒熟香秔滿取醉何勞問步兵

元日雨中賦

閭里方懽元日春霏微寒雨及佳辰纔添草木回暉

舊業堂集 卷之三
色更洗乾坤隔歲塵詩酒百年逢盛世鶯花三月屬
聞人青皇早放川原霽山閣廻看面面新

磐石丈留飲戲呈奎泉

戎府秋高偶一過追權無奈故人何白頭樹下簪花
短清興尊前對月多向夕一枰敲膽破臨風三斗染
顏酡相逢豈用頻防面金石論交誼不磨

苦雨

纔見秋光兩日晴惱人風雨又江城清朝黯黯山前
色長夜蕭蕭枕上聲栢府幾年明滯獄天河八月洗
罷兵叫閹豈爲途窮哭鹵海蛟螭市里行

喜雪期劉子厚王德仲過西園

一白占年望眼開祥風今日海門來老憑耕作供千
畝閒借謳吟瀉百盃醉裏江山看不盡畫中樓閣思
難裁風流雅慕梁園事倒屣權迎作賦才

閏八月望前一夕客席散後獨坐對月

酒罷棋殘夜色浮滿山明月又中秋重瞻白兔光逾
皎更倒酒樽人不留萬井初寒多臥閣百年孤興獨
登樓擣衣遠近砧聲起何似蕭然客潤州

雨後承張南淮儲幼安枉顧新莊

雲山不斷路漫漫雨後蒹葭四月寒
臨水客來移艇遠當風人立怯衣單
交游海內百年在意氣尊前五斗寬
青雀更期他日舫好從江上弄漁竿

對竹

夢斷嬋娟老懶生蕭蕭無那隔窓鳴
蟠龍細籜環江宇棲鳳高枝跨海城
開徑清風懷蔣翊夾池佳句媿陰鏗
扶疎自笑春容澹終古堅貞保令名

贈臯尹禱天有應

川原不隔頌聲來鞭石回天動九垓
琴韻午槐當案起酒香秋社向山開
郡齋獨許清風過公事都憑好句裁
媿我蓬蒿深處隱知賢無路達霜臺

其二

東來萬口說循良百拜登壇禮上蒼
誅螟卽看收宿雨迎龍旋獲覩驕陽
五株門外春花滿雙舄城邊秋穀香
眼見廉明堪怙恃不須青史羨龔黃

和韻贈金師席

淮陰共載孝廉船對酒高吟秋水篇
萬里河流滄海

接片帆春曉碧空連楚材已見珠明夜越儁還看劍
倚天賓館不同門下客高談應長陸雲玄

秋日王磐石攜酒北莊因呈楊廣文

何處能來激楚歌總戎開席向巖阿乾坤合放閒人
醉山水寧嫌好客過空谷笙鏞驚里閨疎林燈火耀
松蘿草玄况有楊雄在占得秋光分外多

南莊同樂老諸君夜歸

江上烟波不禁人高秋乘興放舟頻望中雲樹青峰
合勢外交遊白首新霜露自憐侵竹杖風塵何意傍

紗巾半曛落日歸來晚一點孤燈照水濱

春雨日辱近翁橋梓攜酒相餉兼及內人

蓬蒿門掩楚天長客有移尊過草堂海上餘寒春剪
韭雨中清興夜飛觴駝蹄山壓金盤薦鷄舌烟燒石
鼎香况是韋賢同燕喜迴波沾酒徧恩光

孟春晦前雨後留戴維新宿時戴將北行

疎燈啜茗夜闌時徐穉連床豁所思春色消磨江郭
雨客懷勾引草堂詩閒心懶問人間事僻性應逢物
外知不醉小槽新壓酒短長亭畔悔應遲

偶述

十二因緣總未除那能蓬髮不蕭疎古今已作終宵
夢天地還成一宿廬白浪看人爭競渡青林待我獨
逃虛關門令尹可從識滅跡先藏薄板車

友人邀至沈園閒酌更有所期

客子招尋過草堂命官今日酒星光傾壺色淨清風
滿落子聲高白晝長湖海無人生睥睨乾坤有地著
疎狂明朝北郭乘春去東道懸知倒屣忙

枯樹寒鴉

森沉寒樹集昏鴉雲冷疎枝墨未遮隱隱林梢千點
小蕭蕭風外數株斜霜毛欲借昭陽色凍眼思窺上
苑花暫止不隨籠鳥繫羣飛自啄海邊沙

過西園

不惜青鞋海上遊春光多在郡西頭水聲遶郭長橋
接黛色連雲小閣浮萬里風烟雙過鳥百年天地一
登樓人寰何處非容我獨伴詩書老故丘

小園絳桃盛開同禹翁岳丈暨懷竹諸兄小坐
把酒臨風興不窮絳桃花放滿園紅霞緋一片看難

盡雲錦千重畫未工喜氣總緣佳客別賞心還與衆
人同盤桓更愛孤芳好偃蓋青青澗底松

過懷宇丈對局

雨陰日日熟梅秋雨後林光黯不收去怯杖前苔徑
滑病憎衣上濕雲流散愁車過層軒敞決勝枰開小
洞幽何意主人頻敗北一尊重約習池遊

其二

清世閒人一局棋草堂僮僕鎮相隨浮名不掛青山
色好客還生白玉姿歌動香飄爐氣遠算多枰落子
聲遲忘年懽笑蔬盤外長日淹留暑不知

夏日留客

小排朱夏續餘懽送酒南隣十斗寬赤日照盤空首
藉清風飄席滿琅玕百年意氣爭看劒五月炎蒸欲
卸冠安得金盃深貯水白龍皮散一堂寒

十三日雨雪中飲劉中橋宅上

點點紅梅春雨香六街車馬爲燈忙臺池獨映蓮花
色烟火還生明月光捲地風雲飛亂雪拂天簫鼓動
清觴隔門拚取良宵醉縱犯金吾也不妨

對雪

隨風旋舞上欄干，片片疎簾帶笑看。
瘦骨正宜新鶴斃，閒心還憶舊漁竿。
鑪頭酒熟香初暖，坐上詩成筆未寒。
百里豈無僦臥在，何人車馬問袁安。

山園幼贖幼度攜酒過集

名園不厭客頻過，斗酒還攜馬仗波。
雜樹鳥聲啼宛轉，平臺石勢立嵯峨。
臨風欲學花前舞，見月思成醉後歌。
高誼平生推二仲，綢繆猶覺歲寒多。

和擒賊詩

指揮幕下出神兵，不戰奇功計自成。
嚴警霄中魚鳥陣，凱歌江上鼓鞞聲。
行春小队懽生色，報德豐碑老著名。
佇看玉壘親授鉞，劍鋒遙拂塞塵清。

題避塵館

避喧長傍小岩阿，車馬從教里巷多。
一味自甘閒是計，萬緣都識妄爲魔。
風簾晝靜爐香細，花塢春明樽酒多。
我欲山前分半席，老狂高咏紫芝歌。

寒夜與儲十二輩小坐

擁鑪相對草堂幽，話到人間事事愁。
客裏黑貂逢季

哀尊前縞帶見王褒驅車半是窮途哭秉燭全非永
夜遊笑負杜康還一醉共邀山月過南樓

冬日枉近翁諸老及任甫幼度小坐

梅花纔放小山阿折柬相邀少長過紫氣帶來藜杖
滿青雲還傍角巾多攻文席上逢開府破虜燈前見
伏波業在行藏須及早人間歲月易蹉跎

喜晴過西園再東唐別駕

雨色冥冥破曉烟舉杯江上問青天應憐河決經三
載詎使花開空一年虛閣捲簾看霽日曲池倚杖聽

鳴泉頻過莫厭山厨瘦細笋新茶勝玳筵

夜坐有懷因寄鄭東泉

明河清淺照江臯爽氣空庭薄紵袍雲淨新秋淮野
濶星疎深夜楚天高兩朝臺寺名猶在十載江湖夢
亦勞老向山人問真訣欲求大藥伐吾毛

西園新啓南扉

城南佳麗望中收水遶長淮入徑流玉閣青霞朝日
擁碧湖芳草暮烟浮落花一片春將晚啼鳥數聲山
更幽攬勝誅茅寧獨樂祇應未許俗人遊

香齋集 卷之三
壽幽翁李姨丈夫婦七十步韻

歌鐘餘月動寒鄉，偕老筵開客滿堂。
松偃霜枝依竹，祖傳春信報花王。
瓊漿久漱瑤臺侶，彩服長趨青瑱郎。
羨羨芙蓉元並蒂，百年同醉紫霞觴。

偶同客登玉皇閣

瑞雲香霧繞珠庭，高閣閒凭萬柳青。
短杖石壇過福地，疎簾玉座禮神明。
益州未化沙邊鶴，太史還占海上星。
興盡棋殘歸路暝，山花寂寂水泠泠。

久雨約劉鳳阿李春園相過

雲借吳城鎖積陰，郊原空負踏青心。
江花含態愁將老，岸柳攢眉恨不禁。
何處晴光金可買，誰家春色酒堪尋。
孤山好客還應到，新水成渠總未深。

寄丁少鶴鄉丈

飛鳥早向越中知，跨鶴今看獨立時。
腰下何曾纏朽貫，人間每自播新詩。
月鳴久擅青田價，霄舉遙憐白雪姿。
願盼深情難可報，秋江雙鯉寄相思。

俚句辱竹翁相和復此答之

照眼冰壺日對君，驚人險句復空羣。
波翻碧浪鳴千

春華堂集 卷之三
壑色映瑤天護五雲郎署勲名才獨擅漢廷詞賦價
全分鼓琴莫道知音少流水高山次第聞

夏日過南莊

鶯花市里競春杯隴麥逢秋別墅開繞室仙風天目
近隔江山色海陵來烟含榆柳清留戶日照蓬蒿鬱
滿臺去此爲誰開釣艇一竿垂地長莓苔

夏日對花遙賦

湛碧池前花滿臺參差猶向望中開懶呼扶老看將
去笑遣奚奴折得來赤日到門書總廢清風當戶句

遊春閒處漫興微吟起白鳥雙雙下綠槐

夏日小樓讀李于鱗白雪樓刻

燕寢凭虛也自幽午天長日片雲浮八窓塵外清風
閣一卷寰中白雪樓丰骨曼隨東嶽立波瀾迴向大
江流高才陵替堪成嘯宇宙鴻名總爲收

登一覽臺懷澄之鄭丈

高眺危樓倚白雲青天搔首問離羣西來山色平岡
見東去潮聲薄海聞露下霏微蘭氣合風前咫尺鴈
行分層樓剩有盤桓地細爇爐香日待君

近翁和韻過望小兒隨年奉謝

桂枝曾接子猷攀三十年來擬再還
明月良宵通好夢清風住句破愁顏
蠶池作繭當三起豹管窺文得一斑
顧盼敢忘轅下惠成名歸拜法筵間

夜雨早涼期友人一坐

一雨虛堂夜爽生陰雲朝起護前楹
涼飈萬井回炎海清夢三更到赤城
簾捲烟光看去薄衫含秋氣着來輕
殷勤莫負佳辰約酒在尊壘棋在枰

過南莊

數椽疎豁月塘灣乘興來尋半日閒
潮落暮江沙帶碧霞生秋樹錦成斑
團團宅蔭陶潛柳面面窓開謝眺山
安得此中長煉藥帳前雙鶴見丹還

送杜漸川之任南昌因寄萬思默

宦跡因君憶舊遊豫章樓閣似瀛洲
湖南高士方清望海上閒人已白頭
辛苦十年名省佐炎蒸五月大江流
微官籍有提攜在極目松蘿喜氣浮

過西園

杖履秋晴到草堂殘荷猶泛一池香
籬花識主還應

舊業堂集 卷之三十一
語山犬迎人故欲狂亭轉竹陰林日淨閣連湖色海
天長行行獨立風前笑蒨蕤丹曉照眼黃

省儉

萬木蕭蕭別業邊晚秋觀穫到南田馬迎山色掀征
蓋棹轉蘆花沒釣船層漢風高黃鵠舉晴江波靜白
鷗眠囊中檢點防來客沽酒剛餘阮氏錢

盛夏去南壩新莊與東橋偕往途中作

帆下長河七里灣青天不動白雲閒中霄日赤郊墟
淨尚樹風清鶴鶴還潮入壩南通楚水屏開江北見

吳山相逢正值平生契一路軒渠破苦顏

對蠟梅

倚杖看梅江郭清日蒸山氣暗香生萬英細綴枝非
弱一葉不留花更清喜對巔毛飛雪色愁聞羌笛出
林聲風流亦有羅浮客月冷霜寒夢未成

歲暮西園對客

馳驅不似世人忙挈客冬遊過草堂千里河山寒映
月一園蒼翠靜飛霜探梅共問春何在對局從知日
漸長水遶溪深歸路黑隔橋殘雪帶林光

春日辱徐太學涓野招飲

公子風流愛客過，筵開畫閣景偏多。
月明如水臨朱箔，春色隨烟上綠羅。
別院徑寬容駐馬，高門日落待揮戈。
梁園况是羣才會，吾老何妨倚醉歌。

沈園同後蘇戴諸公對局晚歸

烟薄風微霽日生，中春一月一朝晴。
閒庭鳥下迎人喜，別院花開隔竹明。
沽酒媿無東道主，彈棋幸有北山盟。
相逢共笑出門去，空爾慙勤惜別情。

陪郡父母飲有作

錦筵初泛紫霞杯，一郡循良擁蓋來。
海上臥龍隨雨起，甕頭浮蟻及春開。
碧雲搖曳歌聲繞，珠斗蒼茫劍氣迴。
潦倒却慙賓從末，醉中猶自諱霜臺。

寄敷翁詩伯

斗南虹氣劔川開，血汗神駒海上來。
白雪人傳三謝句，青雲庭毓兩虞材。
滕王閣近連淮水，楊子江空望楚臺。
早晚法門官裏過，百篇搔首待刪裁。

其二

日照芙蓉霧眼開，五湖秋水豫章來。
從今淮海無名

有美堂集 卷之三
四一
筆自古山林有大材濟代總歸新皂蓋識途空老舊
烏臺清芬遙揖曾遊地千里緘書句漫裁

萬曆二載中秋同澄之維新作

開筵對月中秋夜四十年來笑語親圓魄徧懸愁樂
地清光長照古今人壯心如昨忽俱老舊好逾時翻
更新安得海濱逢樂歲優游湖上共垂綸

近翁招飲唐雲翁別駕不至詩以促之

作客西隣月滿天媿將衰齒壓瓊筵不逢笑共梅花
語空使香焚寶鴨烟誰重朱陳人已老交深管鮑世

忘形久拜高風下底事良宵負酒泉

王近翁惠棣棠花奉答

刺史名園棣萼新數莖移插到西隣翩翩忽動連枝
咏荒落俄添二月春色借祥花金掌露香分瑞葉玉
堦塵他時上客來懽賞五馬雙旛舊主人

謝竹窓先生詩

九折方名海上香無勞問姓識韓康神功舉指憑雙
眼春色隨筇載一囊藥會補天躋華扁酒能中聖到
羲皇銜恩不獨孫枝感濟世因君願總償

送王紫源父母陞任安慶

班馬朱纓紫玉珂
離亭尊酒對悲歌
名收白簡羅才盡
政佐清風入頌多
天柱有峯飛羽蓋
海陵無月照烟蘿
皖城一派長江水流作
邗溝去後波

見邸報論高寶河防時堤完苦雨

長堤築後來風雨
人事難回天怒號
青草日埋江岸短
白波時捲雪山高
漁陽空覩盈疇麥
淮海翻驚四月濤
珍重河防周柱史
更題板築兩崖操

秋日同友人往沈氏莊居

望望蒹葭秋水深
漫遊不似少年心
持觴話盡田家苦
倚棹聽殘漁父吟
此日伏龍成懶慢
當年司馬感招尋
片帆歸路看新月
露濕輕衫風雨襟

同杜君實東行晚歸

孤帆歲暮泛江津
不惜霜華兩鬢侵
山氣拖雲橫曳練
水光浮日碎搖金
相憐病後論交久
自笑生前慮事深
無酒可供河上醉
踈星明月夜歸心

賀雉臯太尹祈禱有應

百里權騰擁雉臯
神明茂宰爲民勞
陰陽縱閉三時

昔天地平成五稼高化洽自生芹藻色政和應覩鳳
凰毛白頭扶杖瞻鄰壤欲向餘波濡一毫

寄謝華明經連泉

交情生死海如深尺素聊緘一片心
擗管當年期化玉披裘此日見辭金
鳳凰臺迥江流遠薜荔園空霜月侵
懷德思君倍惆悵白門寒色正蕭森

正月三日雨酌座中時有八客

傳村滿座客飛觴風雨年年舊草堂
燭帶夜光花倍爛酒沾春氣甕逾香
締交自可輕寒暑混俗何須問

短長待霽郭南開別墅扁舟乘月咏滄浪

謝懷慎丈留飲

太平江海剩閒心攜手逢君感興深
欵曲每開花下宴風流長發醉中吟
堅珉悞擬荆山璞良產空懷越地金
爲語春殘尋樂者鬢毛全被曉霜侵

送奎老分教江浦

劍氣衝星老未銷冷官初拜近重霄
青芹碧水春飛雨明月空江夜聽潮
一代聲華推重地千年禮樂翊清朝
獨憐得句知音少觴咏何人慰寂寥

西園晚穫

撲面湖光風色輕高原間倚碧雲生
插天獨立青巒
曼背日雙飛白鳥明清世應無江漢夢浮生
還有歲時情月明墟里人烟少蘆荻蕭蕭戍鼓聲

八日邀鄭澄之諸君觀春二首

芳郊綺仗簇花新雲擁勾芒到海濱
天上正逢開霽日人間同領太平春
樓臺色映千門曉士女香飄九陌塵
東道短筵誰是主絮袍蓬鬢舊臺臣

其二

剪勝縷金處處新最靈辰喜宴江濱
半天寒日留殘臘五夜溫風送好春
浮世有人惟白眼香街何地不紅塵
漢宮此際開長樂歌舞千年祝遠臣

冬夜攜室人過岳翁宅卽事感懷

重門深院不聞更到枕寒鷄三兩聲
海日未生東閣曉風燈猶照北窓明
酒闌興盡懽初合衾冷香銷夢不成
還喜十年投珮後同車依舊過蕪城

仲冬十二日阻水維揚

計日安流速去程無端羈思滯蕪城
霜飛永夜千林

蕭凍合長河十里平勝里烟花聊寄興故園風竹重
含情陽和好射蛟冰斷早送歸帆月下行

留竹亭張翁小飲

偕老盟成燕喜開翩然仲蔚草堂來五絲不用全憑
卜雙璧何須別逸才爐氣氤氳人自醉歌聲繚繞句
還裁寒帷遠送霜天月列炬干霄見上台

冬夜順泉張丈招飲芳園賦此以謝

勝里名園壓辟疆崇山疊疊樹蒼蒼庭空覽盡中天
月閣煖銷殘永夜霜青瑣夢回雙闕曙白雲身臥萬

花香憑陵一眺風塵外未醉華筵興已狂

山莊六首

雜遝囂塵駟馬中何如溪上一帆風百年浮世元如
寄萬劫勞生總是空水暖鴨頭翻藻綠江晴魚眼射
波紅早春賸有湖山興翠黛青瀾看未窮

其二

盡日春衫蕩漾中輕寒猶怯夕陽風霜鳥避弋深藏
渚野鶴盤雲半入空新水一篙萍葉綠疎林幾樹槿
花紅孤帆挂遍天南北不向人間泣路窮

其三

荏苒年華六十中
喚愁江草又春風
久知塵世千般累
且對雲窓一隙空
白髮難將仙液黑
赭顏易借市沽紅
幾回欲傍天台老
迢遞雲深去路窮

其四

金縷初黃二月中
暝烟飛散柳塘風
杖藜自笑蒼藤健
對酒惟愁鸚鵡空
羅綺晴嬌春水綠
詩篇夜剪燭花紅
百年老眼長途豁
獨笑疎狂阮籍窮

其五

駘蕩乾坤百歲中
若耶溪上舊春風
亭亭淺水新蒲長
落落疎林宿鳥空
遲日滿山嵐氣紫
芳郊二月草芽紅
白雲天際人千里
岐路東西望眼窮

其六

浮生計就五湖中
瞬息歸帆半日風
四野雲消春水長
滿船月上暮江空
霜飛掩映梨園白
霞散參差杏塢紅
詩思芳郊千萬狀
錦囊收拾未應窮

躋丹廣陵王將軍邀飲未晚別去

秋光不爲隱淪銷
問水尋山興轉豪
已買百年瀛海

舊業堂集 卷之八 三
四
棹還觀八月大江濤芳筵對客風流滿落日懷人俠
氣高乘夜放舟明月去淒淒白露點征袍

寓郝園

園開三里傍芙蓉不在烟花市里中湖海清時來郢
客乾坤閒處醉山翁一庭寒色梧桐老百里秋聲蟋
蟀同漫倚壺觴懷地主笑談曾此面春風

郝園漫賦

邦溝南下此長河乘興高秋掛席過地接霜林天語
近路連客館使星多蜀岡山色浮青靄揚子潮聲湧

白波不遣西風吹旅髮滿園蒼翠日婆娑

去郝園

宦遊曾此醉岩阿懷舊猶思枕薜蘿三日主人還未
識百年浪跡亦空過垂簷樹密清風少倚檻花殘亂
石多避地漫攜孤劍去好山深處任狂歌

借居卞園未果

悞疑車馬訪沈淪金石何人不易心漫道稽康從俗
懶也知顏闔臥雲深燕關楚塞猶同舍明月清風只
隔林半面靈山曾識我好聽秋夜白頭吟

寓秦園

爲憐筠館傍山清忘却譙樓接郡城五夜鼓聲鳴不
歇一床蟲響夢難成乾坤何處容歌嘯塵世無人問
姓名風雨通宵更愁絕曉看霜雪滿頭生

寓文樓園

窈窕林深不染塵辟疆高臥自綸巾羊蹄草碧驚心
舊龍爪花紅入眼新地闢名山留勝蹟天開好景待
閑人客遊不必悲秋晚握手論交處處春

懷歸

海上依然一畝宮數竿修竹引清風旅遊無地容棲
鶴歸思何緣欲借鴻彈鋏肯干公子貴題詩應任老
夫雄幽棲自是臨淮好龍劍西風馬首東

定居

漫遊不帶買山錢偶欲移家水石邊豈愛花明猶錦
里惟憐鶴唳似青田五湖客對孤舟月三月人懷一
井煙自探囊中惟短句笑畱空券作腰纏

偶感

江鄉正憶蟹初肥旅食邗城幾日歸梧葉風高天目

墜葦花秋老月塘飛故園物色逢時好浮世人情到處非此去盤桓從所欲南山豐草北山薇

讀南華

鄉思縈迴一水分客堂終日見流雲長松覆院生孤色好鳥投林下幾羣涼氣霏微山閣入雨聲蕭颯夜窗間開函漫讀莊生語物外逍遙正似君

苦雨

夜雨連絲曉不休聲聲滴入客眉頭授衣未辦霜前冷穫稻應添水後愁八月秋光空遇閏千山詩興久

妨遊蒼藤何日扶新霽題徧蕪城十二樓

舟行遇雨

長河風雨夜蕭蕭涼思孤舟攬黑貂驚枕數聲秋夢短打蓬千點客愁饒雲棲遠樹寒孤鳥水長平津沒小橋安得陽鳥高萬丈滿江晴色送歸潮

舟行遇雨懷宇文限韻陽字

不鞭陰石欲鞭陽落落歸舟客路長兩岸樹聲風歷亂一江秋色雨微茫夜床朋舊何人在晚歲馳驅底事忙坐惜壯心成白首幾回青鏡卜行藏

舊詩集 卷之三
將到吳陵先遣歸報

五兩風回細浪平雙飛仙鷁指吳城丹楓楚岸驚秋
老白日圓山送午晴喜氣懸知簷鵲報好音先付塞
鴻征聞愁盡遣類沾酒滿篋搜詩對友生

懷鴈

朔鴈常年此日過汀洲寂寂思如何稻梁豈識淮南
少羅網應防海上多悵望孤雲江漢影遲回落木洞
庭波南來早送關山信香閣人停月下梭

晚步

容膝行迴曲徑盤亦分明月到闌干清留瘦杖生秋
健爽入輕衫起暮寒白髮日於浮世遠青天夜向小
齋寬還攜孤興邀諸少蘋蓼江頭理釣竿

近翁有詩謝送江魚爰和來韻

白髮滄江欲暮天西臺猶憶舊時燕夢中久失江淹
筆湖上同歸范蠡船老佩吳鉤還自晒醉吟巴曲豈
堪傳留連不厭頻來客最是孤山風月仙

懷西園期樂軒鄭丈

咫尺山谿阻嘯歌虛亭長日綠陰多門闌芳草鳥還

下池滿清風客未過雲起藥爐封几杖月臨書幌伴
藤蘿相看更有虹橋約一片香泉浸芰荷

又東幼安

買田洲上傍羅山一葉隨風自往還塔影孤懸江國
路潮聲深落海門關黃魚紫蕨秋應熟濁酒新詩日
正閒地僻無勞車馬過獨栽叢桂待君攀

題新城古堦

峻塔巍然一水東舉頭塵世半天中紫霞東海長迎
曉白鶴西山遠下空地自何年開勝蹟人於此日振

高風月明露白清秋夜滿酌孤吟興不窮

北郭看田一首

東風一棹下江天夾岸飄飄酒旆懸市舶瀕河人磴
磴漁歌向午鼓闐闐清時滷海棲岩谷白首青山種
石田浮世榮名我何有憑棋爲日酒爲年

雨中對羅浮

塔下新城四水環中央突兀小羅山洲隨芳草年年
長鳥共孤雲日日還塵世人多雙眼在滄浪客自一
身閒冥冥暮雨烟波夕隔岸籃輿邈未攀

對芍藥期韓伴松

紅藥初開曬景長暖烘花氣逼人香鶯窺芳艷啼先
老蝶趁輕風舞倍狂時去尚留春色在身閒還爲俗
緣忙年年辜負清尊賞此日期君入醉鄉

十三日夜獨坐

六街今夜試燈初邑里蕭條只晏如山郭未昏鳴禁
鼓市塵何處逐遊車樓臺暗鎖歌鐘歇羅綺空嬌舞
閣虛獨有江城明月好清光還照案頭書

十五夜邀友人小坐

依然湖海兩綈袍把酒相看月色高千里昔時皆駿
足百年今日總霜毛青萍醉欲當筵舞白雪狂多對
客操佳節不妨隨俗賞擁門烟火集兒曹

十八日觀張中軍牡丹屏風燈

市罷還張白下燈畫屏國色欲傾城丹葩爛放霞橫
捲翠葉輕搖風乍生寒箔不鈎飛紫燕春山待雨聽
黃鶯淹留未盡東君興漏鼓催人轉二更

陳如岡中丞北上過荒園賦此贈別

三徑春深長綠苔青雲忽擁白雲開雀銜片片梅花

去人踏重重山翠來江海烟波容釣叟風塵岐路識
題才孤帆明日天邊客夜夜思君望上台

小軒閒對

別業營成處處幽
條然境逼萬峰秋
隔簾臥見庭中樹
扶杖行看水上鷗
竹葉獨憐彭澤醉
桃花不羨武陵遊
人間多少尋真地
何事蓬萊十二樓

舊業堂集卷之三終



蒼業堂集卷之四

吳陵凌儒真卿甫著

同郡劉希周思並
曾孫凌國靖建中甫訂

詩七言律二百二十八首

春雨連綿憶西園

何處春開錦繡場海邊風雨日林塘梅粧洗遍渾成
白柳帶吹殘半欲黃杖履看山空自老壺觴邀月共
誰狂晴光若許遊人買買盡黃金也不妨

讀劉道長封事



春江閒伴白鷗眠偶讀遼陽疏一篇國是欲明黃閣
下天恩還賜紫宸前片帆川上清風滿匹馬城頭
皎日懸十載疎狂霄夢斷對君猶自淚潸然

夏日西園對雨

殿杳涼生五月秋送梅黃雨過山頭冥冥樹黯林中
色脉脉池通檻外流書潤一床楊子宅塵銷百尺庾
公樓淋漓喜足分秧水不住還添漂麥愁

答崇川曹千野公遣令器遺以佳刻佳織

雙魚遙見故人情寂寞孤山喜氣生照眼百篇秋水

色發函千縷錦江明鶴巢海上松華老鳳起庭前雲
路輕攬勝東來霜降後滄波定訪白鷗盟

送吳學博還臨川

彭蠡清風短棹過倦遊歸興向巖阿去偕苜蓿盤前
客來放滄浪江上歌秋色園林朱橘好春流杖履玉
泉多懸知子弟樞趨暇遙對芙蓉醉綠蘿

賤誕辱袁壻邀飲詩以謝之

短袍白幘戴堯天草木山中又一年時以採薇呼石
友日因沽酒檢囊錢身閒不問人間事行健還疑地

上仙歲歲慙懃煩玉壻錦筵紅燭瀉新泉

張龍門遠訪賦此奉寄

半畝宮開雲水中山人孤興落淮東帆檣百里客初到風雨一天秋正中司馬自憐遊宦倦虞卿何事著書窮攀權不及治杯酒悵望江樓明月空

再挽磐石

向半婚嫁初完日長嘯仙遊歸洞天覆水不收真偶爾落花無語竟悽然死綬壠上同荆杞斷織堂中共几筵總爲終天傷子壻白頭淚盡寢門前

挽士登蔣大叅

安邊無命答新恩千里河流送旅魂交道已傷今日盡師模猶仰昔年尊百城斧鉞留南服三輔旌旗在北門耳聽江鄉身後論幾番衫袖濕啼痕

謝幼度誕日招飲

德星高並壽星光錦席初開五世堂畫檻朱簾寒不捲玉缸春酒美堪嘗棠花壓盡江城盛蘿蔓牽將海日長談笑滿筵諸少客獨叅垂白一疎狂

久雪喜晴和後坡韻

有詩堂集 卷之四
幾番淅瀝引詩狂，曉霽尤憐積素光。
清逼日華搖筆冷，暖烘風色上衣香。
玉壺殘雪開江閣，鐵杖先春過野塘。
乘興不妨沽酒盡，市橋還典紫羅囊。

登山東鄭澄之

片石凝華凍未消，冒寒扶杖過虹橋。
新移雙栢平臨頂，亂插孤峰半在腰。
泗水西環江郭近，蓬壺東接海天遙。
躋攀筋力君猶健，步履時過醉一瓢。

過袁仲子再東

齋居咫尺小山阿，客裏花前日放歌。
文似

身寂

寒酒逢袁紹，慰蹉跎。柳邊校獵，雙鷗落林下，尋師二虎過。爲惜高才兼絕技，老懷開向少年多。

秋日對客

愁劇凭高且放歌，錦林黃葉滿烟蘿。
詩成不負秋山好，客到何妨市酒多。
風竹搖青疎可對，霜松含翠老堪摩。
人生底事空勞瘁，一去無情江上波。

薄意奉奎老侑以口號

窮達無心一任天，詩懷酒興過年年。
給錢歲倚蘇司業，聯句時攀李謫仙。
短髮數莖還自染，長軀七尺更

誰憐也知安石東山日意氣相隨有阿玄

雪霽早登山懷澄之丈

映天晴雪照江城望裏朝烟片片明帶凍成花留樹
久隨風飛絮點衣輕千林淡日光逾淨一徑寒山爽
自生遙想如雲封谷口高眠此際夢魂清

晚齋獨坐

悵望寒山空翠屏江城風色晚冥冥呼盧暫廢千場
戲剔蠹聊酬半日醒爨着閒愁渾是白眼逢薄俗不
成青黃昏佇立無來客指點梅花香在瓶

再題古塔

高標十丈插青天住世長留塔影懸鈴鐸無聞僧語
少舩航不斷市聲闐星分七井開雄鎮雲臥孤洲買
瘳出最喜結茅棲止近水光山色共年年

同諸客賞牡丹

妖姿雅稱百花王獨擅風流第一場霞映醉容春酒
滿日烘香氣午烟長閒情不作巫山夢好句還傳御
苑芳題筆忻逢諸少在臨觴一任老夫狂

首夏朔日柬子厚

青陽律轉是朱明已見荷錢水面生海日當空槐蔭
薄池風入院柳花輕人間自取千場醉鶯老猶聞百
轉聲寄語東鄰劉越石天長虛閣好談兵

山亭秋夜同幼度任甫子厚對月

懶慢山中一事無獨憐秋色日攜壺扶筇絕壁星堪
摘對酒青天月可呼排漢薄雲紛吐葉點荷香露細
垂珠庾公雅興南樓後千載風流好屬吾

七月九日池上召客有二客不至賦此嘲之

臨山把酒醉新秋蓮浦無風香自浮笑問青天月何
在喜看滄海客長留上方隔水時聞梵絕壁侵雲暮
倚樓却恠高飛雙白鶴不棲珠樹欲何求

早春鎮江陳隆石在顧西園賦此贈別

臨淮有客訪幽棲細草春山長未齊寶瑟遠遊澄海
上角巾相對小湖西片帆風雨成來往一路烟花入
品題他日過從秋色裏滿江明月共君攜

首夏薄攜過袁仲子

顧盼誰能雙眼青一杯山館慰飄零坐談交態冰生
席行傍花陰月在庭喜遇晝長還夜短忍看人醉獨

吾醒泥蟠歲久天飛近雷雨潛虬起北溟

西園與奎老對酒

滿山紅紫鬪芳菲對景開尊蛤已肥人老但知身退
是興豪寧恤酒狂非鳥來對客當階下花落隨風隔
院飛相送柴門更定後月明堪伴杖藜歸

雨後山亭晚坐

細竹高松接翠屏百年今日對孤亭湖光久受山雲
白草色初經江雨青忙向風塵何日了醉從人世幾
時醒欲彈流水閒中調只恐魚龍靜夜聽

暮春雨中西園對酒

杖履新亭日日過遣愁時借莫愁歌春歸不厭壺觴
滿花落偏逢風雨多江上歲華空老大山中生事易
蹉跎一犁早辦城南畢對客依然醉綠蘿

新正二日邀錢商卿諸君小坐

懽笑初開第一筵春風依舊草堂前金樽滿酌正元
酒銀燭高烧子夜烟獨倚締交銷老景相期買卜問
豐年望中今夕聊成聚不必星官奏九天

暮雨中與李惺蘧園門惜別

舊業堂集 卷之四
悵望平園十畝寬清言閒對楚江干雲含密雨千林
晚風動疎枝獨鳥寒蕭寺北來山寂寂蜀岡西去水
漫漫買舟又指金陵路明月相思兩地看

送李惺遽歸金陵

鍾凌雲樹望中明酌酒送君南浦行千里東芻慙孺
子一身孤劍識先生白門潮落寒江小采石烟開曉
日晴攜手何時傍山閣春風二月早聞鶯

別李惺遽歸金陵後一日作

更定霜空聞鴈聲月明今夜照蕪城解鞍落日沙邊
宿挂席長風江上行六代衣冠傷故壘九天宮殿夢
神京重來已訂臨淮約坐看春湖新水生

歲殘時雨分曆

山城雨洗六街塵送舊還迎歲月新帶濕數聲雲鴈
曉衝寒幾點鳩梅春黃金未熟爐中火華髮爭垂領
上銀玉曆頒恩分滿里太平同作帝堯民

歲盡憶梅花卽事柬劉子厚

塢裏寒梅紛破英相期對酒話平生馳驅又了一年
債慷慨空懷萬古情領髮漸非丰骨在人心不改歲

時更小山回首春無限還與鶯花踐舊盟

晚過灣頭望州城之作

南北馳驅空白忙逢人不欲說行藏鶯花夢杳孤懷黯
黯桑梓愁深兩鬢蒼風順鼓聲來岸遠日斜帆影落
河長東歸好取春園醉簾燕雙飛問字堂

月下書懷

嬋娟皎皎白于霜緩步中庭漏鼓長數九天如三月
暖就衰人似少年狂青藜到處乾坤小彩筆題時山
水忙清世林中多少樂採薇何用姓名香

新秋園上與子厚諸君晚坐

晚涼虛閣坐從容隔竹遙聞寺裏鐘溝水一泓拖似
練雲山幾片削如峰驚心蟋蟀吟秋早醉眼芙蓉綴
露濃咫尺人間仙侶滿何須天路復相逢

初冬客舟中辱文樓昆仲攜酌爲鈔關阻遊

邗城孤興寄扁舟聯壁攜尊江上遊當徑有花人未
採出關無路月空留清霜欲傍蒹葭落短燭還催鷁
鷁浮送別官亭更漏靜玉簫遙聽在青樓

初冬陳后泉招飲高園時聞邊報

傍竹筵開江上亭小春重得對山靈日斜偏映千林
碧霜落猶看萬樹青湖海久淹人易老烟花長醉客
難醒疆圉欲靖收名將雷雨潛虬起北溟

初冬日晚放舟還秦

役畢東還挽夜航同行有月伴淒涼江空倒映一天
碧日落斜飛千樹黃秉燭舉觴淮酒美爇香開卷杜
詩狂馳驅歲暮成何事歸臥城西舊草堂

冬日西園邀凌二洲邑宰小飲

習池佳勝傍巖阿山簡風流不厭過滿地寒花萋露
草一天明月掛烟蘿雲籠旭日鳳凰起霜擊高空鷹
隼多欲徙昭陽就君住水清時得濯纓歌

挽宋見湖令尹

謾辭塵世作仙遊咫尺憑虛到十洲萬事總於今日
了百年真是此生浮門前流水空添淚隴上停雲暗
結愁欲傍蒹葭訪踪跡湖邊飛盡舊時鷗

又挽

珠沈璧毀惜高才百里悲風海上來鳧不飛雙翼
冷玉琴空在七絃哀淒涼素幔霜侵戶掩映丹旌月

上臺 聖代循良堪入傳他年太史爲君裁

寄常熟沈星吾大尹

江南江北幾重山茂宰神明不可攀
流水有聲官舍靜落花無語訟庭閒
五雲天上看鳧去千載人間見鳳還
從此台垣沛霖雨細分膏澤到柴關

誕日自述

犬馬虛過又一年當筵稽首對堯天
斑衣歲獻堂前酒白髮春耕海上田
招隱共扶攀桂杖好遊長畜買舟錢
青山未了詩書債短日催人理舊編

誕日西園速客

臨淮歌舞映長庚杖履雲從見客情
歌遏彩雲飛不散舞迴銀燭煖初生
孤松晚秀南山色一水寒流北海聲
正是新亭落成日欲將扁額乞嘉名

贈王文泉學博兼懷乃兄九難年丈

邗溝疎柳夾河流綠鷁雙飛曉霧收
官拜新恩滄海去人懷舊侶曲江遊
春風鶴立桃花塢明月鴻歸芳草洲
招對夜床休戀別洪都山斗倚旄頭

西園登臺東望

長松高閣倚青霄彷彿蓬萊弄玉簫紫氣東昇滄海
日白波西落廣陵潮樓臺滉漾金銀湧島嶼參差烟
霧饒老惜人間骨難換漫從雲水自逍遙

韓仲松邀飲時大雨生涼喜而賦謝

對酒松陰日未斜龍鱗香散半天花水泉長伴神仙
座風雨俄來柱史家滉漾瓶開始射露廉纖標舉赤
城霞還丹疑得韓庚訣七十相將髮始華

謝良醫徐小洲

臥病滄江舊業堂迎醫海上遇長桑囊中盡貯仙人
草壺裏多盛玉女漿煉藥不求勾漏令舉針能用華
佗方感君厚誼投詩贈泉水應添一倍香

送張順田還揚州

興盡山陰夜返舟片心隨水逐君流扶攜空有孤生
在笑語何能十日留冰雪共憐殘臘別烟花重約好
春遊黃金散盡還應聚莫遣閒愁早白頭

至後與劉子厚夜話

疎燈_了夜獨堪親細雨清言對故人啜粥氣蒸銀盃
滿飲茶香泛玉甌新一番世事尊前盡幾點寒更漏

下頻此日微陽葭管動東風回首草堂春

西園避客讀老子

客來恐話到人間借得清言暫討閒風暖有時行鶴
徑雲深無路扣柴關新松峻嶺培三尺流水孤城抱
一灣讀罷五千文欲倦自斟春酒破愁顏

初構田廬辱知親枉賀

不惜經營海上勞數椽臨水繫漁舸摩天鶴老巢珠
樹行雨龍閒臥碧濤山落北窓江勢湧塔懸東閣日
華高何當賀厦賓筵頌丹穴長生五色毛

冬月邀譚太守

錦筵紅燭草堂開白馬朱轡照地來威鳳下儀黃霸
政神羊高拔漢廷材霜天月午懽初洽海水春銷歲
欲回獨愧主人情未劇貪聞經濟數停杯

九月望日西園宴客

蕭瑟城西秋色偏凭軒共醉沈寥天山開場圃清時
稼日照壺觴上客筵馴鵲繞林閒渡水垂楊拖地靜
含烟移尊幾處懽方洽庭院無風月正圓

花前攀楊文學輩

草堂尊酒殿殘春朝對粧臺花氣新總爲風來長學
舞不緣雨過暫含顰酡顏偏媚雲霄客雅思還親江
海人一攬鉛華應盡興何須更踏軟紅塵

元旦有作

曉沐彈冠對鏡時滿頭添得髮如絲已知歲曆今朝
換尚計春光五日遲客到試嘗新上酒花開且看向
南枝心期逐節酬高咏彩筆先題元旦詩

西園與子厚幼名任甫懽飲

風鳴萬樹作秋聲坐對西湖一片明酒映花光香共
烈衣沾荷氣味偏清詼諧絕似東方朔禮法難拘阮
步兵總是山中舊知己相逢不用話平生

春日西園候程齋諸君子

春光駘蕩滿江城楊柳風狂過午輕幾種籬花猶辨
色數聲山鳥不知名逢人自愛清尊倒傍我何妨白
髮生却恠鴟夷湖上棹遲回烟水待功成

臘月望前一夜與君仁子厚對酒

寒宵客至促飛觴殘臘無多秉燭忙江郭更籌催漏
箭草堂明月帶清霜嫌將美服招人指笑取新詩換

酒嘗回首西園春事動又陪花鳥競年光

和劉子厚春城晚眺韻

芳菲欲盡覺春還閉戶空令杖履閒遠覽可能窺物
外勝遊偏欲出人間花隨流水經雙壑鳥帶歸雲落
半山痛飲傷春衫袖濕酒痕不管淚痕斑

秋晚過西園閒眺

萬樹蕭森古寺西振衣臺榭獨攀躋東林砧杵秋風
急西嶺雲霞落日低徹蓋不驚山鳥下憑欄還許水
禽啼盈場稷稻多宜酒歲晚朋簪日日攜

往來看移秧

三里唐灣蕩小舟短蒲新水獨遨遊江聲曉聽山前
櫓海色晴看塔下樓市井何妨行處隘乾坤真覺此
生浮看雲倚杖銷長日不爲人間十口憂

季冬朔日大雪

江城蜡月散瑤華臘氣含春滿萬家旋舞黃昏入簾
幕厚鋪清曉映窓紗種成瀛海田田玉開徧寒林樹
樹花不獨孤吟堪對酒風流還煮建溪茶

西園書懷因赴儲幼度席

孤城落日對寒花惆悵西風思未涯白髮漸添塵世
事青雲猶隔野人家不堪砧杵催秋老漫有詩篇答
歲華最喜東鄰新酒熟一瓢今得醉侯芭

十月朔日登臺奉呈王近老

危樓朝倚碧天寬瞥眼流光過鳥看秋爽早收千里
淨冬晴初散萬家懽長風吹髮蒼籐健短日依人白
紵寒山水泠泠七絃在相逢不惜爲君彈

初夏西園戲邀奎老

招隱無人興未窮自攀叢桂小山中盈庭苔綠多因
雨滿院花飛不待風妨俗敢辭呼是馬諱名何意夢
非熊閒亭欲捲疎簾奕易敵還邀避世翁

冬月久雨懷西園

妬人天不遣山晴歲莫時時風雨鳴柳帶正垂峰骨
瘦梅花空夢月魂清寒添五尺門前水濕壓三旬海
上城即使登臨將繼日先期已曠負平生

暑中辱南淮先生枉顧西園

避俗柴門向水開清風忽枉故人來看山不用安期
杖對竹聊傾袁紹盃歸路何妨微雨滑去程惟畏暝

鍾催衣冠老去稱耆舊桃李曾收三省材

和袁仲子春城晚眺韻

當年題柱笑吾曾此日林泉興獨乘拋卷自甘空谷
臥振衣時借好山登楚江細雨成邗水蜀地平岡接
海陵望裏川原堪一醉欲傾鸚鵡恐難勝

沈君仁以尊堂壽日邀飲

夢日頻飛壽母觴春風入戶綺羅香昔稱司馬三公
第今作孤鸞百歲堂庭花盡是仙人草甕酒多疑玉
女漿燕喜不辭深夜醉梨園引興發清狂

新竹苦風

淺土蟠根力不禁狂風挾雨鎮相尋猗猗影亂筠翻
塢撼撼聲高葉墜林響徹石床僧夢斷動連山閣客
愁深東園桃李花無語應笑孤吟亦苦心

南莊曉對期樂軒丈

面對蓬萊徑不斜到門初日樹全遮雲來小洞石林
氣香度輕裾稊稻花野色淒清秋可掬交遊疎濶老
堪嗟南山一醉佳期在倚杖河橋望小車

夜坐有懷因寄鄭東泉

明河清淺照江臯爽氣空庭薄紵袍雲淨新秋淮野
澗星疎深夜楚天高兩朝臺寺名猶在十載江湖夢
亦勞老向山人問真訣有無大藥伐吾毛

漫興

高齋東下鶴城隈窈窕林深晝不開霜落小松龍未
起日臨修竹鳳還來孤標塵外閒投老往事燈前重
惜才短榻在縣香在室春明猶欲臥蒿萊

臘月舟行晨起見雪

長河一夜放歸船瑞葉平明飛滿天野寺沈沈聞曙

鼓郊墟漠漠見朝烟曉迷山徑人踪滅寒逼蓬窓客
臥堅正喜西園梅幾樹破香含笑竹籬前

初九苦寒晚坐懷奎老

至後新寒晚薄膚添綿欲向酒家胡囊空笑拂床頭
杖灰冷忙噓竈下爐中聖百年心賞在爭雄一夜手
談孤滿庭霜月明如晝四顧應無隣可呼

唐龍渠習靜泰山

高山遙望一重重顏闔今來第幾峰窈窕林深無櫪
馬崢嶸地勝有蟠龍朝登絕壁青雲遶曉揭晴窓紫

氣封君去人寰纔咫尺翻疑天上香難從

迎春先一日小雨期奎老對局

江城細雨洒春前漠漠烟雲黯黯天未許陽和回白
屋已看膏澤迥青田西山莫負池邊杖東道須開海
上筵老去何心問人世拈碁三百自年年

山房自述

滄海清時只漫過角巾相對小岩阿天憐花事輕陰
散鳥悅山光好語多白髮何孤閒歲月綠尊不負舊
烟蘿東風故有吟邊約日暮松聲起細哦

晚歸自郭外登樓寓目

緇宇纖埃淨不流暮烟墟里望中收晴嵐絕巘孤城
繞夕鳥平林萬樹投天送爽風蘇病骨月臨高閣動
歌喉憑虛回首金陵近遙見文昌映斗牛

壽張母八十詩

翠幌金翹十二樓青禽雕輦降環洲懽聲競逐簫聲
起喜氣遙連婺氣浮玉樹光生庭下彩紫芝香動郡
中謳班聯子壻長春祝更住人間八百秋

對幼安談里中著姓有感

空山寒色重飄零尊酒逢君醉不醒伏櫪非時悲駿
足冲霄有日美修翎人中自許寸心赤世上誰憐雙
眼青共惜泚支盡彫落西園賣到翠微亭

夢龍渠有感

依然尊酒笑談親寒夜青燈入夢頻岐路幽明三歲
隔世情涼燠幾番新巨卿不負生前好到漑何孤沒
後貧欲語深心重合淚田園今盡屬他人

登樓見積雪

積素城頭凍未銷憑高望入海天遙樓臺半帶吳山
色澗壑平添楚水潮扶策欲穿方朔履探詩何俟鄭
公橋紅塵壓盡千林爽不醉壺觴興也饒

冬日過劉平湖

籃輿郭外訪幽人近市深居不染塵當戶好山迴夕
照遶門流水對寒津枕書獨臥庭前雪投轄頻開甕
底春我有橘中孤興在無緣縮地結爲隣

酬周兩橋用韻

草堂雲臥拂衣人短褐山中卸六塵老向醉鄉尋樂
地閒從文海問通津清朝搖珮應無夢寒谷吹灰自

有春開閣敢當門下客願將詩句作比隣

同儲幼安諸友小坐因期賀幼度生辰

邀懽歲晚客還來文采翩翩鄴下才對燭呼盧香篆
裊過倚沽酒草堂開時窮物態悲難合老去年華喜
復迴猶幸百錢囊底在錦筵堪獻紫霞杯

蜡月九日殘雪在山同奎老諸君過王磐石

積素叢叢遮海上城江天日落暮寒生含香冷伴梅花
笑流影清添月色明遠訪自攜沽酒費勝遊同結看
山盟淹留地主情何厚夜半猶聞落子聲

冬日登樓曉望

壁立危樓四望中晴雲縹緲碧天空鍾山王氣千年
合環海仙槎萬里通寒色城陰殘雪白暗香堂背早
梅紅凭虛半醉清狂發倚劍長謔老更

寒夜留幼度幼各任甫小坐

陰森寒色動茅堂客到盤飧醉一觴攢火滿爐屏半
掩圍碁三局酒初香歲荒供給山中少誼合提攜海
上長回首分宵歸路黯數聲清漏入微茫

冬霽曉過西園眺望

雪後新晴朝日曛寒光暖氣忽平分陽和傍曉霜全
霽春色臨風酒半醺楚甸歲前沾帝澤漢宮天上擁
卿雲景憐萬樹蕭疎候香塢梅花獨不羣

却雪有心漫筆

三日遲驚亂雪飛瑞多翻使賞心違愁來獨倚年華
好去却堪堪世事非何處天高開霽色幾時臘盡斂
寒風吟窓忽送梅風入知是春從歲底歸

雪中喜戴劉二丈見枉

握手衝寒二丈冰門松向雪中開蕭騷不帶人間

氣麗薄堪言海上才酒盡呼茶凭几坐局終扶杖望
山回新晴更擬登臨去萬樹橋邊一覽臺

歲底連陰戲呈奎泉丈

寒城歲暮積陰連暝色沈沈白晝前豈妬高懷淹好
景似催短髮換新年枰開竹葉長春地雪照梅花不
夜天底事幽人負清賞擁衾江上抱愁眠

晨起見雪因呈王近翁

春前頻雪也應知落向人間乞好詩五夜明生江閣
早萬山寒壓曙烟遲青萍顧我渾成鐵白髮逢君總

是絲好隱牆東王應仲擁爐尊酒定相思

贈張將軍紹容

虎旅將軍策戰勲也因多藝識山人五雲書法牙前
肅七步題才闕外新幕府風清鳴噪少海門波靜和
歌頻還看獨立空邊塞一劍功成早畫麟

其二

淮海氛銷仗櫛勲日高江閣臥閒人霜零草木朱旛
歇雪霽湖山綠酒新白馬平原垂佩緩玉簫明月倚
樓頻更看文采弓裘舊步武庭前有石麟

端陽登金山二首

片峰高插翠雲巔峻塔凌空鳥外懸漠漠帆幘通島
嶼溟溟烟雨暗江天鐘山王氣千年在淮海風流一
代傳况是登臨逢楚節招魂還欲吊湘川

其二

壁削芙蓉面面開乾坤此日一登臺烟波萬里客長
到樓閣中霄月自來流水無情天地老浮雲不住古
今哀聊將佳節酬清世共取峰霞照酒杯

春園奉在周明宇公祖時公已報轉河南學憲

才子風流舊水曹品題隨處馬蹄勞孤標拔俗人猶
古彩筆凌雲氣自高笑對梅花飛玉蝶行逢秋水跨
金鰲芳菲倍覺春林滿文采翩翩照錦袍

其二

小隊來看西郭山寵光添得百花顏水涵高柳池光
淨吏散空園人語閒三月湘潭人欲去千年風雅道
初還慙懃預惜離亭酒黃蓋朱旛征馬斑

其三

邀權二月小湖來郭裏憑高望眼開落日川原狎禽
鳥春風花柳醉樓臺淹留暫作淮南客麗藻真稱鄴
下才傾蓋逢君那忍別想思從此望三台

其四

廉鎮旌旄擁地來草堂今日白雲開風前披拂柳垂
地樹杪徘徊月上臺七校指揮初耀武六經商確早
掄才遙看綉錯中原地已有文芒獨上台

譚見吾父母德政詩

秋風桂殿醉瓊筵雙鳥飛鳧到海邊駝嶺兒童迎竹
馬鳳城人吏候蒲鞭真心自許仁爲種古道還看直

似絃野史爲裁長牧傳衍歐堂上繼前賢

右淮海仁天

其二

漢家仙令愛如如今代何人虛左車冀北材多煩剪
拂河東賦好借吹噓不妨晝靜花迷鶴且喜堂空雀
化魚但取涓塵裨海嶽肯因八斗失劉徐

右禮重儒生

其三

信是文章被折磨有才無命奈如何履從東郭階前
破粟讓柴桑瓶裏多老馬未收燕市骨神蛟欲奮禹
門波解推賴有明庭在彈鋏寧須發浩歌

右優贍貧士

其四

從來艷說海陵紅災後徵輸萬室空政拙任教官長
怒刑輕忍見細民窮懸知陰德歸王賀更有清操並
趙公早晚司農蠲大賑天恩良牧一時逢

右寬徵民賦

其五

讞獄誰稱第一流使君庭下鬼神愁明懸淮海中天
日威讐吳陵六月秋獨抱爰書投栢府肯留幽怨泣
梧丘鸞鳳鵬鸚恩相濟會看弓旌出鳳樓

右斷獄明允

其六

鳳凰城畔闢蒿萊高閣文昌亦壯哉冠蓋日迎賢使
者笑談時對老都臺精分紅粟官中出鮮解鮭魚江
上來雅意直將回氣運風流還羨嶺南材

右分助學
工

其七

風塵傲吏耽經史長日開軒我輩過利器每思身負
笈飲醇却聽口懸河高齋雨歇琴書潤花徑春明桃
李多自是文翁能化俗吳陵間巷盡絃歌

右敷教溫
良

其八

秦堂三載羨冰清其道淮南有福星贖鍰盡蠲無枉

獄胥靡不罰自明刑靜看秋水搖官舍漸數林鳥入
訟庭屈指關西今有幾皎然日白與天青

右捐除贖
鍰

其九

千里辭家虎竹分孤琴獨鶴笑離羣寥寥官舍如僧
舍澹澹吳雲隔楚雲心遠向平無俗累政同單父有
清芬知公世訓慙溫飽薄祿何曾問細君

右不攜眷
屬

其十

孤清莫謂太迂疎供應寬民總革除有鶴避烟堪淪
茗無人漑鬻可懸魚閒時束帶了公事盡日焚香理

道書真是大賢成吏隱不煩騶從擁潘輿右禁革茶厨

其十一

萬方養濟自天朝欲訴民艱紫極高岐下顛連貧徹
骨桑間賑卹澤如膏旌倪望幸千鍾盡覆載同仁一
日遭滿眼餓夫難遍活寒風獨立首重搔右賑卹孤貧

其十二

春風掛席射陽西半塔朦朧烟霧迷海色浮空天遠
近河流拍岸樹高低六鰲已借任公釣雙壁應逢使
者題處處沮洳成沃壤千年明德在黔黎右北濬河流

其十三

春明小隊扣蓬扉郭裏山林與世違古道欲窺書萬
卷閒心偏愛竹雙圍岩花對客渾如笑庭鳥依人故
不飛更上層臺南北望孤城一水欲沾衣右西園感時

其十四

臨淮橋下白雲扉避世仙翁此息機雪澗倒流龍臥
穩石門重倚客來稀驅車每共評青史載酒何嫌塵
翠微坐久不知身是吏疎林細數落花飛右西園論文

其十五

歸來天上老中丞經世籌邊記昔曾一水杳然開綠
野百花深處倚蒼藤神翁地近真堪隱元禮門高喜
獨登不是尋常弔禪玉塵迷津時獲渡金繩

右縉紳知遇

其十六

斗南劍氣亘天橫雙檄朝飛入鳳城漢室循良推卓
魯明時仙侶謫蓬瀛青雲不信無知己白壁還應有
定名豈爲旌書便懽極祇緣直道快平生

右各臺交薦

周明宇兵憲詩贈小園倚韻奉謝

展雲梯石共高盤傾蓋初攀海上驩龍躍此時驚化
劍鶴飛何日驗還丹神遊嵩洛英雄毅夢遶漁陽老
將壇伏櫪年來無遠想枕書日臥草堂安

其二

春借平湖寵借君啼鶯幾樹座中聞風流才子不辭
醉疎莽山人亦好文日煖林香花作主竹深溪靜鹿
爲羣投桃博得瓊瑤報浣手開緘見五雲

中秋玩月嘲奎老先歸

獨愛嫵娟水上頭凭高不用庾公樓天空寒色千山
動野曠清輝萬里浮人老自憐今夜月客歸空負一

年秋勝遊咫尺還拋棄安得山陰更買舟

中秋代柬邀奎老

不將搖落對恣哉佳節芳樽郭外開天濶海涯人自
臥月明江上客還來水花含笑迎飛蓋山鳥成歌待
舉杯莫遣巾車滯行色嫦娥早已望多才

田隣聞寺僧吹笙漫筆

短日空山有梵聲淒清坐使俗緣輕桓伊高韻風中
切子晉孤吟指下明假榻卽看成小隱卜隣何止學
躬耕月明花落無人處寶筏金繩話舊盟

懷慎索書扇隨以泛湖題之

十里波光泛碧湖半天西落小山孤短蒲出水青如
洗好鳥依人白可呼放棹舟航尋窈窕捲簾樓閣對
虛無倥偬三月韶華暮欲趁餘春酒滿沽

雨後召客

辟疆花竹倍精神雨後生風曼絕塵病樹自留將墜
葉涸池堪轉欲枯鱗乾坤萬里明雙眼江海孤峰寄
一身對月莫愁尊淥盡床頭幾甕未全貧

雨中陪孫公飲竹岡丈宅

照地銀光五馬來翩翩燕喜錦筵開山前甘雨隨車
至座上清風拂袖廻三徑久淹投珮客五湖初試濟
川才江天回首看霄霽列宿煌煌逼上台

夜雨晨起過西園

傷春無計挽春行半夜風雷促去程宿雨含烟迷曙
色落花隨水帶溪聲柳絲夾岸千條弱山翠當亭一
片明莫道飄零紅紫盡天香還見滿江城

南莊小構述懷

隔水誅茅古寺東旋移棲息爲明農一階天上簪纓
客百畝城南田舍翁插柳近門陶令似種瓜留圃邵
平同他年江海談余者多在菴居社飲中

西園睡起卽事

春晴十日鎖茅堂遊興舟中到處狂捲幔頓生欹枕
懶開函翻作檢書忙幽禽樹杪一雙小芳草門前幾
寸長何處梅花飛短笛晚風吹落小池塘

荒園餞別陸誠菴孝廉是夜爲得佳夢

惜別空山敞別筵疎枝殘黛暮江天雲開曉閣鳳應
起雨過寒潭龍自眠秉燭夜談傾綠酒買舟春訪辦

青錢分明夢報南宮捷多少籠燈彩仗前

扶病過西園却詠

西郭重遊日未斜祥雲片片落晴沙一池紅錦魚浮
水三頃黃金菜放花南斗遙臨高士榻東風只在舊
人家春光駘蕩真堪攬已辦壺觴醉海涯

冬夜閱逸民傳有感

到窓幾點漏聲忙散帙篝燈坐夜長疎柳拂開簷下
月寒鴉棲定樹頭霜江湖有願心空赤龍虎無成髮
總蒼咫尺上論千載事從來吾道屬滄浪

燈夜同近翁集王磐石宅

燒燈張樂列瓊筵憶昔風流已十年顧我巔毛全老
矣見君庭桂尚森然銜盃欲問山中月吹角能銷海
上烟取醉不須愁夜禁四門鎖鑰在牙前

爲奎老代挽徐師

橫經七井似關西披拂春風壁藻齊龍去曉潭雲忽
散鶴飛珠樹月空低三年模範留淮海千里銘旌指
會稽他日徽官仙里近淒風宿草數行啼

題杜氏水雲精舍

萬柳陰森抱一灣，瀟然精舍隔塵寰。
邗溝遙注淮南水，天目晴瞻江上山。
燈影夜航漁宿浦，酒香秋舍客開關。
藏修况得飛騰地，異日青雲令子攀。

回潘恒山閒步過張南溪

握手高原擲杖行，角巾風動晚山晴。
白雲湖上青天色，綠樹村中黃鳥聲。
菰米軟炊鄰飯熟，棊枰閒拂手談清。
十年投佩歸來客，此日真成漉酒生。

四月二日召客作

江城節序已更新，留得人間六日春。
架上好花多未放，壺中濁酒正堪親。
無錢偏愛開懷客，有扇何愁撲面塵。
從此虛亭是長夏，清風來往屬閒人。

春分西園再作

去來春日正稱平，佳麗應知向後生。
池草已成千里夢，柴桑又辦一年耕。
無私歲月山中往，有約鶯花郭外行。
底事勝遊天亦忌，釀陰不放四郊晴。

後坡過西園留坐

江城十月小春來，與客探梅信未回。
著述虞卿今欲老，詼諧方朔世稱才。
嘲時句博千人笑，體物吟成百

鳥哀潦倒空山儔侶少逢君那得不銜杯

初春過近翁園亭時聞州二守攜酒至

春色將予汗漫遊鹿車鳩杖到林丘屏開絕壁青霄
接蓋偃長松紫霧浮堂上主人真國老寰中勝地卽
瀛洲清風忽報軒車過欲醉梅花月滿樓

夜雨書懷

雨聲一夜枕邊來嗚咽淒風漏鼓哀魚鱉幾年傷百
里雲霄此日望三台客緣興劇衝寒過花爲春深帶
怨開我欲憑高訴青帝仙槎猶自隔蓬萊

挽學博徐先生

三年化雨洽青衿四月門墻洒淚心西日照盤留首
藉東風鳴匣臥瑤琴道高共惜真埋玉祿薄猶能屢
却金千里一官歸去晚旅魂空渡越江深

冬夜獨坐因念劉子厚

冬晴朝暖暮寒生不待西風颯有聲沽酒探囊雙劍
在拋書擁褐一燈明霜鐘冷度山邊寺月壁孤懸海
上城遙想夢炊劉越石淒其此夜定含情

荒館驟風詠以自遣

山風飄忽起青蘋掠地翻憐淨軟塵白日赤霄渾欲
墮紫囊丹篆故堪親長松偃盡龍全伏短髮摧殘雪
半新多少梅花寒塢裡等閒吹破楚江春

荒園夜步長春塢詠景

策杖長春永夜涼小山寒色半青蒼檀欒叢竹高撐
月偃蹇虬松瘦帶霜萬鳥林棲孤鶴立百花塵委早
梅香清平海上歸來客獨抱遺經臥草堂

偶同儲幼度幼君集丁任甫宅

山閣人閒一事無玉壺提挈過潛夫雲涵雨色昏連
海河遶城陰曲抱湖翠釜峰高織手作洞庭春滿畫
橋沾形骸盡付忘年外幾局憑陵任叫呼

沈園歸早卽事

九十春光今半過百年能數幾消磨燈前遠客忽然
到花下遊人可奈何笑把千金拋一刻羞將巴曲換
吳歌纏綿總是東風力松栢無心附蔦蘿

中春望日同奎老諸君過沈園

江上分春自可憐况多照眼好花然浮塵著我渾無
地高閣留人別有天鳥度綠楊雙翼下山關青壁一

舊詩堂集 卷之四
峰懸百年狂客逢今日沽酒寧論費萬錢

山房有感

新旭颯暉破曉林凭闌忽動歲寒心黃金臺畔乾坤
老白雪樓中日月深地僻絕無人問訊山高時有客
登臨衝泥何處堪投足坐對梅花只苦吟

雪融

黯黯陰雲積雪消東風送暖到山椒玉容破臘排梅
萼青眼窺春綴柳條過澗無泉看脉脉巡簷不雨聽
蕭蕭冰霜忽見陽和轉黃閣誰將玉燭調

中秋對月嘲戴維新諸公早歸

一片孤光碧水頭臨臯絕勝夜登樓高浮空翠江相
映晴捲雲綃海自收客散獨留城外月吾衰不負病
中秋人寰何事催歸急未醉飄然蓮葉舟

南莊偶賦

風送空齋午簟涼翛然一夢到羲皇送書門外人驚
犬慕道山中石化羊老味詩篇還不厭病遺身世復
何忙玉湖欲寄元龍傲白眼從他笑我狂

沈園同戴維新小坐嘲蘇後坡不別而歸

載酒名園北海濱清時堪伴兩閒人雲棲皎皎身俱
鶴雪點斑斑髮總銀扶杖看山逢雨好拂枰移席向
風新誰知南斗清狂客老怯先逃軟脚春

儲幼度幼名丁任甫在顧南莊

別墅翩翩降列仙高懷人帶杖頭錢青沽市酒千巡
徧白煮江魚一味鮮浮世總消荒野外驚塵不落好
山前還期共醉中秋日月色波光載滿船

十四夜無月

百年能得幾元宵月色燈光兩寂寥火樹無花人影
暗香塵不踏馬蹄驕漁陽麥秀山輝映合浦珠還海
富饒早晚鳳城風日轉夜看遊女度三橋

初春過舊業堂

雲臥堂開白日高春風依舊長蓬蒿山飛翠靄遙侵
筆初拂黃金澹上袍身退誰知湖海傲詩成自擬古
今豪清時長晝閒披卷垂頰何妨有二毛

對客小酌忽大雪滿庭

東皇破格散瑤華萬壑千山樹樹花對酒喜生豪客
坐占年愁入野人家路迷易失橋邊句風緊難烹鼎

內茶早晚樓頭送新霽春光隨日到窓紗

東戴維新文

倚闌無客漫登樓遙見城南紫氣浮笑語隔君纔一日風流違我忽三秋白雲洞裏家堪住青壁峰頭杖可遊世路升沈元不定莫教心事愧沙鷗

冬日西園酌戴維新丁任甫夜歸

身閒自覺海天寬老興空園儘耐寒濁酒正須佳客醉好山不借俗人看風鳴古木鴉千點日落疎林竹幾竿攜手夜歸松際月緩行真勝御雕鞍

戲呈戴奎老

不厭清狂興日增草堂時許客憑陵憂時意氣同元亮覓句風流似季鷹三爵不醒猶說量一枰屢北更爭能忘形老去真吾伴握手寒山百歲登

登山望雪期友人

倚闌高閣望瑤華冷壓吳城十萬家繚繞香烟浮曙色飄飄蒼玉落寒花樓臺橫自孤山出杖履深從遠樹遮爲問高陽興何似東鄰正有酒堪賒

假山成期儲幼安

舊詩集 卷之四
片石磷磷東海濱青峰初對白頭人百年欲傍孤山
老十月能生小洞春黛色含烟浮杖薄鳥聲調管入
筵新最憐客有玄暉興載酒登臨不厭頻

苦寒懷戴維新

寒色侵凌老不禁高齋白日到簷深擁爐暫歇登山
脚倒屣空懷愛客心漫倚清尊消短景回看白髮起
孤吟綈袍忽憶城南麓雲護霜封未可尋

題園山

八九峰高面面新海陵形勝屬閒人湖邊夕照留餘
景屏裏寒花待好春一日不教無客到四時惟愛有
雲屯繼屣欲盡孤亭遠客與池塘白鳥親

夜酌戴維新丁任甫賦此再期

城闕沈沈漏鼓高恣談尊酒見雄豪也知叔夜妨人
世未許元龍傲我曹十載風塵空劍缺一生江海只
綈袍不嫌山閣饒風色來聽松聲月下號

歲晚對鄭澄之戴維新二丈

閒度韶華又一年笑將眠食戴堯天衣冠鄉里成三
老歲月壺觴費幾錢暮罷酒闌人未醉星飛霜落火

猶然貂裘典破黃金盡誰識風流是謫仙

登山亭南望

曲徑盤迴到草亭遠山江上坐中青江從吳楚連滄
海山自雲霄落翠屏六代舊宮收王氣十年孤劍拂
殘星鳳凰臺上題詩後冷落青蓮夢不醒

懷西園東儲幼度

江郭蕭蕭好探春街頭殘雪故留人空瞻柳色千門
黯遙對梅花一樹新翠竹青山迎杖早白雲芳草夢
詩頻啞啞最怕車聲過泉石相宜是角巾

題郡齋清玩卷

絕島迢迢雲與居蓬萊日日望安期清風只在瑤臺
曲紫氣紛連鹵水湄杖臥蒼龍空自住庭閒白鹿竟
何之人間會有青鸞至翠蓋翩翩慰所思

病後有感二首

一夢初醒倍自傷幾回搔首問蒼蒼長弘欲化千年
碧鄒衍將飛六月霜江上貫星空自黯天邊解釋會
能長五原獄辨來甘雨柱史名垂萬載芳

其二

殺氣橫生慘淡風憑高徙倚思何窮鳳凰不見朝鳴
閣鷹隼正當秋擊空三木苦加黃霸後一床老徒管
寧東何時洒血平蕪淨大笑持螯明月中

謝沈君仁文學邀賞架花

最憐公子能留客花下開尊對畫屏繞室縈縈芳樹
滿連山滴滴小峰清錦筵銀燭催更漏玉署瑤編憶
典刑莫以蹉跎虛壯齒弓裘不改在遺經

南莊邀王師董黃子薦二姻丈卽事

大火扁舟到草廬清風南浦縱觀魚綠垂高柳陰成
蓋翠拂良苗香襲裾舉網亂翻三尺滿引盃長醉百
年餘選幽更愛月塘好歲晚同盟此卜居

月夜留杜君實儲幼名小飲未醉而歸

雪月當樓映草堂絲絲獨照髮毛蒼清光墮地瑩如
水寒氣侵人冽似霜身世半成終古夢憂勞全減十
年狂市沽不醉千鍾客好待壚頭騰酒香

雪中同儲幼安幼名丁任甫登山

停舟江上雪霏霏帶雪看山願不違積素擁門高躡
屐飛花撲酒亂沾衣從龍一片孤峰迥瀾漫千重遠

樹微對景正堪人共醉山陰何事夜空歸

山房詠梅因憶儲幼安老弟

羣芳雪後總凋殘兩樹梅花獨耐寒不避繁霜飛院
宇長留明月照欄杆幽姿故許詩人詠瘦骨翻嫌肉
相看何日東風開爛熳一枝先折寄潘安

春日同儲幼度幼安張懷慎泛舟

新綠半篙南浦濱飄飄一棹過春林青山有約盟難
毀白雪無情髮易侵沙勢抱城橫疊帶水光浮日碎
榷金高談秉燭留荒久酒罷更闌興轉深

梅花

點綴寒英泗水濱六花飛處倍精神橫斜影臥羅浮
月南北枝分大庾春千里夢回窓外發一枝人寄隴
頭新據床三弄桓伊笛高調惟堪伴隱淪

杏花

崢嶸三月上林花開向臨淮處士家紅粉勻成粧鏡
酒錦衣裁就舞樓霞笑喧隣女窺春色香襲遊人染
露華猶記曲江遊宴日一枝歸插鬢邊斜

桃花

任教蜂蝶樹頭喧伴李成蹊故不言灼灼春花明海
日纍纍秋實落江村重遊尚憶玄都觀三摘曾過金
馬門一自河陽凌亂後每思潘岳爲消魂

梨花

素容亦自引蜂狂張谷花開散異香月上晴窓來好
夢雲臨曉鏡試新粧千林布暖春飛雪萬樹生寒夜
隕霜飄落不教空爛熳高秋垂實薦瓊漿

桂花

黃金爲粟玉爲芫爲耐冰霜手自栽香處九天秋色

重花時滿院月明來王孫只合山中隱法侶疑從峯
上回自昔廣寒攜手後年年凝露數株開

玉蘭

春城紅紫正爭妍縞素爲裳獨可憐色借崑山仍琬
琰香分楚畹未芊綿初含曉露簪如筆若傍秋江白
似蓮窈窕月明風靜夜倚欄還看鬪嬋娟

牡丹

錦囊綠幄匝芳塵百寶欄杆處處新三月東皇仍作
主萬花北面總稱臣沾殘天上君王寵占斷人間富

貴春此日尊前聞笑語風流應識白頭人

薔薇

淺深幾朵刺紅花春色依然石氏家香細欲浮鸚鵡
滿枝柔不插窠鷄斜竹籬風動千重翠錦障雲生一
片霞閒向乾坤探至妙凭欄回首思無涯

寒日與劉子厚對雪

奕殘杖策眺寒山白石蒼松照客顏兩樹梅花春未
醒百年塵世役初閒淮南歲月從吾往鄴下文章見
子還尊酒相逢惟痛飲不須長話到人間

寒宵對局

几上提兵歲欲闌龍膏長夜照欄杆弓刀不動威三
楚鼓角無聲過六盤子落雷霆江郭鬪局殘風雨草
堂寒功成聊用酬清興日戀東山學謝安

寒夜儲幼安劉子厚對雪

對雪談詩興亦豪百年南斗見吾曹乾坤一笑開新
酒風雨相看戀舊袍雲薄暗籠江月白庭空倒映海
天高獨憐皎皎明雙眼不畏寒光欺二毛

和儲幼度寒夜獨坐二首

萬古閒愁爛不消疎燈自照思無聊草堂對雪披裘
薄山徑衝泥沽酒遙宿草驚心惟是蕙寒花媚眼獨
憐椒水霜歷盡陽和轉依舊氛氲春氣饒

其二

子夜長檠燼欲消平吟寡和亦無聊寒江雪色孤城
近高閣鐘聲十里遙彈缺無魚歌海曲掛錢有杖醉
山椒清時莫抱途窮恨花鳥林塘歲月饒

西園雪中晚別諸君子

飲罷躊躇下雪峰迴看石磴一重重傍林幾點江村

火隔水數聲山寺鐘顧影只堪青竹伴逃名何用白
雲封再遊莫畏寒侵骨春酒銀缸綠正濃

和儲幼度雪後登山韻

極目南淮雪後山迷茫殊不似人間浮先萬里長江
合元氣中天此日還鳥篆自平金谷路馬蹄應凍玉
門關不愁潦倒風流後手把蒼崖處處攀

自題海樓書屋

萬卷牙籤插棟齊草堂開向小湖西且拚歲月閒中
了獨許川原醉裡題一片晴雲當檻落數聲好鳥隔

舊詩堂集 卷之四
花啼小山不是桃源處市遠林深路亦迷

元旦

高閣晨鐘報早春剪幡遺勝一城新九天佳氣浮滄海萬國懽聲頌紫宸添歲又驚霜髮改逢時自覺酒杯新陽回律變澄江綠十尺長竿理釣綸

元旦後一日西園對客

斗酒初春續舊懽新陽不散草堂寒愁來世上風塵惡老去山中歲月寬几列奇兵邀客賞庭留殘雪帶梅看生憎車馬排門俗相對尊前總鶻冠

新正三日西園對客

幾株松栢舊巖阿改歲依然有客過濁酒已成三日醉好風初散一庭和春回鳥語聽猶澁寒勒梅花開未多不把枯棋閒自遣浮生無奈白頭何

新正戲贈蘇後坡

坐臥清時老一丘美君終歲五湖遊閒中歲月金難買醉後詩篇人易求春入草堂花夢醒雪留山閣夜光浮人生莫取離鄉賤傲世元龍不下樓

新正十日西園遊覽

東風山閣往來頻十萬黃金買一旬冰片未消千澗
玉柳條先破一園春濁醪自許林中醉短褐何妨世
上塵好語百花开次第從容輪日入詩新

春日邀錢商卿諸君小酌

高陽狂客日攜壺共上春山興不孤池面錦鱗依碧
藻湖邊白鳥傍青蒲林深忽見燈明滅雲薄時看星
有無但飲莫論身外事古來賢聖幾凋枯

登狼山四首

乾坤雙眼望中開千里看山一棹來虎豹關當江路
截鼉鼉浪逐海門來客從方外遊初到僧在人間夢
幾回此日登高思作賦臨風誰擅大夫才

其二

平原盡處數峰懸擲杖憑凌最上巔春色到山青滿
野江流入海碧連天角巾雅稱孤山月桴鼓閒銷萬
里烟一醉凭欄愜心賞不須勒石在燕然

其三

層崖千丈片雲留海色江聲共一樓初旭籠烟山靄
合長風吹雪浪花浮摩天有路看黃鵠泛渚無心狎

白鷗琴酒近隨多地主慙勤分日作遨遊

其四

寤寐名山五十年齋心作禮梵宮前橫江水濶疑無地護洞雲深別有天澄海將軍醉花鳥中流漁父釣風烟登臨已盡平生興莫道空回雪後船

過白蒲

一葉春風下白蒲東還餘興未全孤雲來山色時開合日上波光乍有無彩筆不停紈扇草蘭橈長聽榜人呼殘棋奕罷斜陽外野蕨江魚對玉壺

其二

臨淮春色未凋零逋客還山不用銘鹵海西來隋柳綠大江南下蔣山青故園歸興疾於馬塵世行踪泛若萍依舊枯棋三百在疎簾閒對翠微亭

題小西湖

半頃波光落鏡湖春風歲歲長菰蒲雲雷不動龍常臥簫鼓無聲鳥自呼柳色遙添山閣碧月明深映草亭孤乾坤閒地誰爭得留與詩人醉一壺

雨後西園與劉子厚閒步

澍雨隨風幾陣斜晚涼先到野人家雲山半挂青天
色臺榭全開錦樹花身際昇平思帝力老從歌咏閱
年華扶攜踏向青苔綠新溜緣堦走細沙

春日登狼山偶有所感

探奇春早白狼遊烟霧蒼茫望十洲萬里河源江海
合片峰天柱古今浮振衣自許高人上搖筆還將好
景收不用崆峒倚長劍數奇無意欲封侯

答徐星樓詩翰

慇懃海上故人裁初日芙蓉照眼來白雪紛從紈麝

落錦雲爛向綺窓開論交尚憶鍾山舊覓句真慚下
里才高諠懷君筐篚外月明良夜獨徘徊

新正四日對雨有懷迎春尚在七日後

栢酒新年四日開江城全未見春回寒深故欲摧華
髮雨細猶能長綠苔天上笙歌臨太液海邊宮闕望
蓬萊青皇不負林塘約早送春風谷口來

晚春過南莊

四載風烟入市塵鹿車今始到平泉門前日映沿堤
柳江上潮生負郭田身退自宜閒散地春殘猶遇艷

陽天小舟蕩槳能迎客細網撈魚不費錢

小園往來觀者日衆漫賦識感

選勝開山塊石礚幽棲聊自籍盤桓江頭春色年年
到海上遊人日日看豈有穠華成錦綉獨留芳節長
琅玕滿城繚亂催科急何得餘閒問考槃

屨錢商卿儲幼安遠枉新莊賦此謝

步履來過十里遙墟烟漠漠水迢迢雲深窈窕山頭
路泥滑沾濡市口橋巢許逋逃還種秫求羊尋訪不
乘輶疎林落日空分手短句孤吟慰寂寥

初秋登臺東幼安老弟

虛閣無風亦自涼高原山色帶溪光酒塵清露明花
徑覆院輕雲暗柳塘禾穗半黃三伏雨髮絲先白九
秋霜從容讀罷安仁賦對酒期君話草堂

秋曉聽雞東幼安老弟

四十年前句曲秋曉雞曾送客中愁一聲忽爾聞孤
寢百感依然憶舊遊日月如流空老大江河不改漫
沈浮新涼雨後西園好還擬銷愛醉石樓

同戴維新張懷宇過南莊舟中手談

舊業堂 卷之四
百口長懷生事艱郊墟數爲冒春寒柳條滿著黃金
縷菰飯空攜白玉盤一水分流扶舸進兩山如畫隔
江看不緣兔死爲農去何得枯棋半日彈

秋燕二首

庭梧一葉報秋黃江燕歸心在畫梁飛嬾已如愁聚
散語頻還似問行藏長風送客朱簾爽短日辭人白
紵涼屈指來期是春社杏花開落井泥香

其二

搖落西風暑欲收雙棲梁燕動新愁穿殘簾幙千家
雨剪破池塘七月秋人世往來雲忽散年華代謝水
空流烟花回首春明日還傍元龍舊臥樓

賦小園五月榴花

翠萼丹葩五月花枝枝爛熳吐山家栽從西海仙媛
宅移上黃河使者槎醉眼有人仍物色賞心無客自
年華朱門此日矜粧束妬殺紅裙在絳紗

賦小池荷花開

新荷出水數花開拂面香從太液迴不月珠圓知露
綴無風萍躍覺魚來波搖菡萏懸冰鏡壁削芙蓉倚

玉臺不獨習池成一醉碧筒書盡見題才

對牡丹

乾坤原自厚山靈依舊名花開滿庭想見主人頭更
白應憐客子眼終青麒麟半睡香愈酷鸚鵡雙飛瀉
未停對此老懷難料理幾番沈醉幾番醒

兩日不過西園忽見玉蘭開謝賦此一笑

載酒看花對客遲玉蘭臺榭已離披春風噓拂猶憐
汝明月徘徊欲待誰豈厭繁華供俗眼不因衰謝廢
吾詩綢繆好訂來年約早辨凭欄金屈卮

詠牡丹和倪湛川韻二首

憐君花裏獨稱王幾度攜壺入醉鄉風動翠裾呈妙
舞日臨鸞鏡試新粧臙脂半染欺宮錦粉素輕勻薄
曉霜縱是無情周柱史也應撓亂鐵心腸

其二

春山新旭上芳姿紫翠遙連碧草滋青藹帳前歌越
女沈香亭畔舞燕姬醜容不待金壘倒妖態還從玉
露披疑是陽臺逢宋玉孤唵千首結心知

見青梅紅梅早開

舊業堂
皎皎芳肌白易緇別塗紅粉混妍媸新枝獨冒冰霜
早疎性爭嫌桃李遲漫指春華舒老眼細看風骨識
幽姿孤清仍是松筠伴開遍園林蝶未知

和王師董見贈元韻

愚谷依然山寺西武陵何事世多迷潭碧秋水涵天
盡翠竹春雲拂地低道直有人呼北海境偏無客過
東籬獨憐王翰幽居近時送清風到石溪

舊業堂集卷之四

終

舊業堂集卷之五

吳陵凌儒真卿甫著

同罷劉萬春延之
曾孫凌國鼎正中甫訂



詩

七言律一百二十二首 古詩十七首
五言排律四首 絕句五十二首

劉子瞻宮克昌諸丈杪春偶過小山登望

萬樹依稀一樹紅
桃花如錦綠楊中
好春自弄山前色
虛閣長吹江上風
賓從幾人頭半白
乾坤此地眼全空
五雲回首丹心在
日落無因托塞鴻

王世守將軍四十詩



舊唐書
甲子纔逢強仕年錦堂開宴集羣仙
花枝日照長春酒香篆風飄半午天
萬載山河盟帶礪三江鼓角靜烽烟
昇平爲報轅門壽醉裏題詩綵筆傳

看渭堤西行

翩翩飛蓋下江洲短棹長風恣遠遊
赤日移舟纔報午焚雲翻隴欲成秋
兩河經畧扶三極千里隄防助一籌
却笑辨途離舊路海邊驚散數羣鷗

寄戴維新

目別羊求隔楚雲平生肝膽向誰論
相思兩地空成夢一字三年不到門
江郭春風閒白晝草堂明月怨黃昏
何時得踐歸山約依舊花前倒玉尊

再題望海樓

東下滄溟是十洲乾坤此地建危樓
邗江水落清流合天目峰來紫氣浮
寺近不妨龍虎會臺高應得鳳凰遊
懸知花滿春明日先發天香占好秋

秋盡西園偶坐因懷我

秋水池邊閱歲華芙蓉開徧野人家
樓臺影合雲初起砧杵聲高日未斜
閒對琴書羞白髮病拋杯斝負

黃花數枝留醉山中伴何事羈棲天一涯

午日懷三閭大夫

續命從來繫五絲白頭今日憶兒時
忌醒沽酒呼隣父懷古焚香讀楚詞
遺俗滿城人醉早孤忠千載我生遲
招魂本欲投詩贈一水茫茫恐不知

傷大水

幽棧長凌野亭過一片誰知總是河
鹵海沒天還沒地滄浪聞哭不聞歌
破岸三年隆慶水觀濤八月廣陵波
懸崖縱有鰲堪

以柔絲得下麼

南莊樹底閱憲章錄卽事

柳陰拋卷聽蟬鳴入耳還成一段清
天濶海雲飛不歇潮廻江路浸皆平
輕塵拂袖纖無跡芳餌投竿靜有聲
揮汗研硃評國史老羞經濟學儒生

和竹翁飲懷慎隣園元韻

虎劍鵬弓六月閒柳營長送好風還
筵開八詠池亭上車過三宜水石間
澍雨洗兵醒醉眼油雲垂蓋護衰顏
主人愛客情何極落日移尊傍小山

再和

杯酒淹留老自閒名園長日不知還遠追河朔千年
上高臥江淮一畝間入耳共呼憐鳥語舉頭相對媿
花顏招尋咫尺荒亭在百萬何人贈買山

小園辱懷所奎泉鳳溪枉顧詩以謝之

烟含萬柳小山阿遲日西亭不厭過啼鳥樹頭春正
暮落花池上雨偏多蕭條生事培墟隴寂歷閒心長
薜蘿獨有高情來衆妙一尊時得慰蹉跎

壽儲老夫人七表詩爲幼安茂才作

瑤池曉日薦金盤朱實纍纍歲幾千綉幙春明雙燕
舞玳筵風暖百花然鄉評海上徽音重家慶堂前子
姓賢更喜阿玄能壽母乞余爲寫報恩篇

荒園辱李應魁給諫枉臨賦此以謝

寂歷空山守舊廬綠蘿深巷枉高車玉堂文藻青雲
上蘭省風裁白簡餘倚樹論心山鳥狎臨軒對酒水
亭虛安親莫戀庭闈樂 聖主開誠待諫書

荒園辱奎泉雉麓枉過

爲愛看山歷翠微探奇有客到柴扉風前對酒雲依
席月下談棋露濕衣世事漫徒朝槿落道心閒共海

鷗飛秋風江上鱸魚美十丈長竿坐釣磯

開述

赤日中天客到稀
凭欄一策薜蘿垂
空庭鳥下竹無語
深院花開蝶不知
露湛邵園瓜實早
水分鄭谷稻秧遲
清平海上風烟淨
正是閒人獨樂時

過徐園分花因懷石翁一首

珍重名園幾樹花
短枝移插野人家
涵春洞鎖蒼苔淨
玩世亭飛紫燕斜
幽意漸添隣舍色
芳容定減鬢絲華
殷勤獨憶中丞老
對局常呼夜半茶

自笑

三月春風吹鬢絲
白雲搖筆日題詩
江山賦徧渾無語
花鳥吟殘總不知
市馬價高逢伯樂
鼓琴聲斷失鐘期
延津未到猶孤劍
文彩風流重異時

雨後過小莊

一雨初晴出近郊
片帆江上小漁船
中流放棹青天動
平野看雲白日高
萬里長風吹短鬢
半篙秋水漲輕袍
勝遊慣愛滄浪遠
五月炎蒸不覺勞

病中聞山莊割麥

春深一臥草堂幽，忽報山中已麥秋。白浪接天空，艤艇黃雲連野好。登樓經營不作千年許，貧病惟寬十日憂。獨慕范公風，誼遠東吳能問故人愁。

貽鄭雙泉參侑以短句

丹陽留滯欲何依，爲問東吳世已非。流水調高人未遇，長楊賦就願多違。一瓢海上清風遠，十畝山中生事微。好語袁安暫偃臥，使車行且按郊扉。

夏日同樂軒奎泉諸丈過南城新莊二首

經官未了百年緣，歸向南山買薄田。一水遶門江漲

合孤城，臨野市聲偏。衰遲漫倚盧敖杖，飄泊同登范蠡船。知己眼前君輩少，交情垂老尚依然。

其二

長汀千里帶南臯，東接滄溟一派遙。五月漫遊臨古渡，百年生事問歸樵。傍城孤寺中天起，對酒殘棋永日銷。薄暮分攜興不盡，平疇清曉更聯鑣。

西園對客

草堂食酒對山開，何處紅粧樹裏來。詠扇爭隨明月掩，舞衣輕逐好風迴。疎林日晚鶯飛盡，小洞春深鎖

落梅避俗已看塵世遠何須東海訪蓬萊

茅亭移菊

誅茅小結晚芳亭手植黃花滿地星不事春華爭艷
冶且分秋色慰凋零殄英可却乾坤老把酒寧知人
世醒多少市喧驅逐盡棋聲隔竹靜堪聽

奎老致仕還鄉喜而賦此

彭澤先生邈未攀高風今在海陵間幽居門外青山
近舊業堂前白晝閒問字侯芭仍自至銜魚楊震竟
空遠鹿車早向蓬蒿過已辦清尊爲破顏

初春過南莊逢僧問歲用學博韻

春氣薰蒸四野溫扁舟蕩漾入江村野橋一水人爭
渡山郭孤亭犬吠門弟子坐前聞說法老人石上笑
迎恩東風早染郊原之佇目菁葱着屐痕

十月朔日西園賦

起看曙色思徬徨庭院紛紛落木黃蓄酒床頭辦留
客移花齋內避沾霜寒塘不作芙蓉夢殘草還尋薜
荔香短景又將催歲盡鼎中何藥駐年芳

荒吟一冊呈劉父母

何慙白髮戀青毡伏讀毛公三百篇敢道楚弓能自
拾不知秦鏡倚誰懸滔滔江漢流難廢靡靡風雲態
易憐才似左思名位薄賦成還借孟陽傳

秋盡日西園作

江城明日是玄冬衰柳淒其霜露濃已見寒光回北
陸尚留秋色在芙蓉九天闕下晨頒曆萬井樓頭曉
聽鐘衰白不須傷歲晚早攜尊酒上高峯

過鳳凰橋

何時鳳至橋空在此日潮平重過春水漸高芳草
沒江風陡起亂帆多秦淮百里津難渡禹蹟千年事
已磨一到滄浪垂釣處幾回聞哭不聞歌

過邵伯

湖上長隄似蜿蜒通漕入貢幾經年淮流滉漾遙連
海泗水騰凌近接天夢裏何人傳玉字眼前隨處覓
桑田蓬窓對酒聊歌嘯五兩南風送客船

八十自述

犬馬虛過八十年自慙淺薄占人先盈桓久戀鶯花
地偃仰長依水月天伏櫪不衰當日志得閒還檢舊

舊業堂集 卷之五
時篇過庭喜有孫枝好一任笙歌狎舞筵

秋苦積陰西園喜晴一首

秋盡江城快乍晴西風蕭瑟暮寒生年光又逼黃花
放霜信先催白鴈鳴囊裏覓錢沽濁酒甌中出粟檇
香杭閑憑醉飽酬清世何事營營身外名

杪秋夢入朝紀事

喜氣秋宵接上台龍顏咫尺夢中來江湖何意風雲
會宮闕無端日月閑香傍袞衣浮御座寵承天語到
仙臺海濱不是磻溪釣鷗鳥沙邊莫謾猜

新莊偶述東儲文學

畫鼓分秧雨後青雙飛白鷺落沙汀玄經海上鮑楊
子皂帽風前憶管寧半畝閒心平若水百年短髮爛
如星開尊此日期君醉不爲人間忌獨醒

送門人儲幼安應試二首

談經函丈早知名賦就明光獻二京百戰遙看橫劍
戟兩冠兼得繼簪纓雲垂東海蒼虬起霧濯南山赤
豹成去去扶搖應九萬草堂何日問元生

其二

舊業堂集 卷之五
弓裘久擬舊科名此日擔簦謁帝京
身篆囊中攜綵筆青萍馬上拂塵纓
月明瓜步秋濤壯槐覆邗江曉霧輕
足下雲程風力健怒飛看取憫平生

王文泉學博有贈倚韻奉酬

霜花漸漸散春溫鳴鐸聲高動遠村
大雅文章全入轂東風桃李半盈門
獨憐懶慢山中味共沐昇平天上恩
一醉習池饒笑語澄波明月兩無痕

山莊小酌因懷鄭澄之穫稻未歸

漫酌郊居醉不醒市沽園摘兩三行
花前潦倒經年病海上辛勤逐歲耕
獨樹吟風還振響亂禽啼野不知名
兼葭零落滄波冷北向飛鴻蚤寄聲

新正二日候客作

令司青皞屬佳辰兩日晴光照海濱
淑氣凝寒猶似臘條風扇暖已如春光
浮玉薤陳三醴香摘青蔬薦五辛
掃徑不知何客到料應不是傲盃人

元夕邀劉子厚諸君燈前小飲遇雪二首

令節攀懽未盡懽傳觴空負玉缸寬
蕭條歌管無人聲寂寞樓臺少月看
客興正濃燈市罷春風無賴草

舊業堂集 卷之五
堂寒遙思內苑當今夕萬點星球處處安

其二

逢時縱飲慶交懽任誕原憑天地寬
徑窄敢攀高駕過市窮聊掛舊燈看
嚴更促漏飛觴急密雪妨春落
子寒滴海皇慈徧饑戶何人行部問袁安

西園首夏對潘恒山晚酌

老去無能與世違逢迎終日敞柴扉
洞雲來往當三徑墜樹高低抱一圍
戲蝶翩翩風葉舞浴鳧搖漾水
花飛新晴共得酬心賞纖月城頭伴醉歸

冬至後閒述

山郭冬晴寒氣輕初陽動處覺春生
花枝冉冉紅窺塢梅葢星星玉綴屏
時序等閒青眼轉乾坤容易白頭成
塵緣謝却同心在日日空林聽鳥聲

偶賦

身隱何須更買名草堂終日閉江城
閒來對客頻開卷興到呼童漫拂枰
鸚鵡滿浮春色動龍泉橫拂夜寒生
逍遙信是山人事歌咏年年紀太平

戊子元旦作

正元歲屬文明會晴霽人逢最好春瑞靄半天輕護
日祥風千里不驚塵懷中未奪江淹錦頭上還栽陶
令巾娛老自爲詩酒計百年花鳥趁時新

病小愈憶荒園

故園此日違心賞十月紅梅幾點春寒雀啄英繞庭
滿早花含萼傍簷新躋攀久絕看山客步徙空懷策
杖人卽日舊遊來地主寄聲先掃草堂塵

冬晚西園看紅梅

閒伴梅花夢水西扶筇日日過橫溪高枝不壓霜華
重細蕊能分錦色齊葉墜空庭寒雀噪烟生孤里
鷓鴣啼荒林歲晚過從少獨把幽姿醉裏題

和題茶中杏鴈

曾聞呼侶泛江洲詎謂孤飛下玉甌影動水容疑刷
羽聲涵松韻似鳴秋漫誇中婦工粧點應笑詩人入
品流何似瀟湘明月夜滄波幾點伴沙鷗

再和前韻

便欲長鳴向十洲偶經纖手落輕甌烹成丹井千年
水剪破瀟湘八月秋玉骨粼粼香核軟霜毛熠熠乳

花流飲餘頓覺塵機息一笑渾如對海鷗

過西園遇雨

漫剪蓬蒿過辟疆白雲深鎖一園荒
篔簹密翠妨花逕
茵蔯紅暗柳塘
吾道自甘生理拙
此身空逐世人忙
開軒正有清風想
片雨山前送晚涼

沙秋遠表應舉諸君

萬樹蕭森秋野清
開軒共對晚山晴
淮南丘壑千年勝
江北文章一代名
自愛黃花盈把采
不慙白髮滿巔生
凭高爽氣薄天盡
點點排空有鴈聲

新年三日招客

山城春色勝蓬萊
對客盤飧接日開
宇宙有人襄盛世
江湖無夢繞西臺
生涯自許犁頭足
物態何須筆底裁
荏苒歲華真過隙
定應秉燭夜銜盃

首夏過西園二首

振策看花願已違
繞屏無復落紅飛
白雲一榻日初午
綠樹滿園風正微
病起人情還似舊
夢回世事總成非
投閒爲報山中侶
散髮行歌好採薇

其二

江上閒心日日遊平泉占盡古風流綠槐蔭合宜長
夏紅蓼花開自好秋雲破中霄人見塔月明孤嶂客
登樓漕隄東下天連水白髮逢時幾種愁

擬花前對客

十月清霜凋錦林歲莖百卉半蕭森輕華細薄柳枝
脆黯色逢凝山蘚深五斗鑪邊飛白玉一叢籬下散
黃金相逢好取佳辰醉雪點頭顱總見侵

秋日山莊用韻奉酬懷竹丈

草堂隔市俯長流十里蘆花接葦洲帆影亂飛江岸

雨館聲遙送海門秋閒心欲語臨風鶴羈思應慙江

渚鷗蕭瑟西園明月夜還期王粲一登樓

送沈大司馬鳳翁遷葬用舊韻

野宿潺湲一夜流雨中看葬到江洲新阡短草孤雲
暮華表清風一壑秋掛劍我火山寂寂返魂君去水
悠悠高懷此日相思處

代友人題王學博遺像兼送輿櫬北歸

三年鳴鐸徧吳陵旅病何期判死生禪淚忍看風骨
瘦撫膺空惜笑談清築場東海心千里扶櫬恒陽路

幾程椒醪臨岐將一奠滿城春雨濕行旌

自述並友人

十年海上布衣農烟水無心處處逢藜杖日隨孤棹
往來空時感亂兵道遙悞學莊生傲老病非關叔
夜備嘗閱一牛數知己青青岩畔歲寒松

長嘯可舉早知名此日昂藏太瘦生白雪漸看翎欲
隨月砂未許頂能成影涵烟水秋江老夢落松林曉
露清回首風前還起舞依然雲路九霄輕

新晴出郊漫述

西風朝日送初晴跨馬衝寒出禁城驛路亂帆依岸
轉秋江新水帶潮生馳驅世上忙何事流落人間故
有情閒對高原成獨眺圖山千里望中明

丁卯秋同邢後坡陳青田執役文場卽事

十載長淮臥草萊鎖闌今日看掄才文光直射蛟螭
遠泰運重開麟鳳來拂樹星河朝拜闕燭天燈火夜
登臺馮虛共對中秋月瑤彩分明接上台

十六日飲明遠樓

宵登高閣倚蓬萊題壁深慚作賦才寶劍光騰多士
集紫霞香泛二仙來月明清印中丞府霜落寒生御
史臺別後相忘欲相見碧空雲際望三台

共遇

聖駕幸學和青田道長韻

泮池秋曉度疎鐘清蹕凌高下辟廱日傍翠華瞻瑞
鳳雲開仙仗識飛龍百年禮樂流風遠五夜精禋秩
祀恭遙想司成天上坐講筵何語答遭逢

戲筆奉惺庵

幾年烟水寄行蹤霄漢岩巖隔萬重跨鶴雲中人漸

遠折梅隴上使難逢
仄寒豈料還燃火
幹老應知
化龍良夜清燈堪話
舊草堂今在栢臺東

夢山莊用舊韻

八月吳陵憶舊遊蒹葭深處古溪頭白魚靜釣長江
晚紅稻多收沃野秋隔水棹歌衝鴈起當樓汀月帶
星流五湖一夜揚州夢應是閒心戀敝裘

中秋山莊對月

幾年不共中秋月寂寞今宵月又孤
水浸柴門時自渡舟聯漁父夜相呼
峯頭雲起還明滅草際螢飛忽

有無却笑此身滄海上真同范蠡老歸湖

喜晴泛舟

山色初開宿雨收好風吹日碧雲頭登場粒粒管來
歲拂水刀刀了暮秋浦澗挂帆迷舊路梁深垂釣向
高丘洞庭湖水如天上蕩漾扁舟五月遊

水入臥室舟居夜值風雨

水壓胡床上小舟掃門風雨更添愁聲聲到枕鳴孤
寢陣陣飄蓬過短襦四野蒼茫嚴警夜萬山搖落倍
傷秋憑高欲慰汪洋嘆須住城南百尺樓

山莊漫興因呈鄭澄之丈

新構田廬半畝寬老身平世一盤桓烟含露草江天
暮木落楓林秋井寒山鳥下庭閒對酒水花明岸獨
持竿還栽十丈瀟湘竹歲晚期君雨後看

對菊懷戴廣文

秋盡籬花喜未殘西亭帶雨倚欄干採英細嚼黃金
嫩呼酒高擎白玉寒歲月有知鳩玉杖江山無恙竹
皮冠懷人此日東沙上幽賞同誰醉裏看

和韻

青華堂集 卷之五
縹緲祥雲擁上京依稀仙樂倚空鳴中天北斗瞻
宸極十日南風送客程聲動玉珂宵攬轡香殘金甲
曉歸營西臺欲獻昇平策白簡臨封夜幾更

泊梁莊驛有感

顛危曾記五年前舟過梁莊倍愴然野渡夕陽人影
外羅樓春夢雨聲邊偷生自料終無地赦死誰知復
有天却向江南問枯骨可能攘臂起黃泉

鄭州道中述懷

蒼江暮色上墟烟攬轡空城思黯然飛蓋影搖官樹
裏吹笳聲落戍樓前衰同老馬懷千里媿比香芹獻
九天檢點行裝無長物昆吾三尺舊龍泉

寓報國寺

院深風靜鳥聲清幾樹繁陰到廣庭解劍暫尋高寺
宿團蒲聊結老僧盟薜蘿不上紅塵色簪笏難忘白
髮情萬死君恩無可報還期寸簡答昇平

南莊速客晚歸來朝漸川有約時三月晦日

沙頭湖落暮江平浪靜孤舟送客行細雨月塘催渡
早微風山郭拂塵輕酒沾郊外難成醉花放溪邊好

訂盟莫道曉鐘春去盡西湖烟柳尚啼鶯

小園奉邀龔憲使

草堂尊酒錦屏開廉鎮行春小隊來靈鹿夾轅窺露
窈好花迎綬識霜臺桃源未必迷秦客麟閣還須借
楚材早晚徵書天上去五雲空自望三台

望天目山

隴來生風爽似秋望中天日紫烟浮百年好句酬清
世四月扁舟作勝遊鹿女不還山自迴璧文何在水
空流滄江隨處堪乘興豈必蓬萊十二樓

遊鳳山

十載神遊古鳳山東行今始得躋攀石橋開徑盤三
級野廟分流抱一灣碧玉天垂金闕迥綠槐亭倚白
雲閒蘇湖遺跡千年在絕學何時海上還

連陰不得過南莊聊共劉子厚坐

簷外西風日送秋蕭蕭鈴索起新愁物華又報玄冬
節雨色還羈白晝遊自顧清霜三尺黯誰憐滄海一
絲浮忘年隨處堪爲樂何必城南月滿樓

覓菊因懷奎老

何處黃花香滿林吳城十里杳難尋青衫日辦攜壺
與白髮朝懸倚杖心沙浦月高鷗夢遠海天雲冷鴈
書沈南山數窰香醪熟早晚疎籬次第斟

秋晚過南莊獨見白菊

不向人間嘆陸沈秋山乘興晚登臨紅花短短疎垂
岸白水泠泠曲遶林暝色風含烟樹靜斜光日射暮
江深籬邊欲醉陶潛菊滿目瑤華未見金

強上舍惠菊時袁孝廉應舉劉茂才子厚在坐
紫艷黃花拂面開無端秋色草堂來孤芳獨占吳陵

秀佳種逢分甘谷栽盈把自須拚酩酊餐英終不委
塵埃相看正值高懷過明月空江未擬回

秋深期劉子厚劉華峰遊南莊

畫舫城南不厭遊葦花楓葉滿汀洲閒吟清世依雲
谷斜月平沙對海鷗溫玉一雙堪伴老枯棋三百可
銷憂古琴况在藤蘿逕山水來聽別墅秋

兒輩讀書城南感子厚屢過

野外新寒思不禁孤琴閒伴到荒林
吳鉤霜月侵衣冷江筆秋花入夢深
連璧風清人似玉同袍歲晚誼

如金飛騰他日雙黃鵠莫忘青燈對榻心

辱子厚諸君屢顧城南又作

蓬蒿不剪白雲間招隱淮南自小山挾策幾年多浪
跡投竿此日各衰顏崎嶇路險輪應折窈窕林深桂
可攀一話平生殊未盡擁門燈火逼人還

再疊前韻柬宋唐二丈

投佩初尋海上閒倦飛千里鳥歸山碧湖水滿堪垂
釣瑤草春深好駐顏清世百年容我老故園孤嶼待
君攀風塵岐路紛紛在宜共沙鷗日往還

俚句屢呈唐丈不荷一答賦此嘲之

下里謳吟百不酬高才鄉國舊風流驪珠耀彩龍宮
關白壁含光寶匣收敢謂宋人空自許悞令周客謾
相求西園好載江淹筆水滿芳塘月滿樓

東國醫梅詩人

十年淮海覓知音長日空山倚閣心寶劍塵中逢郭
振青囊市上得陳琳龍吟秋水時橫笛鶴舞松風夜
鼓琴笑問騷壇梅國手法門今見幾重深

季秋有感口號呈丁前輩

老懶無心逐世謀，資身聊足薄田收。
萬鍾計日纔三碗，百堵歸來祇一丘。
短咏長歌酬盛世，買魚沽酒送清秋。
對君每憶浮生理，獨恨無緣作醉侯。

看墓儲四文軒

白馬翩翩度曉津，荒原短日哭劉蕢。
灞陵秋色留殘草，蒿里歌聲入斷雲。
千載松梧人獨臥，滿山風月鶴爲羣。
哀吟寫罷楓江晚，一水潺湲隔隴聞。

秋日同彞軒鳳臺小酌

涓滴平生總未勝，清秋欲醉酒如澗。
鑪頭鱗熟逢韓滉，江上魚肥憶季鷹。
發甕滿浮愁不繼，張拳大嚼老還能。
風流日對孤標客，照眼熒熒玉井冰。

杪秋二十三日飲懷竹奎泉鳳岐仍期再過

畢景還悲七日秋，攀懽一醉鳳城頭。
黃金庭畔花誰待，白玉尊前乳漫流。
彈鋏空懷千古事，典衣聊破此生愁。
風烟回首孤舟別，三徑重來秉燭遊。

送奎老還莊二首前首用舊韻

爲愛青山敞夕扉，短筵高燭對玄暉。
拂枰笑許鴻溝割，開匣驚看紫電飛。
白髮人間留我在，黃花江上待

君歸慙歎何物遺城市啄黍場頭鷄漸肥

其二

冥冥一葉荻蘆深風雨孤舟悵別心帆帶櫓聲搖細
浪酒浮杯色耿疎林白雲欲住青山暮老鶴能棲古
樹陰陰幾黃村猶在眼思君那用鑿坯尋

九月三日同鄭澄之諸丈自城南晚歸

一葉長河渡抄秋乘昏纖月掛樓頭風來波動鱗初
起日落光迴錦未收流影鏡中人似畫忘機江上客
如鷗百年鄉國交遊少不惜琴尊秉燭遊

謝儲幼度惠大橘十二枚

五湖初隕洞庭霜正憶名園一樹芳瑞擬漢宮傳異
種寵頒陸氏獻高堂開函色映黃金嫩拆甲漿流玉
乳香珍重主人勤愛護百年分得老夫嘗

有感西園約奎老一過

荒園蒼翠鬱臨淮無限秋光落小齋社燕何緣辭故
壘晴花空自照幽崖凭闌十丈樓堪眺倚檻千竿竹
可懷杖底笑談誰不俗風流端合屬吾儕

約奎老過南莊

蕭瑟西風送早涼
放舟無那少年狂
心灰老覺千般淡
髮白朝看一丈長
野性人間閒不住
勝遊江上數何妨
南津佇立期君渡
共把平泉作醉鄉

同奎老過南莊

郭外招尋握手頻
相看冰雪晚逾親
解鞍天上初歸客
投珮林中久臥人
落日暮雲秋一色
野花山鳥物皆春
追懽莫道時能待
垂領紛紛髮總銀

秋夜同壻袁應舉泛舟南城兩兒咸與

十里輕橈郭外遊
雨餘霞色暮天浮
雲開平送寒山

出江滿遙分曲澗流
雛鳳翔高雙闕曉
老龍潭秋斷金對玉
重來日花在東籬
月在樓

不寐

倚枕鷄鳴數問天
寸心垂老百憂煎
蟲聲悞作雨聲響
曉色虛疑月色懸
水後何曾旬日霽
秋來能得幾宵眠
乘槎我欲訴真宰
仰視高旻有暮烟

懷南莊呈奎老

極目郊居未擬回
故山閒倚郡城隈
潮平淺碧江空湛
風靜疎紅蓼自開
秋色百年聊暫擲
客遊三日定



重來絨詩爲寄封姨道好護霜枝在月臺

雨中期奎老過南莊

天如南城十日遊無端風雨傍行舟
龍潭空對蓮花色
是此孤吟
秋漠漠
暝烟帆不斷
淙淙新水釣
堪浮清狂未饜看山興
沾濕何妨遠杖鳩

南莊獨坐候奎老不至

蕭林烟樹隔塵寰
臨水柴門晝不關
秋接海門三百
里雲開江路萬重山
丹楓照眼孤吟細
白鳥依人相對閒
底事劉安幽興減
滿園叢桂倦躋攀

泰堂明月

徘徊銀漢燭幽涯
歷歷吳城十萬家
影落琴臺生夜響
光含庭樹發春花
青天不動輪長轉
玄霧空飛壁未遮
多少親民堂下客
冰壺心事照無差

駝嶺清風

守禦堂開玄武高
巍然駝嶺殿南壕
人鍾猛氣提龍劍
地接文明覩鳳毛
危堞金湯千里固
重關鎖鑰萬年牢
迢迢海上無嚴警
獨有清風誨爾曹

鳳池筆影

香林古塔幾經秋卓筆高標泮水頭
倒影入池銀鳳舞懸梯躋漢白虹流
千年禮樂分槐市一代人文聚
海鏡陶石宮端忠孝滿科名未數許
查周

五院奎光

城隅大馬聳孤峰闢地掄材院幾重
千古芬芳留月桂兩朝攀折見人龍
熒煌夜矚星芒動翠嶽朝看霧彩封
此日英雄爭入彀風雲多少慶遭逢

范堤烟柳

横烟一望范堤青捍海功高卓有聲
萬頃白波春水

足兩行綠樹暮雲平年登處處謳歌起
俗長人人禮讓生憂樂空懷千載後
獨沾明惠日躬耕

董井寒泉

欲將寸草報三春不惜墮名鬻此身
自分傭人安坎壈河期仙子共悲辛
吳縑機上春雲薄楚水溪邊夜月新
井幹荒涼今莫問綱常千古未沈淪

西湖春雨

邊城山麓小澄湖潏沆開成一鏡圖
日夕陽涵錦繡年年春雨長菰蒲雲綃
鳥篆頻來往水態嵐元乍

有無祠守近隣安定在六經刪述未應孤

天目晴嵐

石城東下水通吳平地崇岡洵美都天上何曾開隻
眼人閒猶自說仙姑鹿遊不見嵐光在壁去空傳野
色孤西海封堤元混一懷人落日聽松梧

冬日登山閣因懷錢商卿

朝登高閣恣遊盤石壁蕭森木落寒東逝水聲全入
海西飛山色半臨湍藏身自喜巢初定對客何愁酒
欲乾巖竹館松無數在不凋蒼翠正宜看

草創新莊宮克昌見枉

野色荒荒來奕秋橘中何處可淹留桐花未老難棲
鳳江勢初平好狎鷗滿筍白魚無酒飲一床清話有
詩長滄洲總屬閒人地紅蓼秋風日夕遊

龔公祖書許築隄賦謝

欲嫁翻疑隣母心誰知倚柱抱憂深歸田最苦唐堯
水養老空懷䟽受金謾以鹿車巡鹵海不將魚鑰守
雲林朽憐獨有觀風使千里緘書寄好音

龔公祖修完沿海河工賦此謝

有青堂集 卷之五 三
煉石空聞欲補天坤靈親鎮帝堯年掣鰲東海任公
釣授簡滄江使者傳水國稻花香浥露沙隄柳色鬱
生烟功成不獨關民瘼財賦東南倚濟川

曉對澄之七

江洲孤月向人明涼氣蕭蕭晚坐生強飯光凝雲子
白寒林香瀉玉壺清玄言能解五千字黑髮空餘三
兩莖幾度逢君看漸老十年憔悴望西成

堂前紅芍植十五歲始花是歲癸酉兩兒應舉
漫致期待

藥欄春色手親栽歲歲花時獨見猜珍重靈根蟠黑
壤等閒奇萼發瑤臺日華高映芙蓉秀霧彩遙分菌
昔開玄籥喜隨文運啓馬頭秋早好音來

借潤宇廿一史書目口號

元凱二癡應已謬六經文字本無私
侵凌獨惜鼠牙
妬阿護還憑鬼
惟司千乘塵封人靜處五車光發月
明時好開秘閣容來往聊檢標題豁所思

病起過小園望澄之不至

荒園耽日陟一病契濶久別去楊始華到來荷已藕

清池照容髮頽然真老叟好鳥下庭柯餘花窺戶牖
天地本不羈或生亦何有沈疴笑不起重過諒非偶
應門顧五尺開甕嘗三斗延頸待懷人長橋共攜手
佳話可娛心道義我所厚曉曉耳中間達人晒此否
水木孤清雲烟入溟漭清風日夕邈佇立空騷首
今夜與幼名德仲少坐

歲晚役車休乘閒枉高躅俱爲勢外交共瀉尊中淥
良譙薦嘉魚清言秉華燭冬遊興不淺看山及新旭

新晴踏青

積陰浹旬久幽獨傷懷抱新旭升林端企首向晴景
水泉足溪澗澗漾添浩浩輕翼矯高漢潛鱗浮短藻
乘興遊好春去踏江城草翩翩任所適攜手綠楊道
遠心人代空相忘天地老

晝臥偶書

首夏六日晴陰雲復鬱蒸驅烟散遙野賴有南風生
無客晝倦臥北窓幽禽鳴入耳聲喧喧羲皇夢正成
人間遺世遠思豁逐塵輕焚香讀道書悠然物外情
滄浪在何處去去濯吾纓

小樓與平湖諸公漫飲中有新客

長日疲逢迎意適趣還足泛愛有新故攀懼忘雅俗
高樓颯清風披襟豁煩溽彈棋興不淺朝飯及秉燭
人坐日初升坐有下川谷市酒橋邊沽野蕨厨中煎
孤兒似車來流水鼓一曲

登樓偶書呈張懷慎內丈

行坐殊無聊得閒不對客參差負長日冉冉山將夕
暝烟浮郭青歸雲過樓白欄干獨徒倚何似笑彈奕
算睽廣堦收數奇孤徑逼營營思未苦謂謂天全適

挾议懷所之何處投吾策岩堯吳山東槐下重門闢
嬋娟月初上滿目瀟湘碧地絕主人賢無乃虎臣宅

苦雨

懊惱一春陰入夏稍開霽江城幾日晴鳴飈復旋暄
曉雨猛如注愁野空門閉辛苦纍塍高波蕩失涯際
舉趾時已晚况乃耕無計人言雨如膏我道流成涕
吁嗟北山歸南畝故非細何當良牧來翻令逢無歲
欲假津梁槎上訴玄元帝茫茫但一氣烟霧杳無濟
孤舟攜斗酒故山招舊契鼓枻放歌行且解匏瓜繫

有善堂集 卷之五
午日留任甫懷宇二丈作

百年四海內幾見菖蒲生役役摧髮斑愁多懽不成
日宜丘中賞况乃妨經營絲管間鐘鏞芳香鬱吳城
草堂構未畢佳客空復情言笑思招攜蓬蒿廢將迎
赤日當停午清風來軒楹里俗競娛樂愴予心未平
湘水湛忠肝千載傷精英山妻顧我語斗酒貯磁甕
割肉且登俎聊可以解醒遽起邀比隣道誼夙所盟
鷓鴣共斟酌相得如弟兄良辰逢締交天合人亦并
呼盧快一擲彈棋縱五兵過庭雙鳳翔踟躕毛羽輕

開襟期痛飲數過已沈冥纖月雲際露清光澹盈盈
華燭點層樓青熒思轉清主人興正劇客子醉辭行
攜手戀出門長河天上明反室正襟坐閨寂無人聲
因了聚散緣兼之賤與榮一笑輕五侯功成薄韓彭
世事固如此照耀亦空名

西園留遠客

壯齒懷衰早看花當半開廣陵有佳客爲賞春花來
次第換歌席參差登吹臺星羅萬井小帶遶孤川廻
遲日緩昇景霽空澄纖埃酒狂杯不歇詩老句堪裁

短笛橫古寺因風驚落梅烟雲世代裡恍惚到蓬萊
不倦遠遊費歲過漲海隈

重陽前四日同幼度疊峰幼安任甫四丈夜坐
新月掛杪秋清風颯茅屋薄我鷄黍筵淋漓短銀燭
飄然西南來門關轉僮僕俄頃熱氣團開軒遣煩溽
四妙梁苑資霞標閃電矚窮辨眇今古唾落懷中玉
夜深渾不醉一似仍縛束平生雷陳交况托蔦蘿屬
老大誠放浪大笑吳山曲廣宇素天青宿甕新醅綠
朱鳳刷冲羽白駒逸空谷并沈日月代俛仰年華促

潛菊滿東籬采采黃金縟佳期九日近還倒尊中綠

除歲歌

歲將除歲將除去日疾矣來日舒昏曉之間割新舊
午夜春回天地初年華一去還堪惜長繩難挽西山
夕人生百歲此中消醉欲狂歌楚天碧少小逢年喜
記曾于今老大百憂增一身蹇拙差可解萬室消條
秋不登青皇十日司其職幾分春色來江北管領東
風殺少人撫綏百里蒼穹力指點家人獻歲新綵幡
剪貼漢宮春椒花自擬燈前頌栢葉頻傾案上尊一

笑江城六十老冰霜轉後陽和好太平盛日照千門
安時吉祥歌覆幬吾兒耕讀及居諸高堂善事百年
餘眼中俗物都拋擲長晝仍開萬卷書

定州閣卷

清光一片來高堂滿屋虛明生夜涼然燈提筆點殘
卷雄文錯落呈圭璋從來燕趙多奇士况復鎔鑄逢
陶唐詞源滾滾倒滄海筆陣凜凜凌秋霜塵中白壁
獨琬琰選內青錢時頡頏得材不媿明時噐敢云桃
李都門墻淮海山人復一笑丈夫志氣何堂堂胡乃

縮首鉛槧下猶作書生尋墨行拂衣拔劍忙起舞
泉四顧流精光願請長纓砂塞去親繫單于慰 聖

皇

沈陰行

罷官歸來靠年足往歲不登來歲熟浣目齋心日望
天陰陽受律時寒燠誰知風雨入春多沈陰自鷄還
過穀方言地利賴天時人事幹旋應反覆于今三者
一者無白頭老子巡簷哭古來司牧何其賢鞭石反
風窮虎服蜀羣漁陽處處歌箱有帛兮廩有粟蕭條

此日復春陰何處君平堪問卜萬室呼天雲不飛豈
有輝光照逃屋魚遊晉竇已自憐烏墮魚淵復誰逐
分明江北秦州窮催科鞭撻生靈促君門萬里那得
知慘淡悲風倚枯竹

蜚龍行贈友人應試

天生神物潛九淵螫形藏精何多年一朝噓氣成烟
霧奮然直上青冥巔繞身黑雲千萬片惟見金蛇飛
紫電須臾隱約露真踪昂然頭角分明見崢嶸之勢
高難攀馳驅咫尺蒼茫間上下變態杳無極霹靂數

聲驚人寰俯首下吸大江水長練掛空如曳尾俄頃
一飲滄溟乾萬丈風波平地起神鞭鬼馭雷推車銀
河忽落天之涯翻盆倒海九垓遍勃然枯槁生萌芽
惟哉神物真不測泥蟠天飛惟一息也知曾過禹門
來劍耶杖耶令不識誰將蒼壁付揮毫一上齊紈價
日高爪牙未出晶光耀只恐乘風駕海濤展面羨君
堪作對森森鱗甲生來備自從墮地臥深潭蜿蜒暫
與蛟螭類方今赤地龜文生炎帝命爾事巡行袖中
小物多可遺濟世由來屬老成勿謂嫦娥愛年少夢

熊昔載渭濱釣先萎還爲灼灼花開時誤把寒松笑
勸君勿伏五花池勸君勿食五花枝努力從雲萬里
去一日聲名天下知

古風

颶風次雨本南來恍惚海倒兼山排百重樹杪泉
足豁然使我開心懷天時物候如有在造化無心誰
爲惜長淮水後爨室缺泣向真宰空淒切須臾樹澤
起枯焦電逐雷轟互明滅蓑笠城頭價頓高桔槔堤
上機空設停午未餉心怡然厨中濕桑炊暮烟中有
一老懽有年細語婦子以帝力相戒日出耘公田

初春西園歌

葱蘢佳氣山之隈陽春十日天上來東風蕩漾園林
曉紅梅白梅參差開幽意向人渾不語暗香飄花凌
風臺手攀鼻嗅低枝遍巡簷索笑相徘徊造化瞬息
回滄海空翠蒼茫顏色改垂柳千條萬眼青枯桃夾
岸標新彩鴨綠一池苔面平腥紅滿地草痕生開函
國色瑪瑙碎抽簪近待珊瑚明樹頭欣欣下雙鳥動
息飛鳴如有營一物天機何所有乾坤是處呈精靈

仰首前楹向晴昊西園主人心似擣歲工百代往仍
復人生白駒空衰老虛名世上成底事四時獨見春
光好富貴于我具浮雲笑我掛冠苦不早散髮垂綸
清溪濱左右圖書置此身此身綠蘿無泥滓安知朱
紱有埃塵

頌潘公治河有徵五十韻

清寧司闔闢否泰屬虧盈淮泗頻年決隄防幾處傾
坐看田變海愁使困如醒捧土勞空積窮源事未成
狂瀾沒危石奔浪駭長鯨灑澗魚遊竇憑陵虎入城

流離民救死鞭撻士吞聲無室堪懸磬何門可觸楹
獨遺桑上飼敢避釜中鳴天顧災應退星臨福自并
帝堯咨四岳神禹怙羣生選衆才難匹持危力易擎
濟川思利涉題牘志澄清不使形過鏡能將物稱衡
分疆蟻荷鋪申令馬鳴旌奮激行投壁明禋靡愛牲
天津抵京口捍禦帶經營爲國家寧恤憂時淚輒橫
冗刪資用省夢叶致齋誠金簡玄衣薦瑤函玉女迎
鬼工驅六甲人役動千甍馬峽收濤怒龍宮散海晴
回天風渚靜計日雪山平鳥鵲毛何用蛟螭窟不爭

垂彤虹外現由道地中行
桑土千年固桃花五色榮
門闢真砥柱襟帶卽蓬瀛
造化駢嘉瑞神明應至精
神靈熬極奠水恠蚌珠明
居縮蟠泥出崢嶸化劔驚
天門張翼遠霄路舉頭輕
不向靈湫躍還隨震鼓轟
葉公空好畫石氏自休兵
詎把河圖負遙連渭水縈
休明歸上聖勲烈豎鴻名
炳耀書麟閣委蛇折玉行
紫宸恩浩蕩白屋頌鏗鏘
水府深知姓漕渠卓有程
人人安樂土歲歲搗香杭
密禁嚴魚鑰懽歌響鳳笙
陽回新柳插業復舊茅夏
昔黍臺中侶今爲海上氓

半翻寶錄秋色望金莖
調高人寡和品絕俗難評
校南慙搔筆流膏喜潤荆
滄洲寄吾道白首及春耕
露寬懷南國徵輪謁上京
灰心收棄馬側耳聽遷鶯
疏繫朝宗願慙勤獻曝情
分流歸有路高枕北山盟
新正七日同奎泉過樂軒卽事

北山消歲月東郭問松筠
卓爾宮連舍蕭然壁滿塵
籬開三徑小幡剪百年新
詩卷酬清世壺瓶寄此身
自憐心似石相對髮如銀
謫向權前少言從悔後真
乾坤堪作客鷄黍慣留人
生事勤逾拙交情老更親

愧君青玉案傲世白綸巾勲業兒曹立文章我輩論
祇應安蹇劣無復嘆沈淪倚柱非悲魯尋源豈避秦
青鞋踏直徧華髮會須頻擊筑千年壯披裘五月貧
霏霏梁苑雪點點漢宮春寒色當鑪聚雲陰傍屋屯
飲多朋好喜歸晚僕夫嗔把袂看天地扶輿役鬼神
望橋穿窈窕對嶽走嶙峋事易同流水人難比壽椿
自拚耽碧玉何用怨青蘋曠野偏移杖高門不駐輪
鶯花延畢景燈月待芳辰共醉吳陵曲長歌泗水濱
安時耕舜畝忘力頌堯民萬歲春秋富三時雨露

均御樓鳴鳳鳥天路送麒麟拜舞迎新詔恩波到
臣

過近翁壽香亭奉贈

不採山中藥來遊江上亭瑞烟籠檻紫嘉樹匝池青
桂飽秋風色椿占歲氣靈醕香飄八月上壽度千齡
逕轉虛簷逼泉涵霽日停自然逢雨露何事避雷霆
投珮憐同老開尊忌獨醒春雲生別館明月墮前庭
銅虎長為伴神羊偶共經誼膠綢似漆髮鬢白如星
扶漢羞隨皓歸遼懶學寧乾坤雙過鳥身世一浮萍

舊唐書
卷之五
顧盼留孤劍翻飛看弱翎婆娑恣偃仰攀折醉沈冥
行矣冰霜屬薰然耳目惺宜休高匾在誰勒北山銘
西園偶賦
造化晴兼雨年華瘁復榮從來丈夫輩了無兒女情
秋雲看世態朝槿等人生咄咄殊可恠喧喧空浪驚
蒼藤奴自穩青雀舫還輕躡磴山嵐薄臨湍溪水清
胡爲遼海老好事富春耕卻怯忘人我涵虛化讓爭
悠然信吾道雙眼待春明

題王將軍磐石庭中雙古桂

雙桂參差雲與齊芬芳幾代石橋西新叢紅吐春風
滿故葉青留午月低樹老皮成蒼黛色枝卑手接廣
寒梯狂蜂不敢牙前來騎馬長容丈外嘶心厭繁桃
時獨守節凌苦栢晚相攜三秋旖旎分蟾窟十里飄
颻散麝臍嘯咏歲過賓從賞攀援世許子孫躋百年
招隱來詞客彩筆含香醉裏題

禱雨

蘋藻晨昏薦齋心百里聞如何頭上雨只作片時雲

種菊

幾種秋蓉好東籬手自栽陶潛興無限還待白衣來
歲寒松

桃李爭妍日蒼蒼信少姿霜蕪迹如掃始是識君時
幽澗竹

虛心抱孤直鳳宿復龍吟裊裊橫波瘦蕭蕭出塢深
雪裡梅

冷蕊窺春早江南破一枝瑤華故飄落點點綴幽姿
霜後菊

盈把香堪摘一尊誰爲遺斯人邈千載高興落東籬

巴人橘

俯仰乾坤大端居一斗中仙真有詭激神理入無窮
謝庭蘭

綠艷生庭陰香風散滿林疎簾嗅不厭憐取歲寒心
曾氏烏

微禽有至性棲樹不棲冠三足忽歸飛至孝人爭看
梁洲鵲

塊石須更化飛飛何處來居然忠孝感春蚓篆文開
右軍鵝

容與泛秋水
毡毳逗浦雲
清言書旣罷
一舉笑空群
茅君鶴

窺雲孤思逼
牽帳忽相過
人去丹初轉
空留父老歌
壽春犢

周棠遺愛遠
房馬戀恩深
千載人如見
慇懃一寸心
心恂車

孔邇瞻依切
驪車動別愁
緘情陳萬里
聊借一年留
謝易鳳山國醫

賣藥海陵城
鐘山故有名
長騎雙鶴過
自挾兩龍行

題杏林春燕圖

錦袍象笏玉爲人
十里花枝照眼新
宴罷瓊林歸去晚
馬頭收盡曲江春

戲呈戴廣文

待詔明光暫褐衣
草堂深處白雲飛
林田百畝無錢買
每日鄰家一醉歸

對鏡

鏡裡春風白髮多
蹉跎世事竟如何
黃金不駐朱顏色
薄酒逢人且放歌

呈鄭樂軒三首

高齋隱約見孤松只隔長橋路一重
春色滿城蹤跡少門關知爲白雲封

其二

角巾長日臥南山雲自孤飛鳥自還
乘興短筇山下過清風騷屑爲開關

其三

春光多在酒家胡谷口新晴正好沽
聞道壚頭歌笑滿倚門斜日不相呼

過懷慎公宅

莽莽區中榛棘多高齋疏豁最宜過
月明老樹雙棲鳥風細危墻獨掛蘿

呈戴奎老廣文

湖海何人白眼高相看意氣見吾曹
春寒日日平原醉不當貂裘當寶刀

春日書屋爲儲幼安文學賦

門掩蓬蒿北郭深半床書卷半床琴
清風滿院三家隔料峭春寒不可尋

其二

孤桐不蔽曉堂雲十載晴光日伴君此際春風吹細
草茸茸香氣坐中聞

其三

芳園春入菜畦青虛牖褰帷日在庭儘有斜光侵彩
筆案頭不草太玄經

其四

不避元規陌上塵風流才子自乘春微言秀句兼相
采滿注奚囊授老人

遣興

一畝爲宮一片茆山人茶竈野人袍狂吟放浪乾坤
外不似塵寰苦繫匏

嘲友人

落落塵寰踪跡孤春風花柳費招呼酒錢幾日床頭
掛啜茗清齋一客無

題儲太學扇面

蒼茫一水萬重山樹裏雲居隔世寰隱隱亂帆天上
過長風不斷棹應閒

題扇

十里波光一鑑平
微風不動浪花生
停橈回首青山近
蕩漾中流待月明

遊述

日日春晴春不多
如何風雨遞相過
清尊負盡芳郊約
獨坐花前漫一歌

秋夜聞恹二首

樓頭畫角送秋聲
瑟瑟風吹孔雀屏
半夜青燈人未寢
滿床明月夢難成

其二

商飈颯沓冷流黃
鴈帶秋聲過未央
錦帳香銷金鴨冷
青燈花落玉階涼

揚州友人送菊

廣陵秋色海陵來
冷落疎籬望眼開
傳與故人多貰酒
相攜輪日笑登臺

出謁後留友人小酌

朝隨匹馬走南川
夜對羣龍敞北筵
忙處昏昏閒處醒
疎簾高捲看青天

笑呈奎老

投轄千般總不如淹留佳客計全疎那知天意隨人意風雨平明漉去車

有感

偶簇春盤眺小樓邀人不遇水西頭自知不及王孫富寶馬紛從日日遊

失題

暫病春深江上眠勞生百計總冥然誰知愁處翻成喜得作塵中兩日仙

早醒

疎燈隱隱聽殘更輾轉床頭百慮生信是老人眠不着屢呼童子問天明

柬儲雉麓

獨倚棋枰銷白髮更將詩句答青春琴尊落落無知己杖履翩翩有故人

次濟寧州

古槐高柳似揚州百雉方城枕濟流十里黃雲翻麥浪半船明月上簾鉤

舊業堂集 卷之五
四三
夜雨損麥

漫言平地欲成河
隴麥波翻一夜過
痛徹吳城人十
萬
哭聲還似雨聲多

送人新曆

餽歲紛紛苦不
妨
更分新曆感年
增
人生都向此中
減
世事還從何處
憑

元夕

元宵舊俗競紛
華
九市喧闐逐鈿
車
燈月不教虛此
夜
管絃互發屬誰
家

對牡丹花

麒麟半睡傍疎
櫺
鸚鵡雙飛繞畫
屏
對此老懷難料
理
幾番沈醉幾番
醒

與友人賞芍藥

花開名種擅揚
州
客至聊爲金谷
遊
未許芙蓉照秋
水
已拚鸚鵡醉瀛
洲

秋雨

三尺洪波落水
曹
稻梁深處盡嗷
嗷
無情風雨來何
用
日夜徒增米價
高

聞盜

秋宵河上不堪行
獨閉柴門一拊膺
露濕村扃空警
夜月明山鬼慣吹燈

元夕王將軍邀飲時大雪

錦綉筵開虎將家
燈前醉眼看梨花
春浮杯斝渾成
綠雪點頭顛倍有華

喜晴

芳郊風色散新晴
多少遊人江上行
老恨積陰銷髮
短一壺今日出春城

送客歸廣陵

搖落方悲宋玉秋
追懽連日醉青州
玉簫此別吹何
處斜倚烟花十二樓

舊業堂集卷之六

吳陵凌儒真卿甫著

同郡陳王謨嘉父
曾孫凌國楨維中甫訂

文疏八首

條陳五事疏

題為敷陳愚見以禪

聖治事臣謂人臣生值

昌明之時復遘可言之會乃不能殫心畢智以禪時

政之萬一不可謂忠臣愚無知待罪言責久矣



茲者伏遇

聖明夙夜孜孜以求治理而大臣亦多精白以承
休德臣偶有所見敢復避忌而不一吐納於

君父之前哉臣竊見

今日近臣清肅矣而外臣之貪墨者未見回風選將
公明矣而操軍之虛冒者未聞改轍奸慝屏除
矣而賢哲之伏處者未遂登崇譽髦嚮用矣而
忠直之沈鋼者未蒙昭雪此皆海內日盼盼焉
延頸企踵以俟而不容不蚤慰其心者也臣謹

據事條列如左伏望

聖明俯賜採擇施行臣不勝冒昧悚息之至爲此開
坐除具

題請

旨

計開

一曰重貪墨之罰以勵頽風蓋

國家建立在外大小臣工凡以爲潤澤生民保安
地方之計而其最切且要者則在布政

與知府知州知縣等官苟此輩不貪卽
貪不甚則保釐司牧咸得其人民瘼庶
幾其有瘳矣奈何此輩提方寸之印任
私意以伸縮錢糧執敲朴以鞭笞百姓
其所以括取常規舊例火耗秤頭與夫
因事受贓指公科斂甚至假借軍餉名
色動罰大家富戶輒至幾百幾千椎髓
剝膚民不堪命至是極矣然其所以肆
無忌憚者亦以贓吏之罰太輕蓋曰縱

或敗露彰聞重不過爲民次亦不失冠
帶以去此外更無憂矣則其所以嗜利
殉財惟日不足又何所顧而不爲哉

臣
謂

今日在內臣工率相重名檢而遠苞苴而

明旨屢頒復諄諄乎私餽是禁乃日聽外官之貪墨
如故不爲破格一處如吾民之倒懸何

合無

勅下該部通行撫按將屬內貪黷異常者不得優以

潘司官尊甲科可惜不得待以朝

覲罷斥差完論劾卽不時指實奏

聞仍令該部今後遇有指名特叅者不得槩擬閒住
爲民務須重擬以憑拏解來京追贓治
罪其事情稍輕應行提問者該部仍酌
量地方遠近限以具

奏之期不許歲月遷延使在網者復以倖免其有
先經論劾見行提問久而未報者通行
切責爲何姑息長奸如此則禁例之申

飭益嚴風聲之感召自別而懲一警百
之餘庶貪黷者稍知改絃易轍矣伏乞

聖裁

一曰革虛冒之兵以求實用蓋

國家設置春秋操軍凡以護衛都城卽古所謂采
薇之戍其初未嘗不善也奈何法久弊
滋有空名而無實用除河南山東二省
尚依限赴營積弊頗少者姑不論外獨
江北直隸臣自束髮以來未聞每次有

一軍上班每年有一批迴附卷者雖邇來立法稽查甚嚴而領操官叅提降罰殆盡卒不能使一人來京何也蓋中軍留守都司所轄凡操軍共四萬四千有奇通計行糧銀共一十四萬餘兩每年各在州府關給百計留難如該班應給銀一千止先給與三百卽三百之內又皆加一扣除領操官得此止帶一二管事人役遂巡赴京隱姓諱名上下打點于以東支西吾萬一稽查卽便棄營而走矣其所以頂名代役者又多在京積猾之徒專一用強包占而管官則以納賄爲便該吏則以得財爲常左右通同剋減賣放者且十之八九矣此其行無所資勢不能來而奸有所售且不必來其爲弊豈一朝一夕之故哉夫

朝廷外則歲費銀十萬餘兩以給軍內則歲費米數萬石以養軍乃竟無分毫之用而或者

猶謂法不可以卒變是徒知愛禮存羊而不知採華忘實者也合無

勅下該部再加議擬將江北操軍免其赴京止將原額行糧銀兩如數徵解仍於應操各軍名下每名量追銀一兩謂之免班責令衛所掌印官依限徵收批差領操官一併解部則內外所積歲可得銀十八萬兩有奇然後付工部以十分之三以爲各營夫役之費貯兵部以十分之七以

備緩急召募之需蓋所謂一舉而兩得之矣其在山東河南附近常來者則嚴行清查一如該部所議如此則實旣覈而名亦存財不斂而用自足酌權通變之餘而官軍公私兩利俱存矣伏乞

聖裁

曰拔隱逸之材以振士氣蓋

人主遠好爲其妨治顧俊將以維風固有並行而不容偏廢者也我

皇朝詩林卷之六
皇上臨御四十二年以來

壽考作人凡布列在位者固濟濟多譽髦之士然其
砥礪名節伏處山林者求之海內可謂
盡無其人哉舉臣所知則充養純粹與
論久孚有所謂吉水羅洪先其人者行
藝優長鄉評推重有所謂華亭林樹聲
莫如忠臨川徐良傅其人者廉正自守
終始弗渝有所謂汝土吳嶽其人者疆
毅有爲盤錯不變有所謂金谿吳悌其

人者此數臣者或懲創已深而行能可
用或沈疴久起而年力方強卽今身處
猷畝之中非不忻忻然幸有昇平之遇
而思欲一置身於

聖明之朝也苟失今不蚤爲錄用而使少者日以壯
壯者日以老焉則沒世而風采不表見
於後固若輩之所甘心者而野有遺賢
其謂之何臣謂頃者旣多罷斥匪人而
將來復考黜不肖人材亦幾於乏矣於

此而舉隱逸以接續之誠

今日之所不容緩者合無

勅下該部再加採訪果臣所舉或非謬妄將羅洪先

等隨材器使及時登庸既不使臣冒知

而不舉之嫌復不使臣抱舉而不用之

嘆若夫限於耳目未周聞見未悉許地

方撫按各拔其尤疏其名以

聞如濫舉以樹私恩若二十七年借邊材以希進用

者連坐所舉如此則江漢鮮垂綸之士

四方集千里之材而拔茅連茹之餘庶

在列者咸知所觀感興起矣伏乞

聖裁

一曰寬挂誤之罪以垂曠恩蓋

王者操威福以馭天下如天之雷霆雨露奮之以義

而濟之以仁故議罰之典常申而宥過

之恩間一行之無不可者我

皇上帝御極至今刑罰悉中凡封疆議論之臣以事

而自罹於法者固咸伏其辜矣然事久

論定中間豈無一二尚在矜疑可憫者乎故功多過少人以爲寃則巡撫曹邦輔是也罪重情輕人猶可錄則巡撫郭宗臯是也心是迹非偶被繫逮則給事中沈束是也冒嫌觸禁誤入網羅則御史黃正色桑維喬是也此數臣者或年垂白首而望斷鄉關或忠抱赤心而魂驚邊塞俱宜惻然傷之而不忍使之禁錮終身者也苟當此伊呂之

朝再不獲齒道之澤則此輩生還之望以孤臣聖明曠蕩之恩遠近沾濡而獨此有遺焉非所以燭幽情而啓蟄戶也合無

勅下該部再加議擬如果臣言不盡乖舛將曹邦輔等寬其戍守出之囹圄悉令還鄉以廣聖明欽恤之德矧內如邦輔宗臯已經撫按薦用而沈束者又經伊妻具情哀懇臣非漫無所據市恩沽直冒昧以聞誠有以寬之則光復生於腐草之餘心未熄於寒灰

之後而凡懷狗馬之忠者皆知感恩圖報矣伏乞

聖裁

裁費芟刈疏

題爲及時裁糜費芟積奸以固兩浙久安事臣愚無知嘗聞之先正曰琴瑟不調甚者必解而更張之蓋謂識治之臣必求更乎往轍之弊然後功業可從而新也兩浙地方爲

陛下東南財賦之區事勢之在今日正所謂更張之會不容一日蹈常襲故者頃者伏覩

皇上軫念地方簡任賢能撫巡其地

臣惟稽首懼忭

曰全浙之民自是有更生之幸矣復又何言獨念兩浙自敝壞以來民財日入於空虛人心日流於矯僞治兵無紀與無兵同及今改觀易聽之時正士民延頸企踵之日苟不卽其往轍一掃而更之臣猶懼財竭而斂不休奸深而黨益固無兵不可爲守有警其誰與敵是其人雖去而所以流毒地方者且日深也其何以使塗炭

之民一朝登衽席之安哉臣是以蚤度夜思一得之愚有此二者一曰裁糜費以重民膏一曰芟積奸以杜近習凡以示前車之監求故轍之新且庶幾乎桑榆之收者也臣敢不爲

陛下詳言之夫曰裁糜費者何也兩浙用兵之初軍餉不給

題取全浙之田計畝納銀上下有差復窮及山林川澤之稅槩不爲免歲得銀四十七萬兩有奇可謂剝削盡閭閻矣乃有吳布政者復搜軍衛

有司額設工役等項多方刻減歲得銀一十萬兩有奇可謂漁獵及僚屬矣繼又有陳布政者指稱借用復動該司所貯大工銀一十六萬兩有奇可謂專擅及帑藏矣是通計該省兵費歲不下七十餘萬較之淮浙每歲濟邊額課數已相當如是而不謂之糜費不可也蓋前此侵盜之途百出冒破之孔日開故其費出不經制用無節如此臣知今日私門久杜矣獨不可於歲額爲之量減乎况邇來海波稍靜閭閻復空苟

失今不爲裁省不惟以空存之兵耗實在之費
且懼兩浙之民將肉盡而毛無所附矣合無行
令撫臣加意生靈悉心計處該省應裁冗兵若
千應辦兵餉若干原議四十七萬應省若干續
增十萬應存若干何者徑行何者具奏縱使原
題四十七萬或不可少卽以續取於官之數抵補
原派於民之數則應減在民且當有十萬也况
四十七萬中復多當減者乎近日淮揚無警淫
雨爲災撫臣憫之固嘗量免隨糧軍餉以寬民

力如興化寶應泰州等處是也然則蘇久因之
賦解創懸之民兩浙行之又胡爲乎不可臣故
謂兩浙弊轍之更在理財者不可一日緩也夫
曰芟積奸者何也兩浙用兵以來上下通同欺
罔先後踵以成風寇至則十指爲千人歎則千
不報一甚者揜敗爲功殺漢人爲夷人故八年
之間冤歿之魂叫鄉關而號風雨者何可勝計
此其積奸在冒功者如此然其所籍諸路兵大
都萬不滿千千不滿百當調遣則覓取於沿途

臨點查則備顧於代替故有用銀五分暫應一日三分暫應一名者不知此等軍餉數年侵入何人此其積奸在陸兵者如此至於水軍尤爲冒費海二福船大者如山只平時撐駕非三四十人不可况衝風破浪非可力挽繩牽故多者百餘人少者七八十人乃領船哨官任情賣放大半名存實亡及至有警出洋人力鮮少復非慣習不但彎弓持挺之不能且併棄其船爲島夷之資矣此其積奸在水兵者如此夫兩浙歲

費六七十萬凡以養兵衛民而所養之兵虛冒苟且緩急無用如是蓋表帥之不正故未流之難回黨與已成奸貪益肆臣知今日作法必涼矣顧城狐社鼠寧肯不待驅而自離其窟哉苟失今不蚤爲芟除臣恐去者一人而爲若人之儔者尚多窺吾於左右前後也譬之伐木不自其根能保其不株連枝蔓將益不可收拾乎合無行令撫臣勿避嫌疑盡法查處某也領兵幾何虛冒幾何某也領船幾何賣放幾何某也腹

心爲害應革與否某也爪牙爲害應罪與否某宜參提某宜徑問縱使不能一朝盡去而斷之以果處之以漸終不使元兇得以漏網細奸得以復售則風裁所示耳目翻然一新矣尚何虛冒苟且復如疇昔者哉往者淮揚任以匪人弊如兩浙撫臣繼至固嘗悉釐夙蠹以正官邪如擒黑叅將於獄窮劉指揮之賊之類是也然則清根蒂之奸洗污穢之習行之兩浙又孰得而撓焉臣故謂兩浙弊轍之更在用人者不可一

日緩也蓋臣嘗祗奉

欽命有事地方熟覩冗費無兵每爲扼腕嘆息旣而奉

旨臣在告不得一言故當此革故鼎新之時爲是更化善治之說無非仰體

聖明不忘遠之意以效臣惓惓兩浙之心非所謂振落英而縛窮鬼也伏乞

皇上勅下該部再加議擬如果臣言不謬移咨該省巡撫蚤與見諸施行則財用節而惠澤益流積

習除而廉威遠振庶海上飄風之寇廓清有期
而東南膏腴之地安枕可待矣臣不勝願望感
激之主緣係及時裁糜費芟積奸以齒兩浙久
安事理才敢擅便謹

題請

旨

科場疏

題爲科舉事奉都察院劄付該本院題差御史二
員前往順天府監試等因奉

聖旨是科場事重近年奸弊多端着凌儒陳聯芳悉
心綜理嚴行禁革以副

朝廷求才之意欽此欽遵劄仰臣等依奉查照施行
奉此除應行事宜應革奸弊容臣等次第綜理
嚴行釐革中有應該奏

請施行者另行具題外謹先以選用外簾官員一節
爲

陛下陳之竊謂求才以釐弊爲急釐弊以任人爲先
任非其人事將焉濟訪得近年科場奸弊在外

則雇替傳遞懷挾三大弊俱係應試生儒所自爲之在內則彌封等五所供役執事之人受賄朋奸通同作弊而五所之中謄錄爲最對讀次之推原其弊蓋因各所委官取自吏部皆外省聽調聽降官員據其遷改旣乏素長之才委以所司復無相轄之勢一經列名進場不以爲榮反以爲耻又何望其恪勤乃事察法外之遺奸而各所積書生員不惟約束不能反或被其窘辱又何望其盡法清查祛該所之夙蠹且監試

御史與各官原無統屬不得全以屬吏相臨故上下苟且因仍遂致弊孔百出挾讐者暗行改換字面致使文義不通受財者潛爲較正差訛希圖僥倖見錄甚至揀選絕好文字截其前面脚色一幅那與買囑之人將甲作乙或密爲私記通將此卷謄與彼卷或選於各卷每摘一篇湊成七篇對讀人員通同不舉及中式開卷人是文非遂令膏梁巧計成名豪傑扼腕喪氣凡此皆由任用不得其人所致也查得應天及各

省此弊誠少委因各所執事皆係甲科選擇而使故役使有必遵之勢稽察盡精敏之才往往事不廢而弊能清如此臣等欲比照應天府事例將附近京輔不係防秋地方府州縣官中有素稱才識精明卓有風力者行取到京派以各所執事如期迫人少方於吏部選擇前項官員以充其數務令盡心約束不至苟簡疎虞其有如前怠玩縱容許臣等指名叅

奏究治庶旌拔振勵之下人心改觀防範覺察之

司責成有在而奸猾通天之弊可清

朝廷求才之意不負矣伏乞

勅下都察院即便劄行提學御史作速選委計日嚴限前來深爲便益

科場條議疏

題爲懇乞

聖明加意掄才重地更陋制割裂規以隆賓興大典臣謂惟天立君所以建極於上以端宰制之本惟國求才所以共理於下以充任使之司然

有業堂集 卷之六
掄才之地莫重於科場首善之區尤先於

畿輔所以羅四方之士辨千里之材而公卿大夫
百執事皆於是乎出制弘則美備陋去則好釐
其所關於賓興之盛誠非小也 臣等奉

命監試行場其於綜理釐革固已勉竭微勤亦既竣
事矣門防之餘復嘗巡視垣壁周遭登高瞭遠
以至堂房司廡凡足力所到靡不目窮而心計
始知夙蠹難除衆美未備皆由創建簡陋關節
易通其在今日所宜亟爲鼎建以成潤色之猷

者也敬請爲

陛下陳之嘗聞之先哲曰琴瑟不調甚者必從而更
張之乃可鼓也蓋謂法久必窮勢窮必變惟變
後通斯利存而害去則夫變棘闡之圯陋開
昭代之文明能無待於

陛下一作而新之哉 臣等謂貢院之地基廣則形勝
有餘量地經營結構弘廠周廬森列靡所闕失
然後經制備而百慮可消今地方湫隘窘迫民
居東西僅百有六步南北僅百有十三步度以

準繩纔四十五丈許耳雖經前歲開拓南面一方而四至終難展布此在基址所宜增廣者也處宇軒豁堂室爽塏然後居處得所而校閱精明嫌疑隔別今體制卑淺至公堂幽晦狹窄不足不能坐致縛束執事各所鱗比星密鑽隙可窺而騰錄一處納以書吏七百餘名人多地少每接趾摩肩縮手操筆且陰沈卑濕一過亭午黑白不分此在堂室所宜崇高者也室宇四壁

磚石爲堅不但可遠穿舍鑿壁之嫌且可祛風雨鳥鼠之患修築旣省粉飾不煩所謂一勞永逸者也今徧索諸壁更無塊石片磚壘以土坯墁以污泥而薄塗之以粉羊質虎皮殊可嗤詬每震風凌雨漂搖爲患莫不凜凜懷顛覆之憂又何能行坐委蛇安心所事此在室壁所宜堅固者也東西席舍必寬大疏朗方住止稱便身安意舒且勢隔則風燭無虞坐遠則傳遞未便每舍置格三扇用則陳列畢則收藏一年有數

十年之用是計之最善者也今則比密如茨一板而兩生共之不惟聲可相呼而面俱坐照且中空五尺坐板高低局影而居側身而立生儒困頓往往嘆息咨嗟此在席舍所宜寬厰者也供給一所飲食攸關每場士子及軍役數滿萬人應給粳飯湯餅率以三四萬計必廣建厨竈多設庖胥令其宵作晝用庶食俱新美人不苦饑今則房止十間百需填塞不獲增置錡釜取辦臨時其勢不得不越宿先爲之備夫以越宿

之味當辛苦之餘卽便給何能適口故諸生枵然一腹經歷晝夜遂至困病相枕不及終場此在厨舍所宜更置者也周圍棘垣再重爲固然必石爲底塼爲中透巔稍用土坯數級覆以杉架加以茨針特高丈五方可峻出入之防革接遞之弊以及臨場揭曉踰垣飄瓦之凶今則高僅及肩可跨而越也雖該會試增設層墻要亦叢築以土其土又皆取之墻下日挑月墜夾道成河土軟址虛一遇淋雨塌卸幾盡故每歲再

築再覆不稱觀視之美難保防範之疎此在墻垣所宜高堅者也夫以各省舉場規模宏遠綜理精詳每歲修葺先期無所容奸足稱盛典乃示闡爲四方之極鄉會兩試皆在焉而二百餘年苟簡若是豈朴畧之風踵襲未變抑經理之臣疎濶未講歟固宜積弊成奸致有今日屢屢聖明特旨注意關防臣等謂創制立法者難因舊爲新者易今場中室廬雖壞尚多可用之材地方雖褊復有可闢之勢因丘陵以爲高臣等固知

其事之易辦也失此凌遲之漸不欲早爲之所聽其頽壞日甚方且歲歲樂爲補塞罅漏之圖何其計之左乎會無明春會試之後鳩工聚材次第修建以待來科之用甚便臣等查得每歲修理順天府該十之四用銀八百有奇工部該十之六所費殆倍其半大都兩處用銀二千是額辦者也再查得順天府庫內見貯銀二千餘兩係工部發修貢院錢糧其銀原出之提學屯馬三差贓罰是已辦者也再行省直三十差御

史取什百於千萬之中各解贖金三百兩以助
工費是可辦者也通計內外可得銀一萬三千
有奇此其財用不患其不充矣預行十三省及
南京各將貢院規制縱橫向背命工繪圖上之
禮工二部再爲斟酌損益使體勢弘敞室宇輝
映經緯如式巨細靡遺此其制度不患其不精
矣督理營務不必以咫尺之地自生藩籬專任
工部主事一員素有心計幹才皜然不染者悉
心經理而禮部該司官時爲秉公協謀細加商

確不得如每歲部司府屬各據所分處所較量
尺寸之間彼此推調以致曠時悞事此其責成
不患其不專矣所需木植磚瓦及油灰顏料之
類悉平市價招商估買躬率匠作人等寅集西
散計日程工不得如今歲信用奸商一槩包攬
致使壁灰青白揮箒以成腐板爲門應手可碎
此其破冒不患其不清矣選用委官廉訪勤慎
派以執事責令夙夜在公時加檢點各行領銀
務要如期給以足數嚴禁該吏母染指其間重

分例之罰杜請託之門遠包賂之累不得如今
歲安官朝至暮往此去彼來甚則假公營私以
致百物苟且無裨實用此其督率不患其不嚴
矣夫以鼎新兼乎用舊謀國一如營家則費減
於前功倍於昔觀美可備奸弊可清蓋一舉而
百廢俱興者也臣等固知其事之易辦也或者
曰先朝舊制焉用改爲是欲工之成事而不貽
以居肆之安者也拘攣之固見也或又曰苟可
掄才安取壯麗是居之以破屋而責其有禦寇
之能者也循習之疎謀也當琴瑟不調之甚而
不肯改絃移柱以求更張之便焉謂之審音知
變也可乎哉伏乞

聖明軫念斯文垂情盛典

勅下禮工二部詳加擬議如臣等言有可採蚤賜施
行庶百年陋制一旦改觀禮樂文章煥然都會
之彝典旬宣寅亮蜚然名世之良材文明之治
盛而可傳垂拱之化逸而有成矣臣等不勝願
望待命之至

舉刺人才疏

題爲舉刺人才以備邊防以安內地以紓

聖懷事臣等伏覩

皇上御極以來外而邊疆事務內而地方災傷罔不
夙夜憂勞致塵

宵旰之慮近以東西虜報重大遠邇騷然後荷兩啓
玉旨咨詢輔臣欲令詳處無非爲

社稷生靈至計臣等謂

人君欲天下內寧外謐以成順治威嚴之功要在選

擇人才以備經畧撫綏之計乏人失司而欲求

內外治安不可得已臣等謹以逸才以備邊防

庸品不堪內地者爲

皇上陳之茲者

聖神撫運國固多賢但俎豆之士有餘而軍旅之材

不足則夫早爲錄用以補失事應罷之臣以求

破格禦戎之策誠有不容于或緩者也臣等訪

得原任三邊總督陳其學原任陝西巡撫戴才

原任大同巡撫朱笈原任福建巡撫汪道昆原

任延綏巡撫王輪原任兵部侍郎喻時吳嘉會
凡此諸臣或偶因兵力寡弱遂致地方疎虞或
以檢束未嚴輒遭言官指摘或循常未聞核
辦而倉卒糾有紆謀或年力未見衰頹而調度
儘多奇策責以全才備德未必兼能而各負所
長容有不可以一青棄者况閱歷歲久懲創日
深當

聖明御極之初孰不攘臂思奮以圖報効且今邊事
日就頽壞矣不爲取長棄短錄用此輩以救將

來是以貳卵而棄千城以寸朽而捐梁棟求之
於新進之輩不逮繩之以拘方之器非宜邊防
復何所賴以振哉臣等共謂諸臣之當用者此
也頃者老成嚮用吏治更新然材質之振作終
難職守之陵遲日甚則夫亟爲更置以謹帷幄
運籌之地以收江藩底定之功誠有不容于不
早者也臣等訪得見任兵部尚書某見任江西
巡撫某見任鄖陽巡撫某以上三臣或操守未
污苦寸長之莫展或根本旣壞復一割之無能

或備奸汚之狀而張施久壞於湖湘或負驍贖
之材而舉措大垂於江右責之投大遺艱皆非
所據而輿情未協誠有不可一朝居者况本兵
任重巡撫官尊茲當內外多故之秋豈宜坐視
因循狼狽以防賢路且

聞讀自陳既久矣不爲隨材授任甄別黜斥以厭
衆心是使蚊蚋負泰山之重燕石溷荆玉之良
上之非所以爲

國謀下之非所以爲民計內地復何所恃以安哉

臣等共謂諸臣之當處者此也伏乞

勅下吏部詳加議擬儻_臣等言有可採將陳其學等
遇缺推補其等調用罷斥則逸材勸於甄錄之
公而致身之義愈切庸品安於旌別之當而官
人之効自臻邊防有備內地無虞而

聖明宵旰之慮可以少釋矣_臣等無任懇切祈禱之
至

蘇蘄鎮邊功疏

題爲邊臣欺怠荼毒地方復割平民頭顱冒充虜

人首級避罪邀賞懇乞

聖明亟加

宸斷以除積姦以紓人心共憤事臣謂人臣之罪莫

重於欺

君而誤

國殃民揜敗爲功皆欺

君之大者邊臣有此罪固當誅苟查勘之法不嚴殺
人之姦得售臣見無辜遊魂含憤怒覓頭顱叫
鄉關呼風雨死者銜冤生者太息民怨日積

國體日傷欲邊事稍振其陵夷生民得免於荼毒
不可得已矧當

聖皇御極之初正外夷窺伺強弱之際不大加

威斷使揜敗爲功者明正刑章臣懼不知其所終也

頃者東虜內侵劫掠撫寧昌黎樂亭叁縣牛馬
積畜百捌拾里之間蕭然一空殺戮男婦以數
萬計身屍橫野其子女被虜而去者羊驅出境
哭聲震天近拾年來邊疆受害未有如此狼狽
之甚者也臣于地方失事人員姑于小者不論

外總督某巡撫某總兵某等律以明例罪復何辭當此之時正宜下罪已之令扶瘡痍之民行罪行郊慰諭予遺收屍原野恭聽

朝廷分別罪狀或議死或遣戍庶法紀尚在人心稍安蓋日事已無可奈何所可爲者此而已矣乃計不出此復旃敗爲功指漢人爲夷人避重罰以邀厚賞將平民被殺者盡割其頭願覘報斬獲首級擄百餘類夫民不幸生長近邊又不幸遇督撫非人無可怙恃今皆父不得顧其子妻

不得有其夫僵屍數萬枕籍郊墟見者寒心聞者酸鼻茲又割其頭而去之彼諸臣亦何殘忍至是極耶

國家制刑斬罪加絞罪壹等蓋以身首異處不復完人罪大惡極者則加是以重懲云耳今無辜立就死地矣又皆不保首領與蒙顯戮服上刑者同科使含冤之鬼日號鳴於白草黃雲之下足誠何心耶前始聞捷音舉

朝之臣疑信相半旣而盡疑之今則悉知其僞狀

矣詢之公差見各衙門者則曰伏屍田內者皆無頭之人也詢之鄉民至都下者則曰僵臥溝中者皆半段之軀也又聞總督某張筵置几邀貳御史以待紀功未及登筵而號天乞頭于劉憲因哀鳴于御史者則羅跪滿前矣夫有身屍則有頭顱不待辨而章章明甚今身在而頭亡豈虜人者亦以所獲頭顱多寡爲功次盡囊之而去耶可駭也可恨也然則捌百顆中吾民之頭固拾居其玖矣真耶僞耶功耶罪耶臣伏見

元帝之時刑罰章明邊臣用命故其時疆圉固嘗久事矣未聞如此之慘邊臣間有假功矣未至如此之欺今盡割在野平民之頭公然詐稱捌百功于

闕下豈以地方去

郡城遼遠聲聞難達而僞狀易行耶抑豈以

聖明寬仁

天覆卽知其姦亦姑從輕典耶赫赫

朝廷慶賞明威紀法森然具在數百里之內尚敢欺

罔若此則千里之外如山西石州一帶者生靈
之魚肉邊臣之欺玩又當何如耶臣連日聞之
大臣曰此事可恨也又聞之小臣曰此事可恨
也又聞里巷之人曰此事可恨也此事者指督
撫總兵割人頭充已功之事也知其可恨矣不
聞之

九重之高治其罪以泄人心之憤豈言官之職

朝廷之法哉夫有功不賞有罪不罰雖堯舜不能以
治天下况當邊方積衰不振風姦未除而復欲

假之以寬臣恐玩愒陵遲日甚一日後將有不

可收拾者矣且總督素負姦貪屢經言官論列

臣姑不復指陳但據某平日高談雄辯自謂籌

邊綽有勝算若可以繫單于之頸而犁其庭臣

又聞諸臣中亦頗稱某有小才薊鎮可恃罷去

則代者或難其人謂其有小才者亦據某紙上

鋪張揚勵之言悻悻不能下人之氣耳今東虜

大舉入寇得報日夕竟無一策捍禦於先復無

一籌挫辱于後乃左右觀望聽其飽掠以去復

所爲若此猶謂某有才乎居薊四年一卒不練一矢未操其無事者幸耳某非有勝算也總兵某身居主將固守無能巡撫某職任撫綏調度矢策欺罔之罪又與某等如某曰割頭冒功非彼之罪則統馭節制者何人捃功妄奏者何人是猶分同盜之贓而曰我未上盜也其將能免耶臣謂宜將某等失事情由嚴行御史查勘而此一節尤宜多方研究盡發其姦但某等在鎮則左右奔走皆某故吏下僚或畏其威或啖其賄左牽右掣襲故蹈常縱有神明之吏亦無能出某之手者矣伏乞

聖明早賜

宸斷將總督巡撫總兵比照山西事體先令回籍仍勅下都察院劄行巡按巡關御史嚴加查勘若總督等僞狀果盡如人言當明正其罪以爲邊臣欺罔者之戒則遊魂蘇息殘喘可望以更生夙蠹湔除將來猶幸其改轍內治旣修外患自殄矣再照九邊諸臣情罪俱同四夷內侵爲患日甚

失今不為破格以求長策任其廢弛欺玩而本
兵者復耽耽而居飽祿以嬉焉譬之病者因循
勿藥至形銷骨立方倉卒以求良醫卽倉公扁
鵲望之而驚且走矣合無併

勅諸臣及九卿科道大小文武官員協謀殫思各據
所見數大臣者從中酌擬取其經權並用常變
兩利者條列

上請見之施行則戰守之鴻圖允賴安攘之駿烈可
收矣百無任唱越待

命之至緣係邊臣欺怠荼毒地方復割平民頭顱
充虜人首級避罪邀賞懇乞

聖明亟加

宸斷以除積姦以紓人心共憤事理未敢擅便謹題
請

旨

條議五事疏

題為敷陳末議以備採擇以裨

新政事臣庸劣待罪言官曩事

先皇以罪杖歸田里伏蒙

新命

錄用燕蝠狗馬之報少効獻芹炙背之私有所見而不言有言而不切於理皆臣所不敢也是以濫竽以來思惟未議稍有切於

新政之施行者凡得五事皆關於風化慶賀之大官箴民命之重養士理財之宜祇陳一得聊以裨萬分之一耳

陛下試垂仁採納焉則天下幸甚臣愚幸甚爲此具

本開坐謹題請

旨

計開

一曰清

宮禁以肅化原

臣

謂闔門關三教之端放釋本寬仁

之政故古者天子之宮后妃嬪御凡百有三十人以陰禮教六官以婦職教九御不得濫設多置充塞後宮其簡而進之也不敢以爲易其汰而黜之也未嘗

以爲難凡以嚴憊溺之防達和鬯之氣
故房闈有形史之化內助有雞鳴之風
帷簿肅清率由於此

國朝以來宮人之多至我

先帝極矣蓋以當陽四十五載選取太勤有入無出
故今所積不下數千餘人臣謂遠慮如

先帝當必首載

遺詔悉令歸宗矣豈大漸倉皇獨不及此乎伏聞

皇上登極以來兩放宮人數百餘名中外莫不仰見

聖明體悉人情

至意但潛從中出復多老病未嘗議下該部稽之典
禮措諸施行以致事未早圖尚多失所
之嘆恩未博大不免向隅之悲是以號
呼道傍者固漫無所歸矣其幽在深

宮者尚屬數多

臣

恐淒風苦雨長夜孤燈其永嘆悲

鳴皆足以薄陰陽傷和氣自昔賢君有
因淫雨放宮人者有夜出宮女三千人
者蓋有見於匹夫匹婦一有含冤則震

風殞霜恒雨恒暘災害並至故不使

清朝有長門之怨後宮蒙侈盛之譏也合無

勅下該部遵照先朝事體通將在內宮人姓名籍貫
略冊稽查預行父母兄弟之家先期以
待仍差各該衙門逐一揀選除衰老無
依者咸與收留其餘悉皆放出願歸鄉
井者聽願有室家者聽明白正大使天
下曉然知

皇上哀矜幽怨之心則

官禁清化原肅而浩蕩之恩波均沾於怨曠矣

二曰查冒濫以慎

恩蔭臣聞爵賞所以待有功名器所以防僭濫是以
聖人謹繁纓之惜

明主凌嘖笑之微夫固公予奪以勵人心慎慶賞以
垂法典者也我

國家內而錦衣外而衛所指揮千百戶皆

朝廷甲冑之士爪牙之司非有臨城野戰斬將舉旗
之功難以輕授所以使貪冒之屬不得

坐享軒冕之榮寵賂之臣宜自寢其凌
逼之漸甚至重也近年屢因海上飄風
之寇師老費財塞外羈縻之虜匪茹深
人議懸賞格外論首級厚錄以官內論
運籌叙勞以蔭要之責在實有勲勞焉
耳豈徒曰寄空名於操弓執矢之籍駕
虛聲於戮力死綏之生而已耶臣聞用
兵以來中間親冒矢石斬獲首級以得
官者固多然借他人首級爲己功殺漢

人爲夷人因而冒爵賞者亦不爲少據
誠畢慮委身臨戎或旁午馳驅或經營
夙夜以得蔭者固有然虛張聲勢揜敗
爲功輒以小捷微勞重官累蔭者豈謂
必無甚者以孩提之童不識弓矢爲何
物乃捏稱隨陣斬獲因而冒外衛五品
之官旋以賄賂陞遷遂抗居三司之列
夫抽取軍餉剝削民膏多者三四十萬
兩可謂貪黷之極又謀及小豎子使擔

爵分祿以爲親戚交游光寵若勲臣世
冒然斯誠貴與富兼矣臣見天下外衛
指揮等官邇以公私罪名揭黃降級挫
辱銷阻幾盡乃使市井無賴并佻佻公
子反奴隸箕裘之臣莫敢誰何內而錦
衣清肅之地昔以官少尊榮今使朝殮
宵臥之夫冒假功充要處遂與元勲統
胄共列班行至雜然而無所居不亦輕
重倒懸真僞淆亂也哉合無

勅下該部通行天下將用兵以來陞級授官凡係有
功云者逐一查勘明白是何月日功次
獲功之日年歲幾何有無詐冒并將納
級指揮等官查果家資素厚抑或禦人
得貨因而買官今果有何才能遂以鑽
求冒居薦劄在內行該衙門在外行巡
按御史嚴行覈實具
奏以得姑息長奸如此則蔭襲清名器重而貪冒
之徒將有所懲創矣

三曰懲酷吏以奠民生臣聞守令本親民之官而愛人則居上之道故刑成不可與變死者難以復生爲民父母者正宜垂召杜之恩戒張嚴之暴使當時倚戴去後遺思他年俎豆固其分也苟居民牧者滅德作威烈于猛火而使無罪者立就死地將不以牧人者而殺人也哉我

國家於郡縣設有知府知州知縣等官凡以牧養元元使塗炭者登衽席之安頑冥者開聾聵之蔽而又多甲科以充其位其廉察者非不詳責望者非不勤也夫何邇年以來貪墨之風似已少熄矣而酷暴之習未除幹濟之才似有微長矣而子惠之仁未足不問事情輕重而輒加以難受之刑卽夾棍毛板等刑以至人所不忍聞所不忍見者一切混衣冠盜賊而並施之俾無辜之民輒斃于鞭敲之

下曾謂其有人心哉蓋曰我不要錢人其如我何不知貪止破人之家酷則戕人之命其所以孤人之子寡人之妻以至六月飛霜三年不雨者職此之由也夫古有甘棠之愛揮涕之碑彼既不知立德立功慨然有所慕於昔矣然見奉新詔今後撫按劾到官員但有犯該賊私人命者務要提問追贖償命不許槩擬爲民則明命固凜然在目也獨不恐而畏乎

部令不嚴姑息是事而欲酷吏之少懲臣見其難也

合無

勅下該部通行天下問刑衙門不許深文舞智故勘平民逐一查照明例將峻刑苛法悉爲裁革其有無故殺人者審得情罪允當明正刑章仍將

新詔通行所屬地方再爲申飭不得視爲虛文以黨護兇殘如此則酷吏懲民生莫而橫肆之徒庶知所永鑒矣

四曰嚴考覈以疏選法臣謂天下之治理係人才人才之鎔鑄在學校然所以標鎔鑄之柄樹表儀之觀者莫重於教官是教官者有父師之尊關桐梓之命者也我

國家養士以學校而菁莪棫樸之化則每屬之衰遲庸鄙之夫欲其聚生儒于庭而申之以孝弟忠信禮義廉恥之說卽歲終任滿曾無一言何也志有在學無本也其

所以喋喋於齒頰鞭朴間者非束修之多寡則歲餽之有無甚則黌校鞠爲蔬圃稱貸同於壟斷若是則又安能使待聘之輩由禮義易觀聽修之於家而措之于

天子之庭哉夫以風俗教化極重之責付之斯流而萬無一人能勝其任者雖其日暮途窮伏櫪無千里之志則又以待之恕罷之緩耳有司則撫按不次論劾故日兢兢

懋樹賢聲教官惟三載黜陟之期間或
罷其老耄污穢之甚者外此則姑容之
矣不知此爲何地而可以匪人久居耶
折該提學御史龐尚鵬申明考貢之法
正所以謹之於衰朽未進之先臣欲吏
部覆之嚴乃所以察之於衰朽既進
之後合無

勅下該部通行天下提學官每年終各將所屬教官
明白分別賢否去留書冊到部該部據

其名實查訪相同卽罷斥之每一歲一
舉不得指以年淺姑息不必陰那其缺
而陽借以王府之陞又不必專俟

朝覲罷斥如此則桑榆之景心有所慕不敢自恣待
次之人缺無所妨不至坐困再行巡按
御史每差完日各將境內山林巖穴之
士果文學優長志行方正素爲士心所
推服者疏名以聞該部鑒採得真間授
以學正教諭之職假以歲月之久觀其

德教之成則選法既通人心益奮而天下之風教庶幾可轉移矣

五日免班軍以助邊乏臣聞治兵莫先根

本之慮斂財貴達通變之權故與其名存而實亾孰若棄此以取彼苟不能越拘攣之見濟倉卒之艱是猶羊已亾而猶欲空守其牢者也我

國家設兵衛內凡春秋兩班軍近則山東河南遠則江北直隸凡以捍衛京輔拱護

宸居卽成周采薇之役意甚善也然法久弊生有名無實其在山東河南者利弊相等要之亦緩急無濟獨江北直隸一帶留守都司所轄凡操軍共四萬有奇通計行糧銀一十四萬餘兩到京又該關支月米一萬餘石費旣浩大慮似周詳而因循玩愒之餘遂成弊政雖邇來設法稽查管操官降級且十之七卒未能使一人抱孔棘之憂懷靡盬之慮以至都下者

蓋應給行糧不獲領充路費至賣鬻子女匍匐赴京而又百孔千瘡上下公私費用窘縮遂至狼狽不堪纔一點名卽便棄營以走是不謂以無用之役耗有用之財乎夫操軍旣不起京應給者將歸何用識者每欲去名以存實而說者猶欲愛禮以存羊不知兵果有濟則費雖大而留之何傷事旣成虛則制雖久而改之何害况邇來營建旣止役使不

煩而

詔書蠲免數多邊需甚急當此而不爲蚤爲經畫一變通之是欲救疇室方揚之火而不欲借鄰人可汲之水者其爲計不亦至左也哉合無

勅下該部轉行江北御史將春秋二班軍止責令該府解銀不必將人解部仍於各軍名下量追銀一兩謂之免班通計歲可得銀一十八萬兩山東河南暫免來歲春秋

班諒所括銀可與江北相等大約明歲折銀并在京月糧可得銀四十萬兩庶稍濟燃眉之急然在山東河南則暫爲停止江北直隸則永以爲例凡以示因革變通之宜再將降級祿官遵奉

詔書准與復職令其更新凡以示寬恤優容之意如此則虛名革實用充而邊需之匱將亦有小補矣

劾某大學士疏

題爲輔臣義當終養托病求歸遷延日久希圖復出懇乞

聖明早賜

俞允以全大節以勵薄俗事_臣聞事親孝故忠可移於君遺其親而能急其君臣未之前聞也矧大_臣爲治之表表弗端則寡恩之風興而子道壞子道壞則臣節衰其所關於綱常風化之故誠非眇小_臣竊見大學士郭某昨因言官論其當罷遂稱病乞歸

陛下屢降溫旨勉留若不忍其一朝解組以去臣仰見

陛下重情

先朝大臣之心德至渥也臣伏思之眷然慰留者君之仁毅然謀歸者臣之義使人臣於君不以情之最切者求去而托事之非實者求容則輕重倒懸進退迷謬其爲計似巧而實拙矣臣請以某可去不可留者爲

陛下陳之某先是爲吏部尚書不攜二親於京邸以承朝夕之懼一旦厥考計音至某內不自安每對人爲終天之語似見本心之良不可磨滅及服未闋

先帝聽左右之說復徵爲吏部尚書比報抵其家某之服尚四十九日未滿某于此時旣非以金革之故迫之於前又非有奪情之旨驅之於後乃義不自裁遂忻然縞素就道此其心豈絕裾捧檄之心歟夫奪情起復古今達禮者猶譁然攻之卽

先朝起用李賢修撰羅倫執奏以爲不可其詳今見
扶植綱常疏中某起家翰林必嘗讀其書知其
人矣豈獨無人子之心而忍於犯古今之公議
如此哉當乳乳在疚之日爲遑遑在道之行臣
不知某之心何以自安也及至趨門服猶一日
未闕輒欲趨

朝賴戚里之言姑且止臣不知某之說又何以爲
辭也今某母老且病歷年八十有二兩目雙瞽
孤單另居起止孰與扶水漿孰與進試使某當

婢妾懽娛之夕孫子笑語之時一捫心思之且
有泫然涕下者也某正宜顯然以將母之情如
四牡詩人哀鳴於

陛下朝上書而夕束裝則某雖不知有父而猶幸知
有母矣今不以是求歸顧因人言稱疾假遷延
之拙計煩

聖明之勉留濡滯三月日盼盼然窺言者之暫寢囑
門生故吏左右探聽徐爲再出之圖致爲舉
朝識者所卑鄙不誠輕重倒懸去就迷謬也哉且

一夫不復返者親之年也今某母當朝雲之年
某不肯稍圖一日之養臣見泉終天之恨將又
無解於其母矣終喪之制無所奪而弗遵終養
之情有所貪而弗吐是某怙恃俱失嚴慈兩負
天下謂某爲何如哉先臣李密曰臣報劉之日
短事陛下之日長斯言也千載而下讀者罔不
愴然興懷臣且不論某貪穢庸瑣輔弼非材終
不能翊事

陛下即使能之尚且日長而其報母則日短矣顧不

肯鑒東隅之失以圖桑榆之收其謂之何況還
來人心兢進子職不修重靡鹽之歌輕罔極之
詠於古人所謂一日養不以三公換者蓋其唾
黜以爲灰塵而相詬病矣矧又大臣如某者倡
之欲頽風之不煽俗薄俗之不薰人其將能哉

伏望

聖明察大臣之去留不在細行之不矜惟在大節之
少玷俟某再本陳乞卽

賜放歸俾某母得終其天年因以爲狗祿忘親者之

戒則救其之失者

陛下也風動天下使人人知有親知養之當終者亦
陛下也其於世教將不大有裨哉



舊業堂集卷之七

吳陵凌儒真卿甫著

甥 袁懋貞居易

曾孫凌國均用中甫訂

文序二十二首 記八首

贈大叅春所龔公擢河南方伯序

人有恒言監司民牧殊體寬嚴異用民牧以恩勝監
司以法勝斯父母神明之說也似也余觀之天噓而
溫風洒而甘雨人咸狎而愛之乃如烈日燥空轟雷
擊石人將惴惴焉走而避之不暇何也仁可親義難



比也天道且然况人哉故使監司者操一切之法傲
然人上競爲鉤距恣爾憑陵吾見胡越起於衽席咫
尺隔而千里糾之愈急文之益堅惡能訢訢然使吏
與民披腹心摠情素一體相成哉然太剛則折太柔
則廢參和謂中狗拘孿之見者必棄此崇彼抱一曲
之能者又執已非人凡夫海內擔人之爵析人之圭
其持衡者亦鮮矣嗟夫誠不足而才難古道寢衰洪
猷未鬯無恠也春所龔公以藩參兵備吾海上其人
蓋居然長者三年間島夷屏熄桴鼓不鳴五兵胥飭

之效可見於茲矣而其不妄取不妄費釐冗食整
兵是猶曰百善中介然一節云爾乃其大者官府不
設睥睨不立推赤心置人腹中俾賢愚畢效其用諸
所措注一意撫民是故辨疑獄以雪民冤禁偽錢以
銷民變謹河防以蕃民稼乞賑貸以療民饑太抵以
父母之心行神明之政謂公剛不折而柔不廢也豈
不可哉余聞之仲尼曰吾見老子其猶龍乎謂變幻
不可窮也今觀老氏亦曰柔能制剛弱能制強齒敝
舌存迺其立教之義是伯陽所垂世不朽非大巧若

拙一以柔道勝耶春所公性貌寬和爲溫風爲甘雨
叩其中則均若平衡洞若懸鑑間嘗聞論吏曰某某
賢聞論民曰某某良卽閭閻纖悉細微不事吹求毛
髮無所獎失人亦不謂非烈日轟雷燦而玩之譬之
抵鶻之擊不顯晶英而瑩然之光莫掩龍泉在匣涵
其芒外而凜然之色難犯夫扞其渾厚發之精明斯
所謂章章卓犖若是余固竊嘆曰春所公亦伯陽哉
其爲龍可伏而窺矣俗吏所嘗習不能破觚故所張
施亦彘彘凡陋孰與公天覆地載日照月臨並施之

爲得哉古之馭吏少廣漢多次公戢兵樂子儀憚之
弼觀史冊取與較然論治者可繹思矣雖然余有慨
焉匹夫匹婦弗忍有傷公心也頃者錢法不行大都
曰書愚民標奪致陷重辟者數十人公且無可奈何
肯災蠲賦揀一方倒懸公心也頃者撫臣重 國儲
申章停閣致 主恩浩蕩魚鱉之鄉獨不被沾濡公
且無可奈何高寶河隄金湯勿壞公心也頃者霖雨
浹旬諸隄四潰致興泰數百里良苗一望巨津所至
哭聲撼野公且無可奈何然亦不遑寧處而其心已

士庶民戴之矣今以碩望偉豎擢河南右轄行且開
府重鎮爲 朝廷巡撫大臣所謂無可奈何胥得伸
縮由已懸知不委於天豐澤湛恩將必大闡綏猷獲
如所願余且曰吁而望之矣余懶慢妨俗辱公不以
爲不肯眷然優禮余於衆中德公最厚知公最深故
因州大夫吳君之乞言而樂爲之揚摧也於是乎書

送憲使後川傅公擢順天丞序

聖天子御宇之五年治屬休明位先表則時少京兆
缺銓衡簡其人以我公名上之 天子曰俞命下淮

揚徒御黎氓踴然奔走鄉大夫士則喜愕交集喜者
慶登仙之選愕者惜保障之一旦撤吾海上也公將
治裝以行州師生倪晉明暨劉岩唐洪慶輩謀以謝
數年鎔鑄之雅乞言于予予素不能工古文詞然卒
不獲辭也乃作而言曰京兆古內史之職畿甸之事
中都之訟獄皆受而聽焉少京兆則尤任之要且劇
者選皆人望垂示四方明興叙望叙資擢多臺諫間
以藩臬補者百之二三耳公以數千里干城之臣遠
在遐方輒膺輦轂具瞻之命豈以黃霸嘗守淮陰治

行爲天下第一所以簡在 帝心者固有日與折京
師根本重地必得山望如公者以彈壓之而後可也
夫驟驥行千田不可以服鹽車牛鼎函千鈞不足以
資饗殮之用何則其所挾者大小固有不能焉耳孰
如大靡不勝小罔弗宜一舉而兼之者尤爲無憾耶
公共人也公由進士起家縣令展轉郎署間出補刺
史秩滿遷憲臬因以兵備淮揚本末有餘謀訐鑿遠
所歷善狀予不能各各殫述獨三年間耳目之所親
記簡賦治財五兵咸戢壯猷先聲能使長江巨海烟

息波澄趨悍虺豁之徒根蟠橫截於墟里川塗者驅
除殆盡其於武備飭然振舉矣他如蘇里甲均徭役
清虛糧釐浮費散穀賑饑開堤注水殷憂纏結乎眉
睫而湛恩汪濊於肌髓者橫被無窮又其大者排徐
邳泛漲之衝流通南北貨財之孔道斬木樹本畚土
固防戎秉在丹身先衆旅凡四越月而事竣環水居
民獲免爲魚然苦辛備嘗玄髮頽然一變成白矣此
其勤勞赫著之績百世且有賴焉公之蒞政大都能
巨能細之綱之紀卽動勦盤錯應之從容而惴惴小

心則日周巡於几席之地至守身別嫌明微介如處
子雖有吹毛之智安所指其一疵方且視爲尋常無
毫髮矜矜自鳴之色公之大體植立衆長必張世固
鮮儻也卽騷騷牛鼎所不能兼者公其有之亦何施
之不重耶夫利如龍淵斯於斷割乃可與議公自此
揚已試之廉威宣芳猷之洪鬯將見神明摘發桴鼓
稀鳴赫然流聲當與趙張爭榮青史矣雖然千里之
足期遠騁千鈞之任匪虛受以公素所蓄積一少京
兆固不足以展其底蘊安知非籍是爲階將開府於
鉅鎮而割繁治劇有十倍於此者乎又安知不以
治之聲所至輒成自京兆而擢以爲相因以膏澤遠
潤於江淮者乎是公之事而予子民之望也亦師生
繾綣拜別之情也

贈郡伯虞紹東公入覲序

萬曆 御宇之七年爲天下入覲之期 聖天子將
坐明堂朝諸侯大計羣吏循古黜陟幽明之典期保
艾黎元寧謐疆徼垂豐鎬之治於億萬載勿使失墜
制甚赫矣吾維揚使君紹東虞公按禁例方歌驪駒

垂裳而行同賓月川韓君中山丘君湯溪王君龍南
范君相與謀所以贈而郭君順菴者造予廬乞一言
以華其行予重諸公祖之委弗獲辭乃颺言曰今之
太守古之諸侯袞居二千石民風吏治咸有所隸貪
廉污隆之準繫焉身先之則從且理維揚財貨甲他
省郡津常南北星使如雲所需少弗稱輒毗睨長短
其所隸州縣相距千里編氓馴頑何啻數十萬屬吏
之上者拙者又趣尚各懷其心于此欲塞睥睨之私
奏莫安之績蓋亦難矣予嘗竊記往者下之染指濡

苦幾自墮落上之矜矜飾廉隅武健嚴酷曰匪是惡
能勝其任而愉快乎言道德者溺其職已夫在昔稱
循良漢爲盛而太史公傳循吏則叔敖而下數人而
止今概其中又寔以一二事不相兼能焉非夫吏道
之難歟公以 天子黃門遴蒞茲土守非出於一麾
材早成乎百鍊其振衣崇岡濯足清流勿論已而其
破官府降巉絕居上臨下悉撫以寬和卽助勦叢逖
中未嘗見乖豎倨鷕之色所謂蓋之如天容之如地
暖之如春古稱長者公之謂矣予讀班氏書見論漢

黃霸之治潁川一任寬和以禮義條教爲喻無所事搏擊霸固一代之良也方之公齊軌哉齊軌哉然火烈人畏水懦人玩相濟不偏者蓋鮮公寬而有制和而罔狎卽聲色不動而隨所注措若振槁然自簿書筦庫以至治兵疏河靡不日就綱紀尤雅意造士建塔以崇風水修祠以禮文昌凡爲右文計者特至且商賈輻輳紛奢多盜之地三載間四境晏然墟有寧犬關無暴客百廢舉而度貞公殆渾厚精明兼之耶予嘗濫竽直指行部金華金華公之鄉也沿溪入境

遂登山涉川觀其窈窕者曲折峻拔者陵厲因知士生其間圓多辯慧方多峭直固地產宜然若公者秉中履和斲雕敦朴則又胤毓於山川之靈非風氣可得而囿者公聞秩滿薦揚膏澤洽旬宣忠信孚交際立憲不噐茹美而章君子曰斌斌乎紹東品中全才也直良二千石云爾哉 明朝計吏懿典不獨窮誅不肖尤於卓犖者立異等有 欽宴之寵焉蓋旌賢也公之此行揚州治行且居第一褒然專城之先爲淮海生色天漿醉飽寵冠一時二三同寅載錫之光

次顧瀟海之濱千里士民相視駭愕重以惜瞻依之
去復懼留中能無借寇之思乎甘棠之蔭長而方齊
五袴之謠兩岐之歌入耳未屢露寃行春野人懷惠
在仁人自眷然不捨去也矧久任之令象魏方新卽
其地增顯秩焉固近事可睹者此一方之私也天下
之公也儒也日盱而望之矣

蕭柳堂公善俗錄序

化不易更也習成之謂俗鼓舞之謂風範圍之謂約
是故俗有善惡政有沿革長民者必掃而更之風也

約也凡以勸民之良也民心本然之良以無物我
崇卑無古今感之卽通扇之卽動標立而帖然以趨
是故法不可易申之可也善有可師廣之可也嗟夫
自吏道壞民俗訛斯義不講也久矣蕭侯守秦之八
月加意善俗梓錄以行斯錄也述而不作者也侯鄉
之先達羅公念菴傳世有譜譜中約族有訓侯得讀
而藏之茲出其所訓族者準以善俗前有作後有述
訓族之心與善俗之心一而已矣羅公以昭代文人
日講聖賢之學駸駸乎已造於醇儒家陽田乃合族

人環居而星處懼其曠禮逸度思以防之也遂以其
用世之志施之於家首揭 太祖高皇帝教民榜

文解釋其義至謨洋洋精蘊闡矣因次第其說廣十
有二條義正詞嚴森然法語具載凡以移羣向爲皇
極之歸羅公之施於有政如此公蓋本其得之身心
爲族尙表正風之有自非徒然者於是明期會備章
程俾遠邇親疎拱手一就約束豈顧強之哉孝弟禮
讓勸善懲惡與夫相恤相保咸人心所自生非其性
之良乎各有之良導之使從斯不令而行不言而信

故今洪都而上談聚族之美必以吉之羅氏爲門閥
首稱焉推公之心由一族而一鄉而國而天下庶三
代之風有興乎公於羅公爲後學來牧茲土慨斯文
之影響撫薄習之沈淪御吏有嚴誨士有體然其欲
民爲善一念如水之必寒而火之必熱也其軫民而
爲之驅也猶饑之於食寒之於衣也其約民而範之
自身也猶規陳不能欺以圓矩陳不能欺以方也乃
題其訓族一卷更名善俗錄將覃布滄海之墟習而
行之樹之風聲回其俗尚嗟夫我公淑人之心可撫

卷而窺矣化不易民教匪徇類良心所秉四海萬世
固有同然安知約立風行海隅之俗不有如陽田之
美者耶又安知觀法相師海內之俗不有如海陵之
美者耶訓族善俗良法美意先後同符吾知化益弘
心益遠矣刻成鄉之長老奉公命委予爲序曩予筮
仕水豐辱羅公收爲門下士師長之義也今反初服
齒爲公編氓子弟之分也服義則宜推廣先師遺教
以示不倍循分則宜仰承父母德意爲鄉人倡又何
靳於一言也乎

贈都轉運臯渠楊公入覲奏績序

長人者之視寓內元元其心宜無以異也所以軫念
元元而生全之其計亦宜無以異也然心無異而職
或異世遂以其職異其心任司牧則右民理鹽筴則
右憲一切利弊介若秦越然甚則怯縮者拘其故思
深者虞其他支吾掣肘天下事夫誰任之慶曆間河
淮破漕捍築無遺策矣獨以分流尾注興秦諸郡邑
滄弗與洩民無所耕議者求入海故道於丁白二渠
或謂其邇窳也中持之更數歲不決旣臯渠楊公來

爲都運長蒿自時艱奮然曰害不祛利不興且職守
有二凡元元皆吾赤子有二哉合刺史蔣公道海上
炎熇中徧歷諸埽場規圖永利請於臺使者濬車輅
諸河十餘所以紓其流復丁溪白駒二渠闢以導其
歸諸凡石盡盡出兩公厝注而公任之尤力昔時肆
溢倒灌沒廬浸畝者咸底平成人人尸而祝之矣不
佞家東海正溺中人也故德公爲益深使公一或偏
於視聽則事債拘彼成說則議阻虞及後言則功隳
舉諸郡邑之地猶然沮洳諸郡邑之氓猶然魚鱉也

然則臯渠公獨南北兩淮三十餘場之保障已哉公
起家名進士初試令關中爲良墨綬以高第郎司空
部部長二賢重之進郡太守爲良二千石比轉運兩
淮爲 國家計臣提衡利權修潔不染節浮費以裕
商竈搜伏匿以清出納不爲嚴聲色以厲其屬而屬
之貪墨者必黜以故見之者盛夏若負霜雪旣就之
又如勁寒暴春陽也而其宅心之仁持已之廉蒞政
之公任事之勇有諸薦剡所不能盡述者今年秋九
月秩滿三載制用奏績適當天下大計戒輿垂橐入

觀 帝庭羣四方藩臬郡邑小大之吏敷陳論述稟
受 明天子訓敕宴勞退而以三年之課上考功令
裕邊足國異政殊勲當稱天下最行且非次顯擢不
得長流兩淮矣副使聶君某重公之行也走不佞由
中丐一言以爲祖帳先不佞素德公之深又兼以聶
君之故似不能已者蓋聶君不佞令永豐時佳士也
有一日交雅遂不辭而叙之

錢太夫人九十壽序

莊生言冥靈以五百歲爲春五百歲爲秋而又有大
椿者以八千歲爲春八千歲爲秋夫彼皆所謂大年
也而有大而益大者焉蓋登東岱者駐足天門而知
其有日觀也登西華者瞪目杉檜而知其有蓮華也
彼其磅礴蜿蜒紆迤盤曲則必有崔巍峻絕薄雲霓
而下霄漢不可丈尺者矣余小子見大司寇景翁先
生而知其有太夫人也先生當 今上之七年旣以
大老八十膺 存問之眷今又六年年八十有五矣
而先生之太夫人則年九十並以極貴篤老皤然相
與賁於堂皇之上 一以爲王母 一以爲嬰兒 一以爲

明月一以爲長庚禪海之內衿佩之家無兩焉蓋余小子與先生之子虞佐共年籍嘗容先生所見虞佐事先生朝而問起晝而問膳夕而問寢几杖七豆無所不親旣乃聞先生之就子舍而事太夫人猶虞佐之事先生也又見先生臨虞佐言無疾色無遽訢如陶如其家訓一稟於義方而常有愉穆之象旣乃聞太夫人之就慈闈而臨先生猶先生之臨虞佐也夫福澤壽考其淺者猶可偶而受焉若乃仁孝雖洽泰和之氣鬱於閨帷而格於冥漠者至矣故天祚之以

無彊之釐難老之年旣於其身又於其子旣於其親又於其身卽雲仍而下至於所不知者何人皆若可延而觀竚而饗也由斯以譚大德大年合若左券先生以德壽母而太夫人以德壽先生交相壽者歟蓋鉅公名卿之在寓內繫國脉而其壽命祉福往往與朝廷家相應今上方尊養兩宮永綏純嘏於萬斯年則其下寧詎無耆耇之臣長奉其親於春臺化日之境迓天休而介景貺相爲無極者乎余小子受易益之六二臣道也曰或益之十朋之龜弗克

違先生是已晉之六二母道也曰受茲介福於其王
母太夫人是已人言世當有道之長則白鹿在郊白
龜在沼彼毛介之屬猶然矜跂而以為希有奉以為
祥至若臣動色作為聲歌薦之郊廟錯采績畫而以
夸諸其士庶物瑞乃爾况人瑞也乎哉然則震澤之
區一氏而有兩瑞焉將熙洽之徵永命之符於是乎
在是惡可以無著余小子故不揣其不佞而序之夫
且為天下賀不獨先生太夫人也

贈鄭思亭父母入觀序

三代綦隆之時諸侯之入覲也蓋非徒筐篚玄黃
方物充貢獻已也亦非飾偽崇私賚金帛邀結左右
苟為聲譽冒榮寵已也要必有所以自信者挈以效
於天子之庭何也曰吾無所覬覦竭乃心盡乃職而
已矣為天子布德意惠養元元守其生平而不壞朝
覲宗遇執此以往是以上孚其忠下吮其澤出守藩
服入為卿士股肱王室冠冕百僚而勛庸塞天地書
旂常勒鼎彝蜚聲後世殆無窮殫也已豈不盛哉三
代以還侯封裂而郡縣之制剗矣於是則有廉能之

吏慈惠之長明善之師如黃次公魯仲康輩咸奮自
郡守歷叙崇階而勞著當時聲施後世雖不能媲美
古昔抑亦可以爲次矣是豈有術以獵取之耶良由
積其行能不壞於已有以效之天子之庭致茲盛焉
耳我 國家立綱陳紀設官分職其於維持內外之
制至爲纖悉外官率三年一朝銓司者察其功課最
最而加黜陟焉凡郎官諫議臺察之屬往往於課最
者取足異日果有以自信不壞於已則遍轉高華致
身樞要所謂名公碩輔亦往往輩出於斯嗟乎幅員

至廣官屬衆多庸猥鄙瑣者或有之而涵光霽之花
炳炳烺烺卓然自信挈以效之天子之庭者豈乏其
人哉明年春旦天下吏咸萃 京師遵制也余郡太
父母鄭侯當偕計以行噫嘻如侯者其有以自信矣
可以往見天子矣侯之政奉德意而布之郡中也若
慈母之於子隨喜怒饑寒而爲之足其欲不可一二
舉而其大致則內盟諸心外恪其職苞苴不入貨賂
不行堅貞潔白皜然浮於塵壒之表斯則侯之所以
自信者乎斯則侯之所信挈以效於天子者乎 聖

天子賢宰相虛已以待吾知侯必有所合矣合則從從則遍高華登樞要易易耳勛庸之盛不豫卜於今日哉往歲侯以御史旌異余嘗爲文頌之侯之心余知之夙述之備矣茲於是行也鄉之薦紳復以贈言囑余不獲辭則信侯之心有以自信而爲是言或亦信余言之可信信其爲不妄也

賀中陽舒老先生榮封序

國家張設彝典推本所生每叙子勞視秩覃思爰錫寵命斯因忠以隆孝者也人臣稽首自天兢兢皇皇

榮與懼並益用楛樹勲業薦致尊人登之巍階斯臣孝以作忠者也然制以例妨事緣時偶內臣易外臣難由上橫被易由下累勞難以所難得一旦寶軸金函赫然天獎下九重走千里俾吾親鐵冠繡衣星耀日華翩翩里閭間爲親戚交游光寵猗歟休哉人子得此其心宜何如懽忭者全州中陽舒君與子同官南服濟義和衷殊方兄弟也君之翁以君三載奏滿封如君旨吾輩各相矢一言賀之程子曰欽厥職之謂忠顯厥宗之謂孝理無二致事非兩岐 明正御

寓欲百司庶府雷動景從輸忠宣猷匪取震耀之權
曷以鼓舞一世人子式酬昊德欲霑優渥芳馨風烈
匪厚積勞勩比協成憲亦曷以望上稱明試釐茲洪
休二者益交相待也中陽君韞櫝六經服膺道術俯
鑑深於重淵仰窺高乎玄極是故以迅蹕之氣琬琰
之林奉 勅其備徐州祇以展事惠以綏衆詰戎治
河百度犁舉其持衡握鑑尤偉然有古廉鎮之風職
勞備矣銓部列其狀上之 天子天子嘉之推厥所
自歎時新命豈不曰獲若經營勤在疆服茂哉惟汝

子菽若啓佑功在庭闈茂哉惟汝父褒之榮之奚斯
也夫臣賢而賚之自君上有異禮子賢而遯之自父
下靡遺善洵所謂使臣以禮則士之報禮重語交也
吾知中陽君沐此湛恩忠愛之心油然而生矣殫竭股
肱庶幾夙夜何也思悅其親自致恪其君矧乎其忠
素著也翁佩此湛恩忠愛之心亦油然而生矣拂示鞭
影要之大賢何也思報其君自致勞其子矧乎其教
素章也嗣是騰茂實永鴻名鏤玄珪闡紫闥忠日以
顯孝日以崇是中陽君於父能子於君能臣斐然罔

敦大倫在茲舉矣豈世俗冒焉虛銜遙秩云爾哉拜
命幾何時將卜日齋心發鸞龍之文對楊休命行且
易春官舊服介春酒簇賓筵曳赤橫金與彩衣炳錯
婆娑堂上予謂綠竹鍾鏞則市里喧闐者爾無以異
也爲短歌三章獻而侑觴焉首爲中嵩之歌歌曰山
之靈兮雲蒙其峰朝浮鮮紫暮射殷紅生申有始祝
漢無終翁服爾登安貞與同再爲長松之歌歌曰松
之積兮下有虬龍掩映烟月凌厲霜風蒼顏黛色偃
蓋重重翁服爾盤相羊無窮又爲豐水之歌歌曰水
之泓兮載地涵空潤枯而華泝北而東揚光清令灑
澗冲溶翁服爾臨澡浴厥躬歌闕中陽君鞞然蹈舞
再拜請授之遂書以代琅玕之贈

發藻堂集序

詩不易作亦不易言蓋自三百篇後遐哉邈矣代有
作者言人人殊漢去古未遠獨超玄乘魏閒曠神全
晉緣情述景漸近靡縉下迨六朝排偶盛渾朴衰風
雅之遺滴愈遠矣唐興諸君子力制頽波體格旣備
風致攸存雅韻洋洋悅心怡耳故作者必舉初唐盛

唐爲稱首云夫詩者性術之形風氣之所漸也唐一
變六朝猶能近古雖諸君子才識邁往力能必至母
亦時之所尚有固然歟故今觀其冲夷者涵清曠於
溫醇麗藻者發濃纖於色澤排巧之習黜渾厚之氣
完要於性術均有所得焉耳世之論詩者往往各隨
其性之所近高明脫畧之士雅尚清虛一味宗陶韋
友王孟而博學洽聞呈能競藝者又或委四子於岑
寂至同枯澁之孟郊噫是各執其一偏者也濃淡兼
染入之績備清濁合樂工之技全取淡去濃有遺色

矣 吾清厭濁有遺音矣故清池之水澄江之月瑩徹
融朗達者愛之苟持此而穢金玉鄙玄黃是又以山
澤之癯而嗤巨商大賈之所有者也其不知類孰甚
焉 泚川倪學博先生平生負豪傑之氣文章字學各
擅其長尤以詩鳴齊魯教成風變之餘諸弟子乃請
吾奉暨項城鄴下所爲詩校而刻焉刻成章文斗李
呈華木索予序予曰讀發藻堂詩乃知倪君之所藏
富矣非所謂淡而不去濃者耶非所謂清而不厭濁
耶固宜其色靡不備音罔弗全美則愛愛則傳也已

雖然有飄然遐舉奔軼不羈之態李之詩所以神有
山林旅寓慷慨悲歌之懷杜之詩所以聖以倪君之
才廊而大之論而不息將滴乎河漢殊未有涯其詩
之放逸與沈鬱也宜與李杜並驅矣子辱湛川之愛
深故丁子之請因以所以論詩者求質焉

郡齋清玩叙

人心所向恒輕重相爲低昂此重則彼輕是故嘗去
彼取此耽岑寂則厭繁華志山林必忘朝市夫人之
心亦惡能兩勝而並用之哉故清修之士取足山水

之間斯俗所深嗜而競趨者舉不足以掛其胸臆矣
蕭侯尊甫翁江藩清修士也平生志耽山水當居鄉
時往往翱翔青螺白鷺之上恣以爲快今侯迎養茲
土屏處一室視向所耽慕不獲青鞋布襪片帆短棹
躡足而登以遊焉至世之所嗜而趨者又非其心之
所欲環觀窮宇一無以當乎其心能不悵然以思乎
予旣爲淮海崇源手冊推本翁恩俾翁散帙自嬉乃
上舍簡子檠輩人爭賡詠復強予倡而詞予知翁素
所耽慕獨在乎岑寂山水他不與也遂令繪爲禽鳥

草木凡可以識感怡情者彙以娛翁之目而快乎其
心嗟夫翁也得攬而觀焉巍巍乎若陟山之巔洋洋
乎若泳水之涯青螺白鷺之樂一卷舒而宛然如昨
已因搔筆各題一短句見鄙志之所存翁有味乎予言
其去彼而取此也哉

贈郡侯鄭父母榮膺嘉獎序

州治編海處陋非通都大賈交集之地民生其間者
率惟魯鮮識不事巧利愛實而惡華易駭而難馴以
故蒞斯任者亦簡計不自逞薄威多寬則得之矣老

子曰其政悶悶其民醇醇又曰治國若烹小鮮何者
貴不擾也治道何常擾之則亂順之則理天下古今
自然之大勢也雖然未易言也爲治猶爲學然先定
其志而已矣志之定者無動於聲華不惕於利害非
浮議游辭所能牽惑吾中有主矣故學可以適道而
治可以登理不然擾擾焉日營吾聲且利見害則怵
惟議是從吾不能自爲主亦何所爲而成乎然真
實爲學之士與好名之人潔長量短較日以計聲譽
恣進取之謀殊不若矣然久之未有不著明而道德

宏碩者也真實爲治之吏與近世一切苟且之政較
計目前鈞聲譽圖進取亦弗若之矣然久之懋弘灑
之猷樹光人之烈而勛業充塞於無窮其心若曰吾
因其俗順其民盡吾心焉而已矣至違背民俗苟以
具文書矚瞿奔走而因得一言之譽吾不忍爲也吾
以之去就焉耳嗚呼此古之知道之士而後能之
豈漢唐以下循吏可幾及哉吾父母鄭君受銓寄以
蒞吾秦也始見恂恂若儒生學士不妄出一語而有
成鐻者余心悅曰是吾秦之父母也旣而勤瘁民瘼

在守有方濶畧於繩削而游心於簡便民有所紉完
租則已不復苛也州有所用稱事則已不復濫也余
又心悅曰是真吾秦之父母也嘗語余曰吾恪吾職
殫吾慮而人不我知吾不爲之動也不然吾有去而
已噫其定志而適治知道而從政者乎歲春間督河
都御史潘公移文褒獎備述其善而州倅某東幕某
徵余言以諭之余則自謂少知父母者見其蒞吾秦
也無近名無嗜利不惕害不牽議以儒生學士之心
盡愛人節用之道暮月政成矣而褒獎適至即使與

世之一切苟且者潔量其所獲亦不過如此之速而已而積久彌彰勛業克塞又豈彼之所敢望哉吾父母亦堅守其志而已矣吾不能以導諛也是爲序

贈人參奉內龔公擢河南右轄序

春所公之被命赴河南也將臥轅江沚垂橐驪駒鄉大人與屬吏贈之行卽累千百言猶若不足以揚其光發其憤余曰鄉大夫則相與也東南美哉屬吏則相臨也上下交哉美合則契深交形斯義起是故詞之不可以已也乃郡博士及弟子員亦翩翩謁余

願告一言爲譽余追爾而笑曰異哉監司之行屬吏有言已非古矣矧最疎逖如博士弟子員者乎春所公以藩叅奉天子簡書監制一方於所屬賢不肖

咸得廉察博士則能糾之舉弟子員則能簡之誦之其所宜施於黌校亦曰導之禮義試之文詞爾已計勢與分則簾遠堂高者也春所公以治兵治河日夕不給缺然二者若體具不相屬然顧師生獨眷眷于其行咨嗟旁皇乞言至再何也豈亦曰故事宜爾哉是往昔之所無也博士吳朝翰等揖而進曰夫人之

惠有萬鍾不爲重一飯不爲輕者此無他緩急殊求與辨也施以萬鍾緩後其期必待其求而後與受者可懷而與者不謂之惠一飯之恩乘人之困先其未發慨然許之則廉耻之所由生也與者弗德受者則弗可忘此孟軻氏之所以卒澤於道而伍員韓信厚嬰於窮者也邑居諸生凡百有五十餘人自河決來併日而食易衣而出者殆十之五指糧膳先稱貸爲一朝一夕計者殆十之八貧至諸生極矣此猶居常然也今年春二月圍法不通市肆如洗諸生多有枵

腹啼饑數日不舉火者親戚交游莫相聞問上之所宜軫念宜有加於山澤閭閻之氓者獨一等哉然所謂簾遠堂高欲陳之而未有路龔公遽出贖金八十斤易青錢買民間盜鑄一朝底定遂搜括帑藏遍請之諸部院大舉賑濟首下其牘於有司曰士民之表也阨茲時艱得無有困於薪米者乎亟發贖金人錢之如其數越餘月然後部院題允賑典始行此與矯詔發倉小同而異夫無俟請求則廉耻全當其危急則焚溺濟首先衆庶則禮待隆此在龔公視之亦一

飯之德耳乃諸生得此則何啻萬鐘視之朝翰輩極不肖忝諸生之父兄師長也愛其子弟榮及其父兄師長寧能有胸無心哉此請之所以益堅也余聞之嘆息曰小惠魚民錢法變亂賑濟者二難之一解也春所公毅然行之先之俊秀次之鰥寡孤獨又次之種種編民可謂施恩有次第矣然其可飽而詞者猶有說焉國家養士建設學校輔弼司牧咸取於斯上人者茲地之所出也又烏得以弁髦輕之彼廣廈之內數百人之中所謂污鱗禮義蕩棄法典者容有之

矣其間希聖賢多識國朝典章開口談當時之務動以家傳自負者豈無其人乎一人焉亦可謂得士矧其人多慕古好義超然上達則下之人固不得以魚目混珠上之人又安得因稂莠棄嘉穀也嘗見監司埽簾遠堂高之勢巍然峻絕視其師與生誠若弁髦然間有取於談性命攻文字偶獵時名者幾人待以高等收爲門下士收者悅弗與收者固弗悅之矣此士心之所以不附也春所公之遇學校也不詭言導之禮義相率以空談不越職試之文詞倖取其薄

伎獨以提調之責付之博士吾惟日長之養之優之容之其休其休時與通之其人之賢不賢也才不才也勿論也其所謂溷之如海暖之如春者非耶今夫草木蕃敷造化不擇故雷雨均禽鳥孕育川澤並容故生息備天地之大蓋可見矣春所公以並包爲心斯以兼濟爲量知其施恩之有次第不知其無所擇者不知天地之大者也語曰周之士也貴秦之士也賤士固宜有以自貴乃其墮落不振將不齒於流俗者毋亦上之人有以賤之歟春所公平居容士臨患恤士謂之能貴士也可朝翰等起而再拜曰不肖者久知龔公養士今始知龔公貴士請以先生之言贈龔公行俾後來繼公者聞公之風不以疎遜賤之龔公之惠將益休暢矣余曰然遂授之

陳衡野郡侯禱雨有應序

聖天子簡閩郡衡野陳侯蒞秦之三年時驕陽爲祟早禾幾枯侯慮吾民之失所惻然憂之率僚屬諏吉舉典徧禱于山川城隍之神杲日晴空一時陰靄四塞微雨飄忽越兩日輒至滂沱斥鹵之墟膏液流布

而環野編氓舉忻忻然擊壤相慶矣寅僚少山南泉
諸君子謁余謀紀其盛余作而曰不經巫峽者罔知
蜀道之艱水涉龍門者烏覩禹功之犬余灌園東菴
日臨阡陌因知歲豐望雨爲甚亟而德侯爲甚深也
敢以不嫻辭遜焉吾觀爲子者饑寒疾苦則必號呼
父母之前爲父母者見其饑寒疾苦則必衣之食之
多方崇護之其情至也民有患而望捍于州司長與
州司長之當爲民捍患也何以異此彼耽耽而居飽
祿以嬉視民艱若秦越人者重拂民望我侯念民穿

渠漑禾閔閔焉待哺于天不待號呼而爲民請命有
弗協恭齋心者則指天呼神詬詈之卽父母宏仁曷
加焉吾又觀殘忍者斃天飾誕者誣天此而不蒙厚
譴亦幸矣我侯旦夕縞衣十里徒步一言之善天且
鑿之遂使焦土淤渠汪濊潤澤國賦民生均于是乎
取贍此非天之公其報乎者侯至仁所以感乎天者
可知天至公所以應乎人者可知感應通天人協然
則甘澍淋漓夫豈偶然之故哉于時野人歌頌侯德
萬畝一心余野人中的一人也遂爲之歌曰雨冥冥

今山側千金難買今一滴沾濡優渥今闔澤徼吾侯
今吾且無食又爲之歌曰水森森今天低一勺萬斛
今珠璣玄旻粒我今蒸黎徼吾侯今吾且無衣卒爲
之歌曰稻青青今將花倉箱慰望今誰嗟萬民安堵
今海漭徼吾侯今吾且無家歌成俚語瓦缶同鳴風
之淮南足爲海陵一大奇矣我侯建鴻業流清風恢
一割之才收三善之譽其爲吏治景燦者豈片語所
能揄揚者哉余特志禱雨一事以塞諸君之命如其
他則俟史筆書之余不贅

贈見吾譚父母入覲序

萬曆己丑歲當天朝覲之期 天子將坐明堂大
羣吏之治行黜陟幽明之典先期戊子冬十一月
州大夫譚侯十日從羣長王大夫行而其治裝則寂
平未有聞也蓋往大夫歲當入覲日坐堂皇營營然
謀以治其橐裝甚悉無論其鉅細而陸之車輿水之
舟航也者靡不物物華而新之下至吏胥厨人辦所
以從行資日喧喧里中蓋十室而九且未寧也以是
爲故常母惟譚侯行逼旦夕矣而里閭市肆猶然若

聞聞知詢之曰吾俟焉耳再詢之曰吾守吾常聽之
焉耳嗟夫自吾不及見此蓋五十年乃今得之譚侯
非空谷足音耶夫人內有所不足然後籍其外有餘
瘠平下斯得腴乎上譚侯無是故洒然其行嗟夫侯
之天定矣侯視身謹宅心仁蓋居然長者其爲政不
務小辦事至哲甚毋假提衡尺寸爛然遠其施而行
之則一意用厚半法而止民有犯原而滅之吏有過
計而容之終不以暴怒移天性爲已甚至其簡訟薄
罰捐俸賑饑繕城垣以保障一方思貽百世之利闢

滄海口凡所資用金恒出私濟公亡入公成私蓋士
民曉然論矣侯善狀非一而其大都則取數廉予數
約修其實不修其名故所轄院司知侯賢咸目之曰
循吏然侯自持則恒曰世巧寧拙世利寧鈍吾赫赫
臨吾聲矣如民弗堪何自臨蒞迄今三載其政之寬
然與履之皜然如一日嗟夫其爲內有餘而不瘠乎
下也侯之天定矣復何所藉乎外以腴乎上哉余誠
不解昔時之考績者挾持大典魚肉其民而其謬相
語曰是行非重攜不可夫方今 聖天子軫念黎氓

歲詔書蠲賑至再而其重貪墨之罰屢下銓部長德
意至勤自宰輔至百僚人人精白承休共臻熙治而
山林長老扶杖需之私切謂必不藉此毫毛致苦天
下吏爲也卽之際有不可廢者亦百金而饒余嘗試
爲令其狀乃今倍八九焉母亦陽借公以文之而陰
以益其私耶余重爲世道慨矣語曰士有百善惟廉
爲最士有百惡惟貪爲最侯服善而能擇其最也旣
皎皎爲廉以肖海內賢者矣茲復垂橐以往一須知
方冊外無加焉侯於予衷蓋有深契哉行當趨走玉






階發舒其氣免冠復有開考功吏首上其名
 嘉之待為異等賜宴大官知非他人必譚侯
 於大夫贈言之典久廢余老辱侯知復重侯遂不諱
 不文為俚言一卷納之行李嗟夫侯囊固輕也載予
 言不亦偽重乎哉

壽江怡泉七十序

夫草木禽鳥之微含生逞態光澤充盈則必托豐林
 濱飲壤孕厚毓深有以成羽毛膚格之美蓋所畜者
 異而所產自奇物固然爾矧長江淵海崇山浚川晶



靈溶洩不啻一水一石之詭激則其磅礴浩蕩森沈
清淑之氣所以鍾乎人而發其奇者豈徒然哉是故
上必有瑰璋之材陳之宗廟明堂于以蕃宣丞弼不
負明時次必有山澤之癯褁足投跡於鹿豕間蹈理
義而談詩書復以延攬之懷播之聲詩使名山大川
籍共吟嘯爲不朽二者雖顯晦殊途身世異致要其
所得與所失可互用也崇川隸廣陵稱鉅郡襟江帶
海連壤三吳有白狼山峯崿層霄南面屹立當風恬
水止天朗氣清則素波澄濤江白如練海青如碧環

坦駟伏猶髦士執俎豆而揖讓雍容及烟霏四起
警泓鳴則雪浪浮空狂叫怒號江失其平海失其寧
孤峭生寒又猶武人持矛戟而橫制莫敵夫自淮歷
揚下里平洋卽拳石片峰曾不可得迺至是山川融
結介乎江海之衝一突成奇噫東南之偉觀備矣非
坤靈奠軸地祇效靈有是哉士生其間所以鍾磅礴
浩蕩森沈清淑之氣以發其奇者吾知其大有助已
是宜滌廟明堂之噐薦致通顯如梧岡陳公震耀後
先肩趾摩接而懷材抱藝伏處巖穴操翰墨爲山水

重者復有其人江君怡泉是已怡泉隱君子也湛道
德咀英華攻古文詞屢試明經不第居常則文以禮
樂飾以儒服有揖讓雍容之節可以言仁遇事則飛
揚倜儻毅然必先有橫制莫敵之能可以言義蓋山
水之所畜者既異斯所產者自奇且性所耽嗜尤喜
苦吟文采翩翩累詩成帙闡原川之至奧通幽渺之
玄思讀怡泉詩知狼山之勝矣然則崇川名山所籍
以增勝者其在怡泉哉是故鹿門撮土也德公隱焉
流風斯遠愚谷之鄉決滂之野也愚公以爲廬嘉名
旋錫地之以人重也久矣以怡泉之才使早獲
成名其所潤色鋪張宜與顯者相伯仲卒以茂薦接
例虛銜放浪一丘一壑以攄其長嘯浩歌之懷爲名
山垂不朽則其所得豈出所失下也哉儒進無所建
立於清朝仰慙先達退又不能麗藻品題名山大川
爲邑里光寵均有所失而兩無所得視怡泉何如也
怡泉今壽躋七十同鄉侍御黃公索予言爲祝予遂
爲道其所失與所得以歸之

贈周道尊榮陟河南文宗序

古昔稱篤棊勤施明光上下者迹其多才大美度越
今古雜都之鼎可奠東土之兵可觀禮樂教化之權
可因時注厝而佐億萬年太平之業隨施輒效蓋世
爲天下烈已寧獨借才前代今亦有之我明宇周公
祖起 進士秀鍾楚澤學有本源別歷中外績問鬼
赫以程功司空署者出視兵淮海間不數月而文
恬武熙修攘其飭天吳不波長城屹如聲光獵獵起
部使者上聞維 聖天子簡注文名有年仍令開府
試盤錯乃文事武備則又兼之遂晉秩爲河南學副

當宁嘉與天下還淳風而洛陽固天下之中也風
所自砥諸藩臬此爲尤先一朝舉提衡斯文之柄授
公委任責成之意豈微哉淮南屬下十郡邑相率重
公之行而吾郡譚父母先期紹介問言不穀不穀撲
檄山棲言胡足重第自承下風以來得與聞諸所表
豎如濬川塗典試事精覈軍政品隲士類種種不一
未嘗不拊掌稱快又伏觀所爲古文辭提槩登壇千
軍辟易文陣雄帥罕與爲儔且時投明月之珠錫照
烟蘿之境誠厚幸已又安能以無文辭夫當代豔稱

多才大美疇如我公公蓋屢試屢效文武惟其所用
矧與學真修厚自挾持所爲譽髦斯士者寧獨以其
才哉蓋爲國樹人用弘薪樵懸氷輪掄真才而遠覽
於化壯驪黃外者非才曷克勝之乃率先矩矱象指
意趣維揚乎倫紀之途而默孚以蕩平純白之雅道
則又非徒才所能辦已故必有以感動之而后有以
化成之明天子廣厲功令以還淳世道意其謂是歟
我公固誠與才合者今其往也必有合矣海濱之華
輒難掩而河洛之間閭閻型范中者不知其幾千百輩
矣信千載一時哉卽造士維風倡之河洛天下將嚙
嚙嚙嚙風禮樂教化之猷行且輝映古昔而遠繩明光
上下之勛烈以此報酬主知仰副其委任責成之意
誠無負已算計見效寧獨與經營水部建牙淮濱者
並數哉十郡邑守令計同聲頌之不穀將扶杖觀焉

憲使胥公議疏淮揚水患稿序

淮揚稱域中沃壤自隆慶初河潰夾淮破漕治水使
者迫欲固隄轉粟廼沿隄鑿斗門殺流卽灌山鹽高
寶興秦數郡邑弗暇恤已復歲決黃浦范家口諸要

害滔天漫地良田匯爲巨浸便國計不便民生爲淮揚大患前院道題濬丁溪白駒二海口宣洩不廣水患猶故今胥公奉璽書飭兵治河於淮揚首問民疾苦得編紳士及民竈所訴詞憂切痼鰥咨求利害敬諸守令分行勘議總其任於節推李君遍歷各郡邑鹽麥訪詢農耆心計目眎其在下流則東濬三場穿范從達苦水洋牛灣河入海北疏兩河從胡蘆港憂糧河達新豐市入海上流湖水泛溢則闢惠政橋引楊芒稻河南注於江僉謀議定遂請撫按醴三臺咸

三石畫會奏蒙允卽受期興役次第舉工謹守節度後尺牘疏狀刻之乞言弁首余曰遠矣公之哲於利害也憫其患亟圖其利幸其成復虞其害亡論行水故道洩水支河出海捷徑宏綱巨目厝注精審卽畚鍤問織悉蠹孔靡不燭照豈非百世永利哉條畫臚列法令斧嚴不獨異議者息喙凡濫冒因襲一訖釐革讀是帙而國計民患與官箴之要且悉矣公之明德鴻猷被淮海並天壤永永無斁至其神鑒冲度人有未盡識者以儒杞憂梓念喋喋惻惻無當經濟萬

一乃推信容納并採兼收是公之虚心大不可及也
為吏與民者方謀專祠俎豆礮石銘鐫報功頌德垂
世不朽茲刻其前茅哉然余猶有憾焉百利斯興一
害宜忘公之遠智利害其興其祛有不可一日緩者
舉其半則偏而不全輟其一則勞而罔績前事可鏡
也奈何東工未畢天不庇民廟廊擢公叅藩需代而
行雖明旨憲令無敢變易而公不克觀厥成矣儒以
譚守為地方計慮有初鮮終剗爛成帙以承公之遺
遂畧序其槩異日麗牲之碑當執筆大書細書有不
敢辭者

巡撫兩廣疏議序

是編也兩廣督府自湖吳公疏議刻以傳焉者也公
闡精神心術之蘊以達濟艱應變之才明冲澹憂勤
之志以植開誠布公之體際昌時同德之會以成經
畧底定之勲可以傳矣公負文武重望 上用廷議
授以節鉞來殿茲土屬時倭奴縱橫海堧為潮患八
年往矣踵而至者復以萬計而砦崗負固不逞之夫
流毒惠境慘不忍聞公奉 命蒞梧甫二旬即移鎮
嶺東會柘林餒卒脫巾嘯號突至省外上下震訇茲

蓋岌岌矣公授諸將方畧遠邇後先其有成畫諸將奉命惟謹匪茹倭夷殲馘殆盡汎水金錫之捷尤爲曠睹而位端葉茂諸酋相繼撲滅逾月戮叛兵於海上數年醜黠一旦蕩平千里稜氛同時銷息吾民得出湯火以就衽席伊誰之賜時卽表置南頭重將以控島夷築省南外城以固根本惓惓爲廣人慮者甚備廣土僻在南服生民疾苦往往未得卽達達未必卽行行未必可績蓋天下事變多起於疎遜間隔之跡而狃之以疑忌沮撓之私人心憤恚每生於猜嫌

彼此之形以蹶夫事機倏忽之會是以迄難有成公自叅藩已悉心嶺海形勢要害而熟籌之今茲之至夙夜憂憂出所素定者發謀憲慮動中機宜如執左券不爽毫髮凡所建置所調度所儲備莫不攄誠立馳陳懇用是克當 上心而 廟謨裁決如響斯會中外同心無少齟齬其敷條於下又皆根心之言注意甄拔表賢獎能汲汲然惟恐不及以故將佐莫敢不激奮戮力且雅尚澹泊供需百省往昔至勵士卒則超格而時賚修臨事機頃刻立斷井井然辨而理

繩繩然而莫之窮詰乃中則冲冲然而不盈隨在擊
采容受恢恢乎而不可涯涘是以蘊展而才達志定
而體弘會適而勲立丈人中吉元老壯猷具在編中
故曰是編也可以傳矣雖然式遏亂虐功重當時許
謨定命澤垂後世惟公載懷永圖以終惠吾人吾廣
風稱樂土然埔亘涯浸易爲盜藪卽如遂巖巨澤蛇
虺所窟安不復滋惟豫圖而謹禦之使不爲害耳說
者謂屯禦似爲得策今膏壤曠野隨在而是誠度要
害宿沃衍以一二年征調之費爲之區畛隄防爲之

守廬種具廣募強壯恣其墾闢樹藝俟居食稍定比
其什伍時其簡教隸之郡而統之兵海二道使屯卽
兵兵卽農而謂之民屯小大遠邇聲勢聯絡相爲犄
角以捍蔽出沒之衝是內省供億之需外杜侵軼之
患設或小警則合鄰郡之屯大警則合各道之屯足
以坐制策勝而免目兵調度之煩如疏中所慮鈔掠
之苦者蓋無之矣漢時罷師事寧之後率表置良牧
故吏治精核民獲安全乃後不然至於今益索然敝
矣窮陬下邑令長牧佐大半曠缺卽有亦多告遠調

謫垂暮之人夫受人牛羊而使戕牛羊者爲之牧安
望孳息疏中所論劾者已屢太息而况復不止此誠
於州邑之長表其缺而慎選之久其任而責成之作
其標的以風勵之俾得專志治理修其政刑殛兇保
良以綏境內境內旣治何外變之敢生是豫未然之
防與旣動而後圖者功力難易何啻什伯公受知
主上見重 廟廊言聽計從及是時廣采衷訂凡可
以終惠吾人者懇請而毅行之以善後貽遠則鴻功
駿烈備增編載傳之不朽惟公圖之

送東武朱郡公歸山陰序

歲甲寅余始官永豐今泰州朱公時知彭澤彭澤土
瘠而民貧又舊政多務朘剥公至一洗其弊飲水而
治之民遂用舒又治豪貴刻轢一二姓豪貴人伏其
公亦不聞出一怨語於是當道知之旌獎日至公聲
名遂大震於彭蠡匡廬間乃益務直道不他計而不
知已爲據要津肺附者所陰中矣然尚以素望擢守
吾泰泰方苦兵革歲備東夷凋瘵甚於彭澤而公與
吏民日所從事皆乘鄣增堡之務噐仗芻糧之具建

牙使節文武大吏供餽之需高城深池浚河徙廩校材官按地形備戰守之計其難蓋百倍於彭澤而公獨以身任之且一毫不取之操尤數十年來所僅見我州人方日依依然保障是賴乃卒壞於前所謂肺附者之一言遂以考去時無貴賤少長相率而哭於庭日以千計余亦數入致慰問則見公之語言動止自若也東帶曳履几几然若不知有去留事余始而疑既而嘆曰謬哉余之知公也吾挾策爲舉子時聞東武山中有樂道著書聚生徒以百數家不給饘粥而歌詩若出金石者非公也耶今其仕也用則行其道不用則歸而其道固自在也一州官何足撼公哉固直其不知有去留事而何以疑爲然余又聞今世司聽者之常曰三人言則從二人君歷仕凡兩地耳其舉者獎者幸其遷而補者合衆論之公豈直三人言之哉而卒惟一人言是信豈數有適然而事固拂其常耶余方以使命過鄉里親直公之行而重有所悼遂次序其言以贈之史遷叙述孫叔敖有言三得相而不知其材自得之也三失相而不悔知非已

之罪也殆公之謂矣

賀倪湛川學博榮獎序

國家之需才至急而養才之計至周是故內而公卿
輔弼外而藩服司牧胥於學校乎出然其淬礪之鎔
鑄之使之浮英華湛道德則學校之官在焉蓋千里
之馬蹄齧未馴羈練弗庸奔軼莫制學校之官馭士
之羈練也軌物具縛束勤卽士之稍弗裁於繩墨者
且循循然罔或肆然敗轍矣是謂官卑而道尊乃若
人之賢不肖惟天子得而黜陟之而風勵之權則假

之御史御史者代天子以彰痺百官爲養才計者
故賢者有薦有獎不肖者有戒飭有革職持其權衡
激揚著焉夫安可漫視之奈何途窮者毀方爲易力
倦者奮翼斯難上之所操責之詳未始不取之恕是
以得一官焉亟而稱之凡以昭勸也嗟夫三代之學
彞倫叙道術明師之所以爲師士之所以爲士今蔑
以聞矣所謂得一官焉亟而稱之可以獎而勸之者
其人豈多見也哉湛川倪君振鐸海上曾不幾時諸
侍御公庶其賢注語褒嘉且三至焉噫是亦難已同

官賀近江諸君暨諸生劉岩輩乞予言以張之予曰
湛川君齊魯之士兩分縣教擢吳陵吳陵東海一隅
也士專務制科不習爲詩爲字倪君至輒以二者日
諄諄乎指而誨之予方識荆卽開口吐其胸中懷抱
依然論說有當予心已知倪君爲淑儻非常人矣徐
以兩兒叨居門下士日相往來接杯酒慇懃之懽數
聞談詩則稱唐子美而上談字則稱晉二王而上極
其形容不啻口出因知倪君詩與字固有本源殆非
蟲鳴蝸潤竊窺門戶者比其訓迪諸生也涵之如海

暖之如春繩墨不施成歸調習口不道諸生短長家
之貧富弗問也倪君學無所遺詞無所假武庫珍藏
叩其端者莫測其蘊諸生執經辯難雜沓叢頓戶履
常滿而君疊疊終日無怠情心譬之羣飲於河各克
其量其渾龐博大逼隘區宇復能得諸生日近日親
爲諸生者如草木之蕃山林魚鳥之毓川澤忻忻自
私不知參天地以施化者固有在也下如捐棄廉恥
欺僚索啖左右營營請託束修向背多寡凡前人所
爲不肖悉唾而更之試使以倪君之賢官當三代宜

必勅彝倫崇道術必不止今之所以爲學者矣予嘗
謂倪君有凌邁超越之氣不淪於狂有矜矜負俗之
行不涉於矯有天空水月之懷不流於蕩每以質之
諸生謂予知言是宜賢能畢張褒嘉薦臻非偶也嗟
夫倪君今人而行古道者也俗降風流卽不獲爲三
代之學然其執物縛束與俗吏殊科豈直今人上巳
耶諸生翕然長養之中浸仁沐義昭景飲醴淬礪鎔
鑄日精日深將通籍 天朝樹勲揚休內外任使不
負我 國家養才至意當必有叙其家門薦其師如

李氏德裕者矣何但諸公一獎而止也於是乎書

賀王近翁郡伯七十詩序

日月照曜吾不知幾經歲年爲物舊矣然光景長新
萬古不厭何也象而非象其精玄矣故前人以靈物
歸之璞玉渾然澹無澤色天也人者爲之文以翠羽
飾以珠英美質旣雕良者隨壞尚論者不與何也失
其真也詩道亦然不超乎象弗新不完其本不琢奚
取也秋七月予爲律二章將以登公之堂爲公祝比
屆期發函伸紙則熏然烟火也風人之旨如是嚼蠟

哉因亟擲去之噫嘻子高之龍塗抹點綴精力殫矣
真龍下而窺之被子高却之弗喜子高之畫龍逼真
者也識者猶笑其好假龍予前所作不逮子高之龍
遠矣能免後世之嗤予耶詩人云早知不入詩人眼
多買臙脂畫牡丹予誦此謂非知言夫詩言志吾志
則吾言之又安恤夫時眼之入不入也牡丹之畫徒
臙脂之費耳予故易爲五言祝公與公評之雖然里
之祝公年者鶴也鹿也安期盧敖之杖履也王母氏
之桃也胡商越賈之玄黃青碧也殆斐然克庭子獨
持尺幅題四十字欲卑時好而高之何哉物有盡言
無窮果子詩非染非畫將庶乎與長新不雕者並傳
公之壽且因以不朽矣

淮海崇源錄序

夫言心聲也有心焉不能自達於是乎言言也者言
乎其所以爲心者也是故文也詩也長篇短詠也皆
言之成章宣乎心之所以爲愛者也無是心則無是
言是故言之美刺心之是非昭然辨焉強之弗能私
之弗得君子曰可以考德矣可以觀政矣淮海崇源

之作斐然言且盈帙矣鄉之爲茲舉也何美蕭侯政
成因思其自心弗能已言弗能斬者也蕭侯以高第
高才來守吳陵撫士與民油然真愛未替治臻於理
卽古良牧何加焉百里中德之頌之因懷思之曰美
哉蕭侯曠世鮮儷矣仰山之高顧其趾者遠也矚木
之巖摩其根者深也侯美矣篤生有自非賢哉父賢
哉母曷以生之成之於是日環公宮願得一晤接一
言少酬其生成之德乃門關則儼然肅也父母孔邇
欲見未由如瞻依之心何哉遂相與作爲文章詩歌

假之言以宣洩其所懷思嗟夫是心也三代之身之
心也本公達順非所謂自鳴其天者歟因題之曰淮
海崇源蓋謂清淮之洙瀚海之漑汪濊瀾漫沛然四
達矣河非其源乎是故崑崙之墟岳瀆之宗也天所
自生者也觀淮海則窮其源是故崇之弗能已也觀
抑堂公則本其賢父母是故推尊之弗能已也繪圖
東冊以進於虎豹藩屏之間俾侯父母把帙而游
焉觀焉懽然曰政若茲吾闡內之教不虛矣得人心
若茲吾遠大之期可副矣一文一詩一長篇一短詠

卽言知心卽士知民吾意二尊人必開顏大喜謂抑
堂公爲善養非祿養矣卽鄉山阻絕官舍拘攣有不
忻然自得者耶吾大夫士雖不獲侍左右展慤勤發
所懷思寄之篇什殆宛然與若翁周旋一堂不啻口
喁而信舉矣是淮海崇源之作弗能已也夫感生愛
愛生言言宜心然心之所存又連篇累牘殫述未盡
嗟夫吾黨之德抑堂公也淵乎深矣予不佞爰書其
首俾上下遠邇考德觀政者將有徵焉是爲序

重修泰州儒學記

王弘建序序以毓材賢要在翊經明道俾俗
爲厚俗興理計而盛衰完毀則士習升降世道汙隆
繫焉蓋崇尚之意薄斯振厲之氣衰上所往下所嚮
若孟水然隨爲方圓無爽圭撮故古之學齒危髮秀
之老含經味道之生成于是在然長幼相齒愛敬相
生其倡有自其化易行也師儒之官曾不獲肩其責
殫其力俾居肆者永有歸依上之人又往往忽其肆
而傳舍置之視風俗治理之關如越人之鬻盲者之
鑑無適于用嗟夫習衰教微豈獨身範陵遲卽文具

卷之十一
榮觀且未稱矣是其責不在士也予慨然升降汗隆之際佇目津途久之會小蒲程公以淮揚兵備駐節海陵廉以宣洩圯然一方保障鳴榔楸干江介茂草鞠于園扉武備飭矣乃治兵之餘注意文事孔廟外環祀頽堂危閣圯祠壞垣愀然若置躬無寧宇遂燭賄金若干董成于知州蕭景訓氏鳩工庀材凡三越月事竣所謂頽者危者圯者壞者雲翔鴻鸞輝輝煌煌士遊于斯猶之歸有家止有肆衣被公惠咸願有言將詔不忘蓋三百士惟一心矣署州事同知王法

禮既爲乞記諸士以事不與聞心不能已皇皇然日謀師長欲予廣其說以傳予屢難之孫守樾繼至增繕御製碑亭者三制與地宜咸正岡缺遂復借判官樊祐教授徐克純訓導王良棟督鶴鳴劉廷育生員田有秋王好古儲案繆宗堯韓守仁等來徵予文予曰衣冠禮樂盡在是矣予何言哉士修之家倫爲重倫明則百行修而六經也者倫之橐籥也尊之固所以明之然服厥王言卽罔敷臣倫矧 聖謨洋洋澤于道德不離闡經彌倫者近是故堂曰明倫閣曰尊

經亭曰御製其理一也學之爲義三者最先缺一焉
第修不得號爲完典程公同在五兵乃心在學校再
止再舉竟使百年墜緒犁然一新且解任須缺揚舩
而南柱服捐貽倥傯不自爲計獨眷眷焉以葺所未
完丁寧至再此其雅意在士誠勤是宜諸士懷德益
滋仰予益急也予于是有說焉崇尚薄振厲衰責不
在下儻設衡縣術業有所而職鰥行隳責不在上何
也上之以文具飾榮觀者旣整飭一時其深心厚望
于師若弟子者端必有在沐其休庇其美能不撫而

思之今夫于將莫邪良劍也砥礪不加利同一割焉
由陸剗犀兕水斷蛟龍織離騷耳逸足也必前有銜
轡之制後有鞭策之威加以良樂之知已然后一日
致千里故砥礪學也在弟子者也御轡鞭策教也在
師者也語曰尊嚴而憚可以爲師耆艾而信可以爲
師誦說不凌可以爲師知微而論可以爲師是四術
也非教耶語曰達師之教安焉樂焉休焉游焉肅焉
嚴焉則邪辟之道塞矣是六者非學耶世之爲師與
弟子云者稽升散課文詞呻吟佔俾聚書而誦之非

不勤也。顧于所謂倫與經未知尊之明之宜何如。至
臥碑且弁髦士苴之矣。况製文哉。是教與學兩虛也。
吾泰之學如師秉四術以馭千里之良弟子。由六者
以收利器之用。要底于經明倫叙。母軼聖訓。斯揚丹
霄之價。宏青冥之期。將鎔鑄追琢。日蓄日深。璵璠之
寶。跨越海內。彼周寶鄭璞。不得以其似廁乎其間。吾
具根植華敷。其所豎立勲猷。允有光大。不然教失則
賢罔興。學非則養弗豫。夫士有修于家。尚或壞于
天子之庭者。今併其所修無之。亦奚以厚俗興理哉。
即學之修也。輪轅飾人。弗庸名存實亡。失其所業。雖
謂之文具榮觀也可。且重為盛舉累矣。予故于茲請
為道崇尚者之深心。而重有望焉。程公氏里德政詳
列。他記不細載。孫守豐城人。號肖泉。發跡賢科。由邵
陵茂宰擢守吾泰。初政雅意造士。後績可臻矣。于例
得備書云。

代巡姚公開丁溪白駒海口碑記

國家東南歲運倚重漕河。而廣陵迤北自邵伯迄寶
應五湖之間。俱係漕河要害。大隄蜿蜒其上。綿亘數

百里隄外最下勢若建瓴而高寶興秦數十萬糧田
與室廬咸在內行水支河無慮數十凡以串場達海
道相終也而丁溪白駒兩港其諸水從出之門哉是
今之所謂海口也歲久日堙故道阨阻卽通如白駒
厓厓一線若丁溪陵阜矣是以沿隄減閘與伏秋霖
潦諸水橫灌四州縣之間匯爲巨浸興秦尤甚蓋興
秦地形窪下環視四方若釜底然十二年來所謂良
田一望沮洳春且不獲舉趾何望有秋遊竇下而納
溝中者所在呼父母垂涕泣未聞有司舉海口故告

津者夫自黃淮兩河衝決濁沙隨水由通濟入湖
湖身墊高湖高水高非崇隄莫捍又非多建閘以減
水則長隄孤懸顛風挾濤旁觸上騰隄必不固故印
川潘公謂宜建閘壩殺水保隄然後慮分流太多興
隨難受欲免建二座諄諄乎不必多建且再致意焉
今則齒相比矣語具先後疏中皆可謂先見至海口
宣洩已嘗因科臣李公題上便宜勘覆僞工旋議罷
由此言之海口與減閘其重蓋相等也不然停畜中
央不潰不止此海道舒公謂皆以高寶興秦爲壑讀

其言可爲寒心哉夫上流不截下流宜通易知也全
河旣障一支未完易辦也乃或不然何以故時固有
待焉耳公攬轡至泰時齟院任公並至語及此惻然
憐之遂題尺牘問疏通計此其軫念民艱必一朝去
已爲稱快哉旣以民竈詢謀未同乃會撫院凌公及
齟院公徧搜沿場諸河應濬應隄苟可減水先圖一
筭而兩海口則俟利便再請然苦水之民蒿目陳乞
以望永利者未嘗一日不在公公蒿目陳乞欲垂永
利者未嘗一日不在民也乃六支河一東隄告成事

矣卽獻獻盈溢稍稍分受其十三而停畜中其
宛如昨公於是懼然謀諸海道曰理身者壅其腸胃
能不利其咽喉居室者繕其寢堂能無關其門戶導
黃淮旁入之水而海口不開則環隄三十六閘之所
分流于下滔滔然不舍晝夜者安受耶安歸耶矧各
地方伏秋靈潦更無算也古今稱治水者莫如禹禹
嘗十有三年於外蹈毳乘橈排中國之水使有所歸
則亦曰注江注海孟軻氏之讚禹也日以四海爲壑
如公所謂以高寶興泰爲壑非計矣復與繼至撫院

傳公鯀院孫公會題畢前議民竈始異者闢之終同者採之一疏累千百言罔非石畫疏上報可公奉命乃鳩工庀事忽以丁外艱去海道公受公指開兩海口濬一支河建閘置椿以畜以洩一如議越四月工竣以成功告之 天子因語泰守李興化尹凌徵予言爲公勒石予何能言哉嘗取公疏伏而讀之仰見經世鴻猷與折衷至論矣大都破鹹水傷禾淡水傷鹽之說破海潮倒灌運河銷涸之說破鹽徒興販與倭夷出沒之說無非謂兩海口之必當開萬有所

利一無所妨蓋確然不惑者至疏終謂若不及時而舉恐民竈昏墊之苦終無蘇息之期卽歲報災傷日望蠲賑非人臣體國爲民之義斯語也何但愉快人心真可以動天地泣鬼神矣夫公以深識遠覽直吐胸中計無反顧且以直指使者觸暑折節馳驅沙塵數百里中躬自辨地形詢方言以成其獨斷其勤勞豈在禹下哉今觀興泰及諸場沮洳成田壅塞成河耕者煎者商者旅者懽然就業罔不稱利便入耳口碑洋洋乎東海上矣公殆庶幾哉體國爲民之義殫

乎予溺中人也嘗曰人臣建衆與之功易而獨斷者難成未壞之功易而已壞者難豎勤始之功易而怠終者難是役也當議論未定之時出勘覆停止之後舉於大工竣事既久公不謂難竟成之易豈不偉然一大丈夫事哉古稱三不朽者曰立德立功立言公以執咎盈庭慨然發論皆根極理要切中肯綮足以雪往詔來將使百世而下循其言可以祛惑足稱立言已以公復海上故道助大工益弘多若治室合龍口通溝渠然後堂構計畢將使百世而下四郡邑數十萬生靈免爲魚足稱立功已以公不激不亢委調停本之一誠要期于必濟將使百世而下被豐澤揚仁風足稱立德已兼茲三者以當名世是宜托之貞珉章示庶烈用垂永久予不佞備述始末復海道舒公之請爲之記公姓姚名士觀登進士第巡按江北兼督學廣信之貴溪人

兵使者錫崖舒公開海口碑記

今皇上御極之七年黃淮潰決沙停河塞妨漕長淮南北水行由陸漸漬疆宇妨民臺臣以狀聞 聖天

子乃眷南顧簡今大司寇印川潘公經畧之越三載底有成績然高寶興泰受湖隄減閘與伏秋霖霖諸水停蓄未有所歸而四州縣生民猶魚也儒因手大工錄三復之見主上之所咨謀與大臣之所登對往往以國計民艱並舉互言蓋兩重之矣漕利而民病有司不以報聞卽報聞亦規規蠲免賑貸莫知長計所出嗟嗟彼昏墊者將待命於天平蓋高寶興泰居五湖下流水國也注水用河不深則蓄淺而無所容束水用隄不高則障徹而橫潰四溢然海口不濬則

宜洩未有路而分流者無所爲壑也三工俱要害而兩海口其襟喉乎不然河隄二工胥糜無益是地方至計所宜亟講者顧淮揚當南北孔道所轄院使與宦遊人臨蒞茲土日月無虛東距海南橫江山寇島夷出没無時莫可禁戢先時兵備公稍得治兵禮使郵卒勿失於江介桴鼓不鳴於海壖足矣至四野沮洳廢耕失業民間嗟嘆愁苦不獨耳目不及抑且時日不給蓋其勢使然哉公被淮揚兵備命初入境卽悵然興懷乃先敕五兵振刷營中諸弊百廢具舉已

指水患謀之按院姚公將以援四州縣於溺中而登
之平陸因得其所移一尺檄多方咨之當是時竈與
民二心也執異說百口撓之公勿聽持之愈堅復念
人情謀始之難勿迫之使敗也姑以一東隄六支河
先請撫院凌公按院任公與姚公會題而兩海口則
紆徐待便既乃危言激論條別其有利無害者復請
之後至撫院傅公按院孫公與姚公會題大傷之至
斯計之周蓄謀既深斯發謀益果於戲公之所以迴
賜嘔心圖此艱大萬分費力視挽巨航逆衝流而上

之也難且百倍焉夫人臣矢心矢力興利一方墮
厥欲易如發蒙何施不可獨恠乎左有所繫右有所
牽成謂喜功不成召怨於此周旋其間卒令合謀民
竈兩利良工心獨苦已且二工終始一經一畫罔不
受成公算而其破羣疑諸解說具姚院疏中大抵不
外公指非所謂燭照而數計哉故前工寶應申場兩
河瓦店泰山兩閘劉家堡射洋湖則議挑濬凡爲注
水計高興東隄計百二十里內決二十七口減水四
座則議築塞凡爲束水計檄知州邵夢弼李裕知縣

凌登瀛韓介楊瑞魯錦分理之後工丁溪姚家口也
馮家壩則議修復建閘二白駒牛灣河止馮家橋則
議疏導建閘一而海溝車輅兩河舊址則議挑濬深
廣遠接丁溪口爲海口洩水計檄李裕凌登瀛專理
之其上書則議取諸備賑備儲銀粟罔以斂民夫役
則辦諸召募無以勞民乃公則恪勤祇事往來畚鍤
間躬拮据行勸懲致如期役畢四州縣數十萬生靈
昏墊旣去懽然樂生人皆曰茂哉五院功也予曰茂
哉舒公功也五院功在地方公功在五院謂五院之

功爲公之功豈不可哉知州李裕知縣凌登瀛亦
記以彰鉅美予曰天地無爲風日雨雷宣力而成化
也是故暄之鼓之潤之動之贊兩儀阜萬物蓋至萬
物成神用章矣然則風日雨雷之於天地有功哉予
觀公翊贊五院殆造化之風日雨雷也行不爽令至
亡後期使跂足延頸苦水望援之民一無所憾是宜
荷生成者戴同天地荷帡幪者感並五公假令公當
時亢激則謀敗事債瞻顧則氣沮事罷舉前功弁髦
之安在其謂事無遺策聲施後世哉故今涵海間觀

巍然長虹延袤百里曰是舒公隄也坐安流上下載
重浮輕曰是舒公河也跨龍嵒石塹宣滯導淫曰是
舒公海口也自今以迄百年敝壞則修皆自公始
將與捍海范隄名垂永世夫公舉事凡千慮無一失
所至成功公何以獲此養由基善射者也去楊葉百
步自發百中焉何也所操者熟也公攄素所蓄積修
廢舉隆始提忘歸於厝注之間且萬發而萬中之矣
比於由基彼尚未知張弓執矢哉予故次第其說鐫
之貞氓俾後來知所考也公名大猷號錫崖通城人

王心齋先生祠堂記

孔孟之學未舜禹湯文武相傳心法之精其興廢繫
治道隆污至要矣漢唐影響支離不絕如綫宋室伊
洛間師友淵源得窺堂奧明興經術論士本衰華盛
是故繪章句妙悟難徇口耳實躋難去道遠矣卽學
士大夫專門名家談之終身猶毫釐千里矧海濱無
傳未嘗學問乃能超然默契確然允蹈直與孔子孟曠
千載而流光也嗚呼難哉吾鄉心齋王先生本農家
子生長竈間年三十纔可識字一日見論語孟子伏

而讀之恍然曰是孔孟之學耶何舊說與吾心相馳也時時出新得與塾師商之遂勇於荷擔慨然如孟軻氏願學孔子隨言隨悟隨躋由是義理日融踐履日篤乃游南嶺謁陽明王公辯難所謂良知之學始不拜後執弟子禮因悟萬物一體仁人之心一夫非河於海過在我也思以其道易之制輕車往京師冀風動四方啓其聾瞶道路觀者輒開誠誨之諄諄每曰爲臣宜忠爲子宜孝如呼寐者使之醒聞者罔不泫然涕下旣去益去矜持就渾化洒然日新嘗自謂居仁三月不違庶幾顏子夫學難於妙悟實踐若先生蓋兼之矣海內士大夫慕先生日輻輳造廬請焉先生各因問指點字字句句皆吐自胸中不事虛說一時神氣令人毛骨竦然去故卽新不遑焉其開發所得則虛往實歸譬之飲江河者人人充其量也語曰默而識之學而不厭誨人不倦先生有焉先生不喜文詞所爲樂學說大成歌與勉仁方具載語錄雖先生所心得不盡是要亦發之一人可垂之千古者予嘗評諸里中曰好善人心之靈也古與今一

也儒不學何能窺見心齋先生第自先生觀之其爲善也欲爲人善也斯一念如水之必寒火之必熱天下後世且無疑况里閭耶然則鄉先生歿而可祀於里者非先生而誰也當先生存時撫院梅谷劉公節按院疎山吳公憐交疏薦之朝部寢不報迨先生之歿學院午山馮公天馭象岡胡公植初泉吳公遵先後追崇勅祠其遣遣場官行如有司禮然泰山之祀德意自學院楚侗耿公定向舉之旋議中罷夫用舍行藏惟命與時無論已獨一祀事且不終先生之不

遇益如此嘗慨之世有徒以口耳章句獵一第博一官跡其平生朝在朝在鄉無毛髮豎立苟其人稍在許可或布衣子孫顯貴歿後皆得占籍鄉賢有司者不問賢不肖春秋俎豆罔敢墜失視先生越俗之識亞聖之資妙悟實躋有功孔子孟奚啻什百與千萬也廼懿典舉矣卒以忌者之說罷之何心哉萬曆四年憲副小浦程公學博來兵備海上修舉廢墜推楚侗公雅意特建祠州之西而知州蕭景訓氏祇承惟謹凡兩月工竣扁其祠曰崇儒屬祀事於州大夫主時獻

享屬祠於王氏子孫主時修葺於以風示鄉人撫臺
王公宗沐自湖吳公桂芳相繼移文申重復蠲贖金
置祭田使不費有司永無紛張蓋至是天乃定矣嗟
乎豈人心之良終不可泯先生之學久而益信也歟
邇來俗變風移海內多不論學而里閭中亦漸陵選
獨先生之子東厓璧能意氣不摧世其家學時聚同
志講明祠中人心稍稍復振厲異時標轉轍換安知
不有聞風興起大能闡明孔孟之學如先生者出乎
是祠也固斯學之餼羊何可少也予故因小蒲公乞
石爲述先生宜祀不宜廢爲後來者生焉

憲使顧川胥公修泰州城垣記

吳陵隸維揚爲劇郡東距百二十里帶海襟江島夷
鹽徒飄忽出沒至險也據勝而控四方故有城隍廣
厚不薄足當捍禦歲久守軍利所生荆杞可採而薪
不從穉搔日聽其長且大故根連株蔓穿其壁孔多
是以垣爲場已軍販私鹽以昏宵出入而上下置鍾
階之爲梯其爲鑿攀援處復不數是以愆爲暴已守
禦者旣不禁又從而利之歲以爲常加以風雨浸淫

故屢壞屢修然其夫庸財用辦之官者什一割之民者什九是故郡富人往往苦之名領帑金實役竣仍歸之帑蓋陽與陰奪之矣監督省試復加橫索民之困憊與城俱壞其怨讟亦與隍俱深哉非監司惻然父母撫之又赫然神明臨之其能衛民而去所以害民補兩利也萬曆丙戌歲夏秋霖雨浹旬郡垣墻睥睨周遭崩塌踰強半大家者風聞懼役相扶攜孳舟而走當其時居者無衛行者無歸含啼望我胥公行春還奚啻嬰兒暫離襁褓呼慈母意徬徨篤至公始

有指揮王惟賢申地方擾狀切責僉報大家森森敷法語嚴若斧鉞然遠邇人心稍定予聞之撫掌曰屢中一役興於民爲害端於官爲利孔孔不塞奪不饜端不去毒無窮是在上人耳語曰衆心成城倘是役罷地方安卽無城民心附將不險而固矣非便計耶公歸堅主前議不欲割民遂庭諭同知謝庭菊從官估計始估得銀貳千伍百有奇公度虛冒數多復令知州譚默再估得減原估之五比用訖得減再估三之一公之料蓋一一奇中矣夫役取之召募銀粟取

之公帑公庾六越月告成凡爲墻五百五十五丈爲
雉堞稱是爲睥睨八百六十有三爲樓一爲舖十有
九用故埴少新埴多埴以丹鉛粉素崒若斷岸蠹似
長雲其巍然金湯之雄乎已念督察員役無繇橫索
取帑羨勞之有差人人喜復省令署所事千戶責守
軍斯艾其所謂根株及盛夏焦卷而斃一事而巨細
注念至勤譚守甫至襄事悉受公指與有勞焉士民
咸舉手曰茂哉胥公海上鉅功也予謂保障功易衛
民而去所以害民功難里多富人郡得稱雄緩急可

備周官論安富之政蓋燦然王道也獨奈何長民者
以民爲魚以役爲餌坐令家痛楚而戶尪羸治兵使
者急在飭五兵無暇民瘼卽有之鮮有如痾瘝切身
思以旦夕去者公且爲父母且爲神明無事子來畢
茲重役不令闌闐間有一夫一錢擾計省富人金凡
五千蓋官用一而足民用五而始足爲漁之者衆也
公復取修船完賦胙衣諸額外差罷去大家官自爲
辦上其議各御史臺俱報可隨著爲令昭示所轄郡
邑永永行之凡利孔害端一切釐革此與王政安富

並稱烈矣嗟夫恤民比仁飭吏比義兼之爲難有恤民之政而爲不孚誠未至也有飭吏之政而令不行才未稱也公重違細民不重違彊吏輒舉其弊政去之不謂之誠與才合可乎然其用惠沛然雨露也豈有意于沾沾市恩其用威轟然雷霆也又何嘗皦皦矜名致訕叢怨亡論公冰操鑑識諸治水惠政如日如春卽是公蓋允乎稱立教首矣使繼今監司有司心公之心不毀公法卽垂之百世可也然則受成先哲以貽地方安其在後人哉其在後人哉鄉大夫士與耆老謀所以記公功併以詔後予爲倡始復何惜不敏之言且庶幾異日者不得擅役以罷吾民民亦得指而訴之曰有石在則公之庇吾吳陵賜且不朽矣然往勒監司善狀類多有司循故事先期礱石徵文茲不煩紹介自交相勸而樂爲又曠典矣是故可以觀上可以觀下遂記之

頌德記

人生有父子君臣夫婦朋友而無兄弟不可謂之全倫猶人身有膚毛腹心耳目口鼻而無手足不可謂

之全體是手足之關乎身者至要而兄弟之屬乎倫者至戚也至戚則顯晦死生殊途異時而休戚貧富視之如一夫然後義篤而倫敦自棠棣廢角弓鳴友愛之風寢以銷薄然今觀棠棣詩人所以咨嗟悼息於兄弟間者亦以坎壈相恤事往遠殊以難易而發人深省試使安樂與共患難死亡遂捐棄焉則所以來詩人咨嗟悼息者宜復何如哉吾鄉沈鳳岡公以乙未登第起家庶吉士薦歷兵部主事侍郎服官凡三十餘年平生名節自矜鮮所蓄積同輩以兄良士

憑藉展拓累家至數萬金據法則一瓦一木一錢一毫皆所宜均分者鳳岡公居常友愛口絕不言亦恃其兄固不相負是以臨捐館與諸子永訣更不及此無何長子際可次子試可相繼以歿獨王夫人與少子成可孑然獨存所謂藐爾諸孤朝不謀夕可爲寒心矣良士獨環視其所積以爲拮据之勞得之恡不一發遂塞竇異烟秦越種種方鳳岡公歸田抱病相與已不及炫赫時况身去勢隨復何能希望其一盼宜其疇昔懽然几席者淒然灰冷矣夫無羊舌下泣

之仁鄙成分宅之德朋友道壞昔人尚欲裂裳裹足
棄之而走况可施於兄弟哉筆山陳兵憲至曾不幾
時懲薄振頹庶得其事召之庭詰以富饒所從來將
置干法懼其他有緣請曰沈氏財不入沈氏室無補
也遂遲不越宿輒斷以五千金畀之諸孤復截其十
分之一爲王夫人終老具嗟夫陳君之用愛深矣復
謂少婦幼孤據財難守隨屬州吏目綜理各如數窖
諸孤室內封識宛然鎖匙一付公帑隨給判狀爲將
來左券劔筆森然按法根理且使覬覦不得私竊爲

好嗟夫陳君之致慮遠矣人情於士大夫生存
至情及至寂寥無復顧問况其人遠矣卽告不遽理
卽理不輒獲卽獲未全卽全不暇謀所以處陳君乃
生視鳳岡公理其事如家撫其孤猶子周旋曲折仁
至義盡真難哉真難哉成可感恩乞予言以記其事
將詔不忘予嘗思之不待訟而卽與爲理伯侄之分
不傷憐其老蠲其罰以慰鳳岡之靈兄弟之情猶在
不深計于生前幸有處于身後父子之恩獲全一事
而三物備焉誠不可以無記遂次第其說授成可勒

石以頌陳君

凌氏贍族義田碑記

大丈夫廟名登朝必有所建明以鳴得意大則爲德於國次則爲德於鄉於家而族人者又吾身與家之所並重不可遺焉者君子修此數者故全也某自癸丑叨中旋領花封備員西臺旣按浙江清理鹽政常斥憚人舉名賢劾貪官獎廉吏建言放官人遠奄宦劫馬政免操軍至廷杖放回於國家少有毫毛之益是爲德于國矣及放逐家居遠公府絕請托未嘗囁

事名一錢抑酷吏救良民議開海口銷錢法大變起學校之廢隆建鐘樓之久闕振海樓之傾頽創政事之殘缺於鄉黨少有絲毫之補是嘗爲德於鄉矣至於家也朝夕力稼明農貽厥孫謀治薄田數千畝房租歲百計非瑣瑣無爲者是嘗爲德於家矣獨族人曾無一溉之澤使貧而無以爲殮者有之貧而男無以爲室女無以爲歸者有之是使吾耳目口鼻之不相任使疾痛疴癢之不相關涉豈真一體之否塞哉心有餘而力不逮也吾族人祖宗之所遺也其初

一人也分而數十百人亦一身也又分而千萬其家亦一家也若使之有不得其所而以路人視之非所以重祖宗敦根本也彼力不逮者不能爲之所心不廣者不肯爲之所吾忝慕前賢之風不敢委力之不逮心之不廣而忍族人之失所哉今吾老矣可以爲矣志當就矣吾有西門水旱田百畝計真直約銀一百四十兩有奇歲可得稻三百秤麥三十石欲出與族人公用之自今貧而無以爲殮者取于斯貧而無以爲生者取於斯貧而男無以爲室女無以爲歸者

取於斯取爲生意並取種曰者免其利收其本積之每取以五兩爲率付之族長收管次族長司其出入庶睦族之恩無所壅一體之仁有所達且族人蓋嘗有德于我也有役則肩之有疾則問之有不平則爭之蓋常有德於我也我無以報之豈忍也哉故少效丈夫之所爲非矯情以立意者凡我族人守爲定規子孫不得爭競豪強之人不得占奪有則合族人爭之誅之我本枝子孫不得攘爲己業庶吾之所以爲德於族者也行將刻石立碑名之曰凌氏贍族義田

泰州儒學新設義田記

天下郡縣皆有學學則不皆有田士之遊於學烹養於國家者惟廩膳日有給月有需餘則無所資籍若我州則地瀕江海且磽以鹵諸生尤號於貧幾二百年而學田未設每觀風者至輒相率籲鳴於庭甚則不惜貶損將庶幾升斗之惠有志之士亦或自困不獲表見於時會儒奉勅南巡祈予以故事爲言當道乃白川劉公整飭淮揚海防慨然思爲之所隨以勦倭久居外至仲秋凱還乃命學正樊君城暨訓導

薛君濂希朱簡君籍勅買郭内外田凡後先五百四十有四畝歲入夏秋之賦以俟贍發掌典以人輸納以時稽覈以畫圖而造冊則以待攷在上不虛惠可謂曰仁所施得其宜可謂曰義諸生免屈膝之辱可謂曰禮一事興而羣美集白川之功將無有足多者與咸以弗鐫於珉以紀其事則無以取信後將曷徵曩嘗謂泰我梓里也請言於予予時以田未多辭有待茲按浙至嘉禾樊君等於郵筒再請義不可復辭是舉也作興自劉按察用財出官帑任勞在樊君

等而予也則相而成之後之君子倘以田多而惠微
仰衆施約廣其計益崇於鼎來疇謂不從今日始耶
維石乃鏤取徵者兢據焉足以昭百禩與春秋弗廟
詞雖無應不讓其諛也





蒼業堂集卷之八

吳陵凌儒真卿甫著

梁谿沈 沈淵淵
甥孫袁爾鬯太函甫訂



文 書四十一一管

與龐惺菴道長書

伏讀手教語多激烈意氣慷慨有矚然不染世俗之
思而中毅然不撓者已可槩見弟從役執事之後久
矣自信知兄深矣以爲可方可圓者也以爲圓少方
多者也又以爲方可見而圓不可見者也乃今於來

蒼業堂集 卷之八



狀盡覩其素藏因媿向之知兄尚未窺其涯也豈真有感於嚴陵之風而大發其未盡之蘊俾弟得以見吾兄之全哉真大幸也弟本凡近每墮樊籠中不能卽超然爲脫去之計雖憤俗之感間與吾兄偶同而力薄氣衰旋見偃仆然其不敢自玷一節則又時時振厲不欲少後於高明茲承大教又一番然動念也伏思吾輩處今之時旣已置身於韁鎖豈能鴻冥鳳舉高出雲霄之上如子陵者乎然子陵猶有烟水茫茫之笑他可數矣弟意以爲方可也方而不底於成

不可也圓不可也圓而不失其正可也卽如往來謝一事多者謂之圓矣少者謂之方矣少而不能無是欲方而猶落於圓者也蓋必絕無於上下之交始謂之方然而不能亦無是理也故時套有害於義者違之不以爲異時套無損於正者循之不以爲同至若利鈍大關是非通徑則人皆曉然將張目待之其能不爲方耶弟恃素愛於兄敢爲一言之獻如啓劄相通之類以爲於義無害也請圓之不謂之刻方也如利害相徇之類以爲於正有損也請方之不謂之

病圓也庶於人已之間兩無失矣雖然此特就方圓之義而漫言之耳要之世路多險時軌難就以弟之庸懦知此之多落落不偶於人况獨負豪傑之氣不肯儼然爲流俗如兄者哉弟亦知徇俗之非不能違爲絕俗之事似負同俗之行而時亦有戾俗之非反之本心自多慙惋今欲思截然爲方而不爲圓要亦有去焉似洒然無少沾帶也昨於蘭谿之濱得奉欸語此意姑寢乃於蓬萊役畢復動歸歟今已決然但俟兄命而遂行耳不知肯爽然一披肝膽明示以去

就遲速之義俾弟得稍分拘方之美焉弟有至願也

上虞公祖詔東書

辱仁人眷注地方惓惓欲採見聞爲海上圖千百年利甚盛惠也某旣老且迂久懷漆室女之私憂無鄰母可告祇承德意敢不勉效驅使夫海上之患莫重於河防旣已仰藉經畧鴻猷日就平成千里長隄巍然在望厥績赫矣顧捧土之區一寸有漏不可謂之完隄乃今百里內上河徑通下河洪流奔決患與高寶同者凡十有四處腹心之疾浸淫且六年蓋奸豪

罔利弗恤其他官府居尊未聞其害卽閭閻細民少
有知者亦委曰高寶長隄版築未完縱早塞此無益
也故置焉不誦邇聞巨防則已題奏萬無一失矣而
深入處所水患尚洶洶若此是糧與鹽二運道之河
水旣泄漏莫爲收興與泰十餘萬之稅糧復災傷無
可辦其所關係殊非眇小夫工力欲全當舉偏人情
徃近故忽遠要水處乃使之不足患水處反使之有
餘不謂之倒置不可失今不爲之處是使高低河勢
不必分而泰州東西兩壩可無設矣是使洪流衝決

復如故而高寶長隄尚未完矣某以仁臺願聞一得
之愚惟此爲最昨同里中二三知識併舍親王指揮
徧歷沿河一帶西至宜陵東抵海安計百五十里不
徒耳聞必欲目擊因識利害本源分爲緩急別列條
款一一上陳倘高明不以鄙說爲迂採而擇之見諸
行事細者責之居民增修自守大者付之能吏堅築
預防又財力不斂於窮鄉而委用必求其確當斯一
勞永佚金城之固何啻范堤邇悅遠安甘棠之懷允
孚召澤不但立朝耕野出途之有頌而於河臺巡鹽

海防且有裨矣擅越樽俎輒竇廉明不任悚仄

上譚郡侯書

公自臨蒞來僕不敢一事干瀆豈無親戚休咎相關而獨固守其愚者以大政自能秉日月之明何庸置喙且念平生微尚期歿齒不渝故公則喋喋多言私則默默寡語諒公鑒之久矣茲不得已輒有所干瀆乃有係于人心士習激勸非小公能信而行之乎則今者試取童生是已往歲之事壞風傷俗穢不可言公今以神明御之萬無是弊但連日聞投名字遞手

不於臺下者不少此亦恆情徼惠父母罔非進取之意何傷乎但諸生中有素以正率其子弟固執不肯于瀆者懼人情太多反致頗知爲文者遺漏不取將欲隨衆媿非本心若仍株守恨無進步皇皇惴惴謾持兩端嗟夫俗而至此卽使文翁提調烏能輒革其沿習哉以僕論之人情故難盡却也公道何可盡去也以百四十名爲率先以文字取定八十名立爲草案後將書札並手本所開者續之其所許與必其子與侄與弟委出至公方得列名如僞稱門生子壻與

親識等項名色者倘文字成篇偶在落卷量姑取之
數足而止否則一切擯斥若係方外宦遊旅寓既無
骨肉之戚又非平生之交是誠賄也卽嚴拒之何怨
焉如此則文有一日之長者得以上進而父兄之數
不孤情有一說之通者亦非全私而銅臭之囑可免
况以文先取者豈無士夫朋友子弟一名在中乎以
六十名之人情續於八十名公道之後是亦足矣取
者既無慙色不取者復無怨言所以正士風省巷議
端在乎此不然置之前列者或多曳白而素稱能作

或無賄可通或無親可托卒不得廁名其間如之
何不怨且謗也公文章名家品題不爽鑑衡取士嚴
整夙著何俟僕言聊以效區區之一念耳希台慈亮
之

上楊撫臺水道書

儒不肖竄首海濱伏聞仁臺自下車迄今惓惓爲地
方謀銷水患一爲高邵湖西田計一爲山鹽高寶興
泰下河田計芻蕘必詢葑菲不遺長慮虛懷蓋曠千
載而一見者士民何幸復聞專任敝府節推李公身

經五百里田水之間求開海口疏河道既得其地復
得其人海上傳喧所以疏導下流計無遺策鑿鑿可
見之行矣士民又何幸儒因念減水之法既疏導其
下流又分洩其上流然後稱萬全也分洩上流之計
在隄內開河南引之入江北引之入海而已隄長河
故長併處未辦先其要害萬無不可姑舉邵伯九閘
言之所減湖水無處歸着盡注之江都興泰田間汪
洋三百餘里橫無際涯田不得耕與高邵湖西田僅
千而三州縣則十萬餘頃也高邵湖西糧僅千而三

州縣則十萬餘石也卽多寡爲緩急相去較然茲聞
言三下閘越河減湖水令高邵田可耕開之誠是而江
都興泰寧無雲霓之望乎借令就隄內開十丈越河
從三溝出仙女廟包九閘在內卽土築岸巍然成隄
導其水由芒稻河入江不獨高邵滿堂燕笑而三州
縣且無向隅之泣矣今之談者有曰從露筋至仙女
廟濶四十丈長四十八里開此一河九閘可包湖水
可減似矣不知河太闊則水寬而勢復洶太長則道
遠而費必重大湖內增一小湖兩湖夾一漕隄漕隄

可懼已况三溝至露舫計道十八里迤北止露舫二
閘獨奈何以二閘之故開十八里之遠哉惟俟三溝
河成移此二閘置之三溝斯閘不少費不多矣有曰
開河從八臺舖起有曰從東西灣起毋論東灣較八
臺已遠七里許要之皆閘盡處閘不包水仍東挽而
之南則強弩之末耳必從東落盡從近洩盡然後遠
而南行南行者不過餘瀝其爲無益八臺舖與東西
灣等也有曰再開芒稻河受水寬行水速豈曰非計
哉不知水出仙女廟一南洩芒稻故河一東洩泰州

故道一東南洩白塔下江一水而分流者三矣再
將焉用之夫由八臺開出芒稻河計程三十里也塗
之人曰費非八萬不可由三溝開出仙女廟計程亦
三十里也不肖儒曰計二萬五千而足由八臺者僅
洩高邵湖西水一利焉由三溝者截江都興泰減水
而高邵兼之兩利焉費有多寡事應從違利有大小
計宜棄取此盈庭之議在斷道傍之說難成固有然
哉儒以暮春中旬挈舟躬從邵伯抵高郵目覩河形
心揆河理遂據衆論就而折中不敢以出位爲嫌惜

伸一喙且以仁臺拾取方言故僭以一得之愚就明
秦鏡此亦開越河處邵伯九開云耳至開東隄處高
郵四開尚有別幅倘蒙俯採未議早賜施行害去利
興淮南百萬生靈世世沾溉美哉禹功明德遠矣

上張道尊治水書

儒嘗謂士夫居鄉利在身家則義所不容害關桑梓
則言所不諱矧上之人虛懷以訪民瘼而爲鄉之長
老者值天災歲厄目覩里中愁苦之狀不列以聞是
憂民者不獲見其災見災者不肯陳其說蓋兩相負

矣安所取於士夫哉備故反復思之茲歲災傷不一
自同寒蟬安於緘默請一一爲臺下陳之揚州府所
屬十州縣歲該額糧二十一萬有奇興泰獨居強半
歲輸六萬七千者是泰州也而州形地勢南北高下
頓殊壩以南謂之上河則上鄉也壩以北謂之下河
則下鄉也上鄉高阜與如臯隣者田少糧惟七十餘
石下鄉低下與興化隣者田多糧乃五萬餘石是民
之所恃以奉公足私者上鄉輕而下鄉重也柰何下
鄉土雖沃而水深心願耕而力薄俗謂之板荒久廢

其田蓋不知幾千百頃矣二十年來開減閘以保湖
隄四十八閘之水日下注與秦田間是以與秦之田
爲運湖之壑此積水之所以未消患固不在天也加
以霖雨異常十五年間田無疆畔蕩爲巨津方春當
耕田在水下曾不得施以耒耜者大較已十之五僅
僅存岸可培而土疎底漏曾不得施以桔槔者大較
又十之三四野之農惟指地坐觀臨流浩嘆何田可
耕何種可佈何苗可視謂之不必踏勘而災傷已覩
其十之八也顧不然歟乃負郭微高之田萬苦千辛

努力耕種期過分稔實不過十之二耳而二者五三
間苦雨不休浸淫滄沒復壞其二之一所幸僅存者
特一分而已俚之言曰草青之處皆舊荒之田水白
之區盡新秧之地數語形容盡之環視通高江儀如
臯秦與海門等處曾何有一畝不耕之田視秦州則
天淵矣此被災秦州獨重而告災獨先也聞踏災申
報八分而止豈嘗盡至其地歷觀其可憐狀耶亦據
道路之言少加軫恤之意猶懼上人姑然之而未以
爲信也然民知德意有終稍稍有甦生之望不意七

月廿三四日顛風癡雨捲地傾盆一晝夜間水深三尺將些須待割粳稻塌倒飄蕩埋之水底所謂波漂雲黑豈誣哉且拔樹毀屋倒壩潰圍百里之間天翻地覆何但民無所居而鷄犬牛羊頓棲息失所賤鬻城市舉場圍田塍盡瀾漫成湖觀憲臺中民間可知已觀城郭中鄉村可知已社捲田沈如燎如淵士嘆于邑農號于野卽鄭俠流民圖誠不能彷彿其萬一嗟嗟吾民何辜於天而天若是之不仁耶嘗聞人言曰滄海沒天還沒地滄浪聞哭不聞歌以今驗之信非虛語然否泰者天行之數而捍禦盡力斯歲不爲災言補造化在經綸也伏惟仁臺負拯溺之任具拯溺之才畜拯溺之心七載淮陰百計爲民美哉明德世世永賴儒蓋耳聞之稔躬逢之盛矣固知仁人於此惻然動心卽不全災當在九分之上不獨折之又從獨之夫以仁人素所軫念何俟儒喋喋多言第不言受鄉人之怨咨言之則尸祝代庖不免出位雖然

是亦中明老人之亭訴耳非無當也察之允之恃有仁臺天地神明在無任懇祈之至

上府尊議海口書

海濱何幸得借仁臺舉萬鈞之力畫萬全之策開萬世之功僕卽不肖無以見信於鄉人已起而與鄉人共謀之圖所以報之矣匪虛也第今日下手分工慎之首事不知仍如初議否原椿與冊合原冊具在將用以爲準乎夫謀事貴虛成心固不可有然任事在斷定慮後何可易以僕計之豈獨原議地方更無可疑卽丈尺之間其長短淺深皆尺尺而量之寸寸而度之非苟且塞責者失此不壞乃使彼此殊見先後

異謀何但錢糧不合措注乖方且令媒利者得因之上下其手矣嗟夫做事者之不如法將歸咎於謀事者之不精一 冤哉僕用是爲懼亟有所請於仁臺他處不敢發口也前道尊立法稽查申文僕與一得之見間增一二語至借重仁臺敢曰是僕之意實獲僕之心蓋得明公僕一切之憂釋將安枕而臥拱手待成矣得報之日卽挈舟期躬以謝聞旌車西指旋府中試士如雲不敢叅謁以滋多口遂成蹉跎卽後時伏叩仁臺百頓其首亦旣晚矣抵此先布區區一

念之誠別幅字字皆真統希台慈垂鑒

與譚郡侯議海口書

修學事昨荷仁臺捐助今幸完工非任代庖極知僭越然念事在明公未任之前重違合庠之請故身肩之觀過知仁諒不深譴媿媿海上議將舉事工雖仁臺與他邑分任而地方利病非公身痛癢乎主持專關心切尤重有望也以明公神明兼照包舉何難顧簿書追督時日劬勩誠不可以形用近道尊亦言之矣數日聞明公背面虛心欲分委之僕僕一割才耳

何能當一臂之用哉伏思天下事智者謀之不智者嘗敗之往往如此做事者之不如法將歸咎創事者計或未深僕將何能爲解乎况桑梓情真辱明公知己故不惜掃室布席欲與仁人建必利之策俾淪胥之民永永賴之當復何辭因論工有先後失次遺利委有大小非人長奸募夫遠近匪招致人不齊食指繁多不厚儲工難繼至買米宜於何地付其事於何人堆積何所支銷何法此皆首事當經營者乃若下手動工日應度水勢之淺深察地形之高下臨機應

變務求河流歸海駛如建瓴蓋又一時不能轉目一步難委拙工者明公能安坐其處心計手指遲之數月之久乎吾知其不能也道尊所謂掌印官只好神用可謂知言由斯以談則明公之幫手當必有人僕亦不能株守而匏繫也偶聞清暇謾陳一得聊答雅意勤倦何時坐春風借箸按圖一一細論取裁可否期以殫竭未盡未盡

上李推府海口議

昨晤胥老先生始知議開海口者以興泰下河積水

不消欲多開出水之路為宣洩計此拯溺之上策士民之渴望也懼怵可言然來水之源與湔沒之故一則以湖堤減閘之水分流灌注於下河者太多一則以上河奸豪之家私開壩港直通下河者不少一則以伏暑之間大雨時行下河水加上河水騰湧交作在天雨者無可奈何矣在減閘者漕運所關保堤為重毋容別議矣其在私開壩港諸處惟借胥老先生威令嚴行築塞之亦一舉手之力無難者也獨開海口一節為工頗費要較之曩時二工不過十分之二

耳以三院主持於上列位公祖經畫贊襄其間其一
吹毛之力乎茲舉近訪并素所飮聞應該開濬者凡
數處呈上電覽一曰河埭場北三竈茅墩港一曰草
堰場鴨兒港一曰丁溪場馮家壩由范港濬至合洋
港此三處有道里近而勢下應開有道雖遠而路直
應開俱可洩水極稱利便至途次之遠邇河身之深
淺工力之難易必須覆勘方有證據始獲精詳是爲
目前禦災捍患之至計早行一日二州縣十萬生靈
早沾一日之恩若夫欲閉減水諸閘圖塞來源是不

知國家大計以蟬螻而撼泰山者也必不能矣欲強
開邵伯四十里新河引水從白塔河下江是不審遠
近大勢忘几席而求千里者也必不可矣議事之初
最嫌此等說話因無益害有益智愚之辨難易之等
少不諳地形者將不爲之一惑耶欲破羣疑復有膚
說夫曰開海口者非謂就海邊上開一口也乃爲水
之下海有故道或歲久湮塞或原開淺窄今日之議
從而挑濬深廣之或中間少有不通量開幾十丈相
接引導其水使之由近及遠去高就卑長流不住直

送之下海耳然水行之中有要害之處就地建閘以防畜洩以時啓閉計此處去海近則二三十里遠且七八十里許田卽其處強名之海口焉實爲行水放水之處耳豈如就湖堤鑿一口謂之減閘哉豈閘口外卽爲海洋勢相聯路哉非然也非然也昔者所疑已盡載姚院一疏與鄙文二篇不復贅區區山人今日之見亦管窺一斑聊以答下問萬一惟仁人更加研審的確見之施行庶詢謀僉同議皆石畫自無當時遠引至龍開河之錯悞勢旣便工易完二州縣田地可耕錢糧可辦仁人鴻澤當垂及百世矣

上胥道尊修學書

昨修學小啓輒冒尊威以朔日遙學諸生倉忙至舍曰今日胥太宗師問呈諸生無以應因出袖中呈稿賜觀予讀之曰風水壞處呈中不應說盡予當用呈中之意具啓通之蓋感我翁兩次面允之誠爲學校百年永利之舉且念前建立原無成心今改修復何避忌遂以謬說取裁哲人然其所指摘幾事堪輿言之諸生言之國人言之鄉士夫言之儒特博採代陳

之耳非敢用已見求勝人也荷蒙臺下嘉惠學校批呈到州查議且面諭諸生以慎重求昔何由盛今何由衰夫卽慎重一言已得改作要領矣使當時慎重如我翁下訪輿論稍待詢謀僉同而后舉之則何至有今日紛紛哉數日來諸生方在講求繪圖帖說以仰承德意復聞識者曰輒拆修恐於建立者有碍一說也又曰春闈報將近稍待如何一說也聞此二說遂令儒勇往之念轉爲疑懼之心他勿論只錫崖舒老先生在此四年惠政太多衆中與儒最相知相愛今去此幾何時也儒以其建立者倡言毀之豈厚道乎今故願我翁姑少緩復又思之學校之設苟理無所悖卽不中乃宜相因若制有所妨卽多中猶宜遷改况建立者原無意必今屢科鄉試不舉設使舒老先生在任亦應動心獨恨當時猶相知不深重違其意不能一吐其胸中請渠自爲更化也頃者蔡院公祖墮法未便得陳院公祖更張商竈始有頌聲蔡之心卽陳之心陳之美卽蔡之美也何嫌哉何嫌哉儒之前啓敢謂至虛至公實乍見孺子入井之意儒之

此議不免畏首畏尾欲圖存甘棠去後之思翁天日也儒之心思知能垂鑑儒之二議知能擇採其行其止其緩其急儒無毛髮膠固之私一惟台教是聽不任唐突媿悚之至

上李推府書

揚州府所屬歲該錢糧二十一萬有零而泰州興化獨居強半然二州縣歲所輸納出自下河出地者又十之九其地勢最低其田最下而高寶湖堤三十餘座減開之水盡注二州縣田地之中晝夜長流汪洋

瀰漫一遇天雨新水夾舊水如海連天若不多開海口則出水無門田地安能耕錢糧何所辦故海口之開萬有所利一無所害姚院一疏言之詳矣獨惜當時事多掣肘勘議未詳應開者未及詢謀止開丁溪白駒二舊口又各河挑濬苟且誠非一勞永逸之計蓋末水處既多出水處安得復少以此田地湮沒年復一年萬姓嗷嗷正望今日惟仁人留神地方加意博訪不惜鼎力早成海上百世之功萬民瞻仰

上李推府海口議書

昨見道尊始聞欲開海口之說此敝州數萬生靈所深願不可得者一方甦生應有望矣里人皆宰奉德意詢訪海上洪昨獲覩其大端似不負承委但其間應開處尚有遺其所議開上河復工力煩難道里迂遠至欲閉減水開一節尤不知此國運所關干係爲重萬萬難從據此槩申不獨事體不宜恐以難行者將廢其易行者失萬民仰望之意矣前辱下問惓惓少有見聞不敢不告

上李司理水道書

數日舉州士民聞仁臺疏水之意喜極生悲始而流既而鼓舞成有甦生之望儒亦悲喜中一人也少有見聞敢不敷陳以備採擇切念消積水以疏下流爲急疏下流以審地勢爲先地勢高則洩水難而爲力亦不易地勢下則洩水易而成功亦無難此二端蓋較然明著者本州地勢西南高爲上河凡五十三里東北下爲下河凡一百零七里該六萬五千錢糧內五萬取辦於下河田地其田地正當減開下流四面俱高中央獨下若釜形然減水一入屯聚其中所

恃以宣洩入海僅僅白駒丁溪二路每遇霖雨下水
加上水一望成湖更無別處宣洩故欲消積水以救
民困舍多開海口他無奇謀然必先審勘沿為地勢
低下利便處所或疏濬或增開方費少功多足稱永
利伏蒙憲臺上重國賦下軫民艱詢開海口務求形
勢低下誠石畫之計也茲據近訪并先時習聞凡數
處一河埭場草墩港一草偃場鴨兒港一丁溪場沙
河合洋港俱係低下俱可開濬者試先舉其大都本
州下河凡三路水亦三路會歸入海

路由窰頭

寧鄉至興化長堤出白駒口此為最近最下稱利便
者西一路由江門野營樊汊會歸興化長堤出白駒
口此則稍近稍下稱利便者東一路由孫家埭淤溪
秦潼西溪丁溪至馮家壩出龍開港此則稍遠稍高
亦稱利便者總計本州之水從白駒口入海者乃十
之七從丁溪口入海者特十之三今日欲疏之道察
地形求近丁溪者宜少求近白駒者宜多何也近白
駒地形漸下且近近丁溪地形漸高且遠故也欲開
海口興化宜多秦州宜少何也興化為秦水之下流

爲興化開卽所以爲泰州開也據所訪三處茅墩港
出河埭場而入海地勢最下爲本州東路至近應開
無疑但近場多係富竈田地恐其沮格須斷在必行
少酬田價自然無梗鴨兒港出草偃場而入海地勢
亦下爲本州中路并西路至近應開無疑且在本
地方人情亦願從樂開復何費力獨合洋港一路則出
丁溪場道里旣遠且形勢亦漸高而此處較稍下欲
避龍開港之盤旋曲折故取道於此引丁溪馮壩之
水從此宣洩乃以近就近不得已之計也使當時由

丁溪之上於河埭場茅墩大加工力則丁溪且不必
開矣况越四十里至馮家壩之遠乎出龍開港之難
乎土人之言或有的據可信乃若河身長短寬窄工
力遠近難易其間或故道可疏用或新路應接續與
夫河身淺深脈絡向背必委官踏勘畫圖帖說方得
其詳也儒於此復有懼焉曩開丁白二口費謀費力
不止一端夫此猶數百年來 口耳談者卽舊處談
之開者卽舊處開之尚反覆難迄今馮家壩一處
且有遺論今平白欲查議數處據一時之見成百世

之功脫或非宜誰任其責儒謂任人不可不擇計慮不可不詳而創始一議尤爲要緊要在熟講緩行方無後悔然事在求可謀貴虚心所委人員切勿膠固務多方博採期於有萬利無一害如三處俱稱利便可行併三處而用之可也如他處更簡易此有得難行併三處而用之亦可也烏可執已見拂輿情哉再照本州中西二路之水取興化長堤爲出路從白駒口入海當時該縣無此長堤泰水消落甚速後因河工肇起乘機圖便大費官銀高築長堤直抵高郵計一百餘里期固民田遂使本州積水屯聚去海不利不知一經安一臟損矣此與病隣之意相同合無行令該縣將長堤近縣一截多開數十餘口使泰水長流無阻方爲兩利其本州地方海安牙橋等處江都地方宜陵赤蓮港等處俱係上河爲來水之源此等處所盜開私通卽疏下流無用容另行申請嚴令築塞夫下流旣開上源復塞卽使天雨開水難保必無而宜洩有門會歸有路水患可消田地可耕錢糧可辦本州數萬生靈永永無魚鱉之患矣

舊美堂集 卷之八
上姜鹽院災傷書

海濱下郡昨得直指經過草木光華狐鼠竄伏地方
幸厚至矣儒癯服病軀未遂登龍之願猥蒙枉駕又
不獲道左逢迎憾也罪也傾聞憲臺眷然雅意在儒
復論敝州災傷惻然矜憐不一言而足夫儒衰憊之
年遭愛子之戚踰伏林莽禽視鳥息何足以辱天人
記存乃蓬蒿中得借一溫言百感生悲矣更念敝州
災傷由慢成殘仰荷台慈破觚越俗慨然軫恤其當
感且悲也奚啻一室云爾哉敝州苦水不登患且三

年與興寶誠何異蓋疆相比耕相偶患相連宜言
奏討同熙朝覃降同初夏里中喧喧曰蠲逋之恩何
無點滴餘膏霑洒及秦吁嗟乎一隅泣矣下不報上
不知籲天無從往者勿論已以今歲論之方春時積
水深丈未消雪浪如山望之如海其田得耕佈者僅
十之三四五六月間浹旬霖雨晝夜不休復將所種
三分者泮沒過半居廬蕩折矣卽室且無何言懸罄
疆場顛覆矣卽野且無何言青草闕闕苦狀如此固
宜典守者動心早聞之上幹旋康濟因以勝天茲聞

高阜如秦興稱災而敝州反不與吁嗟乎何秦民無緣又爾哉其故有難深言者猶未也敝州田地下河十居九每歲陸蕪

是春夏滄沒茲八月十一

等日注雨幾口 平地三尺瀾漫成河蕎屬絕望卽

禾穗僅存者又死在水中央矣夫存一得於萬失之中已不堪其苦乃一得者又不保其終惟天惠民何故至是姑不計民間養生送死只常賦將安辦嗷嗷萬口不知哭向何路倚向何人乃獨厯法臺之憂秦民甦生有幸哉敝州舊有殷富名數年無秋有稅公

和病徵鞭撻之聲不徹於耳所謂心頭肉剜却殆盡據此獨歸咎天地不仁又冤矣冤矣所仗法臺抗九鼎之力解一絲之懸措舉手之勞垂立命之澤福星照臨災沴無不消矣嘉祐云只有同時驄馬客偏題尺牘問窮愁豈虛語耶惟不以儒言爲越俎代庖選委廉能將敝州下河一帶通行踏看不必細辯禾穗稀稠只以有無爲證有者作熟無者作災一望之間昭然難掩儒且願克一亭下老人爲之導引左右又望多方採訪百里所以蕭條其飲恨吞聲近在則

拋荒之數與致貧之故可坐牧萬里之明海上百萬
生靈衽席有地矣儒生平宦拙罷廢來不敢通一字
當津愛一毛子一事惟桑梓痛苦愀然不能置懷遂
瞿瞿然日抱漆室女之私憂因冀薄田得早題亦可
稍蠲升斗且欲長林茂樹親知坐談間無拊心之語
感額之事污穢清化填塞不寬之胸卽老死牖下固
太平之編氓也快之至也願之至也是用哀鳴仁人
之前以仰答勤懇之間冒瀆霜嚴臨紙伏悚

與陳學師書

人情不平之爭猶兵家之於敵量可而進否則姑讓
而退以收後功不求必勝以自取覆師失將是善料
敵者也君子之爭也亦然外度乎人內反乎己因而
審幾斯忿銷而辱遠矣彼一味求進不知少退者其
將何恃耶恃己之財財不勝義必困恃人之助理不
直而助之者將解其卒何所恃耶今日某某之爭正
此之謂也非某一以理勝而無所屈也以某之爭勝
里中非一端矣其歲歲招尤取辱非一事矣卽某坐
弱之一失較某用強之屢失則鄉評月旦寧不有向

背輕重耶僕昨以通學在顧寒茅曰將陳師之命故
不揣均其失於二家併深望於師長兩全之誠發謀
於乃心兼採乎公論非偏聽而謾爲漆室女之倚柱
也乃某者謂僕本無是意聽信一生嗟夫寃矣此事
外別有施交手本僕謂傷風敗化之甚遂以西園主
人之故委曲處之期以扶世教正人倫於某不爲不
厚私謂某之父與兄必且知感乃其兄又曰本無是
事造謀一人嗟夫又寃矣借令聽信造謀之事有之
則一生者固訟師耶僕固私言訟師而爲逋逃主耶
何其更不一思眼底無人若是母乃不自料復不料
人必欲爲有進無退之師耶僕雖老猶能明目張膽
臨敵一陣如其不然銜璧面縛且自甘心不肯歸其
咎於一人令朱亥怨侯生也先生章教海邦猶孫吳
坐將壇指揮十萬之衆誰不服憎請獨立牙旗之下
喚某與之言曰此宜進此宜退宜進而不進無功宜
退而不退無功不獨於某獲師貞之吉且於僕有恤
鄰之仁矣一言勝萬乘師先生非收其全功者哉臨
楮惓切

上總院江年兄災傷書

當憲節始蒞淮陰弟喜二天之庇矢心不欲以私囑獨念敝州頻年災傷閭閻蕭條十分愁苦欲爲仁人一面陳鄙心極切隨以次見不救卽一家且不保又何暇顧桑梓中萬姓也茲襄事甫畢重以時艱日增歲益杞人之憂有屢欲鉗口不能自禁者敢冒昧爲法臺陳之敝州方輿百六十里每歲額糧六萬七千有零蓋已占該府三分之一一州田地下河居多而額糧下河則居十之九是下者上關國計下係民生

至重且急也自隆慶三年河決寶應因循不治冉冉至萬曆二年來由邵伯而下不分疆理高下幾萬良田盡成湖海而敝州較他且加數倍焉何也蓋鹽城之水有興化可注興化之水有敝州可注敝州之水則由北抵減瀰漫停蓄更無疏通處所雖返流歸海而道遠行遲其所謂海口者亦望洋中一針孔耳此敝州連年田疇禾稼緣水成災真在興寶山鹽之上固神明可鑒者也宜熙朝蠲逋之恩首及吾秦乃夏初見邸報但云某處某年停徵某處某年全免敝州

則兩無焉致使奉法之吏旦夕鞭敲剝膚提髓顛天
無路夫上澤壅下政拙勢也柰何於時弟駭盼伏思
窮其故不得乃長吁曰豈百姓之莫告有司之不聞
因致曠蕩之仁有遺歟不然敝州與興化比疆而耕
同年受害一在社席之上二不免溝壑之中苦樂若
此懸殊何也弟故嘗解諸里中曰患自下達斯惠從
上流其責不在下哉夫事在既往勿論已迨今年隄
堰雖築積水未銷加以五六月間霖雨浹旬總計一
州田地僅者不及十之二三而滄者又過三之一衣裝

爲田典賣且竭矣而度日卒歲謀竟無成室廬爲水
漂蕩且屢矣而變產輸官計將安出方臨流浩嘆間
忽聞查災官至百里士民且悲且喜謂仁人垂手欲
援將顛連有告矣何期委官入境官吏遲違接乏其
人處非其地自失迎賓之禮遂乖恤憐之仁以此身
未經眼未到更不開具踏看分數坐落地方漫然回
文卒使痛苦如敝州不得預題請之數嗟乎天雨地
水歲事交傷所恃者總臺之覆載也公聽並觀幽隱
畢達所恃者遣官之巡省也今委官以迎接之故致

令一方之苦鬱而不伸悲夫泰民何數奇遇窮往往如此先時道路傳宣云秦州災傷撫院不信不肯入疏豈敵州生靈非撫綏中赤子歟目有所不見耳有所不聞宜翁國計是先斯亦未見羊之義也弟故又解諸里中曰恩將上覃乃不主聞其責不在下哉此其害在剝牀可恨也且茲八月中秋前復注雨三日夜不休平臯蕎麥荳穀盡行沍爛下河水添三尺復將禾穗絕無僅有者滄沒入水百不一存夫夏雨損方插之苗天既奪吾民入釜之粟矣秋雨傷已成之

稼天又奪吾民到口之食矣嗟乎耕不盡其地斂又無其禾卽今大水森茫無天無地蓋不但曰一片揚州五湖白而已可不謂之災傷也且拋荒滄沒二者成災姑不論細民試舉鄉官一二有力者故侍郎沈某一家計田五十頃以水不得種者四十有二矣其八頃已熟盡滄不收知府王某一家計田十五頃以水不得種者十有一矣其四頃方種盡滄不收知縣陳某一家計田五十頃以水不得種者四十有五矣其五頃已熟盡滄不收不肖如儒一家計田四十頃

以水不得種者三十有三畝其七頃已熟盡澆不收
夫鄉官卽窮在里中猶稱有力人也亦且如此其他
可知矣然則敝州在今歲謂之全災也亦宜乃以下
不報上不知遂不得與高舉之泰輿並寃哉寃哉昨
蒙鹽院姜公祖慨然矜憐復弟書曰貴州災傷誠不
減豐寶水連一派是生所親見而痛心者夫妻老先
生所見特客歲積水澆沒者爾猶且痛心使見六月
雨之澆沒又見八月雨之澆沒其痛心又何如耶姜
老先生之所痛心特以所見十中之一二爾使翁盡

見新與舊之拋荒水與雨之澆沒其爲痛心又何如
耶語曰失之東隅收之桑榆蓋言圖不早望在晚也
敝州災傷雖偶遺於報災題請之日尚有微於勘明
奏覆之時以人勝天秉鈞爲國使敝州百萬之衆絕
紐得續死灰復燃特在翁一秉筆間耳不知我翁肯
賜相信掛名疏內否乎天下事特患不真事苟真矣
卽前題無此一方後以此一方附入在理與法似不
相違何也災有後先蠲無彼此也况以翁碩德鉅望
實心爲民抑何言不荷聖明之俞允哉弟賤且疎一

山中人耳何當爲不恤緯之事干官尊嚴自取罪戾然又念之出位于政雖非山人所宜而隨例告災則人人可得而行之者弟之爲是也非干政也乃告災也處一屢爲災之地值萬姓倒懸之時倚兄弟之舊盟希公祖之新澤災傷不言復何言也弟如不言又誰言也免鄉人之交責冀薄田之少蠲使頽齡垂盡之人得安枕飽飯於海上均係茲一舉惟台慈採而見之施行不任懇禱

上丁文之村書

敝州下河田地歲該稅糧五萬八千西北與高寶連疆東北與興化接壤地勢同被水何異而拯溺覃恩宜均之也乃題請永折敝州不及豈謂敝州去隄稍遠先從其近者而後圖其遠者耶又豈謂加敝州累高寶先嘗以急者而後徐售以緩者耶不知水來傷稼不分近遠被水成災何言緩急此海濱十萬生靈引領仁臺願手足腹心一體視之而已敝州糧重災頻竊聞達觀者未肯深信豈得於目所覩而失於目所未覩耶自揚之灣頭至敝州長亘百里乃沿河歲

有善堂集 卷之八
熟田江都已占八十有五里從斗門界至州南門始
爲本州地僅十五里有奇使者舟行河上見春苗被
野秋穀盈疇往往爲民歡喜然扯江都八十五里常
熟之地指爲秦田是賈虛名而受實禍據十五里頗
熟之地遂謂下河水中六萬糧田皆熟是謂以其小
者信其大者夫目所得覩者且徒冒其名則身所未
經者復何覈其實是宜告災致疑施仁不與斥滷之
墟負屈茹苦非一日矣蓋士夫塞耳不聞地方縮頸
不告致成此悞不遇仁人何敢垂涕泣而道之耶今

管得其詳在一踏勘合毋委官沿丘履畝逐一清查
則收穫多寡湮沒輕重與壤同患同虛實自燭照而
數計矣歲時稔而謬稱荒圖免起運謂之上欺朝廷
不忠水有等而詭言同輒作連壤謂之下欺官府不
實不忠不實甘爲叛悖之民不祥卽少有知者且不
敢况安田里知分義如吾輩者肯吠形吠聲漫然談
之自奸王化耶惟仁臺精心委曲殫力扶持卽永折
祈請不能並舉於今尚可補備於後斯覆盆之照徹
向隅之泣收頌德頌功七井之民無異三州縣之民

矣如謂吾輩之多言也爲杞國人之憂天爲漆室女之倚柱則不肖儒者非門下之罪人哉

上王太岳災傷書

明臺積勞不卹至玉體違和所謂貌瘦而天下肥者因忘隨念以慰十萬家祈禱之勤佇俟佇俟頃聞明臺懼水至決隄蘇近隄州縣題請永折患未至而圖之早覃恩渥矣第敝州與三州縣接境壤土鱗次受水不異覃恩顧殊將爲敝州有隄能阻水耶夫滿則溢流則通敝州六萬稅糧出土無一葦高岸與三州

牆限隔而水性不平不止謂三方田可沒一方可存恐無是事何也地勢同而水無擇也卽今歲被災敝州較三州縣爲甚可睹已萬姓洶洶謂吾輩不出一言坐視不知尸祝代庖出位有咎也雖然爲魚之患行將與里閭共之又烏能默然已耶如泗水果來湖隄果決將千里之地一槩無承恩日當歲歲蠲之有不止永折而已者蓋養生送死民間所籍恃有田在田被水沈則野無青草室如懸磬資用安出卽折亦不能辦矣况敝州折且不及何能不呼天訴之僕故

謂厚築長隄多開水口令水北入海南入江不以田
爲壑四州縣歲熟年登治本之說也上也倘修築未
完時或一決暫行改折必四州縣同之治標之說也
不得已也不然屢決屢折終至瘠國得此遺彼不免
向隅伏惟仁臺收萬全於桑榆慰一方倒懸切望

與薊遼曹撫臺書

儒後進也景行先達久願依歸茲並荷新恩得待同
朝夙心良慰何期東方保障暫假干城威懾德綏固
知疆圉日就寧謐而典刑漸遠矩矱難追如小子顧
瞻何哉儒斥逐海濱沈淪阡陌卽舊業放失無存矧
云新聞新見乃欲巍然爲畿輔師陋矣陋矣覩太山
而漸蚊負將無同乎恃在知已門墻何以開示俾免
曠繆萬一也

與兩淮孫鹽臺書

考察冊借重霜臺鑑識衡評淑慝允稱所以定國是
而啓愚蒙者裨益何有涯也再奉教言足併虛懷朗
見蘇窮商以餘潤厲俗吏以堅操豈獨不肖儒受知
已之愛已耶感悅何能有已儒長淮山澤之夫久廢

文墨輒承乏得代役惺菴公真形過鏡而照窮物勝
權而衡殆矣恃子民昆弟之誼何以開示俾免曠繆
臨風顛仰

與江西蘇按臺書

伏觀旌別江藩文用不但鑑衡無爽而且詞彩煥發
披閱爛然公可謂百里爲瞻三長獨擅矣吏治文學
西臺將兩讓焉儒鄙人海上明農消磨歲月非道書
爲把則豐草爲席蓋瞽者無與乎文章之觀今且十
載矣矧時局日新又烏能以老眼辨之茲者督學乏
人儒以資當代雖伏櫪之馬尚不忘千里之懷
吹之詳將未免南郭之逃矣自知蚊負終罹犢憂情
在纜轡故墟肯一洒餘潤以慰炎蒸之渴否

與湖廣孫方伯書

十載分襟回首猶昔世途險易宦轍升沈蓋不知翻
覆幾遭矣無緣聚首一劇言之夢寐爲勞瞻企耿耿
忽辱手翰飛錫開函伸紙依然面談人品才猷朋輩
中如兄指不多屈乃冲然自退情見乎詞則謙尊而
光又宜當路挽留之專也弟明農長淮窺首伏處永

與市朝絕寵荷新命再獲濫竽西臺自度綿才于世教何補頃以資暫代惺菴之役冷心堅臥舊業塵擲事多芻狗復欲借朦瞽辨華袞之觀不稱甚矣桑梓之痛昆季之誼仰止開示兩有厚望焉

與孫按臺書

茶城暫待春風卽荷披拂促膝數語遠占蘊籍之深令人歛衽不及乃者伏讀考察文冊不惟妍媸如見卽美如西子亦不稍貸其不潔之蒙如公朗見可謂直數秋毫者矣且文彩翩翩不爲時俗套語美詞逼

冠玉勁筆凌劔芒公所貯蓄何富施措何雄矣哉若峽臺中每對青田兄嘖嘖不置則又恨茶城邂逅何不挽舟信宿以盡窺公之底也悔無及矣南使北來復辱武試大錄見教時閱冊疲冗之劇寢食幾廢常姑不敢發函紳紙以觀宗廟百官之富惟謹藏笥中以俟竣事展玩且私料吐詞垂訓勒之梓人應必有鳴鳳鸞躍龍虎者錯落其間異日觀之其所嘖嘖恐又不止文冊一斑已耳

與馬按臺書

有業堂集 卷之八
三
儒長淮耕叟也自甘山澤之癯與世隔絕卽戚里不相聞知任苒五載况望附雲霄之路再參清班貽辱臺之恥哉乃者濫荷新恩復得廁名桓典之後揣分踰涯日惟惶悚茲承乏復代役惺菴公以朽株摧木雖嗚春融液不復光榮卽生意僅存識者且棄爲凡材弗顧矣豈期出星火於寒灰覩螢光於腐草仍濫竽文柄之司焉人將謂何矧時製日新畿輔多材非老眼所能窺測當伏櫪之日爲千里之懷直可啞然一嘆已耳

與溫中丞書

別來兩奉手狀眷然顧盼知非泛愛可同感載曷其有已弟山澤庸夫忘情當時之務久矣頃者再忝西臺力旣疲於監試之勤心復瘁於閱冊之苦兩役甫畢行將檢點考校諸生譬之駑馬原非千里之材當軸者不察顧委以重任弗憫其勞不至皮銷骨立不止也第計翁秉政在初注措訖猷當必度越常格耳聞不如目見之真爲是出巡首事真定蓋冀覲休光而資大教云耳擬來月初旬可伏聽撫臺之下忻忭

何如

復董太僕右海書

伏讀佳刻模寫物態商確人情而詞采翩翩所謂靡
景春華爛然盈帙真把玩不能釋手儒嘗於三吳作
者雅尚荆川今聞茲編根極要領不相伯仲至鎔意
鑄詞出斬截於鋪張揚厲之間殆又過之矣叙謂德
業氣節文章三者先生兼之豈誣我耶小恙扃門不
能躬謝大教專此代面

與朱民部書

儒本以逐臣兼多遣行永宜奉首窺伏丘墟顧冒
恩復叨舊職自入都城羸質疲於奔走綿才窮於服
役監試督冊相繼苟完旣倖免債轅之恥茲緣歲考
卽日出巡先趨真定夫以長淮耕叟年遇始衰而時
局日新乃欲假老眼物色將未免掛一漏萬混瓊瑰
於砒砒之中矧躬行未能口耳爲資其何能風動八
郡爲都士人先哉有南威之容乃可以論於淑媛有
龍淵之利始可以議於斷割今以匹夫之思而求應
風雅謬矣悖矣竊又念美盛相須以傳後進之士未

嘗不仰籍先達以爲標準而先達者亦或引後進以發攄其所不盡之藏是八閩風猷成憲具在所恃開矇瞽之明以與文章之觀者有翁在也况愛欲爲助如儒者久在甄陶下耶不恡垂示俾無後艱則希沃若而中疲與氣弱宗而每竭者兩無懼矣

與楊憲副彬菴書

弟竄伏清淮之濱永與人世相棄頃者叨蒙曠庇再列西臺真朽株復榮宜何如竭駑駘以圖稱塞顧自抵京靡質漸疲綿才益薄五湖短棹則又憐然往興

矣何期考察在役督學旋膺王事一埤痛苦兼之見頽然連蹇自知蚤負不免犢憂正念知己如明公不獲朝夕依歸以幸無過忽手教珍錫遠自天來懷高誼之如新惋締交之在目翻思道義素愛不克先施媿與感並刻下出巡首事真定彬彬人士希世璠璣乃欲以庸眼辨之懼相顧錯愕者趾相接也混瓊瑰爲砒砒指狼莠爲嘉穀其能逃老馬爲駒之誚耶相知何以開示

與朱中丞龍岡書

奉違溫儼不說同年世路升沈宦途通塞維弟與兄
固不料枯榮並遭翻覆乃爾頃者再濫西臺每媿入
都之遲不獲蚤爲國家首推吾老丈旣以東西失事
天子思材遂奮然力舉海內名賢特借高明增光短
疏此雖區區懷舊之勤要之公聽並觀弟固不得而
私之也適辱書問高誼眷然增愧增感弟刻下有真
定之役行李載門老馬爲駒不顧其後弟之謂矣

與洪芳洲書

儒伏處蓬蒿知有所謂芳洲洪翁者懸辨物之朗識
襟約已之孤標絲枿羣嫌鑑空一世每降心讐服舊
矣比台駕去南都輒荷腆儀駢及垂優澤於慎與齒
編氓於縉紳若有取於不肖儒者非左右爲之先容
何悞蒙獎進如此哉倍深感戢恨未由一接教語因
以附慇勤企慕之私自分此生不復一吐積素於知
已矣乃者寵承新命監吹西臺翹首旌車內移庶得
披下風飽清聽矜矜然日夕延佇以瞻溫儼監試役
畢讀邸報始知翁借重留都愕然以駭豈謂天下財
力竭矣將柄用於北姑試之南如鍾陽馬翁者耶第

十五夢想暫又南北支離淺薄無緣如此正爾徘徊
忽辱錦裁珍錫交函伸紙莊閱數過何文彩之鉅麗
而德意之綢繆也神交千里猶得假以言通又望外
之殊幸矣國家窮縮知必遠有訐猶想一籌各綽有
餘裕白下山水秀情境豁如且彬彬多嚮往之士
如翁者又斯文之指南也率心得以興起一方非翁
之任而誰任歟振魯鐸之芳聲餘潤所敷將汪洋斥
澗之墟矣

與陳巡撫書

明公負海內清望邊陲多警特借紆猷自榮任迄
凡幾閱月刷沿習之風蠹振揚厲之新聲布德宣威
俾秋防不肅而靖固知老成開濟預有籌咨辱愛如
儒久盱而望之矣忽拜錦裁珍錫媿與感兼且中獎
進之詞不一而足豈愛在園檀罔知維禱之爲不可
耶儒實棄材冒恩復出考察役畢卽校士恒陽方擬
竭綿力挽頽風期不負我知己詎意席未及暖新命
再下庸劣無可比數如儒者乃巍然忝入班行真惶
措無地自此終局閒心恐無以效尺寸於明時矣惟

是扁戶自守聞與一二相知探性求心稍尋本來面目雖上乘之事不敢闖其門墻庶幾爲攝伏心身之一助耳愛我如翁更所有以教之

與姜撫臺蒙泉書

儒被廢窮棲山谷竄伏丘隴以畢此生詎意新恩波及斥鹵覲焉就列期效尺寸於明時而綿薄之才他無樹立惟是樂道人善罔避親讐卽喋喋不自厭止豈真誠一念得之天性然耶翁以凝毅之操汪濊之澤神明可質陬壤不遺儒日切傍窺諗知有據廼坐

視清修奇節經世長才不售於時將能安平用是每發不平之懷肆爲多口之辨不欲白壁毛髮蒙塵蓋曰此心不負卽利害當共之矣何期任事者素有鑒採兼是狂愚遂令薦賢之明誤歸小子儒瞿瞿山澤人也烏能爲天下薦賢哉矧海內芳聲巍然屬翁舊矣翁何過聽人言德儒之左也其亦久要不忘之義遂信儒終不負翁也歟益增悚赧儒年近衰遲行能無可比數固翁所知自抵都奔走不給颯然摧靡回視曩時意氣浩宕殆盡近荷台庇僥倖轉官自媿濫

吹殊同南郭只聽冷局灰心無以駟門下國士之期
矣便間更祈有以教之

與梁鳴泉年丈書

弟嘗聞稀世之寶人所共珍不論知與不知卽有聞
焉鮮不躍然誇詡喜動顏色蓋高價齊乎衆品芳譽
協之輿情素所取信者然也矧人材關諸治忽不啻
明月夜元爲世所寶此其章美隱見直曰一物之售
與不售已耶邇者邊陲不備烽火時聞當宁者方博
搜海內長駕遠馭之材馳驅疆圉爲西北屏衛得一

上焉罔不嗚然視如拱璧以爲是足以稱稀世而信
人人矣明公以瓊瑰之器璀璨之英曠然寡儔爲海
內博搜者所鑒別卽欲斂采自秘識者且多方羅致
加意愛護陳之王庭復何假于工人哉明公過聽德
儒蓋亦悞矣

與鄭樂軒書

奉別踰年詹佇笑言忽忽如昨以兄道誼至愛白首
如新蓋交遊中誠所謂知己者卽一日且不可遠矧
川原伊阻歲月邁矣乎夢想爲夢無由縮地爲恨

儒本窮棲山公。意市朝冒沾新恩擬一觀光上都
卽返故廬爲五湖烟水許冗緣賤役馳逐未休考察
甫完遂校士恒陽將事竣短疏求去何期閱卷幾半
復叨濤轉卽欲浩然南往無以爲辭公餘清夜捫心
思之世味猶濃醴然飲之而甘雖心却之手不能歇
非醑酢爲歸弗止也弟也將何時樊籠之逸丘園之
逃耶兄固知儒必不以儒言爲僞也昨聞門下陪貢
金陵喜歲薦有待南畝生事應不厭督率之勞吾輩
家食惟此於義命爲安否則辭受取予之關蕩然矣

頃見號爲衣冠者流篋視乎此卽其貪穢市井不
夫旣不能樹綱常之大節矣迺復小義利之辨蚩蚩
然冒昧爲之若以爲當然嗟夫是可以爲當然乎哉
服兄高致動準古人漫爾縷縷請正臨風百不盡一

與唐龍渠

古所謂豪傑之士進罔移於榮寵處不差乎鄙賤凡
以勤其業率其常至凌邁超等師表百世固自有在
迹不得而囿焉是故渭濱之釣歷山之耕魚鹽之鬻
市肆之利古。以其身嘗試其問蓋曰製衣無寒

再食不饑所以吾禮義廉恥之心而發吾經綸康濟之猷者俱於是在不如是則叩門無辭捫腹自斃士之垂榮名樹休德巍然屹然於羣類者寧獨遠於人情也哉弟於遠五年交遊取與之間污穢與否何能逃兄朗鑒獨明農一節卽日夕胼胝不以爲非亦以事育之常旣不能折膝仰面於人而朝饔夕飧又不能如蚓食壤飲泉相忘乎世遂不自惜躬稼南畝每與風雨相親亦庶幾窮也可自立已耳比再占官籍竊見於官常亦稍有裨蓋官卑秩末崇祿薄用難

稽察乎內必須乎外恒情皆然甚至臨取予而沾濡通名字以請託皆足以毀名覆節自潰其禮義之防要其然勢非獲已由此言之耕殖鄙事也其所關於官箴者似亦非細吾丈今以鴻漸之翼困於燕雀然英詞潤金石高義薄雲天綺合星稠晦養深矣行將一舉千里登庸于時家食之謀應有預待不審謀道之暇能一究心否弟謂義無所誦分所可求商也賈也工也猶之農也兼通其藝先立乎大可謂士矣兄將以爲然乎白 貢貨殖而後世需者始以治生爲

諱彼自以不冷 爲高不知饑寒至而力不禁鄙亦
甚矣弟固爲斯人發一喙也家僮回正與舍親畫經
商什一之事是弟也則仕而農而商焉者也可鄙也
高明何以教之種種兒女子之私不能多譚希鑒察

戴奎泉書

弟自幼至壯行能無可比數垂老欲稍闕道術以追
往愆蓋以王林二師導清源於前韓王諸公振芳塵
於後兄復以明粹果毅與龍渠諸君子潤色盛美嗣
響徽音卽違慕如儒不敢操戈于有道之室與世人

同聲嗤鄙謂學爲利囿蓋曰將終身焉可也比入都
城初志益銳隨以風塵奔走卽茹食啜飲狼狽失常
况瞑目靜坐使心息相依爲太公順應地哉此猶窘
於時未暇也旣聞之君子長者曰某學以謀利某學
以謀官閔然囂然視吾黨如鬼魅難狀怵惕反側恐
影響不幽此猶聞諸人未覩也徐以其所指者察之
果然又以其所未指者察之亦然弟遂以未究之識
不根之力搖動於曉曉間私謂學之壞人如此因灰
心絕口惟公 文清公粹言讀之見其切近有味

種種皆對瘡痍。以祈免尤悔於遠邇所指某某者不能日遺諸胸中近復恍然曰千古聖賢相傳惟此一脈學何曾壞人乃人壞其學耳可憾也試使力學之士有如吾鄉上之而王焉林焉下之而韓焉王焉則興起振拔人已兩益所以綿延絕緒有德於斯文亦宏遠矣卽議者且將降心而伏焉况不肖如儒復何所容其喙哉儒之暫開復蔽方信忽疑蓋亦不能自信吾心因人疑而遂疑之焉耳近轉官棘寺就此冷局每有閒心行且從事舊業以求所謂心息相依將以措諸經常倫理辭受取與之實恨又不得明果毅如兄與龍渠諸君子日周旋焉以破弟有種之疑北望長淮益深悵惘何時解綬南下開扁舟之虛敞依故山以盤桓相與夙夜探玄微窮味斯道以畢此生幸莫大矣臨楮詹馳

與劉平湖妹丈

十年纒纒一歲分攜回首停雲詹言千里論文對酒相知話笑之夕得母伊人之感乎儒以孤棲窺身聲壠再披天日詩簪裾本擬望闕致詞委綬而去何

期樊籠一入網，爲難清夜捫心應。不免海鷗之
孤山鹿之伴，况相親如吾平湖者哉。儒昨以臺臣獲
叨勅命，洪恩下及先君於重泉，贈如儒官，望已踰涯
矣。乃今復以棘寺之祿，冒崇典於東宮，一歲之間，兩
荷寵賚，乘以緇薄，兢兢弗禁，卽欲歸拜慈闈而國恩
未盡，並深惶恐。相知如平流，何以教我，俾上不負恩
於朝廷，下不違養於桑梓，仰想真切，茲賚勅命南歸，
以彰君賜，其焚黃儀節，一家兄及小兒子俱未知，懇
望高明，曲垂指示，蓋禮義由之，賢者况又親在骨肉
間也。臨楮惓惓。

與溫少谷中丞

昨聚首都城，倏間未獲細語，論心別去，緬懷耿耿，
何益恭惟老丈風裁峻烈，巍然衆先弟也。疎庸每降
心媿服，舊矣邇聞駐節姑蘇，步全陝之徽猷，沃三吳
之膏澤，百年釐革，坐見成功，定知餘潤遠延，當不限
長江一帶水矣。儒托庇校藝伊始，薄轉旋膺搦分捫
心，何勝慚懼，雖灰然冷局，俛焉南郭之安，而夢落清
淮，則依然五，一、想有不可解者矣。知愛如兄，何以

教之免進退。不任厚望

與羅斗塘年丈書

十年濶別夢想爲勞都門一晤擬再面承傾倒迺遂以職事校藝恒陽倥偬而去欲如西臺辦事之暇與仙里叙之握手論心渺不可得矣何人生聚會之難分攜之易乃爾耶弟結才薄力兄所素知再荷新恩本宜一瞻天顏輒求遠引今不卽自止復承乏冒轉官階譬之蚊蚋負山累且日重矣相知如吾老丈何以開示俾追後艱臨風不任仰想

與韓月川

儒極不肖辱侍臺中朝夕祇奉步趨開示觀省之深有不待言而喻者無何別去悵惘可言初擬校士恒陽旌節相過正可面承肯綮念乃遙歸神速攀住無緣益深惶悚計此時駐武林渡錢塘遠巡金處風聲所至膏澤弘敷不但海波不揚已耳弟昨叨轉冷局無能勉效尺寸稍想明時清夜捫心何勝慚赧

與同年劉應谷書

儒自分逐臣。落長淮不復光觀人世久矣昨以

新恩復還舊一 正顛蹟之未豎思故逸之難羈一
觀光投珮而返迺承人乏遂忝班行何期校士恒陽
會不浹旬再叨薄轉虎冠冒西臺之辱濫吹懷南郭
之逃方切悚激輒荷瑤函下賁錦帙先施而中獎借
之詞德意綢繆文采鉅麗蓋昔人所謂一言之譽東
陵可侔于西山者也弟何能當之洪都人來備聞惠
政詩猷高邁流俗匝以歲月殆經緯翩然成章復念
弟識晚才疏不能早爲此方更置其人使枯槁之民
速沾潤澤恐台座不能久虛內召旦夕且至則緬仰
前事又曠焉退縮之差矣

與李目山書

儒昨迷方淪誤伐木清溪之涓辱我知已顧盼勤渠
無一市里寒暄態旣測高月襟量卓越鮮伍復跡安
貧守義之素坦坦瞿瞿心切嚮往焉倏邇分襟語笑
隔絕旅寓清暇每廻首長橋之西則宛然晤對也弟
駁劣永宜擯斥清朝詎意新命駢膺一歲之中不惟
薄轉官階復獲兩叨恩錫俾臣子區區一
天卽蠲糜何一 鼎塞用是五湖素性維一
仰戴如一 忘烟水一

有言
之躄而致身七。則還棹尚未有期矣。蚊負深
懷犢憂相變十。何以昭垂俾免曠繹於一。臨楮依
依

與兩淮李

世道紆回人情反覆每接槎客劇談時事見人人殊
世道之難言知矣高者抗而自峻無補於時下者又
淪而爲回不克表其吾文周旋津地堅白自樹而復
不忤以協羣心此弟之所難而將不免焉者也

舊業堂集卷之八

終



舊業堂集卷之九

吳陵凌儒真卿甫著


文書五十三首

與潘雨田書

昨旌車入覲時禁方嚴儒復以供役遠嫌不獲朝夕
溫儼兼申菽水之敬比竣事輒校士恒陽匆卒告行
百不一展別後自悔明微太過遂致孔邇之憂孤睽
不通豈內省不足故引而避之不得不然如此方馳

壻 孫

袁世科應與
凌似祖無念甫訂



驅東路席未及煖卽僥倖轉官且遷東宮覃恩再獲
以今官光賁存歿具仗休庇冒踰分涯誠感激莫知
所爲措也口傳使節還州斥鹵之墟暫得借寇三年
有成固知扶杖往觀喜色相告者殆百六十里矣豈
但竹馬懽迎已哉儒近就冷局稍有閒心將扃戶公
餘以求習靜京塵碌碌夢寐其中殊不自知今幸暇
而寤焉方厝卽乎新不敢悅乎故矣辱愛如明公有
尊親之誼何以開示俾稍適罪愆不勝注想茲緣小
俚賚登極勅命南歸舉焚黃之典肅此奉候盛典出
之君上而成禮假之明公委曲以光重泉備蓋有厚
望矣

與梅翁胡先生書

屢詢宦游過武林者知首禮洞嘉日向平復竊爲兩
浙三吳地方深竹海上多事非天爲生民計默眷吾
翁於栽培中江南未可一夕安枕也溫台餘孽蕩平
廟灣零賊遁伏卽今遠邇晏然吾翁妙算有成同事
地方者叨籍休庇多矣人知吾翁臥收全勝之功而
不知神運心遊於東西南北之區未能終夜帖席豈

非所謂良工心獨苦者耶弟昨得淮揚之報知入夏後旱魃相仍斗米一錢人心嗷嗷莫知生計所出大軍之後加以凶年天於吾民何乃重困如此撫綏安全拯救焚溺將無邀惠於翁哉蓋桑梓之望也某傳食將趨蓬萊以際岩公霜節臨溫而某卽踵其後懼師旅方解供給不堪姑從由平紹而台溫庸以少緩地方之奔走耳某庸劣循襲是事了此常規濫竽之憂深切自訟其有過謬得聞清聽者望我翁一一摘而教之

與徐臺石中丞書

都城匆卒別去濶懷日積不在瞻馳正擬渡江專遣稍布所私忽得抵報驚聞僊帆將下錦江矣宦轍風萍上下浮沈跡本無定又何以掛高明之胸次耶顧聞年伯母背世苦節盛年正宜遐受乃遽有此不獲少須以膺吾丈大祿大養惟此爲慶日之心有所傷耳雖然命也天也當柰之何昨奉吾台翁書知歸途必經武林方在整束以迎高駕辱手教恣至卽欲匍匐未能數年夔雅值此離合死生乃不獲將一束

之敬罪何可言謹用命遣官爲從者過山計當不煩
尊念矣弟碌碌茲方日恥傳食兼以江鄉後患旱魃
天人交傷卽日夜謀歸不得且宦中滋味亦只如斯
此時不去將不免爲故園風月所笑矣兄之擊弟之
事也以是鬱鬱公署惟時仰天一浩嘆焉萬一役完
決意放情烟水之濱惟其戶過又何不可此意惟可
與兄道之兄夙負奇材况多雅致當不營營是官惟
謫然於得喪之故歸以襄大故而課幼兒閉門空山
自爲養生之計此外無可顧慮也特愛縷縷

與李克翁公祖書

別去尊教未幾卽聞倭奴竊發已而之武林告急者
日凡一二至遠邇洶洶將謂不免雖有識者亦以爲
備兵之少憂之甚計頗定亦數數以口舌爲臺下爭
蓋亦信我翁有制之兵運籌素具有不戰戰必勝焉
耳旣果旋獲蕩平三吳兩浙用兵以來未有如此奏
功之大豈天爲江鄉百萬生靈作福故得借重我翁
大手如此功在社稷澤在淮揚當累世不磨矣久擬
爲地方一申謝又以桑梓之故迹涉嫌疑不敢專遣

復辱手教遠惠增感增罪如何

與蔡可翁老師書

武林抵任後三奉手教寵承德意一一拜嘉將尊命是循不敢虛負門生庸劣濫竽三吳兩浙之間傳食多方一無建樹典刑復遠不能卽事步趨少追迷謬翻思曩叨屬僚之末動遭紕紕未布休美而致之豐民益減數十倍用是蚤夜驚惕懼無以稱塞明命重孤我翁培植盛心罪死媿死掖顛越以圖桑榆之收日延佇良誨諄切懇望懇望金華推陳子貴鄉雋才也

清操懿政爲諸郡邑先門生亦竊嘆有弗及渠
行取懼寡援無以自進賴先輩特達者吹噓諒肯俯賜一言之惠蓋亦恃明公愛惜人才夙心兼以桑梓之誼故敢爲先容如此

與金對峰中丞書

會城奉教無何輒成違去瞻言睟面每起遐思伏惟吾丈暫爾歸與朝對親筵夕課兒讀俛仰自得兼覽物外之遊知逸豫高懷當與湖山並盛也矧區區之恙將不能脫然以去耶弟素抱野心復懼多病欲爲

有業堂集 卷之六
吳門之隱久矣且江鄉倭奴旱魃春夏相遭天人交傷無復甦生之望每於公署念之沾裳翻想吾丈暫解朝簪逍遙樂土何但雲霄以此傳食多方頗無意興諸所舉措悉成潦草不知何以教我庶幾永臧臨楮不任惓惓

與凌雙橋中丞書

弟無似奉命名藩素心無他獨以獲覲清光庶幾朝夕爲慰顧兄以在告閉門戶而弟亦拘當故不能數數披對高懷旋懼巡期輒成違去豈邂逅固自有

數存焉迺爾哉深情抵報之晚也邇來想日逢迎
暱出御賓筵乘興湖山之間故園風月當復遭品題一番必矣人生貴適意行藏顯晦是非榮辱係之孰與吾兄暫解樊籠徜徉烟水之爲快也弟本疎庸復懼多病久矣懷物外之心迺爲俗例相牽不能蚤上書而晚掛冠爲桐江山靈嘲笑同禪吾兄境界豈異鴻冥雲霄之上邈焉不可爲羈耶以此兀然公餘對景太息加之炎蒸燠灼旅途相侵事本違心復坐湯火卽不能一泠清風濯煩襟因以質去就而仰叩所

以念之燥熱其如之何傳食已抵四明不欲變故諸
事草草且自審綿薄縱涓竭何裨誠公私兩失進退
交傷慚負同宗之愛多矣何以爲教萬一桑榆之收
焉

與海橋中丞書

武林奉教領見肺肝日月無何輒成違去公餘每念
笑語宛如叅對清風屢擬荒裁代面而冗病遞作兼
之炎蒸羈思如坐湯火興意蕭然每拈筆輒罷用是
缺然興居知罪不可爲道矣湖山風月邇來想盡收

游覽中旌節所之動經題詠知佳句當與盛跡並傳
也弟傳食多方媿於吏民無毫毛之益顧所舉措謬
罔誠多當必有昭然於清聽之下者何以指摘庶幾
桑榆之收焉遙望關河豈勝_{此切}

與慎山泉年丈書

久別風裁荏苒光陰凡幾越歲每懷興意宛若叅承
春間兩辱手書兼拜德意卽擬過茗溪晤對笑語故
違爾_{此切}候且念時事更翻積憤滿膺非筆舌所能草
草用是輾轉輒罷漸成蹉跎自笑俗吏拘常不獲越

次蚤圖登龍之幸抱媿多矣恭惟吾丈才擅兩浙之名望重一榜之光海內相知行且以伊周拭目門下乃輒以桓典之筆遂掛梅福之冠語云道直去官早兄之謂矣人或以不究厥施爲吾兄惜不知行藏顯晦是非榮辱係之身退而名與之俱自是吾輩一好結果耳况山中風月自足披襟左右圖書可以娛目俛仰之間真隨適有自得者又何事營營于韁鎖如市兒輩之奔走塵寰者哉邇來想結麋鹿之盟耽烟波之僻佳意所到卽經品題知湖山又一番生色矣

以著性庸劣兼以多病相尋久欲超然脫去處
將軌相牽不能一朝飄然爲扁舟之計公餘自省所
可太息者殊多縱得役滿告歸決意盤桓故園以終
高臥較君已後當輸一着矣其如之何

與胡梅林中丞書

祇別台顏忽踰長夏寥寥旅暑每切遐思計回省有期奉教不遠良慙良慙其實無似得食所至仰奉德威每於閱武輒揚休美以鼓三軍之氣莫不振勵期以報效於翁第至台而軍食告匱之急頗尙季春豈

我翁精神念慮顧爾遐遺柰地方傷殘軍餉征求一時不給頗於我翁撫巡之心若有傷耳據該道呈稱亦復云云誠欲邀曠蕩之恩於臺下倘歲額不繼某仍當爲我翁分憂卽行運司先借給商諸銀伍千兩解充台軍之需不敢愆也特在鄉晚并杞人之私輒爾瑣瀆

與周際岩中丞書

奉違風采歷夏經秋蕭瑟西風應多宋玉之感况復羈旅懷人能無悲乎雅曠如兄想同情也須以二三月俱往會城公幹乏遣祇候彌月缺如兼以抱疴

海避倭黃巖動遭坎坷輒成濡滯竊念高明襟度所至豁然伏讀桐嶺大作而興意飄然不掛塵網因可視矣拘蹇若弟將媿省而敬讓焉昨過金巖事無法程故動多不典抵寧紹諸郡研訪故轍一一則而行之雖云準繩之施明巧弗迫而步趨不失將太過其庶幾矣感宜如何高駕返省當在何日弟望後應至枯荅計竣事歸武林在重陽後一日也良晤伊邇有懷更切

與陸湖翁書

承諭建祠一節伏讀來翰忠孝藹然豈正直立朝友
愛傳家固有發之山川之靈更百世而愈光者迺知
積厚流長前代後述非偶然也秉彝好德心所同然
矧濫竽地方兼有激揚之責如儒者耶迺不能倡義
首事爲先哲萬年血食之圖至發明公君資之餘抱
媿多矣敢不稍俟公暇敬摭一得用襄萬分于以弼
成明公盛美之傳且冀忝司風紀如不肖輩者亦得
以附名於不朽也

與徐台翁中丞書

歲行邊回短啓布私敬申左右未蒙相示知臺下
坐監臨之冗或以不才有外差之行耳數年不奉睟
面不接手書馳想丰神恍然夢寐緬惟昔者叨廁屬
僚猥蒙采葑不遺溝勺進之相知之列披瀝肝膽信
然不疑儒亦罄竭愚衷效奔走以報知己斯時也自
度誠不才竊念萬一風紀之司猶可倖然一步矩矱
縱不爾或昔之自試於有司者人將同之庶幾寡昧
一助云耳何也蓋惟以臺下之所以譽儒者自信自

忘其爲不肖之身以已之所以爲人作僕者如此因以屬意於奇偉不羈之士然今則已矣在人者旣不可必及求諸己其才格識量相去之遠大有逕庭儒非退然爲無情者之虛避也蓋天下中材最多在上者操得其柄則鼓舞振勵人皆斐然向風思自樹立此明公臨在江藩屬吏傾心蓋感之以誠動之有機故耳儒也非其人也才隘而不通術疎而弗遠役人則不足爲人役則有餘由此言之豈惟不可以望明公之藩較以短長殆不止三舍之讓而已故儒嘗自云卽一事一物合以規矩究其始終非不規然器也以之施於事事物物則得此失彼破壞殊多譬之爝火然置之暗室豈不瑩然光明更之大庭通衢則其光也微矣求其燭上下照四方必不可得何也明有所限故也儒何以異此是惟早夜以思無以道濫竽之咎又不得脫然以去徒以累明公知人之明不知明公何以教之

與龐惺菴中丞書

都城一別積緒如絲茹苦含辛無可與道客歲深秋

承乏江藩之役他非所論獨念與吾又邂逅有緣豈
人生知己不數造物者固有默鑒焉俾弟與兄得復
相遭如此卽擬渡江祇奉睟顏爲十日傾倒之計顧
數年奔走疎曠罪深膝下之歡輒難輕別瀕行復以
次兒種痘濡滯三月方獲解纜而南日盼仙踪邈不
可卽舟次乎望始知憲節出四明計抵武林宜必返
駕息肩之初得有典刑相示因以步趨卽可收入境
觀聽之心不但便可叙契濶之好而已至則霜旌尚
遠令人手足莫措因悔南發不早遂使景行無從悚

歎何似然竊聞纜轡之暇當再入會城又不幸中之
大幸也亟擬專遣奉迎若人事公移紛莫爲解夙夜
念之殊爲未安忽辱手教遙臨如覩言笑違慢如弟
得不厚譴旣感相知莊讀錦裁復承獎譽乃知盛德
包容高才謙退每每若此昨見遣牌知朔日新昌發
軛想在朝夕獲奉台慈饑渴之懷自幸飽飫有日矣

與周觀所文宗書

久傾斗望未獲登龍伏覩風猷瞻馳日切乃者叨命
名省便過荒廬燕語家庭首及明公高誼霜旌一顧

尚被餘輝蓋文章司命所至輒有遺榮自與尋常車馬迥別也復辱多儀仰承寵錫卽擬申謝兼布夙懷乃歲月蹉跎虛成寤寐負茲德意罪與感增方謀息肩之餘專遣心候顧公務人事紛莫可解耿耿在念又落因循忽辱手翰遙臨啓函莊誦再三感戢真切顧某無似何當明公採錄之誤淬勵之勤也茲具荒裁先附使者聊展中臆他如地方沿革大故并一切報答之私恭俟積誠次第以請

與龐惺菴中丞書

息肩彌月矣奔走市城甚則日凡三四過豈特小兒輩竊笑雖面貌之肥瘠冠裳之新故已家記而戶見之縱更道間行其取趨避之嫌貿易之妨者在彼猶在此也霜威數降則寒氣漸輕人將玩而忽之矣乃知旌節不促歸會城良有見也但弟渴仰樂就之心與市兒頗異何丰采令渠厭見而不令弟一快覩耶日來整束敝差事宜無大建白循襲舊規只書吏數人足矣孰與升牧愛之堂朝舉念而夕受澤如曩者作令時哉以此兀然轉思頗無興味兼之桑梓

有美堂集 卷之九
多寇井邑爲墟長晝清愁髮毛欲白翻念洪都雅會
徜徉一是堂中與臺石兄鎮日歡語已若隔世因知
盛會不常事故多變轉眼光陰輒成今古矣懷如之
何奉教開示諸條卽據鄙見報答另啓斟酌同異俾
合特中在高明當有朗識也

上某河道書

讀所賜大工錄見河工經畧巨細始末攄胸臆於筆
札間各入精詳乃知一代偉功足紹禹績使民生國
計兩利具存皆諸老先生極力苦心致然信非偶也

儒叨在歌舞中莫知所自其真忘天地之功哉再
至未盡事宜一欸始知加厚河堤與開海口宜渡渡
水二說在仁臺已有先見之明復何俟山人喋喋獨
惜白駒下溪等場海口當開以便興秦減水疏通當
時無人聞之左右也數年前興化民人韓禎等告開
此二場海口已荷鹽法公祖發銀二萬兩到該縣縣
有申於仁臺隨荷溫詞嘉獎成案見在然工作中止
以致敝州二年水患未息緣撫臺不知儒故不避小
嫌輒欲徵惠各當津計利桑梓也未議欲塵電覽觀

大錄隨覺山人詞多支蔓無當於實用譬之觀西施而無鹽自知其醜媿縮不暇復何敢以顏面示人且知山人千萬其言不及諸老先生要緊一言故一切塗抹而丙丁之矣况大要只在開各場海口五處以疏放水開邵伯支河一段接之入江又安用喋喋伏乞諸老先生終初議廣新恩主張其事力贊其成使敝州興高下河積水頓消田可耕種則海濱數十萬生靈家祝而人頌之矣至寶應則有錄中朦朧喻口疏通宿害已除無庸言也

上漕江院書

江防於南服最爲要衝得借長才握重地展討猷萬里澄波晏及海門弟之逍遙丘壑者亦獲嚙嚼餘沫安枕以臥矣而公論在天下勲名在鉅公姑勿論焉鉦鼓臨江遙指旌旗方慕威惠乃荷錦裁珍錫發函伸紙揮汗數過是何德意之綢繆文采之炫麗也刑賞三軍甫申信義遂辱眷然故人之思仁人高誼可謂不遐遺矣祇此短絨南望頓首以謝安野人之分不敢通尺帛寸楮於縉紳相知間是弟之隘也陋也

惟台慈存以憐之

上王太府年丈書

弟伏處巖阿日彈棋賦詩之暇每憶當年杏園走馬
凡四百人今委棄重泉者幾人擯斥尚存人世者幾
人巍然致通顯者幾人遲迴仕轍位不逮乎通顯而
峻節高風遠東逝之長流攬西飛之白日赫然繫望
一尉者幾人則直氣吐雲霓清聲震宇宙眼前榜中
獨吾老丈一人而已是老丈者蓋四百人之脫穎者
也幸借重海濱密邇芳馨日宜親炙乃枉顧一面之

外不敢遠託拜在下風知老丈峻絕凌厲令人不可
難親而弟亦欲自據平生之愚無毛髮希求于世且
不欲聞人間烟火語故遂致睽攜嗟夫榮達之尊已
貧賤之驕人其失一而已矣自分三年不欲通一字
於門下頃聞老丈與海防陳公祖一以朝廷紀綱一
以衙門體面各是相持因致意氣乖違動駭觀聽老
丈且日求去高臥治齋夫朝廷有紀綱衙門有體面
此非山人所與聞獨念老丈以生平辛勤中外屬望
一旦以閒爭自墮而歸惜也惜也古之豪傑寧爲強

項不爲折腰老丈高跨百世旣與二賢齊名連壁爲人所不能爲矣又不聞天下事非一家上殿相爭如虎下殿不失和氣斯其人尤休有烈光哉弟兩接陳公祖從中解仁渠已豁然冰銷且許待門下以揖容矣此意蓋真夫相干不以理遣自處太高處人已甚仲尼時中不爲已甚此雖腐儒之常談或亦處世之通論也且聞老丈考績有期內召在卽以高明生平泥塗軒冕塵視金玉此何足以掛有道之胸中但思求去不能高臥不出如各院眷眷借寇之意何大丈

夫處世矯俗不爲庸流之所甘心亦當表表然就慎出處反初服還故鄉不爲里閭所疑斯去爲名處非無據乃今以閒氣拂衣高蹈東海其誰有許吾者耶况久不視事各院有聞言之不忍處之無術爲之奈何人之所不可堪卽已之所不可堪心無二也惟吾老丈繹思鄙勤早出視篆如故則於萬夫不撓之勇百折不回之氣何損哉至道之見不見禮之揖不揖從容議之已無如前過責者矣弟荒談縷縷自知出位誠以老丈同榜同臺雅辱知愛故僭申一

喙不欲老丈以完壁自毀如此野人無文言多不避
忌亦恃大丈夫之前不欲煦煦然爲兒女子美語甘
言祈一傾聽恕不以爲然弟當買舟西下面相爲勸
發一大噱

上江公祖書

不奉光儀幾何年矣岐路雲泥末由走紹介通懇勤
訴以地方所疾苦頃桑梓重地獲借我翁開府竊有
二天之喜焉喜者非以年誼欲邀靈寵於法臺私庇
故人也蓋敝州濱海計國賦居一府十之三連年洪

水災重災河防致令三歲不登懸磬育辜之慘
卽山中人耳聞酸鼻卒無有惻然圖其狀態陳之崇
伯子者幸天不遺一方簡在保障屬之下執事以我
翁與才合一援手而興泰數十萬生靈將免爲魚是
用攘臂喜之匪私也弟自竄伏來不敢一通名字於
百里外蓋野人之分則固然耳偶小壻袁世科晉謁
臺下並以同榜舊好候以蕪裁且冀翁軫念一方積
困出於塗炭登諸祗席之安因以餘波濡及衰朽幸厚
大矣

上師相李石翁書

鄉邦水患已踰堯年漆室女之私憂每欲借平津康濟餘休免一古魚鱉而遇非其時與其人亦仰天太息而止今也年復一年澤國遺黎將皮盡而毛無所附知老先生顧盼桑梓日且動心時對交游竊以所願借於門下者將齋心殫誠奉聞記室徼萬鈞之力解一絲之懸刻下厝亡兒尚待秋秬乃老先生猶憶舊盟不計鄙陋輒以手諭先之豈獨下賤之虛懷哉天下爲度厚施於家德意良且勤矣銜哉無量顧要室上之處措注之方只尋常尺素懼一解不如一解之意豁於初冬周遭河上撫拾先臣經畧之跡與今日屢決之故稍有次第然後奉謁齋居備領尊教爲翁採筆一效前驅期耳目旣真舉事有當庶乎其可也

與戴奎泉書

城南一別冉冉歲華不覺髮毛摧改矣每對戚友逢節序無一口不談兄無一事不思兄自弟得交於兄今經五十年冷暖悲懽未嘗不共而一旦踪跡離去卽有可疑可議之事與誰一吐其胸中故或永夜清

燈或空園白晝或感今追往或遇醜思妍何嘗不懽然太息夫蘭交石友古今爲難邇來弟之所以益重兄益思兄者又不在文章商確尊酒笑談也士君子卓爾不羣只在取與一節弟與兄平生把臂已入忘形相恤相憐卽鮑子知我何足方也乃兄臨取與毅然泯然未嘗以弟之故愛人毫毛亦未嘗以毫毛之故使弟見疑於鄉黨據今觀之豈獨天壤之判故弟每對人曰交游中外和內剛森然義利之間若奎老考五十年來一人而已契濶經年高風可懷使弟如之何不時而思時而嘆自兄別去弟復得一子夫壯者已失少者方來既可悲復自解爲之奈何老母托庇日康強三襁褓日漸能言笑亡兄事畢塋馮店新壠費踰五百餘金百歲爲期父子同堂弟之爲願如此而已鄉中水患屢歲不登時俗人情去昔復遠何時得與兄握手小山之巔歷數離索之苦與談世道與交態哉問候已遲知能亮我川原有待杖劍能持把酒臨江捉筆題詩弟之興固未衰也兄能作東道主人否耶

上凌公祖書

歲月冉冉奉違台範不知寒暑幾更緬想舊遊恍如
隔世中間遭遇之苦樂岐路之升沈姑勿論已只洪
水爲淮揚大患俾歸田之人俯仰失策籲天無從今
已八年卽當陽南顧之勤守津東注之力此堅彼潰
千里良苗夏秋間又一望巨津矣百口爲憂日顧盼
禹績平成二天垂庇乃伏處林莽中忽傳漕河兩臺
并以借重遂撫掌太息開口大噓曰夫其不久困澤
國遺黎哉琴瑟不調甚則更張茲有深藉矣二天之
不不足言也因念當年弟兄今日孫祖而瞻昔
不爲薄遂破山人之例走此蕪牘少申賀私乃若
桑梓沈疴所願望於天人一嘘拂者種種何限非獲
而承不能盡殫伏紙引端何勝瞻戀

上程道尊書

昨辱高駕枉賁寒廬偶出遠郊不獲倒屣相迎再欲
披對以謝而憲節又南指矣惘然惘然祠工告完是
舉係我翁表揚先賢將興起後學百年曠典一日遭
逢真盛事也卽途之人且懽懽趨事喁喁向風將以

樂觀厥成况少知理義曾側縉紳之後者乎感悅無
量聞以月之廿又五日安主俎豆有儀燕雀爲賀合
郡士民將無小無大于邁相從變魯鸚爲虞獸當在
茲矣豈直曰江漢風流可垂萬古已耶然鄙意謂垣
址鋪蓋未訖楹柱油漆尚遲卽勉強速成而凍雨浹
旬人力不給將完欲妥其靈孰如全完之爲愈也來
春二月正是佳期丁時安之卽當可祭况計此際文
宗已過耳目無譁天時人事蓋兩有妙處也何如何
如早莫須自高裁生何敢僭第祠工生辱一匠之委
他日冠蓋登獻上下聳觀乃壯麗未能少有殘缺之
但匠氏無光且有過矣一笑一笑

與孫中丞書

邂逅相遭三奉教言一出真淺薄何緣乃當遲暮
之年獲聆至論若此舟中耳目無交朝夕慇懃時加
拈弄若見所謂不覩不聞者懼其無所安頓覓一方
便門令其稍有所依則又不緊不慢聽其自然想久
之自熟今未敢輕擬也吾丈向上一路又未審與弟
岐迳同歟異歟舟次彭城南望台顏懸注真切何時

披對盡種種欲言

上兵道小蒲程公

蚊息蠕動凡含生之屬皆天地一物之仁故卽無知但有慾者莫不各以蚊蠓之靈取給高厚何也性有所是也頑兒何知極荷獎進自惟南場後羽鍛尾頓罔所奮厲邇稍稍振策期以舍故卽新然品局既定復乏點引卒未能窺玄境登彼岸徃往捉筆茫然儒也溺愛固不敢效牛馬之勞竊未能忘弓裘之想夫輪困離奇不就斧斤何得爲萬乘品錠鐵荒頑不假

鑄鑄亦奚以收白虹赤電之良惟翁文章宗則師於恩爲祖分有同尊情無遐棄寧敢自置甄陶之外不以纖纖嗜慾仰而窺大造之仁哉負鹽車歷坂伯樂所知毀馳驅從詭遇王良弗貫頑兒庸品也非良馬之儔而小乘之羞也實有剪拂至願將庶幾如破之奇能焉謹錄文稿懇祈仁慈斤正倘枯木朽株材有尺寸當剪採斷削攢而爲題斲而爲栝不然宋人所寶竟不免周客所嗤則亦委而棄之不後矣夫自衒自媒者士女之醜行也于時求進者道家

之明忌也儒非敢觸忌冒醜誠不自度妄有所希以
求一是萬萬臺下字字斤之句句斤之啓儒之瞽破
儒之惑俾衡不殆而照不窮則於衰薄門祚有弘造
矣

上蕭郡侯書

臺下嚴明清正終始不渝不獨同心者礪服景行卽
異腸者且詞屈而怨釋矣茲舉也心跡愈明聲聞益
大豈非公論之不泯實勝之難掩耶第邇來數旬日
月不照狐鼠橫行戀衙之輩誨官肥已小民受害無
可鳴訴寒門暗帖每夜不止數張每張不止數事
雖風俗薄惡而民怨亦稍稍可覩已正賴神明政成
之後大爲掃除奈簡命有在徙而之他百里生靈何
言積水難耕而回天待命去危就安真復永永無靠
矣借寇未能攀轅不獲懷如之何傷如之何

復周明宇道尊

仰止山斗蓋靡日不瞻企中州間與諸生論絕代政
事文章獨推歸門下而孤標仙氣尤係衰老永愛遐
思縮地未能停雲如見真切真切南樓之修葺北河

之疏濬民艱士氣賴藉良不淺矣感肩勝之屬意慨
繼舉之非人遂令明德不終美功成棄未嘗不俯首
恨窮海之緣薄也僕自南浦拜送後遂發痰火舊疾
張公祖惟下車一見今不相聞問且踰年卽交際絕
之久矣况地方利病斯文興替與誰接膝而談哉緣
是懷慕益用未已忽承翰惠展緘伏讀數過沈痾輒
起故人千里深心佳意何若是勤港耶五內銜戢已
河洛化成稱雄寓內自當開府名藩恐嗣是官益高
望益重欲如今日不惜記存不可得已所私願者總
司漕計駐節淮陰庶幾哉山人猶得扶杖一見則南
北廢役不當於斯時奏厥功哉拭目拭目

復周明宇道尊

嘗謂提柄授人者往往任非其才處非其地是宜高
世越俗之士飄然去之門下翩翩仙才也中州歲滿
望宜內召卽不亦宜善地乃授之衝疲隨俗吏下走
將母當耶門下屢疏陳乞非抗世也雖然大任固自
苦心明經終有高位門下抱經濟勝具聖世需材願
姑受事河道新公蓋嘗試之其勲名則可倚而俟也

如何如何做州濱海瀕年水患萬姓爲魚不肖仰承
門下別後德意屢達之當津茲將舉事非召伯甘棠
之仁哉南樓辱注念不肖自捐百金言之張公祖獲
助少半又躬自督率登枝不忘本悉用寸長今已巍
然煥然鼎而新之擴而大之矣作興之雅不肖已具
草瀆之如國陳舍親特借名筆爲二公祖鋪張其事
而嘉惠後學功首歸翁蓋今後來知所自爾客歲得
南徐邸報卽圖遺賀乃遷延至翰惠遙臨不肖負故
人矣然每於時事艱大地方疾苦未嘗不時時對戚
友慨焉思翁談翁望翁弟伏竄山人境外之間殊不
易易亮翁矜而恕之矣

上道尊災傷書

初春辱欵愛後緣衰老遂抱軟脚疾非杖不行屢欲
坐侍春風竊念法臺非扶策之地所謂足將進而趨
趨誠難之也邇者耳目見聞感懷何限不敢多談其
所以觸目而悲拊胸而痛者非霖雨哉高寶湖隄仗
經濟不傾地方大幸乃昊天不仁復災以靈霖一雨
低田及再雨高田陷三雨廬舍沈一望巨津野無青

草不知該州六萬稅糧何所出辦仁臺聞而憐之乎
人能勝天百萬生靈全仰籍門下今之計惟早報各
臺破例蠲賑此外無策矣在仁臺發自盛心胡庸僕
贅然不祥之受不容已已敢具漆室女之嘆以聞

與譚州尊書

昨仙帆將發僕不能餞及遠送水滸無他避嫌祗緣
小海河工一旦輒止僕無顏色因念翁既陞相知者
去矣何處可進一言卽再言之台翁知台翁以陞故
亦難強人必行遂托病不見人者四月矣夫以地方

細故獨抱漆室女倚柱之嘆不獲謝四年雅愛於
別間可謂太認真矣此僕所以迄今抱歉也客歲冬
月中撫臺鹽臺復究心於此蓋以台翁去後四處書
東中惓惓留意僕亦以台翁去後爲地方盛心言之
上下間遂各亟謀舉事然其指揮方畧一委之僕僕
仰體門下德意遂不敢辭蜡月廿一日躬至小海場
經理廿五日開工其分工監工查工買米收米放米
較先頗一一有法故令行工緊夫役歡趨計三月中
可竣事矣此俱遵照台翁原議河工冊不敢增損毫

釐夫成案具在委而棄之冒昧以行此前工所以長
奸而叢弊也今勿論已台翁功在地方屈指無算其
至鉅而最久者在河上三場告成倘北兩河更得全
舉美哉禹功誠永賴百世今方與新道尊及李四府
公圖之鹽臺或可愈允生祠以報德僕終不忘其財
用處之亦稍稍有次第不知竟如鄙願否凡役免點
大戶翁台良法美意勒有碑銘離任幾何時卽僉有
十六家賴新道尊覩鄙文而罷其役然則台翁之惠
將無際涯而僕之言頗有微驗矣地方士民有感時
事因思台翁服台翁事且填胸言且滿耳何由
與台翁一一對談之僕平生不能諛人紙土之言空
字俱實惟翁台照

上劉三府書

儒自奉教後舊疾痰火偶舉每舉半年今且歷八月
卽時下少稱勿藥尚未能櫛沐以見尊者懷仰可言
輒啓敝州五月水災周遭凡六十里早秧俱沒一雨
後亢旱百有餘日所僅存者復稿以死十日前又陡
一雨三尺上之早穀下之晚禾腐爛且徧天之困吾

泰民何慘哉此其爲災當不止客歲無秋而已萬里
緘情無可控訴今幸假臺下踏看出之萬死措之一
生特在仁亭一援手耳夫膏澤回枯乃數萬生靈之
福儒忝爲編氓長不能力疾率衆叩首車前抱恨奈
何然仁人垂念之切見聞自真定知殫仁心於惠筆
何俟儒之置喙也

上郡父母書

士夫居鄉無所事事故於鄉無功惟在上人者念其
曾叨一第忝繼衣冠一州里老諸生舉監中亦備一

之人數因而崇獎優厚庶幽谷獲聆陽朽株沾
斯得少別於途之人耳是曠恩也若夫無功於鄉又
從而重累之則豈可哉如不肖者迄無所建明退無
能表正蓋編氓也乃於鄉無功坐受轎夫之逸重有
所累於鄉之貧民致脚頭歲歲銖斂於脚夫八百名
中爲轎夫工食誠冒濫甚矣是鄉之蠹也茲蒙仁臺
節省裁革而不肖者獨留夫復何辭第不肖衰老矣
不能與里閭周旋出入殊簡甚有數月無一次入市
者在不肖爲虛受在轎夫爲空食蓋名實具爽焉合

無於五名內請收回三名留二名少便塵車役使則
曠恩不廢不肖亦得以循分自安鄉民之費歲減九
之六矣是不肖之心也而仁臺節省作興兩得之矣
伏乞台諒

與尹明府書

青瑣需才正直忠厚尤才之良者簡公立之朝端自
當燁然出色從此採四方休戚入告聖天子使元氣
日培其爲裨益恐不在繩愆糾謬下也卽海內識者
聞之且喜况素辱通家之愛如不肖者哉前接選後
手書觀公秉氣愈下執禮愈恭乃知高才又本

德公固度越尋常萬萬矣去任後興民致思昨過滄
浪亭仰見遺愛盖慨然離別之感欲再一接春風如
疇昔笑談那可復得所謂別後相思復何益今驗之
矣客歲臘朔苟完先母大事眼前又以嫁女縈懷甚
苦水後上下河不登百費不給老景如此歉歲情興
蕭然以間閭較之儒猶在衽席上也垂情過化之地
者得無傷之乎南來當道屬意淮揚願公念興兼泰
庶餘波所及令垂盡之人沾一日之恩焉勝翹首

與徐岩泉年丈

昔人謂一言之與東陵可侔於西山蓋謂其言之足重如此儒固不類辱兄獎借文過其情然易益黷而爲伯夷兄之所以振勵小子者可想見已增感增愧伏讀諸大製精金美玉鏘然作者之堂而長生太和二奇方尤養德養身第一義於山人最爲要緊蓋自投塵網動卽垂方抱沈疴以庶幾良醫歲月漸深竟無一遇乃今呼吸幾絕忽遘盧扁賜我不傳真再生之幸也但諸品彙之注與夫炮製之節嘗試之時雖指掌可知非心授不盡其妙卽欲匍匐以謁臺下亡妻歸土有日方在倥傯哀思中且富闔門省躬未敢輕出跨鶴有心而佳期則成虛矣無已則白駒之末語乎固所惓惓於知已也

上褚慶所撫院治水書

不肖儒伏處海濱無所比數猥蒙錦裁珍賜遠自天來沈讀數過藹然曠恩之篤而惓惓地方下問尤近世所無銘勒何已南服士習昔借文衡崇雅還真迄今山斗之仰不替大造之鎔鑄深矣茲者漕運鉅任

復寄之經濟鴻猷轉餉繕兵將倉庾大盈閭閻不困
知利國利民又計日可待也然虛懷所及詢之芻蕘
豈以艱大之責未殫永久之利未垂乎揆今之計所
急者治水而已從寶應至揚之灣頭綿亘數百里一
帶湖隄乃山鹽高寶興泰六州縣下河萬萬生靈室
廬田土所寄三十餘萬稅糧所出百萬兩鹽課所產
四百萬石糧運所關常時水漲隄決破漕路滄下河
極稱地方大害蓋修隄無法守隄無人苟一則十
年之間衝決不止過半每歲伏秋雨水大發民間不

恐晝夜愁嘆不遑間或不傾亦倖然耳夫琴瑟不調
甚者必從而更張之故加築弱隄以防水湧令水障
之南行不旁落下河一由江順注則今日第一事也
又揚泰之間多開出江水口此最爲要乎倘湖隄堅
厚固如金湯卽開周家橋放泗水過湖無不可者何
也障水隄牢導水口多也不然周橋雖不開弱隄亦
屢敗欲六州縣不爲魚鱉何可得哉况加以泗水太
越高堰奔騰東注其爲數事患無疑矣管窺之見如
此謂因桑梓而籌之孰何敢焉若多開江口速令湖

舊業堂集 卷之九
水下江儒尚歷歷有說俟之俟之

上虞詔東公祖

海濱客歲得接五馬之光寵顧腆儀榮生里邑嗣是無緣再覩黃公相每值民艱吏弊深抱願見之私然百里棠陰卽不獲日就瞻依而惠政芳聲往往因口碑作林泉清聽此山人屢遇年災得安枕高眠者此也懽懽可言昨晤春所翁談及貴城添兵實目前防奸長策其委管哨又得武才不獨廉鎮使過之仁抑因前枉將使之伸誠可爲地方稱幸矣春風受律改歲有期得便一接新陽殊慰積悃先此申候不

送楊府尊入覲書

恭惟臺下一麾出守五馬朝天自此歷崇階躋華要膏潤所及萬里泫流凡露冕所經且盱而望之矣獨念甘霖豐露十郡均霑吾泰過之編氓序髦萬類均霑吾輩又過之遺愛一年垂思百代不知肖翹蠕蚊之微何以獲此於大造也豈春風無私賜谷幽都徧嘘單被而蕃毓之物自若厥天者遂欣欣自以爲私耶感哉無量伏聞驪駒在門卽擬擁臥恂車首先百

萬生靈爲遮留計而三年之覲制屬大典復何能臨
岐牽裾爲兒女子眷眷之私至歌頌風猷載之尺幅
情旣見乎詞矣衣被鴻休自頂至踵罔知爲報謹用
獻芹疏意聊申秣馬微勤伏惟台鑒

與王近山書

歲久不豐不獲招尋嘉客市里宴遊又非吾輩可數
往老閒無事左提右攜則圖史而已然少有得非假
之柔翰無以發揮胸中古人寄興必歷名山浚川足
跡遍天下蓋亦有以僕塊然一室無與爲揚摧茲于

漚故知新欲陶冶性靈日課一首而苦無題不
索把帙茫然吁嗟何已惟公提筆之餘必有所遺乎
緣一二成誦在心借書於紙者請命題數十俟僕體
物平吟以備華屋几筵間一笑談語完則更命次第
聞之不亦可乎輒念遠此真老閒也殊自一笑

上譚郡侯議時事書

明公仁人君子也撫凋敝之鄉一切煦之如春暖之
如日其於民之痛楚惻然傷之卽催科勢急如焚一
鎮之以靜百里之間相忘無擾使上焉者盡如仁人

斯貧與富咸獲所天矣拯溺之力易辦所難者拯溺
之心有其心從容應之卒臻厥效何有於海口哉事
如無成無可奈何已倘天不遺吾民當道諸公俯念
地方不惜重費其下手則在明公殫竭精力力革從
前虛糜足垂久大之功所有事宜少容山人一一請
教竊効共濟之義但今交兌一節聞倉間喧闐之甚
恐生意外惟假尊威彈壓之加之善處其所未完糧
作何通融計策不偏累數家斯事濟變消上下攸賴
他可圖矣漆室女之深憂恐貽識者大笑南方珍異
慈濟文房拜明公之賜腆矣附此先謝

上胥道尊河工書

儒老矣他絕無所望獨夙夜身家在念桑梓爲憂卽
願有所違所以謀銷水患者杞人之慮猶未能已刻
下欲去揚過淮懇訴海口之當開併細陳南河之得
失萬一微言獲採庶仁人之惠有終乎萬鈞之力舉
羽何難顧衆言朋興恐高議有撓之者觀昨撫臺手
札中尤愈字面豈不於兩工有低昂哉此本府之先
見對儒言之儒是用爲懼而有茲行也倘高明度前

議之必題後議之無礙何事於儒儒惟閉門高枕耳
聽好消息已夫客皆善竿而南郭之徒強參其間慚
孰甚焉伏惟明臺一一詳教以便行止不盡

上譚見吾郡侯

丁溪人素稱狡猾昔已悞道尊舒公今復倡河堦之
說使主議者專致力於二十里之間且不欲河堦分
流至茅墩港令渠別開一港寔欲專其利也界河
指引之人卽其詭計馮逮者又見係開河侵銀經訪
之人其言尤不可憑準今乃謬言曰僕不欲開河堦

五處流言夫僕何嘗不欲開此場哉少開勝不
開勝少開微有識者皆知之也僕何獨昧乎是除一
方之害興百世之利取裁仁人僕何敢云不開某場
斂怨於衆也惟台慈鑒之其中人情反復陽謀陰謀
統俟面殫

與徐五台中丞

秋夏之間兩接手書感翁教思無已之意而中愛惜
人材以爲顏波立障尤見我翁公天下之心所以開
示不才使知頑懦之夫尚可廉立惠甚渥也顧自濫

竿以來整頓舊章事多瑣細而感時自奮志將有在者權不與焉因念士之遭時可爲不爲與欲爲而不得爲其爲無裨於世一而已矣每對兩浙諸司贊述我翁江藩之政能使敗類貪人寒心銷志而矜名飭行者復慷慨磨礪願自效於門墻真足以跨先烈而空海內矣某不自度量卽小小舉措輒欲效顰於步趨而賢不肖之相遠往往不循穀率由此言之豈誠所謂不與焉者之故哉蓋志有所安而才不適於用耳公餘自訟不獲再執役於左右于以竊窺我翁所

以動合機宜之妙爲之悵然伏念我翁以經綸康
之心具長駕遠馭之材乃暫托清署優游固將遵養
有待然圖惟治理旌別人物於靜觀之中則俗態敝
風何足以當執事之一晒他日握樞一方所以損之
益之進之退之者宜百倍於時流又不止洪都之振
刷而已也某素辱相知日就淪落計瓜期當在轉眼
媿泯然一無聞於時豈惟負此官抑亦負明公多矣
執事者得無憐之而推所餘以援之乎臨楮不勝瞻

注

與伊三守

昨賓筵不獲趨赴領片言於杯竿間緣在制之禮則
然非計其他也敝州客歲被水無秋國賦民生艱難
萬狀今幸徼諸君之惠下河田地稍稍耕佈十之二
三不且秀且垂實矣浹旬霖霖晝夜淋漓澹澹在田
者波沈如雲登場者芽茁如雪萬姓惴惴籲天無從
因念禱雨禱晴亦往年事例不知公宴後得禁屠一
舉行乎且上鄉五十三里菽麥諸早穀前遭顛風恠
雨摧敗殆盡而下河忽復若此卽早晴已未免損折

午况天意尚未可測哉州司申災里老告
刻不容緩者僕豈不知緘怨上訴徒增口舌紙筆
勞如上年然設常賦不蝕他賦或可減免設不減免
猶可少遲是亦往年事例庖人杞人將無同是憂乎
急欲具陳貴堂尊以向來所聒噪頗多懼取言輕聽
厭公勵精在初當必覩時興懷懼然爲地方亟圖拯
援者特藉一轉達之力耳且以見區區不徑白之情
也

上王太府

恭聞玉體平復眠食勝常海上數十萬生靈之禱應
矣桑梓何幸焉每擬升次公之堂瞻對顏色而狗馬
舊疾時作一念發輒止懷歉可言山中視邸報方擬
天下災荒處所正官免朝竊伏稽首對揚聖君賢相
所以爲國家勤根本之慮者非淺也目前環視淮南
郡邑十年苦水歲值重災閔閔焉瞻戀慈母不欲一
日離其襁褓者孰有如敝州之急者乎坐明堂以臨
萬方三年大典滄海之區何可以災廢第百里間良
田一望成海閭閻空虛入春五月來饑疫侵凌十室

而九雖設粥發賑賴良牧多方撫綏而鳴鼓叩門
發輒止者日凡幾起所在死傷朝夕無算誠所謂目
擊傷心耳聞酸鼻者卽頃間米市如洗墟里無烟萬
民嗷嗷復賴良牧易絃而定由斯而觀則賢如譚守
者可一日去待哺之民哉縱渠行有所資毫毛不干
里甲而瘡痍之衆誰與撫之况歷任以來清白自持
絕寡顧慮垂橐而行知渠固能但恐借寇無門怙恃
罔藉繼以徵收鞭敲之摧殘或致災民生亂遠邇震
驚此本州士民欲援例乞哀留免朝覲蓋謂地方計

非爲本官計也倘仁慈俯念久困地方委宜暫寬常
典申請撫按兩臺少慰攀臥則七井中無一夫一役
之擾貼席之恩弘被萬姓桑梓又何幸焉

上楊府等水道書

昨具上緒言匪曰獻諛實下私忻喜歡慶之極發之
由衷萬不能罄一耳夫當祝哽祝咽之年躬所希觀
希聞之政至士民胥悅遐邇同聲翁得之不自知之
不有野人之頌口碑何由入耳此非僞也山人無知
曾識先任公祖於揚人驩虞之日蓋深不以爲然則

不肖儒者豈漫然而一味甘言事人者乎

應行之事每難遇非常勝任之才茲才識如翁復
之一誠何利不興何弊不革不肖所至願而欲言者
又何算何諱也他姑不論只高寶一帶湖隄爲六州
縣百萬生靈大患拯之何人破例更張令琴瑟復調
在今日誠千載一時也堅築圍隄俾水不旁落多開
出江之口俾水有歸路何言泗水不可通周橋不可
開哉聖人開物成務智者通變趨時衰老山人固所
夕望之矣辱虛懷詢愚地方幸甚倘不厭煩瀆謹當

手錄修隄之法導江之處累千百言一一陳之備採
擇焉

上傳中丞後翁公祖

翁之就節淮陰爲東南保障淮海之間不獨仰藉拯
溺扶傷疏濬海口數事且矜盼焉冀以肅百僚貞百
度肅一方積習掃而更之令山人扶杖少觀德化茲
忽聞簡命內召佐大司農爲理財先是山人無緣生
民無福又見仁人旌旄北指矣夫以東南假重之才
置之養重之地而一日不可去東南者一旦奪而去

之地方何賴焉儒每坐荒園與鄉人曉事者撫掌
息曰傅老先生之轉也與府城兩蔣公之歸也皆淮
揚之民不幸也不但人事卽天意亦無意於茲土俾
我翁不竟厥施謂之何哉期與近山諸公遠赴長淮
一覲清光以抒積愫蓋曰庶幾哉鐵面生春垂白之
夫復得再覩山斗此生至幸乃逡巡十月卒不獲脫
然塵網中思之深言之陋矣謹違願將不腆之儀爲
仁臺賀而臥轍有懷攀轅不及則重爲地方惜也伏
聽驪駒何勝瞻戀

與王三父母書

昨辱枉奠先母哀感之至不任下誠麤服不敢輒入
泰堂已於公門外再拜稽顙謝矣伏念明公佐郡以
來遠苞苴卻少例約以自奉齋舍蕭然乃於亡親眷
注懇勤壬林曲折又親洒潘安之誄豐縟奇邁遂使
修詞之士俛首降心真情至而文亦至矣夫一豆一
羹辦之私帑一句一言據之胸臆高誼隆重何但束
芻公蓋無媿南州孺子矣顧孤非林宗何能堪之五
內銘勒誓與此生等也因思士有百善惟廉爲最士
有百惡惟貪爲最世之宦遊者旣不能廉以持已
能倨以傲物提方寸之印受一方之寄不知淬勵日
事誅求而左右之人欲厚利自肥計不得不謀利以
啖其上曰某一役可得銀若干某一賦可得銀若干
某一訟可得銀若干開示多方因而過信在上者一
爲其所餌遂盡委其官聽指揮焉不知此輩奸人多
見利少見害者官箴民瘼彼烏知之人非鬼責彼烏
恤之始猶揜耳偷鈴共爲鼠竊旣乃明目張膽大肆
狼貪是大都白晝而盜賊公行其間矣可畏也甚則

濟以嚴刑剝其膚槌其髓而其尤卑者不俟假手於人無論原被與多寡一槩親自撻及兩詞在庭併其姓名忘之劍行逆施所謂會要錢不會問事者此其寡廉鮮耻叢謗招怨民實不堪地方將焉賴之豈思憲典昭然卒難漏網先任鄭父母可爲明監公今持法以馭下在衙左右亦守法以奉公只眼前秋稅厥催各役得省銀千兩清苦如此而猶下交之禮不廢以此視彼其爲人賢不肖何如耶固宜誦聲滿耳士民胥服然公顧不得專其任行其志豈斯民之無

福耶抑駝嶺之清風未播泰堂之明月未照耶嗟崇廉黜貪權在上也山中人不得而與也是是非非理在下也山中人可得而論也偶陳謝言遂致漫及伏惟亮啓

與徐五翁

門生分薄忽失糟糠孽匪自天夫復何怨但念高堂垂白矣人子者不能朝夕三至稍將愛日之誠罪旣莫贖乃更以伶仃見女累之怨艾公餘情曷能已矧昔洪都役畢神魄已罄竭於吉之恩江繼負暑征途

一疾幾不可救幸不卽殞滅叨冒今官猶自謂於生平或可展布故黽勉從時期以報知己也今日踰年一無表樹而撫時憤俗往往目與心驚蓋旣不能爲而又欲爲二者交戰胸中故真假二病日相逼作扁舟之計鄙心蓋自許久矣乃者家難相仍造物者將擯我於林壑之外乎不去何待也且某爲人外若和易可同內實乖忤自悖俛仰人下自卑求伸非特心所未安而言亦蹇拙此怏怏於中惟一朝遠引之爲決也明公者亦稍以爲然否乎是以夙夜圖惟獨有去計倘得蚤賜俞允歸以侍老親課幼兒服則二三知己徜徉烟水之濱於以消磨歲月卽此終廢無需於時不怨也惟明公相而成之

與周際岩中丞

昨報歸省之期當於九日後者冀欲徘徊江上追躡仙踪兼擬登嚴陵之臺爲之揖清芬而淨塵染耳先後奉手書知慎重衢嚴之間尚得數日警之奕者局將終勝負辯矣乃於收功一著遲回却顧左索右思不輕發焉老將之所以決勝用是道也弟遲出疾歸

滌草塞責其諸溝勺之水一瀉而竭無復餘溢者乎
較是輸君一着矣安論其他仰服仰服連因躋涉之
苦每抵暮酒酒戰栗忽熱忽寒至華溪偷安再夕茲
將取道出蘭谿之濱計月之六日得奉睟面因念積
緒如焚不知登龍之時從何啓口復念傳食以來不
能仰承休美裨益地方惴惴焉狗尾之續是愧昔人
所謂羞見先生面黃昏過釣臺者弟將躬蹈之矣如
何如何

與郭青螺太史

激楚揚阿至妙之容觀者乃知爲奇飛兔騷豔
奔放遇者深識其器何也品材卓犖鷄羣野鶴自當
超然衆中不能不駭心奪目如此公蚤歲負江夏之
姿某因動楮淵之慕二十年來馳想如昨邇得文房
佳刻四方嚮往僉曰郭青螺先生時亦不審爲誰何
也神堂公守敝州偶譚及始知明月夜光吐晶曜景
其曩所謂江夏者乎緣五湖大江相隔一水未能令
頑兒鳳翼者執經門墻於以聞所未聞爲恨猥辱厚
遺不遺朽劣錦條珍襲飛渡吳陵慙勤之雅宛然白

鷲青源之日高材盛德公蓋兼之矣夫材識問學功業人品異用同源包舉難全屈指易盡伏聞明公優游郎署鄙人上下罔不挹清風欽峻節不獨文藝雄長一器而人品高明學問淵徹尤爲衆所讐服他日鼎業旂勳不占有乎矣豈非丘中知己所抵掌而侈頰者哉匪佞匪頌兒有志上進雖章句麤陋每爲柄文所知而僻在遐方局以凡近竟未能闕與昔名大家南隔落羽將圖翻飛卽有下帷之勤實乏入殼之授邇來毀故轍確新型稍知向方亦未知終能入

法與否夫剪拂使之長鳴顧盼增其價直伯也
騏驥獨昭其能乃爾頑兒何知較駿足遠矣敢覲
乎是特以木垂繩墨公輪削之厥材以之孔良繪假
丹青揚素塗之物色因而稱絕公固文苑高手也問
道山下而不於獨步明時清喉九臯者試取裁焉能
免搥杖尋途之惑哉謹錄客冬會文十六篇奉塵電
覽幸仁慈細加窺易苟質非頑鐵俯賜還丹大藥點
而成金卽一蹶不致終悞如仙材靈氣本非其人而
白髮不變黃金難成某當擲爲砒砒不敢寶同燕石

矣夫積中之玉辯而知之者精乎其視者也水中之
鹽嘗而知之者深乎其味者也某老矣以命爲路處
而益昏不俟秋毫之明祛宋人之惑無庸水性之識
超佛氏之傳其在明公哉明公哉某也易慮洗心肝
而望之矣肅具荒牘祇候興居申以縷縷不勝瞻戀

與曹公祖書

鄰壤得借蒲鞭公山中聞遲失賀爲歉敝城今歲水
災蓋儒平生所未覩者一麥未收萬寶無成國計何
需民生誰倚方遠邇呼天罔所控籲比來聽踏災拯

溺致塵台慮數百里內歡聲動地備承譚父母之命
及諸生里老人等之請卽攘臂欲面不惜未同而言
誠與桑梓同憂他不暇計矣因不獲一接台顏遂放
棹前驅謂耳聞不如目見何期果一望瀾漫不辨疆
畦草叢之處皆舊荒之田水盪之區正新秧之地茹
苦者已驚散魄傍觀者竊恐傷神誠不謂天之芻狗
萬物如此然卽執事之所歷所覩者觀之近如戚家
舍魏家塍一禾不留則生村江門等處可知矣遠如
淤溪時堰一禾不留則野營寧鄉等處可知矣蓋敝

州地形去城愈北則愈遠愈遠則愈下地愈下水愈深本海上煮鹽之場爲江淮朝宗之壑就便爲田每苦者在水耳只尋常且不支况非常之變乃爾哉計敵州歲賦通都該六萬五千石有餘今明公所勘災地在下鄉則應納賦約五萬石餘而禾苗盡沈水底秋穀難矣在上鄉則應納賦約一萬石餘而豆麥盡遭腐壞夏稅難矣當此兩難不早爲豁免則上惟有鞭敲下惟有流離流離不能惟有歎耳恐非聖世所宜有也卽近覩遠舉一足百知明公必惻然傷之

灼然不疑矣不知肯不吝子厚筆力盡言鋪張如鄭公之所以上流民圖者乎數萬生靈之倒懸係仁人一顧盼而解首踏父母不諱於言繼勘諸公必奉行不二所謂萬代瞻仰在此一舉伏惟仁人長者以好生爲心博施爲惠則不獨有回天之力而實有補天之功矣仰希尊慈切爲地方至計萬萬台照

上兵道龔春所公祖

高寶一帶河堤關係國計民生殊非細故其在今日最宜亟圖而深講者何也地勢西高東下河勢自北

趨南非此河堤則黃河之水自西北盡注東南汚下之地而高寶興泰幾百萬頃良田一望成滄海矣隆慶之三年萬曆之五年是也夫自河勢變遷水壅沙漲在邛以上勿論已寶應湖西惟高家堰爲泗水之障水小堰高則湖水不濤湖堤可恃而高寶興泰可保無虞此在往時則然今非其時矣河水入泗直犯高家一堰每水長過堰且高三尺卽見湖水泛漲與湖堤等而堤復不固則高寶興泰百萬生靈烏得而不爲魚耶去年堤決邵伯要舖主者懼新建石堤動搖崩卸無以杜往來之口姑置要舖堤不塞將以修水勢保新堤也不知洪水無情朝發夕至坐觀彌月卒使興泰巨萬良苗一粒不收寃哉寃哉然興化猶得題請全災而泰州則坐以全徵矣此係地方官未肯早聞而非主者之過也乃春時則膚椎髓逼完常賦致令閭閻間賣鬻子女啼號萬狀籲天無從謚云鹵海沒天還沒地滄浪聞哭不聞歌此之謂也迄今田低者宛在水中勢不能種稍高者乏卒缺種力不能種見在佈谷者亦千萬中之百十耳畝澮在望歷

歷可稽非如物在袖中可掩而飾者試一省踏則種
與不種無所遁逃矣不知將來作爲全種否耶作爲
全收否耶未能全種未可全收矣仍照舊全徵否耶
嘗細究之湖堤之所以屢決者何也全河之勢日逼
東南水泛踰常一也保新堤置舊堤不問二也歲月
既久浸淫日甚舊土銷而新土無一撮之加三也湖
西奸豪利已病人每水發懼滄已田盜而決之所謂
以隣國爲壑四也邇聞水利公廉訪獲實姑寬諸豪
之罪責令於要舖築月堤一所此真能發奸擿伏究
弊之源籍籍口碑已載道矣然自寶應而下一帶
堤俱係下河門戶又安知無圯壞將決如要舖口
乎前年決高郵矣去年決要舖矣今年又不知水發
將決何所也鄙云千丈牢一丈不牢千丈無用蓋物
久則弊有孔則穿東固矣則潰西南堅矣則犯北勢
也譬之人身元氣虛耗一患癰疽左愈右生上愈下
生其所當防者蓋非一處所矣爲今之計石堤旣堅
守之固可也月堤令築促之早可也舊堤加土先倍
其根勿齊其末可也如不固其本卽日令加土上縱

舊業堂集 卷之九
堅本且搖水到一決前功盡蠲矣未可也然又日巡
視高郵邵伯一帶河堤何者在所可恃何者在所將
決何者低薄何者高厚何者狹而弱何者濶而堅保
一丈以收千丈之功毋忽一丈致墮千丈之業又任
事者不惜財力視公如私椿木蘆葦凡河工所須預
置其處一遭小小水決卽時修完斯用力省而成功
倍矣使必待其大決而後爲之則襄陵之勢迅不可
留當其方衝則急難圖待其少紓則緩不揀往歲之
事固可監者此猶人之張口待哺乃徐謂之曰吾固

爲爾樹五穀嗟夫其不致餓而死者幾希然此不特
下河不登數州縣民生日蹙國賦日損卽漕儲大計
且有賴焉且如今年瓜真抵揚一帶運船阻塞商旅
不行何也水涸故也水涸之故何也以堤決宿水盡
屯於下河故也河堤之設正以防水下注運道不通
故近有堤遠無閘使水聚中路春冬糧運挂帆如流
先臣經世遠猷國如此今瓜州開有三閘矣高寶河
防往往衝決矣防決則水注而東以入於海閘開則
水折而南以入於江如之何運道不立而枯也書生

常談曰瓜真二壩係漕運咽喉萬一奸細之人決之則淮以北坐困而大事去矣今乃建閘瀉水與決壩同此姑不敢重論若復小視湖堤漫不存省其將輕國家之大計以爲無賴此爲耶議者曰多開海口則水有所歸此亦一說又曰傍堤多建減水閘水湧則放之下河以免決堤此又一說不知海口去水之委也勢緩而遠水閘過水之門也勢逼而洶遠則去遲必犯所經之路洶則竅便必穿傍引之門勢所必至者也與其導流遠趨於海孰若塞源毋多開其門之爲便哉且建水閘亦費開海口亦費兩費俱在不免盡不移此兩費高固其堤一舉兩省哉此殆猶特有治病之方而不知無病之尤良也况其方又非可使病即瘳者如之何弗細而思也一得之愚冒陳其說希採而行之

舊業堂集卷之十

吳陵凌儒真卿甫著

甥

袁懋貞居易

孫

凌似祖無念甫言

文

表一首

祭文十四首

啓九首

雜文五首

賀聖誕表

時獻白鹿

伏以聖壽齊天海嶽獻千齡之稀瑞 皇心協帝禎
符應萬歲之昌期玄穹介祉以長生仙御迎祥於再
見懽騰寰宇喜溢臣工恭惟 皇上心涵太乙道合
元神秉一敬以格天推餘恩而愛物洪仁覃被常凝



天地之和景貺靈承屢發山川之秘丹芝毓長年之
奇品嘉禾兆永世之休徵草木通靈見玄修之顯應
羽毛呈瑞信至德之旁敷茲者壽域天開神物應期
而誕降嘉禎玄錫仙姿迎喜以來同陰陽呈合德之
祥作配真如有待牝牡侈迭興之盛紀年渾若同庚
瑞再出而愈奇數相須其不爽舜山誕育分明應運
而生文囿來遊恍忽自天而降正色映瑤光之彩皎
皎霜凝素毫湛碧海之波紛紛玉映雙懸丹角觸邪
邁仁獸之孤標滿綴斑花通天並文犀之勁節儀虞

庭而率舞食周野以和鳴玉篴雙迎時識 天
喜瓊宮並育日承景命之華蓋 聖壽之無彊斯太
平之有象稽之圖牒非卓爾而弗經備之史官則耀
然其並美者也臣等職忝鷓行歡同虎拜識仙源之
育自占年不假於龜齡觀上壽之明徵卜數奚誇乎
鶴算伏願康禧申錫純嘏彌增海潤星輝上瑞雲仍
於義世天長地久億齡日邁乎堯年

祭閔午翁文

惟靈高門蘭玉蒼卞元精傳芳蓮閣脫穎菰城始慶

琳琅凝馨謝庭旋榮鵲起豹谷雲明秋實垂珠春宮
蜚聲槐堂映雪翰苑橫經天下桃李植公兩楹九霄
鴻鵠歸公一評蔚蔚文宗天南斗星德懋懋官 帝
命丕承錫之太常贊襄銓衡冰壺露湛秋江夜清晝
日三接華風四行鳳毛五色龍池繼升尚書畫省後
先同登世職絲綸表表詞臣 天子曰俞老成惟能
邦典汝司王國爲楨建禮仙門鍾山用寧文昌應列
紫宮懸銘爲王喉舌爲世法程巍巍秩宗黍稷惟馨
上禋 聖治幽格玄穹鯨海無波泰階永平敬孚一

德稷息五兵允矣模範昭哉典刑羽儀天朝采采三
旌時方倚重公慮持盈白雲東國黃鳥西陵碧湖詩
社綠野棋秤菊晚池芳桂子秋晴芝田種玉蔗境飛
瓊香山高會僉期百齡胡爲一朝遽焉長征嗚呼哀
哉白楊蕭蕭風木淒淒月暗瑤琴塵空絳帷公返自
然土則興悲某受知門下一經見奇青雲會合玉筍
班齊銜恩未報顧劔遺思永負湘墳敬陳楚辭寂寞
吳西羣虛碧鷄黃鶴清宵江表來歸魂其至止鑒我
誠私

祭瞿太母文

嗚呼太母氣稟清淑德冠羣倫秩秩令儀克宜家室
侃侃慈訓聿啓鳳麟蓋爲婦維婦爲母維母能不愧
虞堂之休風而遠紹孟氏之芳隣者哉赫赫令子如
玉如金揚五文於桂林敷八采於杏林方探聖賢之
腴會天地之春以參贊大造以化育羣生使斯世斯
民見雍熙太和之治而母也亦與有姪太姒並垂令
名云胡悲風慘淡白雲悽清忽見瑤光殞墮寶婺乘
尾箕而上升嗚呼封章赫奕鼎養維新母皆視爲餘
事而何以嬰其情惟道明千古澤被生民庭階蘭桂
先後楊芬庶可以顯積善之徵某與令子在癸卯忝
與年未在癸丑又出門下知太母之賢稔矣茲當來
蘇敬祈瞻拜以望清塵何志未及酬遽聞訃音濯濯
琴冰峨峨虞岑聊奠谿毛用表微忱

祭許封君文

嗚呼禮稱君子強學力行期耄弗怠而行誼足以範
俗貽謀足以裕後則東西過者必問道焉而况有事
於土地者耶某叨與令子年未知先生之德之學稔

矣奉命過蘇方期度婁江登崑山樞趨堂下以挹大
雅之光華沐君子之德馨不意至則先生已乘白雲
游於無何有之鄉而禮教風俗果何所考德國政民
事果何所問某東西行者且俵俵然莫知所適從而
某也能無歎所望哉茲當觀風之暇過先生故廬瞻
遺形若聞聲咳焉睹鳳雛若薰道德焉嗚呼九京莫
作而流風餘韻其感人猶若是則平日所親炙而興
起者又可知矣某何不幸而不得親挹其盛也又何
幸而得游先生之鄉與鳳雛盤旋領餘教也

奠潘孺人文

海樓凌儒妻潘氏孺人以己未十一月十三日病病
十有六日卒卒之明年正月五日海樓適按松江舟
次得郵筒計音遂以病請告匍匐東歸歸之日正母
病疫在危先期戒以勿哭且勿奠既而海樓亦病病
亦瀕危智困神昏不能措一詞爲奠間強執筆卽腸
碎心酸輒已乃八月中秋節命家人具牲帛庶羞以
奠復自叙哀撫棺而哭曰嗚呼自子歸予十有七年
矣中間吾以應試歷官與子間隔獲與聚首者不過

數年方期與子偕老胡然而遽有此耶嗚呼子之治
家勤勞處身儉約賢狀種種姑且不述獨念子生六
月失父伶仃孤苦賴母吳孺人覆育長成歸吾未及
數年母卽臥病子日夜戚戚供藥餌勤禱祝殫心畢
力每欲以身代之及卒哀毀過節寢食時廢若欲與
之俱往者丙辰寇至倉卒葬淺土子恒憫禮有未成
言及墮淚戊午年予奉命過家始獲與子襄事共見
子母成禮而葬子之心稍安計子卒日與子母葬日
方一年耳而子輒有此豈子事母之心旣盡遂一朝

長辭而不予顧耶嗚呼痛哉子嘗語予曰吾兄每上
吾壽數俱云不長言畢嗚咽予素不信命隨慰以術
者言多謬不足聽也豈謂今日遂果爾耶嗚呼痛哉
子去浙之日與子以年爲期以子姑舅兒女諄諄爲
托子謂予曰茲不待言但子去家千里子然一身飲
食寢興誰與爲侶獨是縈吾懷耳在家者自安當無
慮也豈謂千里一身者復得苟延而安處寢堂間者
顧忽摧折也耶嗚呼痛哉予素多病又南北奔走精
力日向衰意者必在子前所賴以承雙白撫諸孤幸

有子在焉耳豈謂子反先吾遂使上下具失所恃耶
嗚呼痛哉予薄宦今且七年卽世俗所謂妻妾之奉
一無有于子以子能諒吾之心成吾之志卽使窮終
身得見子女有成亦幸矣是子與予夙心也豈謂今
日子未見其婚女未見其嫁耶豈謂徒有十七年爲
婦之勤而不能享一朝爲姑之逸耶嗚呼痛哉子卒
予不知何病病不知迎以何醫醫不知飲以何藥天
耶人耶使予疑焉憾焉可悲也予忝行役之臣不能
與子朝夕子不吾憾仕學甘苦獨與子同子不吾憾
今也歿不聞其語殮不執其手子女在側無一言之
囑以遺予子其有憾於予否耶可悲也子卒之日予
按姑蘇一夕神魂恍然卽記子將產爲之動念亦不
虞卒以是爲醫所悞至此可悲也予以子卒卽病病
卽疏告奉旨卽歸將以撫諸兒女慰子之靈且晝卽
日一痛哭也乃奉子姑之禁特時時背爲涕泣含悲
茹苦遂使鬱病大作因循百日不能一寫哀悰數耶
命耶可悲也予官之貪廉知予者惟子助予者亦子
子今往矣知予助予者寡矣予之仕不仕固不可知

獨出而反顧莫爲之主入而獨處莫爲之語將何以爲情耶可悲也前歲今日與子依然在京無恙也去歲今日與子判然兩地固猶可期也今日死生契濶矣子卽憫我尚可親呼之復能至耶可悲也夫吾與子有百歲之期未及期年竟成千歲之別顧瞻服飾噐具宛然如昨僮僕子女宛然如昨姑舅妯娌宛然如昨而音容杳然獨子遼渺可悲也歸窆未卜旌柩在堂觸目感衷所以繫吾之思者方永永也子也有知將亦重自悲傷也耶嗚呼

祭徐母某安人文

嗟呼芳樹含滋霜零自隕行人入市日夕終歸物理人情固有然者復何憾於夫人耶內閣之孫司空之婦中丞之妻都事之母聲華備矣享年八十壺譽蔚然諸子旣賢諸孫滿前祚胤昌矣復何憾於夫人耶獨念榮瘁頓殊幽明憂隔當夫人之存也發穠花於春日追夫人之歿也飛墜葉於寒飈固孝子之所崩摧而仁人之所匍匐者也閭閻寒暄瞬息變態人生如寄昔是今非豈明晦之靡常抑施報之難憑耶嗟

乎其故可知也已越鳥南枝胡馬北風富貴而始富
貴而終其在夫人行將拱木是依玄鶴與飛皎日同
穴怡然夜臺永永無憾矣傷逝波之不返悼覆水之
難收睇宿莽於新阡緬旋流於涸澤家聲復振顧盼
依然某等之於夫人寧無結腸以思肝目以待耶芳
羞載俎清酌盈尊庭無他人我輩同心凡以摠專誠
寫幽思挽流風而敦宿好也惟尊靈鑒之

祭王母文

緬蒼旻之代謝兮標節序於溫涼愴人生之旦暮兮
頓榮瘁其何常遡雲構之真起兮酌燕賀之清觴
酒漿於劬澤兮流瓊液而椒芳周遭深入乎閭闔兮
響鳴珮之鏘鏘北堂敞而南山峙兮將百歲乎星霜
奄婺彩沈以翳障兮歛菱花落而鑑亡攬貞順之芬
淑兮紉玄理而琳琅宜福善以不化兮混一氣之茫
茫陰雲黯而涼颺衝兮寒月墜而霜夜央檢僖頌之
簡存兮覩孟機之空張豈古是而未非兮亦人從而
天難量嗟貽厥之純孝兮每哀至而顛僵綿幹蠱之
新譽兮走風夜以徬徨寒暑忽其不淹兮卜日月而

獲良啓祖載於寢門今行埋玉於西岡之陽鬱佳城
之嵯峨兮照皎日於玄堂匹老鶴以雙棲兮故虎踞
而蒼巖萬劫樹之陰森兮殆地久與天長某等旣識
荆於令子兮復締交乎東牀悼長夜之冥冥兮睠逝
水之湯湯顧車馬以宵征兮結夙好之中腸聊俎豆
之肅將兮洒老淚之浪浪異精靈之髣髴兮捐永懷
而叫蒼

祭顧母文

嗚呼天道虧盈人道死生猶形與影迤邐而行靈將
載祖某等復何技涕而吞聲清風播乎壺範榮名
以鄉評不誣親而列狀將信史以鐫銘傷歌塞巷觀
禮闕城一奠別千言成老鶴唳慈烏鳴重有悲兮奚
訴更何說兮緘情白日上兮照丹旌風颯颯兮雲冥
冥北堂空兮虛織霜月暗兮殘檠新阡起兮龍明稚
栢森兮泉清睠有歸兮神妥傷不返兮魂驚薦椒鳴
咽臨觴淚傾蕪詞告虔幽鑒精英

祭儲母劉老夫人文

嗟嗟夫人復何憾於造化者耶德非衆有齒踰古稀

今爲魯母昔稱萊妻白壁清霜行異歸齊豐不服浣
徒不杖藜鳳子麟孫玉立山躋榮祿從夫以宦遊繁
枝猶子相因依留惠可思遺烈堪題人生至願母備
之矣復何憾於造化者耶顧百年未足孝子之心一
日三公罔極恩深倚門不見風樹蕭森悼闔儀之日
遠悲里巷之無人誠言絕寢門之夢紉衣寒秋夜之
沾酒漿歲乏乎通家機絲月落平空林虞淵不返白
日幽沈儒等姻戚之情不能不悵西風而生憾也仰
懷素澤涕淚徬徨聊具椒醑是獻是將願言嘗之俎

豆之光

祭潘孺人文

生人之壽何常貴有所以不亡孝子之心未量在有
所以爲之顯揚世之目炯炯髮星星龐眉皓首以壽
需者不可勝紀其生其死曾奚有於姓著而名香寸
不爲短尺不爲長珠沈而輝映蘭折而魂芳苟不泯
者既存則不存者何傷嗟夫人之仙逝痛游子之顛
僵上邈瓊源父潘母王擅幽房之婉婉毓高門之鏘
鏘順德嗣孟徽音繼姜旣相夫以龍化復舉子於鳳

翔始扶天以輓歸乘如鐵之剛腸斷機再續編簡破
鏡幾歷星霜衰迹作於濟美開甲第其重光羗有美
之罕儷宜卜算之無彊胡九天之弗吊致四牡之無
將淚洒麻衣四境徬徨心懸丹旆千里淒涼祿乎弗
竟賢哉是歿萎陶侃之萱草凋召伯之甘棠嘻吁蓋
棺事定作善允臧母儀弼成子孝妻道揭立夫綱鷄
羣野鶴驤首昂昂卽丈夫或未完其稟滄土行皎皎
乎與堂堂矧孝人爲貽厥用昌躋雲霄於不極策
勲業之方張將玄堂以夜臺累紫誥而金章又豈惜
乎魯母之弗壽而庸美乎謝母之獨強某等親知居
葭葦之列年誼忝子孫之行想登堂之冠帔憶發甕
之水漿指故山兮白雲繞舍跡南浦兮碧草空塘計
聞惻惻哀至浪浪覩總帷悲縞素仰玄蓋顙青蒼三
爵後期寸心是皇爲奠則薄侑詞迺詳神其有知啜
此一觴

祭母太宜人文

傷哉母氏何一日終堂棄吾三子耶傷哉母氏何一
日卽土永棄吾三子耶念母氏之歸凌門也凡七十

又二年初年當家頗裕盛年遭家中落晚年幸家稍豐其爲歸儀母道與更歷賢勞狀態且萬縷縷往事記憶在心今一事一淚勿論矣獨傷母氏育吾三子一女拮据之苦顧復之恩真與天無極寸草之心欲報春暉卽百有千歲猶未慊也倘進一日三公何換豈意遽止此耶傷哉傷哉豈無窮者在人而有限者天耶豈無窮者在子而有限者母耶母之育吾子在仁儀旣殫厥心而其教儒弟讀書尤苦心費力當弟讀書時功有勤惰考有上下少忤父意母以身庶幾

之不怨不悔恐儒弟無成每終夜憂思與父私語兒輩竊聽皆一悲一喜之言今幸畢志歸田而三子日俱在側乃不獲修德令母少延以承百歲懽卽死且莫贖矣不知吾母復何所憾於三子耶自母棄吾三子踰歲不聞升堂笑語矣而三家則門庭不改三子旣老而康諸孫與曾孫無恙三媳婦與諸孫婦俱盡厥職而孫鳳羽再舉一子妹一姐雖所處稍不足而月米日費供給如常亦平安無他事此皆足瞑母之目慰母之靈者不知吾母復何所憾於三子耶嗚呼

傷哉日月不居山城今利謹卜十二月朔日厝母柩於城東與父合葬茲伸一奠與父共享嗚呼子母至情生死異路慟仙遊之不返傷泉室之恒幽欲代何從五內崩裂在吾三子何以爲生耶嗚呼有殺在案有酒在尊惟母之靈來格來歆

合祭新鄉諭某公文

維靈江淮之秀海嶽之精弱冠授書黌校蜚聲詩禮過庭長夜短檠文擬班揚論準向衡毫芒研析波瀾老成心羞澳忍性尚純誠直哉爲魚剛也非棖卓犖行修巍然法程橫經分席暗者求明太山北斗望江誠屢蹶霜蹄翻愧羣英晚年窺學務去心育提挈孳孳晝與宵并故吾幾化新得將盈僉謂厚積終應一鳴李數屬奇劭論未平挾策薄試賓興于京振鐸新鄉兩河皆驚昭然發蒙呼寐解醒寒粘自娛園無蕪菁義命相安計返柴荆北山結廬西湖濯纓沙鷗與羣斯文爲盟云胡東壁霧黯其晶一疾仙遊倏然長征十里計聞淚至如傾白馬素車慘澹郊迎丹旌在目惻惻心忤天乎人也埋玉懷瓊林風號猿野日

啼猩鳥呼春山爲誰嚶嚶伐木于澣疇與丁丁魂遊
故里悽其含情澤等誼忝戚友分屬師生凭什安依
梁壤奚撐籌咨今昔崩迫如櫻宜豐而膏竟困未亨
日月不淹寒暑陰晴達人鑒之此重彼輕世謂先生
室宇未營廣居潭潭不少數楹世謂先生負郭無坪
庭柱陰森遺經可耕世謂先生一命未更片言垂訓
金石瑤瑤世謂先生壽不逮名名存壽存孰死孰生
咫尺人情而誰與爭百代千秋姑辨枯榮締交漸遠
心期愈貞束芻爲將昭示景行明齊維芬絮酒維清
侑以短詞豈曰且評神也有知歆此犧牲

奠唐龍渠文

吁嗟浮生爰寄自天敷錫有常公胡不然江夏之姿
渥洼之產弱冠蜚聲羣書一覽讀禮學易下帷閉關
隱抉冥搜天人之間二陸齊名風流儒雅作爲文章
荀楊班馬藝包衆有敵稱萬人舉足雲霄凌跨烟塵
璣璠莫售信非珉珉諱俗吞聲仰天長呼驥伸一蹶
玉明三獻猶擬晚成而卒偃蹇壯心炯炯白首一經
多才自娛待薦明廷五雲體絕六代音靡右軍少陵

登壇得髓棲禪尚玄了辯如泉煉形服氣期以永年
據理應壽悟欲宜久歛然委化山頽木朽白壁疇毀
青萍自傷少微有犯奎壁無光賈鵬入室公昔固猜
詎謂踰年謝樹忽摧福善或妄殲良叵測已矣乘黃
凡馬何色青蓮不作瓦缶騰躋伯英失真野鴛繚繞
文不師古滿眼新型惡方競圓謂醉爲醒山水空彈
曾無知者高才陵替天平人也丈夫不泯豈在顯赫
行能如公士林愛惜蓋棺事定輿論歸焉垂迓降心
翻有腴言散帙未終掛劍故早門閤弓裘胡云草草
化者儼然存者徒哀萬語千聲一往不來芳蘭自馨
風清依竇錦堂日上霜白如晝胡麻炊飯五加釀酒
笑語若生空杯落手朋簪未改棣萼愈新冢器團團
次復循循闔門獲所公可無慮獨傷元龍閒寂誰語
一朝終古吊影泉臺素幔丹旌霧隱不開短日飛過
奄屈六七返魂無驗修文有述不啻家食里俗相傳
展茲奠席用作離筵交親幾人椒漿滿甕方笑遽悲
相對如夢返真爲樂桑扈得之泣路哀絃吾黨之私

奠次兒鳳翼文

嗟乎傷心哉人生大不幸在喪子尤大不幸在暮年
喪愛子子薄德而乃遭此每一念之輒不欲生自汝
捨予而去也予坐臥飲食何時不思何事不思一年
之內一日之間所以感事生悲飲恨吞聲者蓋不知
幾千百狀惟予自銜之予自知之茲當幽明死生異
路矣欲多道汝平生與予愛汝惜汝傷汝之意然一
字一淚苦不忍言惟有悲鳴涕泣而已且招汝汝不
來呼汝汝不應哭汝汝不聞復何忍言耶嗟乎汝之
事畢矣予之望孤矣天與汝以才不與汝壽使予抱
無窮之戚於有限之年復何忍言耶予痛汝無成早
亡幾欲自絕獨念汝祖母在堂汝幼女在膝汝母汝
兄汝嫂汝姊在庭汝幼弟汝幼侄尚在襁褓誠恨不
能與汝一旦俱死也復何忍多言耶十是月十一日
葬汝於城東新塋與汝妻儲氏同穴薄奠告汝以期
嗟乎幽明死生永自此隔矣予之思何時可已予之
恨何日可銷耶

奠長兒鳳毛文

嗚呼傷心哉汝何爲遽至是耶吾何爲使汝遽至是

耶前年汝弟鳳翼沒予悲苦萬狀幾欲自絕復爾強
存者藉有汝在也汝今復捨我去矣蒼天蒼天何爲
兩年間遽奪吾兩兒耶人生當垂盡之年壯子俱失
去復何情意苟延於世予當死矣然不即死者以汝
八十七歲祖母在汝四歲孤長孫在汝三歲一歲十
郎十一郎兩小弟在倘予一旦捐棄上事下撫屬之
何人其無所取憐於世又不止今日矣是以割愛忍
痛不爲西河之哭止爲延陵之號杜門絕交游惟努
力餐飯然每一哀至輒心裂肝摧不能自禁其所以

目感中可恨可思者終日間不知凡幾起幾滅
不忍言心暗傷之悠悠蒼天孰知予之心也嗚呼汝
之事已矣苟天不絕吾他年三襁褓皆長大或成立
則予之事與汝之事又未可知獨恨昔見汝之生今
見汝之死汝創立有志未獲有終即今門徑滿條骨
肉疏遠一家事紛有萬端皆看吾白頭老子每日中
一薪一米一瓦一石一絲一縷吾意念不及皆墮敗
無成勞極則感愈深悲愈切吾誠不意暮年遭此大
不幸如此嗚呼予之命苦更復何言汝沒已經年汝

葬已後期茲卜馮店新地在州之東築土開山豎石
建坊予立爲祖是月十九日葬汝昭位百歲之後予
居其中固宛然父子同堂也嗚呼以父子之情死生
之別若叙說平生與可恨可思卽屢千萬言何能殫
竭予誠不忍把筆蔓爲文詞語汝而語汝止此嗚呼
傷心哉傷心哉有殺在俎有酒在尊汝而有知尚其
來歎

送郡伯黃我山入覲帳詞

伏以天祐下民有荆陽春來斥山帝咨羣后無私冰
月照藩方百年隆周禮之規三載奏虞廷之績來王
來享萬國以貞爲龍爲光一人有慶誠明時之盛事
屬東土之賢侯恭惟台臺南服奇才莆陽右族蚤登
科第八閩家學遡淵源嗣守荆襄三輔高風爭頡頏
雪堂發翰林之蘊籍妙覺追太史之游觀方膺五命
之榮輒尚二疏之節從好倦勤乎六事養志徜徉者
七年惟帝念功謂人求舊緣虎符之重縮遵鶴轡以
遙臨海宇蒼生幸來蘇之有望彈丸黑子宜臥治以
無難車轉新轅天地卽看膏兩洽琴調古操虛堂常

對月華清吏以畏而民以懷恩威並著刑日清而訟
日簡遠邇胥安悃幅無華允守陽城之拙循良可紀
載興康化之歌誠吾輩之師資斯民之父母也歲維
黑帝序近黃鍾會滌象之幾何忽輯瑞之攸屆暫去
親民之地爰修述職之儀祖道戒嚴剛辰協吉綢繆
無計黃花隨路逐行旌離合有期白鷺乘風先去節
發淮南之逸駕取薊北之長途周道其旋五馬騁酣
騏驥足長安在望雙鳧飛上鳳凰臺待漏金門覲堯
天之尺五敷言玉陛効嵩山之再三第恐淮陽治禰

不容長獵之遲留河內敷奇難遂雍奴之更借喜懼
萃陽關之餞笑談期都邑之逢聊致短詞用揚行色
詞曰寒令中分見柳欲回青梅將吐白萬里車舟四
方集輳都是觀光上國元來苦海編氓獨寄老成司
牧却不道三載黃州坡翁舊軸 期迫計春來三月
鶯花聖天子明堂執玉宮殿風微旌旗日暖班綴千
官整肅忽聞勅使傳宣異數恩波新沐留內輔左右
調元不須枚十 右調喜遷鶯

送思亭鄭父母老先生入覲帳詞

伏以五馬行春玄澤應車流海嶠雙鳧依日丹精隨
芾曜天門爰述職以登仙遂戒辰而祖餞寅僚悵別
黎庶遮留恭惟台臺南海明珠東藩彩翰青雲發軔
錦標登蘇軾之科翠藻含芳璧水倚文翁之化八閩
聯聲羽遠扇仁風三楚接花封均沾惠露早知名于
北闕輒移檄于西臺鵬服加恩紫綬邁先朝之車劍
虎符出守彤襜分異代之鱗魚騰惟鹵海之墟單布
甘棠之政鼓春陽而宜滯秉霜節以居貞去殺寧失
不經蒲鞭示辱止辟非爲故出肺石平冤約費縮浮

雅素茹羔羊之美輕徭薄賦神明發狐鼠之奸議法
期於變通近民本諸平易治成三善花村月白犬無
聲守慎四知槐院風清蟬有韻且強項深慙流俗而
閒心每憶長林行鹿夾淮陰台相預占於他日產珠
還合浦廉聲曼異平當年循良江北無雙捐介淮南
第一當民物康阜之日正幽明黜陟之期指玉京而
琴鶴自隨清攜兩袖搜瑋材而鸛鷺遠別望壓重班
飛旆馳驅滿路風雲生畫戟鳴環舞蹈一天雨露下
瑤墀課功將上考於平衡賜燕定需恩於異數某等

猥叨佐席幸與賓筵蔓草疎螢點點竊太陽之照廣
潭芳泚汪汪納潢潦之污分屬綴旒感深鉤鑄臨風
把袂小春紅日映江干沸澍旋旌長夏青天回海上
鳳詔寵頒於借寇駟車喜見於迎朱是用綢繆代申
繾綣旣成短引兼致俚詞詞曰長安路風送征輪飛
度金烏覲天遙拜舞矐矐照宮樹 課最九重留住
表上吳民愁苦一道勅還清海霧懽聲千萬戶 右
調謁金門

募緣辭

僕以幽而不可欺者神之靈顯而所當畏者神之靈
州有光孝寺久矣寺有天王殿亦久矣而殿中所塑
則風調雨順四像是也茲地也呼嵩祝聖爲萬年臣
子拜禱之場祈福禳災爲一方民庶瞻依之地趾連
郭北肩接湖西歲久而風雨飄搖僧懶而人民蹂踐
遂至梁摧棟折如燬形銷神散爲泥瓦落宮墻四顧
野蒿迷目穢當門徑一朝淨土成墟餘木尚存頽垣
如故感廢興每動黍離之嘆志光復常懷輪奐之思
願及稔年共成盛舉蓋天下之事無微不信而神明

卷之二
之用有感必通作善作惡殊科降祥降災如響簾得
及時修葺庶幾改舊爲新煥乎巨觀依然古剎殿成
而于霄冲宇諸天喜悅神不怒而人亦安像塑而繪
紛塗其事序和平年屢登而郡自富化民厚俗爲有
助祈天保命永無彊矣如或付托非人致生破冒之
弊精誠不白少存乾沒之私不獨國人非之神明且
棄之矣萬萬所不敢也

與徐存翁老師啓

伏以昌運天開五雲煥台階之彩康禧神錫八荒仰
壽域之新喜溢縉紳懽均中外恭惟恩師文章華國
經濟匡時道逢堯舜之知武接夔龍之盛三壽作朋
於紫禁恒依日月之光孤忠獨立於清朝允並松喬
之茂茲者商飈肅令昴宿儲精降嶽應期陽德開先
於九日蟠桃呈瑞玄功斂實於三秋錦堂接鳳閣之
崢嶸綺席絢龍章之璀璨圖開函谷秘藏發不老之
祥觴進紫霞瓊液映長春之色將昇平之夙閱因耄
耄之駢臻此誠明良有道之徵而社稷無彊之慶也
某也分廁門墻之後恩沾化育之深恭遇弧辰祈逢

菊月一天珠露遙知寵錫湛新恩滿地黃華獨喜清
芬宜晚節顧門生頌禱心希乎籠鶴升趨望阻於登
龍北極時瞻恍忽九霄之遠南山遙祝依稀萬歲之
同情聊寄於短章私實慙乎寸草伏惟榮名久著垂
百官表正之休福履永綏慰四海儀刑之望調鼎日
新乎傳沃呼嵩歲獻以堯年

與羅一山雁惺菴二年丈啓

共客江藩相逢楚節心驚時序之轉道喜陽德之亨
思採艾而未能擬泛蒲其有待顧霜旌斷望而雲樹
含情遙申炊黍之私兼致折梅之意庶幾一醉與道
佳辰

修儒學南坊啓

易制興賢本欲應期而接武忘年任事實慙踰分以
代庖始慮未詳終工不繼且顛風折木殆將毀舊爲
新而柱石當門肯使旣成復敗鼎革有數顧盼無人
勉將田舍之多收再捐十兩用裨黌校之少助另建
一坊蓋誠實獲我心豈曰自貽伊戚第大材須尋之
瓜渚之地而興手務托之宮墻之人願擇具眼二公

敢煩移步一買庶出納清而名實之辨不爽取裁當
而棟梁之用有成

請州守祭魁文啓

泰運天開林啓賓興之典文魁星動不彰神佑之靈
謹設日以告虔將屆期而助順爰儻樽俎僭屈軒車
璧水藻芹沾溉久需乎時雨門墻桃李吹噓猶待乎
春風仰祈一顧之榮用俾三捷之勝庶天人協慶未
戢而士氣先增上下交歡有儀而科名倍出

壽李養翁總漕啓

伏以真才名世覃膺嵩嶽之祥景福介期允協台垣
之望天篤其祐人壽而康門庭深切樞趨紹介遙伸
頌禱恭惟臺下材出豫章孕毓西江之水位居列栢
振揚總憲之風始仕鳴琴經畧悉兩河之疏鑿旣當
簪筆綱常正三事之愆違高名逾顯於一麾訐策倍
彰於歷試寵膺遴選國計司之鄴侯忠竭轉輸心籌
邁乎劉晏萬舸乘流趨極遠看飛鷁渡清淮百城問
俗行春坐見畫熊巡采石疆宇長供不匱鐘山王氣
益增時屆清秋露彩盈盈逢降節令移朱夏霞光燦

燦靄生朝喜溢長筵重稱元老陪都府部趨鏘松栢
之呼外服叅僚次第岡陵之祝某幸叨鎔鑄之末未
伸恭敬之將先達爲依舉足敢忘型範後塵在望捧
心自覺睽攜聊旌蕪牘之勤竊效遐齡之獻伏願上
壽日新佳禎歲長開祥應昂扶漢日於清朝呈瑞騎
眞作商霖於昭代

請張樂衢郡伯啓

材借豫章斥滷仰匡廬之勝秩分太學文明發天目
之祥良翰喜動境中甘澤潤隨車下致先清獄幽繫

甄釋園扉典重恤孤窮獨早回涸轍金錯立稽首
法奸弊允釐青衿謹出入之防士風丕變綱旣舉乎
暮月化何待乎三年恩波輒被丘園德意遂加衰老
枉臨徐孺取以虛聲誤訪孟嘉容其狂態藉荒庭以
設醴賓主交懽佐綵幣以加金情文兼渥愛竹動王
猷之興臨池鬯山簡之懷酷暑去林塘柳色湛成淮
酒綠清風來樹杪榴花倒映建茶紅自停午抵夕陽
言言肯綮由開筵至洗盞事事安詳禮成有終德將
無醉感恩思報深慙瓊玖之將懷敬欲伸聊憑芹藻

之薦謹禱望後一日之吉幸賜案頭半時之間六夾
鹿以行春川原增色假登龍而覩玉几杖生涼敬展
酬酢之私期益東南之美百年麤糲罄腐儒子弟之
情盡口淹留挹嘉客龍光之德銀鞍照地前驅開路
天橋錦旆飛空小隊清塵仁里掃門以俟倒屣相迎
肅此豫伸願言賜允

代齊道尊上許元宰啓

伏以三台位而握天樞斗杓運氣八紘紀而旋地軸
海嶽通靈德業贊泰兩儀神觀具瞻百辟華夷竦重

朝野稱榮恭惟師相箕昴精英乾坤間氣綴珠華於
七曜文章蚤奪元魁潤玉度於五才經綸久著館掖
金函捧詔嶺海仰山斗之光玉鉉疇咨楓陛聳岩廊
之望贊天地理陰陽調元康化安邦家定社稷宰物
承君雖玄功默運而難名惟機務平章之可述三年
奏績忠誠荷大誥褒嘉四世推恩綸綍耀金箋寵渥
揆留青殿工代紫宸王文正秉衡一十八年歲月甫
當其始郭汾陽歷書二十四考勛庸實邁乎前一德
簡在帝心萬類均陶大造某淮臬遠吏門墻下陟望

司馬相公於元台去天尺五想龍圖學士於上柱稽
夢惟三履聽星辰袞瞻日月敢謂曲江江上曾鞭駑
骨於後塵惟願鳳沼沼中微挹餘波於涸鮒引領魏
闕叩首黃扉敬陳燕賀之私悚切烏依之至

請錫翁舒道尊啓

錦製雲裁寵賚高堂之慶金相玉映榮生奕世之光
爰卜花鳥之春欲展壺觴鄙悃門嘶驕馬朱旛接黃
傘以交飛庭儼畫熊斑服望綉衣而怵舞未敢邀十
日之飲庶幾承一夕之懽具期以聞來月維朔

上胥道尊修學啓

伏以道未墜地百年禮樂待人興代不乏才一郡文
章由教變遭逢不偶昌熾有時竊念本州儒學昔當
全盛人文獨冠乎淮揚茲值重修科第遂衰於鄉會
此雖人事未盡抑亦風水有乖姑舉大端取裁玄覽
泮宮之匾首居文廟之西則體統失尊雲程之坊獨
對聖人之前則名義不正龍強最嫌疑主聚奎樓何
爲者乃以近逼乎東而眇小卑微無異鼠囊蝸殼虎
勝切忌昂頭聯壁軒又何爲者乃以近居乎右而歛

斜踞促曾無鳥革翬飛甚者櫺星門外橫置長池既
隔泮水使文脉不通真是面墻將聖訓有恃月池何
地也浴沂亭塞乎中央致令天光不臨而碧藻澆漓
祇爲遊觀之所官舍有址也尊經閣借爲居處致令
講學無所而青編殘缺遂爲閨壺之堂東方空而坑
塹太多理宜填補南關閉而淮水不入利在疏通編
常道義之教寂乎無聞功名富貴之謀紛然滿眼規
模旣不正大光明制度復多瑣屑破碎皆昔日所原
無而今日所增有者必借經綸之手方回氣運之衰

恭遇臺下睂山毓秀錦文遠邁三蘇潭水澄源雲
高翔萬里江清久著鏡照初臨欲諸生禮義自閒嚴
示宮墻吾道準繩歸大匠覺近習苞苴爲患先清城
社憲臺風裁自元奸夙欽楊震之名竊望文翁之化
調不和之寶瑟端在牙聰葺已壞之雲梯定資班巧
屯蒙轉之豐泰鼎革補乎乾坤還舊有之成規財不
過費去新增之陋制工不爲勞真人願而天從委事
半而功倍矧士民之樂助何人牧之爲嫌特借雲霧
之披用禪風雷之奮龍虎不逼斯豁然心目之洞開

金水相生則信乎后先之具美斯文符所七道 起淳
伏乞大廉鎮留神賢士之關亟從諸生之請俯垂青
眼回天地而面面指揮暫駐朱旛察珍商而重重遷
改俾藏修獲吉而典常不悖忠臣孝子輩出於斯將
不塞重開而科目益光省元殿魁彙征乎此彼子弟
之率克謹須父兄之教在先麟鳳龜龍敢謂人人能
瑞世鳥獸草木庶幾歲歲可生春尤望不謂儒等越
樽俎以代庖言多出位亮儒等幸詩書之啓後事頗
關心則永逸得之一勞前輩與後輩並感而更新不

雖仍舊教化與造化同功學校幸甚地方幸甚

蕭簡肅公諡議

古社稷之臣沒其子必請於君曰君之先臣某葬且
有日祈所以易名者若貞惠文子之諡是也載考之
私諡後人表其鄉先生與誅功德者雖無封爵得著
稱謂若薛收之諡王文中宋濂之諡聞人疑熙是也
仁人孝子之心豈相遠哉泰和抑堂蕭先生守吾郡
迎尊甫君直齋公養於官未再朞而沒闔郡縉紳士
民奔走臨哭念淵源之澤既無能贖而令德懿 可不

恐遠泯無傳乃共圖所以謚公者予嘗遊承豐山寺且
齋公素矣公性方嚴端靖風裁峻整六行禋身不激
不隨條然之志清夷恬曠焚香展卷正襟危坐無暴
厲忿嫉之容而俯仰千古傲睨一世中更有毅然者
教家固嚴課抑堂諸君步趨必準繩槩言動必師古
人卽才賢榮進不少假辭色觀抑堂德器政績可知
公矣官舍嚴扃屏絕私交僕無外窺隸庭立雖郡士
夫不得覩顏面間延見一二醫士道疾病飲啖外無
他語梧幹修髯手恭容肅見者悚息蓋篤於天稟修

之不倦而官箴內範加意尤切也夫天地有正氣
絪縕回薄鍾之於人必有博厚純正剛介嚴毅之士以
齊家導俗惇薄還淳爲邦家之華者不細也如公者
稽之謚法一德不懈非簡而何威以攝下剛德克就
非肅而何謹用私謚曰簡肅亦跡公所固有而謚其
似者耳諛佞云乎哉議不敢專詢謀吾黨及博士弟
子員合詞曰然爰題於旌用質諸公之鄉人併徵之
於百世

災傷呈

呈爲拯溺廣恩急拯重災地方事切以本州田無
土地屬釜形西北與高寶連疆東北則興化接壤四
無出路宛在中央每遇天雨淋漓千里良苗俱潦數
被漕隄崩卸一時平地皆湖久矣爲魚何論高低遠
近居然是穿不分南北東西誠天地之不仁信拯援
之無策况本州額糧獨重六萬有奇而各需歲派復
多三萬而上論起運併有三方之數訴凋敝首居十
邑之窮是宜施仁爲先胡乃議折不及日月不照仰
天太息者幾千萬家雨露偏施向隅垂泣者百六十
里懼鞭敲之不免傷俯仰之無資我有田疇耕之不
稼不穡適彼樂土棄之無室無家蒿目拊心剝膚刺
骨若陳苦狀難以名言伏乞仁臺大展經綸弘敷康
濟先修堤後議折深懷根本之圖旣拯弊復補偏暫
作權宜之計視環疆皆吾赤子大道爲公謂尺地宜
沐皇恩博施不匱東隅雖失桑榆可收庶七井遺黎
不至飄零去國百年善政坐看鍾鼎銘勲國計幸甚
民生幸甚爲此具呈須至呈者